

AN QUÆSTIONE

PER

TORMENTA

CRIMINUM VERITAS

ELUCESCAT,

DISSERTATIO MORALIS

ET JURIDICA,

*Quâ ordo & series instrumenti capitalis judicii, præsertim in causis sortilegii seridè discutitur, & ad sanio-rem divinarum legum & juris antiqui usum revocatur.*

OPUS OMNIBUS, TUM

*supremis, tum mediis, nec non inferioris subselli-  
Judicibus, Patronis etiam & Jureconsultis quibuscum-  
que apprimè necessarium.*

AUCTORE

AUGUSTINO NICOLAO,

Jureconsulto Bisuntino, à Consiliis Regis  
Christianissimi, nec non in supremo Sequano-  
rum Senatu ordinario supplicum Libel-  
lorum Magistro.

ARGENTORATI

Sumptibus JOH. FRIDERICI SPOOR, Bibliop.

---

ANNO M DC XCVII,



PWL  
N 2/17  
132

6075

B18

A623894

M45

# TORTVRÆ DISCVSSIO.

PARS I.

*Prefatio.*

**J**Am pridem hæret animus,  
nec quâ se expediat facilis  
mihi patet area. Hinc inson-  
tium reorum aleâ, quibus sub  
iniquo torturæ examine inju-  
sti supplicii periculum immi-  
net, ad subsidium innocentiae  
periclitantis advocor, inde metus ab  
incepto revocat, ne receptis passim  
rerum capitalium quæstionibus vi-  
dear obversari. Certus denique, me-  
lius humanæ sorti consuli, in fonte  
vel unico servato, quàm decem fonti-  
bus supplicio traditis, Romanorum-  
que motus exemplo, qui potiore præ-  
mio vel unius Civis servatorem pro-  
sequuti sunt, quàm civem qui mille  
hostes in bello cœcidisset, nullatenus  
ambigo, me plus de communi homi-  
num sorte meritum iri salute inno-  
centium procuratâ, quàm si inno-  
centium periculo obdormiscens silentio

A

meo

2 TORTVRÆ DISCVSSIO,  
meo injustis reorum suppliciis acquiescam.

Scio equidem plures majore doctrinâ ingenioque viros huic argumento plenius suffecturos; atque idè tenuioris Minervæ mihi conscius, in hoc opere nihil ex propriæ doctrinæ penu proferam, quin ex divinæ legis adytis aut penitioribus humanæ sapientiæ thesauris prudentium calculis sancitum prodierit. Forsitan non nemo, feliciore conatu, argutiore ingenio, re seriùs expensâ nostro huic informi partui manum ultimam non invidebit, molemque indigestam lambendo poliendoque perficiet. Si cui tamen indigna luce videbitur, feriori censuræ eo proniùs acquiescam quò proprii sensus nulla me præsumptio possidet.

Tantum præfatus, aggredior Romanæ jurisprudentiæ scrutinium, quatenus in indaganda criminum veritate quæstionibus utitur, sævitque tormentis in humana corpora undique conquisitis; Non tamen usque adèò grassabor in reorum perniciem, nec doloris immanitate quemquam adigam, ut vitæ pertæsus, honorem salutemque tormentorum cessationi post-

posthabeat. Sanè si, teste Horatio, lib 3 earrm. od. 21.  
 vinum lene tormentum ingenio admovet. Tu lene  
 plerumq; duro, si curas & arcana Lyai mi- tormentū  
 nisterio detegimus; cur non tutius & de- ingenio  
 fecatiùs ratiocinio humani præjudicii admoves  
 vacuo, ac divinæ legis effatis infor- Plerumq;  
 mato veritas illucescat, quàm toties duro: Tu  
 humanæ præsumptionis placita sa- sapientium  
 nioribus cœlestis doctrinæ decretis Curas, &  
 obversentur. Prævio igitur natura- arcanum  
 lis sensus lumine ex quo legum o- jocoso  
 mnium origo deducta est, quæro quid consilium  
 sit quæstio circa capitalia? Illiusne regeis Ly-  
 ministerio sincerè crimina detegan- æo.  
 tur, & an Quæsitores expressæ per  
 cruciatus confessioni tutò detur ac-  
 quiescere?

CAP. I.

*Quid sit quæstio in criminalibus,  
 quando & unde orta?*

Q Uæstio in capitalibus nihil l. r. s. Di-  
 aliud est quàm veri per tor- vus Anto-  
 menta indagatio, quâ, dolo- toninus, &  
 ris ministerio, ex ore reorum proprii s. si servi.  
 aut alieni criminis confessionem ex- l. unus. 18.  
 primimus. Romani, qui primùm per s. servo. ff.  
 tormenta quæstionem exercuerunt, de quæst.  
 non nisi in servos cruciatibus usi sunt,



#### 4 TORTURÆ DISCVSSIO,

in quos nimirum jus sibi vitæ & necis arrogabant; sub cautela tamen, ut ne servus in necem Domini licitè torqueretur; sed nec sponte quid in dominum proferentis staretur indicio. Idem juris in matre tutoreque pupilli jure Romano receptum est, adeò melioribus illis sæculis religioni ductum est in ingenuos tormentis experiri.

*l. 1. c. 2.  
l. insolitum.  
l. pridem  
placuit.  
l. servos.  
14. C. 104.*

Sanè Syllanianis temporibus, lapsâ sub Cæsarum tyrannidem Romanâ libertate, de majestate per tormenta quæri cœptum est, tantusque sensim quæstionis abusus irrepsit, ut in eâ propagandâ Romani Jurisconsulti solâ tyrannorum suorum libidine pro ratione usi sint. Juvat igitur in ipsam quæstionem inquirere, quâ scilicet certitudinis specie nixi, priores posterique torturæ assertores, extortam per tormenta criminum occultorum confessionem pro veritate reputarint, ut excussis hinc inde legum jurisperitorumque fundamentis, si liquidò nobis constiterit torturæ usum nec ratione nec auctoritate nec experientiâ certam veritatis speciem exhibere, perspicuè nobis indubiam innocentium reorum perniciem in fallaci

laci quæstionis experimento liceat arguere.

Scio nec inficior Tullium sugges-  
sisse quondam filio Ciceroni ut ad  
confirmandam quæstionis efficaciam,  
Rhodiorum, Atheniensiumq; exem-  
plis uteretur, apud quos cives sole-  
rent ingenuiq; torqueri; sed quum sit  
in jure passim receptum, non exemplis  
sed legibus solidâque ratione verita-  
tem fulciri, pace Tullii liceat ab argu-  
tiis forensibus, ad saniora divini juris  
effata provocare; Dicam tamen inte-  
rim quod sentio, parùm integrâ fide  
Tullium in tradendis filio præceptis  
illis oratoriis de quæstione sensisse,  
quum pro partis suæ commodo ean-  
dem tormentis fidem modo astruat,  
modò destruat, omniaque ad causæ  
cui suffragatur compendium, cavillo-  
sè potius, quàm ex sincera ratione  
meriatur.

*In partit.  
orator.  
num. 118.*

Atqui, ut legitimis rationum mo-  
mentis nitatur auctoritas, non in an-  
cipitibus argutiolis, quæque utrim-  
que ad patroni libitum librari possint,  
utendum est; planè ut deploratæ le-  
nitatis sit in re tam seriâ principes  
torturæ sectatores homini plus elo-  
quentiæ quàm juris studioso potius

## 6 TORTURÆ DISCVSSIO,

quàm veritati tribuisse, idque præsertim quum in utramque sententiam Tullii testimonia suppetant.

Dispiciamus igitur cui potius Tullii sententiæ inhærendum. Si ad jus Romanum attendimus, primo testimonio variantis standum est, eò fortius, quò prius solidâ ratione fulcitur. Alterum quod refellimus, nititur exemplo Romanorum, Atheniensium & Rhodiorum. Illi de servis duntaxat per tormenta quærebant, hi in ingenuos quæstionibus usi sunt, non sine Tullii severiore censurâ, cui acerbissimum visum est, in libera capita tormentis uti. Secundo dicto, Tullius, prioris immemor, in doloris efficacia veritatem confessionis nititur asserere. In primo, justius audit rerum magistrâ experientiam, illique æquo adeò calculo suffragatur, ut posterioris sui testimonii fidem prorsus enervet ac destruat. Sape etiam (inquit ille) *quæstioni resistendum est, quod & dolorem fugientes multi, in tormentis eimentiri persape sunt, mori quæ maluerunt falsum fatendo. quàm verò insciciando dolere. Multi etiam suam vitam neglexerunt, ut eos qui his cariores quàm ipsi essent liberarent. Alij autem aut naturâ corpo-*

*ris,*

*Partis. o-  
rat. n. 118.*

*Ibidem.*

*Partis o-  
rat. n. 50.*



ris, aut consuetudine dolendi, aut metu supplicij, aut mortis, vim tormentorum pertulerunt; Alij ementiti sunt in eos quos oderant. En vallatam ipso experimento sententiam, cujus ad omnes torturæ casus ratio porrigitur; esto nunc prudentis cujusque judicium, cui potius ex ambobus Tullii dictis inhærendum sit.

Progrediamur ad aliud torturæ fundamentum quod Octaviani Cæsaris dicto nititur. *Quæstiones servorum efficacissimas ad inquirendam veritatem* asserit alicubi ex auctoritate Augusti Paulus Jurisconsultus. Hæc verba priscus ille legum collector ex edicto quopiam Octaviani Triumviri forsitan excerpserat; nec mora, legem ex illis suffarcinavit. Hanc Capitalium Quæsitores ex rubricâ de quæstionibus expiscati, inter juris Romani principia retulerunt, hisque fundamentis innixi, quæstionis praxim in capitalibus invexerunt; At, meo quidem judicio, non satis exploratò in Augusti verba judicii aciem intenderunt, ex illis enim nulla torturæ fides elicitur, quum illi duntaxat ad inquirendam, non ad explorandam veritatem vim Octavianus tribuat.

*l. edictum?  
ff. eod.*



## 8 TORTURÆ DISCVSSIO,

*In topic. ad  
Trebati.*

Idem ipse Tullius iisdem fermè verbis alibi de quæstione loquutus est; *nam (inquit ille) verberibus tormentis, igne fatigari quæ dicunt, ea videtur veritas ipsa dicere*; Non tamen inde quæstioni veritas sed solùm veritatis imago tribuitur; equidem Tullio assentior, extortas per tormenta reorum confessiones veras in speciem videri, sed longè sæpius à vero discrepat, quod veri præ se fert imaginem, sed & mox evincam perspicuè Tullium Rethoris argutiis hac in parte usum, moreque Academicorum, cui sectæ se addixerat, verisimile potiùs quàm verum in instruendo filio prosequutum.

Equidem legum humanarum auctoritati, quantum quivis aliis, tribuo; non tamen usque adeò mentis acie destituor, ut ad solum illarum intuitum cum naturalis sensus, tum divini juris apud me pereat auctoritas;

*l. fin. C. de  
probat.  
l. absentem.  
ff. de poen.  
l. qui sententiam. C.  
eod  
c. cum à nobis. in princ.*

Cui, ut quantum par est tribuam, sic ratiocinor; non esse locum damnando reo, quamdiu de crimine de quo agitur absolute non liquet; atqui perspicuum est reum solis præsumptionibus testive unico obnoxium, convictum dici non posse; Huic sententiæ suffragantur humana divinaque jura, quip-

quippe quæ singularem testem à judi-  
ciis repellant, vocemque unius tan-  
quam nullius reputent, quantavis di-  
gnitate refulgeat; cùmque nihil aliud  
sit tortura quàm probationis imper-  
fectæ supplementum, sequitur reum  
hujusmodi nec ad torturam, (quæ pœ-  
na atrocissima est, & tanquam pœna  
supponit crimen probatum, quum  
pœnam capitale exuperet; ) nec ad  
mortem crimini de quo agitur debi-  
tam, quum nondum adeò convictus  
sit, ut de supplicio statui possit, justè  
damnari posse. Atqui si ad plenam  
convictionem extorquendam, tor-  
mentis quorum passim in capitalibus  
usus invaluit, fides adhibeatur, sanè  
quæ vi doloris exprimitur nec spon-  
te prodit confessio, nec confessio dici  
debet, nec legitimum probationis  
supplementum, quum ex præscripto  
legum, confessio quæ *per necessitatem*  
*contrariæ*, id est, *spontanea voluntati im-*  
*positam* vi doloris exprimitur; non  
confessio sed vox doloris mendacii  
suspectissima dici debeat; præsertim  
in capitalibus, quorum probatio luce  
meridiana clarior esse debet.

*c. licet. in  
primo. extr.  
de testib.  
l. jurisju-  
randi. C. de  
testib. l. ma-  
ritus. C. de  
quest.  
Deut. 19, 15.  
Matt. 18, 26  
Joann. 8, 17.*

*l. i. ff. quod  
met. caus.*

Patet igitur quamdiù de crimine  
ambigi possit, tamdiù condemnatio-

# 10 TORTURÆ DISCVSSIO,

ni rei non esse locum; Atqui nihil quotidiano experimento compertius confessionem vi doloris extortam plenam fidem non exhibere; etenim si Divo Severo visum est *confessiones reorum pro exploratis facinoribus haberi non oportere*, ne quidem spontaneas, quantò minor fides confessioni non spontaneæ, sed tormentorum rabie à contrariâ voluntate extortæ adhibenda est: unde sequitur ex voce vi doloris à reo violenter expressa supplementum probationis induci non posse, atque adeò Judicem qui talibus innitatur, contra divinæ humanæque legis præscripta, reum non plenè convictum unius duntaxat testimonio mortì addicere. quæ si à thesi, cui hætenus institimus, deducantur ad hypothèsim criminis fortilegii, cæterorumque quæ excepta seu privilegiata à Capitalium Quæstoribus audiunt, in quibus criminis ejusdem socii ac promiscua reprobatorum coluvies in testes admittuntur, quæro quî testis nomen mereatur homuncio seu muliercula jure & facto infames, quique non aliam rei notitiam plerumque præ se ferunt, quàm ex phasmate per somnum, vel interdium Ca-

codæ-

*l. 1. §. Divus Severus ff. de quest. d. l. 1. §. si quis ultro.*



codæmonis operâ sensibus illudentis de nocturnis illis Orgiis concepto, quum in confesso sit, iis etiam qui diabolicis illis cœtibus plus tribuunt, fortilegos his plerumque congressibus non interesse, solâ phantasiâ præstigioso ludibrio vitiatâ? nonne Judex ad innocentis damnationem nullâ suffragante probatione præcipitabitur?

*Jac. Spranger. & Henric. Institor in Mall. malef. p. 2. q. 1. c. 2. Binsfeld. de conf. malef. memb. 1. in fin. concl. 13. Bart. Spin. q. de strygib. passim.*

Non est animus in receptos passim ad capitalia processus invehî, sed quum crimina quæ per actus sensibiles admittuntur, & in quibus corpus, ut ajunt, *delicti* probationi subjacet, utpote sensibus obnoxium, minùs Judicibus imponant, quàm quæ Dæmonum præstigiis falsis rerum imaginibus aut sopitis aut supinè vigilantibus illudunt, facile adducor ut arbitrer, quæstiones de his criminibus quæ sub sensus cadunt à sortilegii judicio discriminandas, ut qui non ignorem, in plerisque Romanæ ditioris Provinciis, tormentis in abstrusos illos actus inquiri, ex quibus apud Judices sortilegi audiunt quibus illorum confessio per quæstiones exprimitur.

Et in priori quidem quæstionum specie



specie pronum est ex legum Romanarum dissidio plenius arguere, solum torturæ metum ab imbecillis mendacem confessionem extorquere, idemque dolendi consuetudinem corporis habitum, vim roburque animi, metum ignominiosæ mortis in robustioribus operari; Verum in confessionibus reorum fortilegii quatenus fortilegium, quum sortes, pacta cum Dæmone conventa, præstigiola stygmata, nocturnæ transvectiones ad Diabolica comitia, quæque in iis visa creduntur, locumque complicum accusationibus præbent, plerumque Dæmonum ludibriis subiaceat, infirmæque reorum menti sint obnoxia, non imprudenter asseritur supervacaneum videri de iis violenter inquiri, quæ etsi sponte confessa, Judici dubium duntaxat fidem facerent.

*d. l. 1. §. ff. quis ultro. ff. de quest.*

## CAP. II.

*Ex ipsismet Roman. legum conditoribus & interpretibus torturæ falsitas asseritur.*

**S**ANè in inquirendis criminibus quæ sensibus subjacent, satis constat periculo non carere confessionem tormentis

tormentis elicita; unde quum no-  
 bis legum Romanarum contagio hæc  
 quæstionis labes inseverit, placet ea-  
 rum auctoritatem ex auctorum dissi-  
 dio, legumque ipsarum discrepantiâ  
 convellere. Et Paulus quidem Ju- *d. l. editum*  
 reconsultus, post Octavianum Augu- *ff. eod.*  
 stum, *quæstiones*, inquit, *servorum effica-*  
*cissimas ad inquirendam veritatem.* Ex  
 opposito Ulpianus ex ejusdem Augu- *l. 1. ff. eod.*  
 sti testimonio, *non esse à tormentis inci-* *S. quæstio-*  
*piendum prædicat neq; adeò fidem qua-* *ni.*  
*stioni adbibendam, quum res sit fragilis &*  
*periculosa, quæq; veritatem fallat; quum*  
*pleriq; tantâ sint duritiâ, ut tormenta con-*  
*temnent, adeò ut exprimi ab eis veritas nul-*  
*lo modo possit.* Quæro igitur à te, Au-  
 guste, quonam abiit quæstionis effi-  
 cacia, quam mox ad eruendam veri-  
 tatem tormentis dolorique tribuebas?  
 Ubinam legum invicem pugnan-  
 tium, Doctorumque dissidentium  
 concordia, sensusque ad fidem exhi-  
 bendam unanimis? Hinc Paulus, *qua-*  
*stiones asserit, ad eruendam à servis verita-*  
*tem efficacissimas:* Ulpianus inde, ex  
 ipsorum Cæsarum effatis, quæstio-  
 nem, *rem fragilem, periculosam, quæq; ve-*  
*ritatem fallat* apertè pronunciat; quid  
 si quis objiciat solos dolori assuetos  
 fortio-

#### 14 TORTURÆ DISCVSTIO,

*d. l. 1. §. eod. ff. eod.* fortiorisque temperaturæ dolori non succumbere, regerit illicet Ulpianus, alias tantâ esse impatientiâ, ut in quovis mentiri, quàm pati tormenta malint.

Quænam, amabo, veritatis species in ambabus istis reorum temperaturis? Alii nil dolore moventur: Alii plus fatentur quàm admiserint. Hi mortem reformidant, tanquam malum pejus dolore quem patiuntur. Isti dolori cedunt, maluntque confestim mori, quàm diutiùs tacendo dolere; ita fit, teste Ulpiano, ut etiam vario modo fateantur, ut non tantùm se, verùm etiam alios criminantur. quid de torturæ mendaci examine clariùs? quid expressius?

*l. famosi. ff. ad l. Jul. majest.* Dices Romanam quidem legem præcisè terminis fateri, *quæstioni non semper esse credendum*; sed tamen instantèr subdere, *nec tamen nunquam*: Atqui optarim scire quibus in casibus huic exceptioni locus sit. Forsitan regeret quispiam: in criminibus exceptis locum esse, in quibus à communi probationum formâ receditur, & potissimùm in majestatis & fortilegii judiciis privilegia hæc observari. Quod ad majestatis humanæ divinæque crimen attinet, forsitan alibi commodiùs



**modiùs dabitur proferre quid sentiam; quod præsentius urget, est, exceptiones illas legi repugnantes diligentius excutere.**

### C A P. III.

*Ordinem antiquum judiciorum &  
divinae legis sancita perperam in judi-  
ciis criminalibus antiquari.*

**F**arinacius inter rerum capitalium  
quæitores si non antesignanus, *De iudic.*  
certè cujusque criminum minutia, *& tortur.*  
ad fastidium usque morosus indaga- *qu. 37 n. 79.*  
tor, post conquistas undequaque in *Hipp. Rimi-*  
utramque partem Doctorum senten- *nal. conf. 88.*  
tias, tandem suo doctiorumque cal- *n. 53. vol. 3.*  
culo definit, quòd quantò atrocius est *Flamin.*  
crimen de quo quæritur, tantum ab- *Cartar. in*  
est ut de probandi curâ formisque *sua pract.*  
quicquam remittendum sit, quin imò *interrog.*  
tanto majore indagine utendum, nec *reer. lib. 4.*  
temerè ad subsidiariam torturæ pro- *c. 1. n. 54.*  
bationem deveniendum, nisi urgen- *qui testa-*  
tissima aliunde suppetant indicia qui- *tur de com-*  
bus crimen semiplenè probatum ap- *muni Do-*  
pareat. *ctorum sen-*  
*tentia.*

De iudic.  
& tortur.  
qu. 37 n. 79.  
Hipp. Rimi-  
nal. conf. 88.  
n. 53. Vol. 3.  
Flamin.  
Carrar. in  
sua pract.  
interrog.  
reer. lib. 4.  
c. 1. n. 54.  
qui testa-  
tur de com-  
muni Do-  
ctorum sen-  
tentia.

Haſtenus æquâ moderatione rem  
librat, nec ſe patitur abripi à commu-  
ni ſeveriorum licentiâ, quæ praxim  
capitalium in abrupta detorſit, à re-  
cepto



cepto pridem saniorique legum anti-  
 quarum præscripto; sed quum plu-  
 res occurrant in devia prolapsi, con-  
 trariaque sentientes, numero terri-  
 tus, paululum à priore justitiâ defle-  
 ctit; postquam enim doctiorum ju-  
 stiorumque calculis accedens, & ipse  
 suffragio suo firmavit, non esse à com-

*ubi supra.* muni capitalis judicii instruendi for-  
*n. 33 & seq.* mâ præscriptoque pridem ordine di-  
*ubi refert* scedendum, adeò ut ne in crimine qui-  
*in eadem* dem majestatis aut quopiam alio atro-  
*sententia* cissimo Principem Judices à lege sol-  
*& sequi-* vere posse constanter neget; & si con-  
*tur Gram-* trarium jussit, antiquius esse Judici  
*matic. vol.* Magistratu se abdicare, quàm man-  
*32 n. 9. Ju-* dato obsequi; quod si cui parère con-  
*lius Clar.* tingerit, dignum esse in quem severe  
*prax. qu.* lege agatur. Post, inquam, tot in-  
*94. vers.* corrupti judicii præclara specimina,  
*dixi quoq.* paululum loco cedit, parumque sibi  
*& Roland.* constare, videtur. Duabus, inquit,  
*conf. 12. n.* ex causis moti rerum capitalium quæ-  
*47 & seqq.* sitores, à communi lege in criminali  
*Vol. 3. Jo-* processu instruendo recesserunt. Ex  
*doc. prax.* eorum atrocitate prior causa deduci-  
*crim. c. 55.* tur; Altera ex probationum difficul-  
*rubr. de con-* tate. Prior quidem non suffragatur  
*demn. &* præpostero huic ordini; quum eò  
*punit. in re* plenior probatio requiratur, quo de  
*crim. n. 9.*  
*vers. in e-*  
*normibus.*

gra-

graviori crimine agitur, quum inde  
 gravior pœna majorque infamia sub-  
 sequatur. Haftenus juri communi  
 naturalique æquirati quadrat Farina-  
 cii calculus; sed in devia præcipitat  
 dum subjungit, habitâ ratione proba-  
 tionis difficilis, licere tantisper à præ-  
 scriptis jure communi formulis aber-  
 rare. Sanè ratio cui talis novatio in-  
 nititur levioris mihi ponderis reputa-  
 tur; neque enim criminum quantum-  
 vis atrocium probatio difficilior ma-  
 jorem torturæ veritatem conciliat;  
 quantò enim difficilior crimen inve-  
 stigatur, tantò plus periculi aditur fal-  
 laci torturæ experimento.

Ex præscripto divinæ legis Ju- *Exod. 28,*  
 dæi quondam ad summi Sacerdotis *n. 29.*  
 judicium in abstrusioribus remissi  
 sunt, quòd in eo Deus veritatem sci-  
 entia conjunxerat; sed tortura, ne-  
 dum divino jure non inducta est, quin  
 imò ex diametro repugnat præscri-  
 pto divinæ legis ad probanda crimi-  
 na, quum sit vox mendacii quam  
 Deus execratur, cuique ut ne fides ha-  
 beretur expressè prohibuit; per vim  
 enim, tormentorumque rabiem ab  
 invito extorta confessio, de mendacio  
 semper suspecta est, ipsismet etiam  
 auctoribus qui quæstionibus primùm

usi sunt; quum igitur criminis atrocitas pleniorē clarioremque probationem exigat, ejus difficultas eandem prorsus diligentiam exigit, quandoquidem ejus defectus & negligentia iisdem periculis subiacet, majoremque infamiam irrogat, atque adeò Quæsitores & Judices eādē lege tenentur ab antiquo juris præscripto non recedere.

*d. n. 73. & seq.* Frustra igitur voto suo sancit Prosper Farinacius, Judicem cui relligio sit à recepto legum juriumque decreto deviare, solutionem à lege Principis implorato arbitrio petere, quum expressè senserit Judicem rescripto Principis non teneri, si quando à legitimis juris cautionibus ad torturam temerè provolare jubeatur; si enim Princeps contrarium jusserit, in casum consulat qui consultis stare non teneatur, quatenus legum antiquiorum sancitis æquitatque naturali repugnant.

En utrumque fulcrum cui privilegia hæc innituntur planè convulsum, nosque adeò juris communis æquitati restitutos, quā nobis districtè præcipitur, in atrocioribus inquirendis majori utamur diligentia. Certè nemo tam perditæ dementiæ est ut asse-



asserat, minoris interfuturum reorum, tormentis fortius resistere, cum de minori infamia supplicioque agitur, quam si de noxis minoribus ageretur. Nec minore delirio teneretur qui timidos imbecillesque fortiori animo tormentorum quibus passim in capitalibus inquirendis utimur, vim rabiemque laturos assererent, quam mitius torti in levioribus resisterent; itaque, quum reorum periculum, tormentumque fallax & ambigua probatio utrinque paria sint, patet in exceptis criminibus haud veriore probationem eliceri, neglectis juris antiqui cautionibus, quam in levioribus & communibus, retento juris antiqui processu legitimo eliciatur. & hac veritatis efficaciam tandem convictus Farinacius, alique non admodum pauci, fateri coacti sunt, non licere præscriptas antiquo jure processus instruendi formulas, præterquam explorato prorsus crimine, quum jam de supplicio agitur, prætergredi.

Quid si ex ipsismet Augusto, Ulpiano, Farinacio, Julio Claro, Binsfeldio primariisque per Germaniam, hæreticæ, ut ajunt, pravitatis, sortilegiique Quæstoribus; imò ex ipsis le-

*Marfil. in pract. §. diligenter. n. 157. & seqq. Feller prax. crim. verb. quod jussu caruit uxorem n. 57. Carver. eod. tit. §. circa quartum. n. 8. Roland. Conf. 7. n. 42. vol. 1. & conf. 12. n. 72. & seqq. vol. 10.*

quos, cū  
aliis pluri-  
bus, refert  
& sequitur  
idem Fari-  
naciū qu.  
37. n. 90.

gibus quibus torturæ usus innititur  
sententiam nostram probaverimus,  
ecquid, amabo, dubii supererit? Hoc  
idem paulò superiùs ipsius Ciceronis  
veriore testimonio convicimus, nec  
levioribus argumentis inferiùs nite-  
mur asserere.

## CAP. IV.

*Ex atrocitate torture Confessionum  
vi extortarum incerta fides arguitur.*

**J**Am verò illud in primis expendamus, quotusquisque inter natos homines ex Ulpiani confessio in tormentis mendacio non subjaceat. Ac jure quidem arbitror humanum genus universum in duas illas reorum species posse dividi, quas mendacii suspectas in tormentis lex ipsa Romana profitetur. Sed amabo quot in utroque hominum sexu superesse credimus, qui negando dolori assuescant, aut falsum doloris impatientiâ non fateantur: Atqui, si de specie illâ mediâ inter homines bonâ fide conveniri possit, quæ fortiter tacendo vitam suam dolore, quatenus possit, non redimat, aut semel, falsum fatendo, mori non malit, quàm pertinaci silen-  
tio

tio continuæ carnificinæ subjacere,  
 contrariæ sententiæ lubens subscribo.  
 Faceſcat hinc abſque dubio ſexuſ om-  
 nis muliebris, doloris impatientior,  
 temperieque corporis imbecillior;  
 quod ſi quis Leænam mihi quandam *Plin. hiſt.*  
 aut Epicharim objiciat, quæ conſpi- *natur. lib.*  
 rationum, illa in Piſiſtratidas, hæc in *7.*  
 Neronem, conſciæ, nullis ad faten- *Tacit. an-*  
 dum tormentis adigi potuerunt, in *nal. 15.*  
 promptū regeram ſcæminarum par  
 exoticum legem contra communem  
 ſexuſ temperaturam non ſanxiſſe,  
 quum ex adverſo ſuppetant innume-  
 ra muliebris impatientiæ experimen-  
 ta.

Haſtenus majorem humani ge-  
 neris partem doloris impatientiâ  
 mendacii in quæſtione convicimus,  
 ſexum, inquam, muliebrem, ſuper-  
 eſt ut in noſtro virile robur expendamus.  
 Ac de me quidem, ingenuè  
 fateor, quicquid in memet faſſurum  
 potiùs ut promptâ morte viribus hu-  
 manis intolerandam cruciatuum ſe-  
 rieri redimerem; nec dubito quin  
 ingenuus quiſque, ſi Stoicos aut At-  
 letas aliquot excipias, idem de ſe fa-  
 teatur. Nempe, ut à reo, de cujus  
 flagitio etiamnum quæritur, Confeſ-



sionem unicæ morti obnoxiam exprimamus, hunc omni cruciatuum lanienâ per mille mortes exanimamus; quin potius pro comperto credimus, reum quantumvis innocentem, mortem unicam potius electurum, quàm per inexhaustam tormentorum seriem centies exanimari?

Quis nescit Judicum nonnullorum ferinam sævitiem, tam dirè suppliciis inhiantium, ut priscorum tormentis non contenti, atrocissimis ex ipsâ tyrannide quæsitis pœnis ad quamlibet reorum confessionem graf-

*Jul. Clar.* sentur. In hujus notæ Judices Binsfeldius ipse, etsi quæstionis assertor  
*à Binsfeldio citatur,* acerrimus, acriùs invehitur. Doctores  
*& post illum Franc.* (inquit) Judices novos & inusitados tor-  
*Pogna 3.* quendi modos inventientes aut inventis uten-  
*part. Direct. com* tes, carnificibus comparant; & sanè in hoc  
*ment 29. &* maleficij crimine durum & inhumanum &  
*alijs passim* ab omni humanitate alienum est, quod  
*Binsfeld.* quandoq, Judices non meminerint se agere  
*Comment.* cum hominibus, quando diros & omni ty-  
*in tit C. de* rannide & crudelitate plenos torquendi  
*malef. cõcl.* modos adhibent, ut candelas ardentes car-  
*6. q. 1.* nibus apponentes, aut oleum calidum infun-  
*cõcl s. ad* dentes &c. & paulò superiùs; Ita, (in-  
*leg. et si ex* quit idem Binsfeldius) ut rei sape vi-  
*cepta. C. de* tam aut amittant, aut tam miseram ser-  
*qu. qu. 1.* vent,



vent, ut magis mori quàm vivere saniore iudicio exoptandum foret, quum ita tormentis aut membra dilacerentur, aut certè debilitentur, ut in perpetuum inutiles sint homines laboribus, & nunquam, quamdiu vita agitur, tormenta desinant.

Post tamen tot compertos quæstionis abusus, parùm adeò sibi constat Binsfeldius, ut etiam calculo suo Marsilii inventum approbet, qui tormenti genus ad confessionem erudendam invenerat, quo (ut ait Binsfeldius) corpus non læditur. Reus (inquit ex tortore Marsilio) ponitur super *ibidem.* scamno ad sedendum, & ibi adsunt duo qui eum custodiant, ut non dormiat de die nec de nocte, & quum ipse reus inclinat caput in unam aut alteram partem propter somnum, famulus qui est ab illa parte dat cum manu sibi in capite, & excitat eum ut elevet caput. Idem facit alter famulus quando caput inclinat versus suam partem; & quando illi duo sunt defessi, & volunt dormire, alij duo novi subrogantur in locum illorum, & non permittunt unquam dormire & quiescere, donec omnia consiteatur, promissâ sibi quiete, & in duabus noctibus & uno die hoc modo defatigabitur & consitebitur. Fatetur Marsilius sæpe se usum hoc tormento contra obstinatos, & ait; verè nemo tam

24 TORTURÆ DISCVSSIO,

*ferox invenitur qui huic tormento possit resistere.*

*Marfil. in  
l. i. ff. de qu.  
n. 76. rela-  
tus à Fari-  
nacio qu.  
38. n. 70.*

*lib. 4 cap. 1.  
Damonio.  
man.*

Apage hominis sacris initiati ve-  
cordiam! quis ferat tantam in sacer-  
dote theologo humani sanguinis si-  
tim? O suavem admodum perden-  
dorum innocentium viam! Adeò per-  
tinaciter insecvit hominum ingeniis  
diabolica quævis sæviendi feritas  
præpostero fucata zelo justitiæ!  
Siccine sacrorum etiam Misse admi-  
nistro, sub verbis illis saginam pin-  
guiore redolentibus auctore Marfil-  
lio impune nobis obtruditur, sub spe-  
cie tormenti ridiculi, puta levis & inno-  
xii, crudelissimum omnium suppli-  
cium, quo usu Romani Pœnique sunt,  
illi ut Persen Macedonum Regem  
captivum extinguerent, hi ut ab Asi-  
lio Regulo pœnas falsæ legationis  
exigerent quas potuere gravissimas;  
& quod potissimum in istis mireris &  
doleas, qui spretâ ratione totum au-  
toritati tribuunt, ipse etiam Bodinus  
quâ ingenii feritate est, barbarum  
prorsus ac inhumanum Turcarum  
supplicium nobis obtrudere non veri-  
tus est, quo fixis unguis inter & digi-  
tos subulis veritas inquiritur. Quin  
imò Florentinam seu Tuscam, ut  
vulgò

vulgò ajunt, vigiliam prædictis tormentis additam; tormenti genus optimum ad expugnandum quodvis reorum silentium asserere non erubescit.

Equidem fateor per hæc tormenta nullum reorum membrum de fracturâ periclitari; sed longè gravioribus pœnis subjiciuntur, dum quadraginta horarum spatio cruciatibus morte gravioribus subjacent, tamdiu enim somni quietisque, sine quâ corporis humani compages sine dubio labascit & solvitur, infesto tortore lancinantur, donec vitæ tædio, ac necessitate quiescendi, ad quævis falsa proferenda crudelissimè adigantur. Ecquid evidentiùs isthuc tormentum cæteris immanius arguit, quàm quod nemo ex illo inconfessus abibat? Et apprimè quidem sibi plaudit in illo Marsilius, quod indefinentem materiem ejus crudeli carnificinæ sufficeret; sed nescit Binsfeldius Italos præ cæteris mortalibus ad quæstionis usum proniores, quippe quorum inventum sit criminum occultorum per tormenta indagatio. *Marsilius* (inquit ille) *quosq; robustissimos ad fatendum compulit*; sed nescit homo nimium severitati indulgens, quod tardius



aliquando in plurium Quæditorum perniciem revelabitur, quot innocentes maleferiatus tortor pro nocentibus immani crudelitate trucidaverit.

Nec minùs ingenuè fatetur Prosper Farinacius Tuscum torquendi genus quoscumque reos ad mortem adigere sub hoc immani ludentis in hominum perniciem disterio: *Ex centum martyribus, ne vix duo evadent, quin in Confessores abeant.* Quis non stupeat ingeniorum diritatem potiùs an cœcitatem? nempe quibus immane ac planè diabolicum torquendi genus eò ipso probetur & arrideat, quò potissimùm ejus usus, non explodendus modò, sed planè execrandus extirpandusque fuit, Binsfeldio in primis conscio testanteque, quorundam reorum inexpugnabilem esse per quævis tormenta silendi constantiam, neque adeò reum de crimine convictum esse, qui per tormenta ad confitendum adactus est; nec minus in quosdam alios operari solum torturæ metum, adeò ut ad redimendum immanem cruciatum falsa in semet ipsos profiteantur. Quam igitur torturæ veritatem Romani tribuerint ex promiscuâ falsum confi-



confitentium reorum multitudine  
quolibet defæcatoris ingenii lector  
facile depræhendet.

Sed quò apertius inferas, tortu-  
ram genus esse supplicii à Diabolo in  
hominum perniciem invectum, illud  
potissimum notandum est, in tantâ  
capitalium Quæsitorem Scriptorum-  
que frequentia, vix unum aut alte-  
rum reperiri, qui Judices torturæ ni-  
mios dictariis probrisque non pro-  
scindat. Brunus & Baldus talio-  
nis pœnam in eos statuunt, qui reos in  
tormentis mutilant aut extinguunt.  
Nec mitius in eos invehuntur Fari-  
nacios, Clarus, cæterique rerum ca-  
pitalium Jurisperiti, adeò ut pror-  
sus nemini non pateat torturæ non  
modò mendax injustumque testimo-  
nium, sed pœnè comperta ac explora-  
ta tam crudelis lanienæ injustitia; &  
quamvis nemo consorti Doctore par-  
cat, dum theoricè & in præceptis lo-  
quitur; nemo tamen sibi temperat in  
praxi. Cujus quidem tam deplora-  
tæ cœcitatæ una ratio mihi videtur,  
quod in solâ casuum possibilium spe-  
culatione, Scriptorum ingenium pa-  
catè sedatoq; animo rem complecti-  
tur; at simul reus oculis obversatur,  
tùm

tùm demùm Quæsitore certamen oritur, contenditque hostili animo, ut tacentem reum ad omnimodam confessionem adigat. Tunc demùm excedit animo Quæsitore pacata illa temperies, tùm demùm minis & tormentorum truci apparatu ad vim silentio inferendam pertinaciter accingitur, probroque sibi ducit ac dedecori, si sibi reum impunem aut inconfessum elabi patiatur. Hinc contentius studium ut silentium expugnet & ad eloquium compellat. Hinc verborum rixæ & jurgia; Hinc contumacis, impœnitentis, subdoli, Magi, veneficique produnt impropria. Sanè Quæsitore hos inter turbines æquam animi temperiem non retinet, neque ampliùs prudenti illius arbitrio locus omninò relinquitur, ad quod Theorici quibus aqua, ut ajunt, semel hæserit, Quæsitorem solent remittere.

*Hist. lib. 1.* De his abusibus idem mihi planè præfari liceat, quod quondam Cornelio Tacito de Mathematicis, *quorum genus hominum, inquit, semper in urbe retinebitur & vetabitur.* De torturæ abusu, iniquisque quotidie ab ea promanantibus judiciis, semper inter  
Do-

Doctores conveniet, inter Judices in praxi nunquam, nisi summo Principum imperio torturæ sævities & iniquitas aboleatur.

Vidimus immanem Marsiliani tormenti carnificinam, patensque ex ejus usu cuilibet innoxio præcipientium. Jampridem Cardinalis Zabarella, innumerique tùm sacri tùm profani scriptores, non hujus modò tyrannidis, sed & simplicis & præscæ per pensilis trochleæ tormentum quæstionis usum detestati sunt; sed tantùm abest ut ab immanitate torturæ discedatur, quin, teste ipso Farinacio, nova quotidie ab Italicis ingeniis Diabolicæ diritatis tormenta prodeant, adeò *Florentina* (ut indignant Itali) *vigilia* crudeliora ut nulli prorsus hominum, quantumvis Athletico, cujusvis falsi criminis confessionem non exprimant. *Est nempe* (inquit ipse Farinacius) *tormentum insupportabile, tum ratione temporis, tùm ratione immensi cruciatus & doloris.* d. qu. 38.  
n. 71.

Si cui lubet igitur ex Farinacio tormenti planè diabolici diros apparatus audire; fatebitur procul dubio quisque cordatus nihil ex infernis terribius nihil atrocius in hominum perniciem



niciem prodire potuisse. Equidem si ad primos torturæ introductores animum adverteris, dices ex Averni malis geniiis tyrannorum ministerio prodiisse ad innocentum excidium. Sanè si Syllæ Octavianoque Dictatoribus excidisset, quâ tempestate in quosvis sibi suspectos certum molirentur exitium, quâ arte, quo consilio in ingenuos equuleo, ungulis latera fulcantibus, flammâ denique ferroque tam immaniter sævirent, quis adeò Romæ mente perditus, ut tyrannorum libertatis studiosis infestorum rabiem non execraretur? Quotusquisque inveniretur, qui verbis istis tyrannorum consilium prodentibus applauderet. *Tortura vis est efficacissima ad opprimendos quoslibet ex tyrannidis mea commodo libuerit, ac specie confessi per tormenta criminis, in eorum bona confiscatione ut vulgò ajunt, seu majoris publicatione grassandi?* Ipse hominum osor, homicida ab initio, cujus inventum tortura est, quique jam tunc per quæstionis cruciatus innocentibus Christianoque nomini excidium moliebatur, sub larvatâ justitiæ bonique publici specie teterrimam proborum perniciem invexit, animisque tyrannorum



nosum fucandæ crudelitatis & avaritiæ artem, subdolus fraudum artifex, inspiravit. Hinc ad Tiberios Neronēque deducta sævities, serviles illos infamium sæculorum Jurisconsultos sortita, in genus omne Romanum, specie majestatis asserendæ, velut in vilem mancipiorum colluviem quæstionis tormenta propagavit. Sic nempe visum est abjectissimæ hominum sorti, tyrannorum sibi gratiam optimè iri promeritum, si salutem frugi hominum, eoque nomine tyrannis invisorum, doloris intolerandi ministerio communi cùm sceleris discrimini subjicerent.

Sed impune non stetit *hominibus*, *Tacit. in Tiber.*  
 (ut cum ipso Tiberio loquar) *ad servitutem natis*, innocentium periculo tyrannorum gratiæ litavisse; non sic æterno justoque noxarum vindici visum abire sordidissimum hominum genus; quin imò, ut plerumque assollet, Romanorum operâ firmatam tyrannidem in Romanorum supplicium diutissimè sustinuit. Hinc Epicureo *lib. i. histor. 6. r.*  
 illi Tacito de diis suis querelæ impiaque diçteria, quasi non satis curæ foret superis projecta Romanorum servientium incolumitas, satis superque foret

foret peccantium ultio, Tot tantæque scripturientium Italorum catervæ, qui barbaris adhuc sæculis aut vix à barbarie convalescentibus, in reperta Pisis Romani juris volumina commentandi studio irruerunt, necdum solide eruditi, quicquid leges illæ in lucem reduxerant pro veritate reputarunt; quin imò Romani nominis præsumpto studio, divinæ legis auctoritati praxes methodosque tyrannicos prætulerunt, non animadverso, quàm corrupto ex fonte manaverint quæ sub senescente Republicâ, Cæsarumque priorum tyrannide in judicia irreperant. Propagato deinde ad cisalpinos insanabili scripturiendi pruritu, quicumque principum vestigiis institerunt, iisdem ferè verbis nobis usque ad nauseam eadem obtruderunt; &, quasi delusorum numerus pro veritate reputetur, quicquid injusti leges illæ patriæ protulerant, in dominantium gratiam, calculo suo comprobarunt. Quasi verò Regum nostrorum, adeò à tyrannorum sorte & injustitiâ abhorrentium, saluti non aliter consulatur, nisi in atrocioribus & abstrusæ probationis flagitiis à jure communi recedatur.

cedatur. Hinc illæ crassiore Miner-  
vâ, aruinamque atque adipem redo-  
lenti stylo sermoneque expressæ sen-  
tentia, *licere in his processibus nullum an-*  
*tiqui juris ordinem servare, criminis ejus-*  
*dem sociorum, jure ac facto infanum vi-*  
*rorum mulierumque testimonia passim ad-*  
*mittere, tortureq, cruciatibus quamlibet*  
*infirmam nutantemq, criminum probatio-*  
*nem fulciri;* sed demùm paucis abhinc  
annis solidioris ingenii scriptoribus  
visum est, nullo quantumvis atroci  
flagitio inquirendo, licere à commu-  
ni juris antiqui methodo recedere,  
huncque legitimæ convictioni limi-  
tem nemini liberum esse prætergredi.  
Ita Farinacius quæstione 37. num. 9.  
Illud enim (inquit) quod pro ratione ad-  
ducunt Doctores contrarij, quod scilicet in  
atrocissimis liceat Judici jura transgredi,  
vel non verum est, nisi consulto Principe, ut  
supra admonui; (sed & nos huic distin-  
ctioni superius occurrimus) vel si aliàs  
verum, procedit quando jam constat de de-  
lictò; secùs quando solum quis imputatur,  
& sic procedit pariter in puniendo, non au-  
tem in torquendo, & procedendo; ubi In-  
nocentium, Marsilium, Follerum,  
Caneram, Rolandum, Brunorum à  
Sole, Hyppolitum, Riminaldum ac

*Menoch. de*  
*arbitr. jud.*  
*qu n. 9. In-*  
*noc. in c. 1.*  
*de constit.*  
*Clar. in*  
*prax in fin.*  
*Mascard de*  
*prob. l. 3.*  
*cöclus. 1385.*  
*n. 13. &*  
*segg.*



# 34 TORTURÆ DISCVSSIO,

Personalem Julio Claro contraria sentienti opponit, suoque calculo ex communi Doctorum sententia aggregat.

Et Binsfeldii quidem iudicio Marfiliana tortura genus est torquendi mitissimum & comodiissimum, quum in illius cruciatibus genus omne reorum perniciem indubiam sortiatur. quid de quæstione illâ Romanâ quam toties nobis inculcat Tullius, quæ flagris, igni ferroque exercebatur? quod si cui lubet Romanæ carnificinæ diros apparatus ex integro scrutari,

*Car. Sigon. de antiq. jur. Rom. lib. 3. c. 17. Guid. Pancirol. var. lect. lib. 1. c. 41.*

Carolus Sigonium, Guidonem Panciolum, alios scriptores Italos consulat; sed omissis antiquæ tyrannidis cruciatibus, non mitiores ætas nostra proferet, pensilis, (inquam) trochleæ notam cunctis Italiæ compitis torturam, quâ humani corporis compages, contra Romanæ legis præscriptum, dissolvitur, graviusque reo nondum convicto supplicium irrogatur, quàm si manus utriusque mutilatione puniretur. quam tamen torturam Binsfeldius, perperam, ne dicam insciè, cum fidicularum tormento confudit, dum ejus tormenti usum ex lege Romana probare nititur; *usus*, inquit,

*Auth. ut nulli iudicium &c. 134 §. quia verò nos oportet. col. lat. 9.*

*ant*

*modas fune torquendi, solus videtur ex jure colligi; lex enim quarta Codicis quam ad errorem suum tuendum usurpat, de fidiculis, non de fune ex trochleâ pensili loquitur, quæ tormentorum genera toto cœlo à se invicem discrepant; nullum enim in fidiculis solvendæ compagis corporeæ periculum, ut in trochleæ cruciatu; nam, ut optimè Guido Panzirolus Jureconsultus item Italus ex Regio Lepidi, ubi tormentis opus erat, non ut hodie questionis gratiâ, rei revinctis manibus fune subducti quassabantur: imo id jure prohiberi videtur § quia verò nos oportet, in Authent. ut nulli Judic. seu Novell. 134. qua tormenta prohibet quibus articuli dissolvuntur, ea enim utriusq; manus abscissione graviora appellantur. hæc Jureconsultus Italus in gentilium suorum immanitatem ingenuè profert, probro Germani Theologi totiusque Italiæ insigni infamia, quæ invito Justiniano, imò expressè prohibente, vetito torquendi ac puniendi modo huc usque abuti non erubescit.*

*Thesaur.  
var. lect.  
lib. I. cap.  
41.*

Adde totâ Hispaniâ receptum vigiliæ tormentum, quo reus totis musculis septem horarum spatio suspensus, ne ferro acutissimo quod ejus ob-

scenæ sedi imminet, acerbissimo cruciatu compellatur inniti, adde Marilianam seu, ut Bodino placet, Florentinam vigiliam, cujus jam dudum meminimus; Adde & tripodas nostras ignitas, quibus mulierculas sortilegii infimulatas imponimus, tetri carceris pœdore marcidas, podicis manicisque ferreis plerumquo præpeditas ac semineces; nec pudet rerum capitalium quæsitores per tartaream hanc lanienam veritatis inquirendæ specioso velamine in generis humani perniciem tam immaniter grassari.

Fateor nonnullos hominum adeò doloribus quondam per continua verbera sub immani Romanæ servitutis iugo assuevisse, ut ægrè tormentis ad fatendum adigerentur; sed si quem tam obstinati roboris inveneris, innumeri ex adverso suppetent adeò doloris omnis impatientes, ut solo torturæ metu quidvis potiùs in caput suum proferant, quàm inhumanæ sese carnificinæ subjiciant; quumque parvus ille robustorum numerus novam hominum speciem non inducat, sequitur unum aut alterum Athleticæ indolentiæ exemplum exceptionem à communi humanæ temperaturæ numero non inducere.

Sed



Sed esto pusillus ille durioris temperaturæ numerus alteram in hominibus speciem inducat; quid inde argues, quam quod ea ipsa reorum species legum Romanarum testimonio *Ulpian. in d. l. 1. ff. de quest.* veritatem corrumpat in tormentis; quumque genus illud hominum doloribus inexpugnabile constet ut plurimum ex flagitiosorum colluvie, si ve, ut sortilegii Quæstoribus visum est, ex incantatis magicoque carmine ad silentium sensusque omnis torporem induratis, sequitur solos innocentes ac ingenuæ sortis homines tormentis ad suam perniciem induci posse. Quorsum igitur evasit media illa reorum species cui in tormentis fides adhibeatur?

En efficacem per quæstiones indaginem, quâ Judex quærendi studio in transversum raptus, per medias Syrtes in reorum innocentium grassatur exitium, falsâ vindicandi criminis specie delusus. At quantò prudentius crudele illud effatum Octaviani Cæsaris Paulus silentio præteriiisset, quum triumviratus sui potius tyrannidem, quàm imperii moderatam æquitatem redoleat? Nonne sa-

### 38 TORTURÆ DISCVSSIO,

tius fuit hanc criminum indaginem ex doctorum piorumque Cæsarum arbitrio moderari? quantoque major

*d. l. 1. §. si  
quis ultrò  
ff. de qu.*

Ulpiano quàm Paulo gloria quæsitæ est, quod aurea illa Veri Antoninique Cæsarum verba in responsis suis sacrarit. *Si quis ultrò de maleficio fateatur,*

*non semper ei fides adhibenda est; nonnunquam enim aut metu aut aliâ de causâ in se confitentur?* Cui, amabo, fide digno magis saniorique testimonio innixi, torturæ mendacem fallaciam expendamus.

*q. 40. n. 1.  
C. qu. 43.  
n. 15.*

*contrariū  
sensere Alber.  
in d. l.  
edictum C.  
super ead.  
gloriâ verb.  
efficacissimas.  
C. post eum  
Covarruv.  
præct. qu.  
c. 23. n. 3.  
vers. nam  
licet probationes.*

Ac nescio an Farinacius satis sibi constiterit, quum sibi excidere sequentia verba passus est: *Tortura tantam vim esse, ut in ea persistens negando, aut non persistens fatendo, quicquid dixerit puram veritatem dixisse præsumatur.* Sed in hunc errorem alieno testimonio prolapsus, non sibi temperat quin duo illa Ciceronis Augustique testimonia quæ pridem convulsimus, in opinionis, suæ subsidium adducat. Non me piget igitur Octaviani verba denuò recensere.

Ac primùm quidem lex illa quam Paulus ex Octaviani edicto triumvirali nobis obtrudit, de servis solis loquitur, hominum genere dolendi assueto, quique solum super crimine alic-

alieno quæstioni subjicerentur. Quæ, amabo, temperaturæ paritas inter genus hominum flagris omnique dolendi genere induratissimum, quodque sola criminis alieni confessione dolendi sibi finem faceret, ac ingenuos doloribus inassuetos, quique promptâ falsi confessione ab infinito cruciatu morte unicâ sese eximant? Secundo loco verba illa Augusti, seu Pauli mavis, nullam quæstionibus efficaciam tribuunt quoad veritatem indubiam, quum, ad eam solùm *inquirendam* non item ad *inveniendam* earum usum approbent. Atqui multa sunt ad inquirendum efficacia, quasi dixeris accommoda, quæ non idè certam reperiendi efficaciam sortiuntur. Omnis quippe venator seu canis venaticus ad vestigandas feras est efficax sicut & in scrutandis metallici generis fossilibus cunicularius omnis; sed non inde certò sequitur, venatorem omnem aut cunicularium ad reperendum quæ vestigat certum esse & indubium artificem. Tertiò & postremò verba illa indeterminatæ sententiæ Octaviani edicti, quæ solum *querendi* vim innuunt non *inveniendi* cer-



#### 40 TORTURÆ DISCVSTIO,

titudinem, ab ipsomet Augusto quin-  
quies aut sexies mendacii convincun-  
tur, & ab Ulpiano cæterisque gravi-  
oribus Romani juris interpretibus,  
refelluntur & improbantur, quippe  
qui plerique omnes torturam asserant

*l. i. ff. de qu. rem esse fragilem & periculosam, quæq; ve-  
& s qua ritatem fallat, atque adeò Augustum  
stioni. eod. ipsum, fidem quæstioni non adhibendam  
tit.*

constituisse affirmant; quin & idem  
fateretur Prosper ille Farinacius quæ-  
stione suâ quadragesimâ tertiâ de in-  
diciis & torturâ, numero quinquage-  
simo secundo.

#### CAP. V.

*Tullij super tortura veritate testi-  
montum ex ipso Tullio refellitur.*

**I**Terùm igitur corrui prius illud  
Augusti, Paulo repetente, testimo-  
nium; Jam verò alterum aggredia-  
mur torturæ veritatis præsidium,  
quod ex Tullii Arpinatis argutiolis  
Prosper Farinacius in sententiæ suæ  
propugnaculum adhibet, cæterique  
tormentorum assertores ex antiquo  
errore mutuati sunt. Nam (inquit  
Cicero ad Trebatium) & verberibus,  
tormentis, igne fatigati quæ dicunt, ea vi-  
detur

*In topicis*

*detur veritas ipsa dicere.* Sanè si veritas ipsa quam nec Augustus nec Cicero nec Ulpianus nunquam novere, quum Deum, qui germana veritas est, ignoraverint; Si, inquam, veritas ipsa Sophistam nostrum Arpinatem, qui toties Æsopiani Satyri exemplo eodem ore calidum spiravit & frigidum, semel responso dignaretur, mendacii procul dubio Tullium Augustumque argueret, ingenueque fateretur, se non plus ex tortorum mancipiorum ore, quàm ex Romanis idolis prodiisse. Sed ne oraculum hoc à divino veritatis ore sollicitare videamur, quæso, si Rhetori huic Academico contrarium prorsus expresse- rim? cui potius testimonio pro libito variantis hominis innitamur? sanè sinceriori. Sic igitur eadem de re sentit alibi. *Quæstiones nobis servorum* *Orat. pro*  
*ac tormenta accusator minitatur; in qui-* *Lucio Syllâ.*  
*bus, quanquam nihil periculi suspicamur,*  
*tamen illa tormenta regit dolor, moderatur*  
*natura cujusq; tum animi, tum corporis,*  
*gubernat quasitor, flectit libido, corrumpit*  
*spes, infirmat metus, ut in tot rerum an-*  
*gustis veritati nihil loci relinquatur.* Ac  
 primùm illud advertendum est, Tul-  
 lium Ciceronem, quum de torturæ

42 TORTURÆ DISCVSSIO,  
fallaciâ, ut hic & paulò inferiùs, lo-  
quitur, ingenuè & ex animo præscri-  
ptis terminis illam asserere ; at quum,  
ut alibi passim, de ejus veritate sermo  
est, solis ambagibus ac ancipiti verbo-  
rum sensu auditoribus obrepere. *Ver-  
beribus (inquit) torti quæ dicunt, ea vide-  
tur veritas ipsa dicere.* equidem non am-  
bigimus quin & mendacium incautis  
sæpissime pro veritate irrepat ; adeo-  
que inducor ut sentiam, si Princeps  
quilibet antequam cuique rerum ca-  
pitalium Quæsitore jurisdictionem at-  
tribuat, eum semihoræ spatio troch-  
leæ pensilis tormento expenderet, sa-  
niores certè experimento, de confесси-  
onibus tormentorum rabie extortis de-  
creturum, meliusque reorum inno-  
centiæ consulturum. Nempe Augu-  
stus & Cicero de solâ verisimilitudine  
loquuntur : Recentiores nostri vim  
omnimodam indubiæ veritatis quæ-  
stioni tribuunt. Nil certius Augusti  
testimonio, asserentis torturæ cru-  
ciatibus servos ad loquendum effi-  
caciter induci, sed æquè verissimum  
est, nihil in rebus incertius, quàm  
veritatis harum confessionum certi-  
tudinem.

Sed si contrario testimonio prioris  
testi-



testimonii Tullii fidem lubet convel-  
lere, juvat huc adducere quæ de re ea-  
dem alibi profatus est. *Sape etiam Partis.*  
(inquit) *quæstioni resistendum est, quod & Orator.*  
*dolorem fugientes multi in tormentis emen-*  
*titi sape sunt, mori quæ maluerunt falsum fa-*  
*tendo, quam verè inficiando dolere; & cœ-*  
*tera, quæ prius à nobis discussa sunt.*  
Jam verò eligat cordatus quisque, tot  
inter mentientis torturæ species, quis  
ex falsis in torturâ reis plus veritatis  
Quæstoribus exhibeat.

At, dices, si torturæ usum sustule-  
ris, irrepet illicò scelerum omnium  
impunitas; quumque non pronum  
sit reum omnem testium suffragio cri-  
minis convincere, plures cogèris fla-  
gitii non affatim convictos solvere ex  
probationum defectu; Eo casu, ad  
quid Quæstorum capitalium subfel-  
lia? ad quid fisci regii Procuratores?  
Respondeo, me de solo abusu non de  
usu inquisitionum capitalium con-  
queri. satis superque suppetent legi-  
tima reorum per testes convictorum  
supplicia, quamvis à mendace torturâ  
abstineamus; nec Deo minus servie-  
mus, tot infontium honori vitæque  
consulentes, quam si scelestorum o-  
mnium sanguine cladeque parum ex-  
plora-

#### 44 TORTURÆ DISCVSSIO,

ploratis litemus accusatorum flagi-  
*l. quum qui* tiis. Reipublicæ quidem interest  
*nocentem.* crimina in lucem prodire ut punian-  
*§. ita vul-* tur; hocque unico fundamento peri-  
*neratus. ff.* culosa quæstionum alea innititur.  
*de injur.* Quis neget interesse Reipublicæ in  
flagitiosos inquiri vindicarique? non  
hic agitur de tollendis inquisitioni-  
bus, sed ut earum abusus ad sanio-  
rem usum revocetur. Quid si probatio-  
num inopiâ suspectarum confessio-  
num incerta fides reos aliquot non  
*l. absentem.* compertos supplicio eximat, quis  
*ff. de pæn.* nescit fatius esse decem fontes absol-  
vi, quàm vel unum innocentem im-  
merito addici supplicio?

#### CAP. VI.

[*Expenditur abusiva torturæ  
repetitio.*]

**D**Ices, capitale iudicium non prius  
absolvi, quàm reus extra tormen-  
ta confessis institerit. Respondeo,  
præpostero iudiciorum ordine inva-  
luisse, ut reus in atrocioribus, semel  
tolerato quæstionis dolore, non libe-  
retur, sed plerumque trino torturæ  
cruciatui subijciatur; unde reus quan-  
tumvis innocens, ni quod falsò in  
tor-

tormentis fassus est, ratum extra tormenta habuerit, justo etiamnum timori subest, ne iterum imò pluries ad ea retrudatur. In hoc rerum statu quàm miserrimo quivis innocens Regis Prophetæ verbis jure merito clamet: *invenerunt me dolores mortis & pericula inferni circumdederunt me*; ut qui enim se à tormentis exemptum putet, si ter ad illa, retractanti se, patet regressus, mentique ejus, etiamnum seminécis, atrocissima dolorum species obversetur? Sed si miserè lacero per falsam confessionem morte captatur effugium, quid Judicibus ad sedandos conscientiae morsus securitatis inde quæritur? nempe ad firmandum prius mendacium reus imminentium iterum atque iterum cruciatuum tenore compellitur, unamque mortem pluribus lethi crudelioris speciebus antefert. Quid mirum? quum tot inventi sint qui minora quàm torturæ incommoda sponte sibi concitâ nece redemerint?

*Psal. 17,  
5. 6.*

Sed si quispiam fortioris temperaturæ reus confessionem vi tormentorum expressam depositus revocet; si pluries repetitus, silenti contumaciâ supplicio eripiat, non-

ne



# 46 TORTURÆ DISCVSSIO,

d. rit. de  
malef. d. l.  
est excepta.  
q. 1. concl.  
12. & 15.

Disquis.  
lib. 5.

ne Judices ex legum præscripto præsumptum innocentem solvere coacti, Marfilianæ Contumeliæ subjacebunt apud Binsfeldium, *Macanónico* (ut indigitant Itali Galliæ nobis transalpinæ accolæ.) seu, si mavis cùm Latinis, Osco sermone conquerentis, sequendam reum quicquid in tormentis fassus fuerat toties extra torturam revocantem solvere coactum, *quavis* flagitiosus, & ut crassioribus ejus, verbis utar, *ribaldus esset in excellentia*, quia nunquam voluit ad bancum juris ratificare illud quod dicebat in tortura. Si verò (ut cùm Delrio loquar) tormentis reum innocentem enecueris, quid tu mortuo prabeas cataplasma? quo solatio ærumnosæ deinceps ac per omnia dolorum genera traducendæ vitæ succurrant crudeliores tyrannis tortoribusque Quæsitores?

Nec ambigimus repetitam toties cruciatuum illorum immanem sævitiam à communi juris antiqui præscripto abhorrere, irrepsisseque in Christianorum respublicas rerum Romanarum patrociniò; Indubitati enim juris est neminem pro crimine posse torqueri, cujus pœna citra capitis periculum hæreat; cur igitur ex

analogicâ proportionē non prohibea- *Doctores*  
 mur, in inquirendis quantumlibet *communi-*  
 atrocibus flagitiis unicâ morte dun- *ter in l. edi-*  
 taxat expiandis, iis uti cruciatibus, *ctum. ff. de*  
 quorum diritas, duratiō & repetitio *quast. Ai-*  
 mortes mille longè sævitiâ superant? *mar. conf.*  
 Tortura enim, ex severiorum Judi- *135. n. 11.*  
 cum confesso, supplicium est, quo *et seqq.*  
 gravius in hominem nondum per- *Marfil. §.*  
 actum reum sævitur, quàm si utraque *expedita. n.*  
 manu truncaretur; quod si convi- *57. et seqq.*  
 ctionem pœna præcedat, quid præ- *Gramma-*  
 postero hujus judicii ordini dirius? *tic. conf. 15.*  
 quid humano divinoque juri ex dia- *n. 4. et*  
 metro repugnantius? sed si reus ille *conf. 37.*  
 verè tandem à Quæsitore peragitur? *n. 14. in fin.*  
 quid in illo ampliùs puniat, quum  
 pœna convictionem præcesserit, sed si  
 innocens est, tantisque addictus sup-  
 pliciis, non præcedente convictione,  
 atque etiamnùm criminis dubius, ut  
 qui divinæ justitiæ tam contraria  
 dogmata probaveris, quæ solâ Paga-  
 norum tyrannorumque auctoritate  
 fulciantur? sequeretur enim, quod  
 absurdissimum ipsi Farinacio visum *quast. 42.*  
 est, quòd ex modo probandi quis gra- *n. 14.*  
 vius puniatur, quàm ex modo con-  
 demnandi; & sic pœna, contra præ-  
 scriptum divinæ legis, delicto non re-  
 sponderet.

Si

*Pancir. var. lect. lib. 1. c. 41. Vivez. Comment. in D. August. de Civit. Dei. l. 19. c. 6.* Si lubet à primis torturæ auctori-  
 bus inventum ferale repetere, Guido Pancirolus, Ludovicus Vivez, alii,  
 Tarquinium superbum Romanorum  
 tyrannnum projectitum, primum  
 tormentis in suspecta sibi capita quæ-  
 sivisse annuent; non aliàs certiora  
 tyrannis tortoribusque in invisos  
 quosque quæsitæ perniciēs. Hinc  
 primi Cæsares *superbi* vestigiis mordi-  
 cus inhærentes, potiora tyrannidi sta-  
 biliendæ præsidia mutuati sūt. Sub  
 Consulibus nullus torturæ usus, nisi  
 in servos; sed simul servili plebis  
 Senatorumque assentatione Cæsares,  
 à legibus soluti, tyrannidem apertè  
 professi sūt, majestatis legem hæte-  
 nus exoletam in suos usus revoca-  
 runt, attributis illius quæstioni vio-  
 lentis illis privilegiis, quæ deinceps  
 sub specie criminum exceptorum  
 censa sūt. Sed Regum Principum-  
 que sub quibus ævum degimus fors  
 ex diametro sorti Græcorum Roma-  
 norumque tyrannorum repugnat.  
 Illi salutis suæ securitatem solâ cujus-  
 que tyrannidi non suffragantis clade  
 fulciebant. Sub illis primævæ legis  
 intellectus in tyranni solius commo-  
 dum tum denique totus cesserat.

Satis



Satis ex Tacito constat legis illius *Annal.*  
usum, sive, ut sanius loquar, abusum *lib. i.*  
à Tiberio Cæsare non reductum, sed  
inductum, extensumq; ad casus, quo-  
rum ne somniando quidem primi Ro-  
mani meminerant. Ex Cæsaribus  
æquioris ingenii Principes acerbiora  
quidem correxerunt; sed quicquid  
ex ejus abusibus à Trajano, Antoni-  
no, Aurelio, Theodosiis, Justiniano  
correctum sit, superest tamen metho-  
dus illa exitialis in crimina secreta li-  
centius necnon leviùs inquirendi,  
quæ sanè perspectæ Principum no-  
strorum clementiæ non nihil severio-  
ris notæ inurit, quorum salus & in-  
columitas studiis nostris æquoque il-  
lorum moderamini securiùs innitun-  
tur, quàm legum judiciorumque sub-  
versioni. Invenientur forsitan hujus  
criminis suspecti, qui fortiori corpo-  
ris animique temperie pœnæ quando-  
que se subtrahant. non pauciores,  
imò plures dolendi impatientiâ sese  
suppliciis injustis subjicient. Nihil  
ab Augusti, Ciceronis Ulpianique  
temporibus humani corporis viribus  
decrevit aut accrevit, quumque inno-  
cuique diviti pridem sit quæstio-  
nibus quæsitæ perniciēs, nostrisque

D

etiam

etiam sæculis prisca Romanorum Græcorumque sub specioso fisci compendio grassans avarities in plerisque fortilegii processibus irrepit, non ex vano metus ingruit, plurimos quantumvis innocentes quæstionibus oppressum iri, si devia illa à communi judiciorum usu privilegia ad occultæ probationis, ac præsertim fortilegii crimina porrigantur.

Sanè si veritatem æquè ac justitiam hujus edicti lubeat in dubium revocare, possim ex æquo contendere, nullum ex scriptoribus, quorum operâ Consulum Romanorum series posteris innotuit, sub Augusti imperio, nec Junii illius Aviti, nec Lucii Aproniani, quibus Consulibus imperante Octaviano Paulus edictum illud nobis obtrudit, uspiam meminisse. Illud tamen in primis necesse est, ut de rei veritate liqueat, neque enim referenti fides adhibenda est, nisi constet indidem de relato. At quandoquidem hætenus ex fide Pagani scriptoris nobis edictum illud obrepserit; esto, de veritate illius nobis cum illo conveniat ex concessio, non ideò de justitiâ minùs nobis contendere licebit ex ipsorummet Augusti Ciceronis-  
que

*Rhetoric.  
ad Here-  
mum.*

que verbis, Tullii maximè, ita argu-  
tiolam suam iterùm atque iterùm re-  
tractantis: *Dolori credi non oportere,  
quod aliis alio reticentior sit in dolore, quod  
ingeniosior ad comminiscendum, quod deni-  
que saepe scire ac suspicari possit quid Qua-  
sitor velit audire, quod quùm dixerit, intel-  
ligat sibi finem doloris futurum.* Ergo ex  
Tullio ipso sanius loquuto dolor com-  
miniscitur, id est ingenium acuit ad  
mentiendum, & reapse mentitur; Non  
igitur efficax est ad exprimendam ve-  
ritatem; Ergo Quasitor solum cri-  
men audire quærit; non veritatem  
innocentiæ; soloque prolato & ex-  
presso crimine dolori finis imponitur;  
hæc omnia jam inde à Tullii tempo-  
ribus usu veniebant; quid igitur se-  
curæ veritatis in torturâ? quid non  
comperti mendacii?

*Val Max.  
lib. 3. c. 3.*

Quis nescit Zenonem Eleatem  
falsâ confessione cunctis Phalaridis  
amicis creasse perniciem, nunquam-  
que tormentis adigi potuisse ut vera  
conjuratorum nomina profiteretur?  
Idem Romæ contigit in Pisonianâ  
conjuratone. Nobiliores ex conju-  
ratis, re detectâ, tormentis de consciis  
interrogati, tyranno conjunctiores  
falsis accusationibus implicarunt,

D 2 quum-



C. Tacit.  
ubi sup.

quumque Græca muliercula per omnes cruciatus torta, ne unius quidem ex conjuratis nomen protulerit; ex adverso viri aliquot degeneres, se suosque, vi doloris adacti, falsi criminis insimularunt, nonnulli etiam, ne tolerato quidem aspectu eculei. Herodem scimus, monstrum illud hominis ac naturæ adulterantis propudium, in liberorum capita sæpius de servis & liberis quæstiones exercuisse, falsisque plerumque indiciis ac confessionibus propriis filiis perniciem molitum.

Certè promiscua hæc in tormentis fontium infontiumque laniena, sæpiusque suppressa quàm expressa veritas, torturam verum ac genuinum tyrannorum inventum arguit, quo suæ tyrannidi per clades omnimodas consulerent. Sed quàm infamiæ notam Christianæ mansuetudini Regumque nostrorum pietati non inurimus, quum immanissimis martyrum suppliciis in reos etiamnùm dubios sub justitiæ velo grassamur, insuetæque dogmata, Paganorum exemplo, in Christianos mores invehimus, & eorum solâ auctoritate sancimus?

Non

Non aliàs malus ille genius incau-  
torum animis callidiùs irrepsit, quam  
sub augustæ cujusque rei specie. Quis  
neget religionis prætextu investas  
toties in hominum perniciem clades  
acerbissimas? quot humanas hostias,  
sacrilegia, blasphemias, aliaque omni-  
fariam flagitia? ne lex quidem nostra  
Evangelica feralibus illis næniis ex-  
empta est, quum semel, præpostero  
religionis studio incensi, mutuis in  
nos cladibus ad arma concitamur, ut  
traditam per manus religionem con-  
ceptumque animo divini numinis  
cultum invicem vindicemus. An in  
homine tantis erroribus obnoxio ju-  
stitiæ religionisque species maneat  
incorrupta, tot inter excessus defe-  
ctusque vitia quibus undequaque  
premitur? quæ quum ita sint non ad  
quamvis religionis speciem insurge-  
re Christianæ virtutis est, sanctum-  
que justitiæ nomen ad quosvis exces-  
sus porrigere, quum pronum adeò sit  
in tyrannidem & injustitiam sub im-  
modico justitiæ religionisque studio  
præcipitari. *Nulla juris ratio aut equi-  
tatis species patitur* (inquit Romani ju-  
ris interpreter Modestinus) *ut quæ salu-*  
*briter pro utilitate hominum introducta*  
*sunt, ea nos duriore interpretatione contra*

*l. 24. ff. de  
leg. & se-  
natuf.*

*humanum commodum producamus ad severitatem, ex summi enim juris ac justitiæ usu perversaque interpretatione summa exorietur iniquitas, ni in rescandis abusibus quos paganorum nobis auctoritas invexit totis animis incumbamus. His auctoribus recentiores juris interpretes, dum majestate Romani nominis nimium præcelluntur ab æquitate naturali sensim devii, in Romanæ tyrannidis vitia proruperunt. Sed quamquam insanabili Cacoëthe longè lateque dominante, cattervatim succrescant in infinitum scripturientium Doctorum volumina, quicquid de justitiâ & jure sentiant, opinioni sanè plerumque serviunt, errorique tanquam homines sunt obnoxii, ut semel obtutu naturalis æquitatis excidère. Hac nempe innituntur divinæ legis dogmata omnia, quorum auctoritati tot tenebris involuta hominum auctoritas nunquam apud bonos prævalet, nec naturalis justitiæ vim ac pondus calculorum numero obruit.*

Huic tot undique scripturientium theoricorum practicorumque classes, apud quemque cordatiorem unius duntaxat vicem obtinent; quippe qui Romanæ legis verba præ  
divinæ



divinæ legis oraculis reputantes, Pitagoræorum in morem creduli, per apographos ab archetypo, verbis ut plurimum iisdem derivatos, unam eandemque sortiuntur primævæ opinionis originem, hancque, si Diis placet, incerto auctore marginalem additionem, quam *glossam* vulgus Doctorum indigitat, Tullii toties refutatis cavillis innitentem. Atqui questionis usum divinæ legis effatis ex diametro contrarium in sequentibus, Deo juvante docebimus. Hactenus dixisse sufficiat, nullam auctoritatem præter divinam fidem indubiam ab hominibus exigere, eamque naturali æquitati subnixam. Ad hanc unicam Pharon dissertationis hujusce cursum dirigam, quatenus præcisa mihi divinæ legis verba suppetant; sin minus, ductâ à pari analogiâ, quatenus in aliis ejusdem naturæ casibus sacri legislatoris nobis pateat auctoritas.

*in l. editū.  
verb. effica-  
cissimas. ff.  
de quest.*

Oro igitur & obtestor cujuscumque sortis lectorem, sedato animo dissertationis nostræ momenta discutiat, nec prius in me quicquâ statuatur, quàm me plenius differentem audierit. Scio equidem, & piget, scriptores non paucos injuriis, quùm ratione deficiuntur, in contrariæ sententiæ assecclas

plerumque uti; sed absit ut eorum ad instar, in quemquam dīcteriis invehar. Me potius contumeliis impetatur, sō tilegorum patronum, criminum fautorem insimulent; quicquid arrogant sibi, reipublicæ humanæ interest rationibus ac incolumitati innocentium, quàm privatorum opinioni Consuli. Hoc tamen unum interea conantur, ut quæ de sortilegiis plebejus rumor nobis ingerit, ea calculo suo possibilia efficiant, quasi res illis cum *Ponzimbio* quodam Italo aut *Vierio* Clivenfi sit in præsentiarum, qui sortilegos & Lamias esse in rerum naturâ negare, aut ausi aut nisi sunt. Satagunt igitur striges nobis & Lemures prædicare, dignos quibus pœna capitalis irrogetur; indeque eliciunt quoscumque sortilegii reos solâ criminis possibilitate damnandos; quòd si dixeris, non ideò puniri flagitia, quod possibilia, sed quod in actu perpetrata sint, asserunt ad moralem certitudinem, quando de his liquidò constare nequeat, sociis ejusdem criminis habendam fidem, quum tamen & sagæ & lemures humanæ societati jura omnia remiserint, ac Cacodæmonis effecti mancipia; aut pactis cūm hoste humani nominis conventis, aut  
 illusio-

illusionibus ejus seducti in mortalium  
perniciem juraverint, sed si iterum in-  
stes accusationes illas sociorum ejus-  
dem flagitii, seu vi tormentorum ex-  
tortæ sint, fidem ideò non mereri, seu  
sponte prodierint, esse nihilominus  
mendacii suspectas, tum denique as-  
serunt, ad torturam, notum satanæ  
organum, vocemque mendacii com-  
pertissimam ac tyrannorum inven-  
tum, pro veritate convolandum.  
Nunc saniorum esto judicium, an hu-  
mana salus, innocentumque incolu-  
mitas tam diris Paganorum dogmati-  
bus perbellè fulciatur?

Sanè peccator, si quando ad sin-  
ceram noxarum confessionem adigi-  
tur, intenso dolore animi, non corpo-  
ris cruciatibus compellitur. Ex hac,  
inquam, afflictione spiritus, quam in  
nobis pœnitentiæ stimulus operatur;  
fit enim Deo, quem nemini fallere da-  
tum est. Sed tormentis humano cor-  
pori quantumvis adhibitis, solas vo-  
ces de mendacio suspectissimas ex-  
presseris; quæcumque enim tam im-  
maniter torto excident, vis & metus  
exceptioni subjacent, quibus libertas,  
ingenuitas atque adeo veritas in ho-  
mine procul dubio supprimuntur. Sed



libet audire primarium fidei nostræ  
Doctorem hic nobis expresse suffra-  
gantem. *lib. 19. de* Quid quum (inquit Magnus  
*Civit. Dei* Aurelius Augustinus) *c. 6.* in suâ causâ quis-  
que torquetur, & quum quaritur utrum sit  
nocens, cruciatur, & innocens luit pro in-  
certo scelere certissimas pœnas; non quia  
illud commississe detegitur, sed quia non  
commississe se dicit, quo damnato & occiso,  
utrum nocentem an innocentem Iudex oc-  
ciderit adhuc nescit, quem ne innocentem  
nesciens occideret, torfit, ac per hoc inno-  
centem & ut sciret torfit, & dum nesciret  
occidit. Subjungamus sanctissimo pii  
Doctores testimonio pium utique  
ac Christianum tanti viri Scholia-  
stem, ad hæc Augustini verba non mi-  
nus justè quàm verè exclamantem,  
*Ludov. Vi-* & innocens luit pro incerto scelere. Verè  
*vex. ibid.* superbi Tarquinij aut etiam tyranni hoc im-  
manioris inventum, tormentis inquiri veri-  
tatem, quam nec qui pati poterit proferet,  
nec qui pati non poterit; nam, ut ait prudens  
Mimus, etiam innocentes cogit mentiri do-  
lor. Miror Christianos homines tam mul-  
ta gentilia & ea non modo charitati &  
mansuetudini Christianæ contraria, sed  
omni etiam humanitati mordicius tanquam  
religiosa retinere. Augustinus necessitate  
societatis humanae dicit tormenta adhiberi,  
sed

*sed cum Gentilibus loqui quis non videt? quæ est enim ista necessitas tam intolerabilis, si nec utilis est, & sine damno rerum publicarum tolli potest? Quomodo vivunt tam multe gentes & quidem barbara, ut Græci & Latini putant, quæ ferum & immane arbitrantur torqueri hominem de cujus facinore dubitatur? Nos homines omni videlicet humanitate præditi, sic torquemus homines ne insontes moriantur, ut magis eorum nos misereat, quam si morerentur; usque adeo graviora sæpe sunt tormenta quam mors. Annon frequentes quotidie qui mortem perpeti malint quam tormenta, & fateantur fictum crimen de supplicio certi, ne torqueantur. Profecto carnificis animos habemus qui sustinere possumus gemitus & lachrymas tanto cum dolore expressas hominis quem nescimus sitne nocens, & de privilegiatis illis processibus ac lege illâ immani ac barbarâ quâ Paulus Deorum inanum cultor societatem humanam, nedum Christianam gentem convulsit, quid (inquit) quod acerbam & periniquam legem finimus in capita nostra dominari, quum suspensiones tormentis armamus & inimicorum delationibus, si vitas nostras quas expetunt non impendimus, saltem quod proximum est, in tolerandis doloribus non parum gaudij damus.*

*Quod-*

Quodque in Diabolico torturæ usu justioribus lachrymis prosequaris, Gentilium etiam feritatem immanitas Christiana prætergreditur.

*Auth. ut  
nulli Judi-  
sum. §. quia  
verò nos  
oportet.*

In Provinciis quippe Romani juris, ac in ipsâmet Urbe per trochleæ pensilis tormentum de quovis crimine quaeritur, quàmvis Justinianus ne sæviri quidem in fontes convictos eodem tormenti genere præceperit. Ac denique omnem Christianæ pietatis usum prorsus eliminat recepta passim Juris interpretum, Theologorum & Canonistarum durities, qui quàmvis fateantur, veritatem in tormentis plerumque, seu veri criminis reticentiâ, seu falsi confessione, ex ipsis etiam Romanorum legibus, adulterari, tam pertinaci tamen iniquæ legis fascino præpediuntur, ut errori quàmvis agnito servire malint, quàm in notos abusus calculis suis liberius invehî. Ego verò liberè profiteor conscientiae Judicis parùm consultum, postquam reum supplicio addixerit extortâ cruciatibus mendacii suspectâ confessione; planè ut cum Augustino iterùm liceat amarè de Judicibus illis conqueri, quòd nefas esse non ducant cruciatibus ad fatendum adactos



adauctos innocentes supplicio iteratò affici, quùm jam torti fuerint innocentes, ita ut aut pro uno crimine milles, aut pro nullo etiam in tormentis expirent.

Hos legum saniorum abusus unâ duntaxat ratione defendere nituntur neoterici legum interpretes; nempe moralem certitudinem absolutam in rebus moraliter possibilibus non reperiri, atque ideò Judici sufficere probabilem certitudinem, ut iis acquiescat placitis quæ legibus Syllanianis aut Cæsarianis aut consuetudine sancta sunt. Sed si fortiter ex intimo lancinet conscientiae stimulus, quod rei nondum convicti fallaci torturae subjiciantur examini, judiciumque capitale suspectâ mendacii confessione fulciatur, non video quâ animi securitate degat qui talibus urgetur, nec quomodo divinæ justitiæ satisfiat, quùm flagitiosorum aliquot supplicium non usque adeò civili societati conducatur, ut innocentium periculo perniciæque redimi curarive necesse sit.

Hoc tamen unico momento inducti Romani juris interpretes, nempe quòd atrociora flagitia plerùmque abstru-

abstrusiora quàm sint, difficiliùs in lucem prodeant, à communi juris ordine recesserunt; ne scilicet inulta remanerent, si quibuscunque testibus non probarentur, sique talium seu spontanea seu tormentis extorta accusatio ad cuiusvis capturâ aut etiam torturam non urgeret. futilis sanè paruique admodum momenti ratio, quæ potiori illi officio detrahat quo insontium incolumitas nobis inprimis à Deo commendatur. Equidem non miror priores illos Romani juris interpretes his remediis reipublicæ suæ consuluisse, quum plerique omnes non ultra mortem cuiusque animorum ævum admitterent, atq; adeò, quum qui ex eis Epicuro aut Academiæ placitis sese addixerant, ne Deorum quidem suorum in humanis providentiam faterentur, quid ni plausibili temporibus suis timore quaterentur, ne si quid incautum inultumve reliquissent, perpetuæ Deorum incuriæ subjaceret, quum nec meritis præmium, nec peccatis ultio superesset. At Christianæ legis assecclas, quibus cœlitus persuasum est, nec interire animos, nec humanis rebus deesse perpetui vindicis vigilem providentiam,

tiam, in judiciis publicis tam immania dogmata recepisse, ut noxiorum suppliciis inhiantes, infantium salutem in tam dira tamque explorata discrimina projiciant, hoc demùm, meo judicio divinæ justitiæ providentiæque detrahit: Justitiæ, quia quùm ad Deum remittenda sint quæ nobis justis rationibus innotescere nequeunt, eorum indaginem fallaci torturæ experimento prosequimur. Providentiæ, quum infomnem ejus vigilantiam in compescendis flagitiosorum conatibus in dubium revocamus.

## CAP. VII.

*Expenditur legum Romanarum Collectorum probitas, Caesarumq; etiam Christianorum in sanciendo jure diligentia.*

**D**Ices Christianos Cæsares legibus semel eorum nomine sancitis has procedendi formulas admisisse, jurisque interpretes quibus usi sunt, frugi viros eximiæque cordatos extitisse. Quoad Cæsares respondeo, non hæc solum divinæ legi naturalique æquitati dissona legibus suis immiscuisse; idque uno aut altero exemplo pronum



*l. eorum. §. num est convincere.* Constantinus  
*nullis verò.* impunè licere voluit, carminibus fru-  
*C. de Ma-* gum annonæque copiae prospicere.  
*lef. & Ma-* Arcadius & Honorius jus sibi divi-  
*them.* num arrogasse visi sunt, quum inno-  
*l. quisquis.* centes liberos patrum communi sup-  
*§. filij verò.* plicio subjecerunt; Cæteri omnes,  
*C. ad leg.* quamvis Christianis sacris initiati  
*Jul. majest.* gladiatorum munus inhumanum ex-  
 ercuerunt, unde illud Prudentii ad  
 Honorium Cæsarem.

*In carmi-  
 ne contra  
 Symma-  
 chum.*

*Arripe dilatam tua, Dux, in tempora  
 famam,  
 Quodq; patris superest successor laudis  
 habeto,  
 Ille Urbem vetuit taurorum sanguine  
 tingi;  
 Tu mortes miserorum hominum prohi-  
 beto litari;  
 Nullus in urbe cadat cujus sit pœna  
 voluptas;  
 Jam solis contenta feris infamis arena  
 Nulla cruentatis homicidia ludat in  
 armis.*

Qui torturæ degenerique criminum  
 exceptorum juri assuevere, nullate-  
 nus ambigent, Cæsares illos, quorum  
 nomine leges illæ prodiere, gentili-  
 tatem non parùm redolere; unde  
 quum

quum par sit eorum majestati consuli,  
 miseram errorum abusumque collu-  
 viam Romani juris collectoribus,  
 quibus administris usi sunt, non pos-  
 sumus quin ascribamus. Nempe bo-  
 ni Cæsares armorum exercitio ex in-  
 tegro additi, de cætero legum juri-  
 umque curam præsumptis illis sapi-  
 entibus commiserunt; quumque do-  
 ctrinæ legalis prærogativâ frugi au-  
 dirent, dominis suis religionis etiam  
 speciem exhibuerunt. Nobis verò,  
 quum Diis a vernalibus servierint, ju-  
 re de Gentilitatis erroribus suspecti  
 sunt. Satis constat Justinianum Cæ-  
 sarem operâ Triboniani usum in col-  
 ligendis digerendisque Romani juris  
 voluminibus, viri nedum idololatræ,  
 sed omni flagitio inquinati. Unde  
 quum Martino Delrio Tribonianus  
 homo planè scelestus ab omni pietate  
 & verâ religione alienus audiat, quæ-  
 so cur mihi non liceat idem in Pau-  
 lum, Ulpianum, Modestinum, Ja-  
 bolenum cæterosque eadem labe in-  
 fectos Romani juris conditores ex  
 æquo regerere, nempe homines malis  
 Dæmonibus obnoxios, eorum cultui  
 studuisse, dum torturæ usum, judicio-  
 rumque novos ac præposterios ordi-  
 nes

*Delrius**Disquis.**lib. 6. sect. 1.**q. 2. Tribon-**ianus homo**planè scele-**stus, ab o-**mni pietate*

E

et vera re-  
ligione alie-  
nus.

Idem Aim.

Rinall. hist.

jur. civ.

lib. 4.

Hesychius

Illustrius

de Tribon-

nianno.

erat autem

Paganus

& impius.

c. litteras  
extr. de  
presumpt.  
c. ubi peri-  
culum de  
elect. in 6.  
c. quiesca-  
mus, 42.

nes in humani generis perniciem in-  
duxere. Quicquid illud sit, certè  
Triboniano proclive fuit, si Suidæ,  
Laurentio Vallæ, Raphaelique Vola-  
terrano credimus, bipedum nequissi-  
mo, sub Principe, ut ajunt, analpha-  
beto literarumq; omnium rudi quic-  
quid libuerit in legum illam conge-  
riem impunè obtrudere.

Quas, amabo, nænias non indu-  
cit legum saniorum tam deformata  
species? *Flagitium, quò secretius & atro-*  
*cius, quoq; pœnam infamiamq; majorem*  
*exigit, eò leviori probatione indiget?* quasi  
verò utrum facinus probarique diffi-  
cilius levioze flagitio pronius ac faci-  
lius innotescat. In cæteris judiciis  
intestabiles, quùm de criminibus ex-  
ceptis agitur, fidem probitatemque  
recuperent? Affectus humani, vitio-  
si habitus, inita cum immundis geniis  
pacta, quibus nullatenus constat an-  
nuncium remiserint, nùm in hisce  
solum criminibus ab intestabilibus  
abscedant? quòd si divinis humanis-  
que legibus in quibus criminum vin-  
dicta nobis edicitur, eorum probatio  
per testes fidedignos sole meridiano  
clarior exigitur, cur fas sit ab eorum  
sancitis, ex solâ Gentilium auctorita-



te recedere? Cur novos instruendi  
processus criminumque vestigando-  
rum modos temerè comminiscamur,  
incertaq; scelera certo supplicio sub-  
damus, eo solùm nomine, quòd diffi-  
ciliùs probentur, clausisque aut cali-  
gantibus oculis in præcipitium rua-  
mus, ubi major cura veritatis explo-  
randæ nobis incumbit?

Tanti erroris originem, si lubet  
indagare, facile est deprehendere si  
Romanos mores, quo primùm tem-  
pore tormentis cùm in servos inno-  
centes, tùm in ingenuos usi sunt, in-  
vestigemus. Sanè Lucium Syllam,  
teterimum illum patriæ libertatis  
eversorem, primùm in opprimendo  
cive quolibet ingenuo qui tyrannicis  
ejus conatibus obversaretur tormen-  
tis usum palam est. Nec minùs ex  
historia patet, eundem novas instru-  
endi processus formas everfæ ab illo  
reipublicæ invexisse, postquam de  
majestate, quam sibi, ceu Domino,  
tribuerat, per tormenta quæri voluit,  
ut scilicet adeptam cæde proborum  
tyrannidem, admissio in quemlibet  
majestatis reum meretricum ac infam-  
mum testimonio tueretur. Nec sibi  
defuit Julius ille Cæsarum princeps,

*distinct. ut  
enim ait  
Gregorius  
X. in Con-  
cilio Lugdu-  
nensi. ubi  
periculum  
majus in-  
tenditur,  
ibi procul  
dubio est  
plenius con-  
sulendum,  
cum circa  
majora  
majus peri-  
culum ver-  
tatur.  
Carol. Sigo-  
nius de an-  
tiq. jur.  
Rom. lib. 2.  
c. 29.*

*Tullius Phi-  
lipp. 1.*

tyrannidis Syllanianæ successor, quin ejusdem tituli prætextu, iisdem quæstionibus quæsitam potentiam stabiliret, quo ex fonte primum juris collectorum ministerio in leges manavere violenti illi legum abusus; sub hoc tamen discrimine, quod Julius duntaxat in exilium, correctâ Syllæ immanitate, sub quo pœnæ omnes capitales fuerant, violenter confessos condemnaret.

*Cicer. pro  
Rege Dejo-  
taro, & in  
part. orat.*

Sed neque ad Ciceronis usque tempora licuit servos in dominorum capita torqueri, exceptis duntaxat incestus majestatisque criminibus; tantum abest ut ad ingenuæ fortis homines immane illud discrimen extenderetur. En eximios privilegiati processus inductores, quibus mancipiorum instar obtemperamus in vindicandâ etiam numinis æterni majestate.

*Tacit. ann.*

His abusibus semel inductis inhæsit Cæsar Octavianus; Nec Tiberio mens sævitiesque defuere quin reductam majestatis legem ad quævis levissima ac pene ridicula porrigeret. Jam verò quum tyrannicæ hænovationes æquitati à natura humanis animis insitæ juriq; divino non respondeat;

deat, ut quî Christianorum Principum majestati, multoque magis æterno numini non simus injurii, si ad asserendam eorum potentiam seu majoris salutem privilegiis utamur stabilendæ tyrannidi sæculis illis introductis, quibus omnis populo Senatuique Romano libertas perierat? quibus inquam, servitutis jugum omnes rationis ingenuæque indolis igniculos penitus extinxerat.

Sed quicquid animis nostris servitutis ingerat legibus Romanis infertus tyrannicæ sævitiae genius, nulli omnino mortalium, cui (ut cum Poëta loquar)

*Ex meliore luto finxit præcordia Titan.*  
 nulli, inquam, cordato homini unquam probabis, ad probandum parricidium seu quod libet aliud atrocioris notæ facinus eam probationem sufficere, quæ probando homicidio leviorive crimini non sufficeret, idque ideo quod parricidium cæteraque gravia flagitia difficilior in lucem emergant. Hi tamen legum saniorum abusus semel in tyrannorum favorem inducti sub specioso asserendæ majestatis titulo, quæditorum nostrorum incuriâ sensim & sine sensu in hæreseos quæ-



stiones irrepere, sub specioso læsæ majestatis prætextu; quumque mortales omnes implacabili in sortilegium horrore teneantur, ad hujus flagitii quæstionem majestatis humanæ privilegia porrecta sunt, eò minori jure, quòd de cæteris criminibus quæ sub sensum cadunt facilius liqueat, quum tamen de sortilegio, quatenus sortilegium, ut plurimum diabolicis artibus involuto, quæ non sensum modò sed captum hominis exuperent, reoque ac Judici sæpissimè illudant, non nisi confessionibus de mendacio suspectissimis, sociorumve infamium ac intestabilium accusationibus aut indiciis constare possit.

*L. 8. ordo.  
ff. de publ.  
jud.*

Non me fugit Paulum illum Romani juris interpretem dixisse semel, *ordinem exercendorum judiciorum capitalium Romæ exolevisse*, prioresque illos rerum capitalium apud nos Quæsitores hanc novationem tanquam effatum aliquod vaticinantis Sibillæ mordicus arripuisse; sed scimus etiam corruptam sub Cæsaribus justitiæ legumque disciplinam, sub Christianis Principibus justitiæ normam non exhibere. Exoleverit quantumlibet apud Romanos melioribus sæculis  
afflueta

affueta disciplina; non ideò perinde animis nostris exolevit innata nobiscum lex ac ratio naturalis æquitatis; quæ verò quondam divinitus pro verificatione criminum inspiratæ sunt divino Legislatori formæ, cum propriâ auctoritate à Deo derivarâ; tum quòd æquitate naturali nitantur, vim jugem & inalterabilem adhuc obtinent. Harum vigore sancitum est, ut ne quis innocens occidatur, neve studio vestigandi puniendique nocentis, communi periculo innoxium implicemus. Hunc errorem divinus legum promulgator impietati æquiparavit, nec testem admitti voluit mendacii suspectum, nec in judiciis plurium nova sentientium suffragia, paucorum rectè sentientium suffragia, paucorum rectè sentientium suffragiis prævalere; quin imò prudentiorum Principum legibus sancitum est, ne de proprio crimine confessum super conscientia scrutemur alienâ, neve solis præsumptionibus quemquam damnemus; His tamen in fortilegii quæstionibus tam longè progressum est, ut spretis legum divinarum terminis, atrocioris flagitii prætextu, dubiis etiamnum indiciis ad tormenta deveniatur, his-

*Exod. 33, 7.*

*Matt. 13, 29*

*Exod. 23, 1.*

*¶ 2.*

*non suscipies vocem mendacij nec in judicio acquiesces plurimum sententia.*

*l. repeti. §. is qui. ff. de qu. l. fin. C. de accusat. l. absentem. ff. de pœn.*

72 TORTURÆ DISCVSSIO,  
que momentis præjudiciali judicio  
vimque diffinitivi sortituro rei con-  
fessionis tam indubiæ exponuntur,  
quàm incerta est ejus veritas.

C A P. IIX.

*An intè credatur consciis ejusdem  
criminis de quo queritur, quicquid  
strepant humana leges.*

**O**Bjicias; nisi reprobatis aliunde  
testibus in hoc probando crimine  
fides adhibeatur, atrociora flagitia  
absque vindicta remansura, quum ex  
solis consciis probari possint. Re-  
spondeo, me neutrum admittere. Sa-  
nè si mundus casu agitur, exclusâ o-  
mni providentiâ, procul dubio impu-  
nitati locum fore annuo; sed si qui  
mundo præsidet Deus, cuncta provi-  
det & prævidet, ut ex fide & rationis  
lumine ad evidentiam docemur, nul-  
lum impune nefas insomni provido-  
que vindici elabitur. quòd si, præsti-  
tis quas officium nostrum exigit di-  
ligentiis, ad normam divinæ legis, fi-  
de dignorum testium dictis criminum  
probationem integram non datur eli-  
cere, eorum vindicta divino judicio  
relinquenda est. Sanè inscrutabili  
ejus



eius providentiâ criminum nobis abstrusiorum veritas innotescet, si nobis cœlitus datum est in eorum auctores animadvertere; Sin minus, eò nobis præbetur argumentum, Deum sibi vindictam seposuisse; quod si cui novum audaxque videbitur, me in Gentilium leges inventaque liberiùs inquirere, mirari desinet, quùm non cuiusvis modò Judicis interesse compriet, sed etiam Christianæ reipublicæ, quicquid à Gentilitate prodiit attentius scrutari, ut si quid divinæ legi naturæque juribus dissonum in jura nostra moresve gentili contagio in-  
 vectum est, ad sanio-rem usum Principum Christianorum auctoritate redu-  
 catur.

Jam verò quid ambigimus ex di-  
 vinæ legis effatis ab omni ignorantiae  
 labe nos asserere? Si tamen usque ad-  
 eò mentibus nostris invaluit legum  
 Romanarum præsumpta justitia, ju-  
 vat auctoritati divinæ legis quâ sen-  
 tentiæ nostræ fulcitur imbecillitas,  
 graviores addere calculos, quibus par  
 illustre sanctiorum Christianæ pie-  
 tatis luminum nobis in his sensibus  
 præluxere. *Eorum vindicta* (inquit

Divus Gregorius Pontifex) *divino*

E 5

EXA-

*c. cum in  
 lege. S. his  
 itaq. 23.  
 qu. 4.*

*examine tantum est reservanda, quando crimina et si nobis nota sunt, tamen manifestis indiciis probari non possunt. Præstat*

*August. c. enim (inquit in eandem sententiam mira litter. Divus Augustinus) quamdiu palea trituratur, ante tempus ventilationis, tolerare potius propter bonos commixtionem malorum, quam violare propter malos chari-*

*lib. 3. c. 3. tatem bonorum; quibus addo Stephani tertii Romani Pontificis collectam à Gratiano in hæc verba sententiam.*

*Quod sanctorum Patrum documento sancitum non est, superstitiosa ad inventionem non est præsumendum; spontaneâ enim confessione, vel testium approbatione publicata delicta, commissa sunt regimini nostro judicare; Occulta verò & incognita illi sunt relinquenda qui solus novit corda filiorum hominum.*

Superiùs asseruimus Romanæ legis interpretes, ut sortilegii quæstionibus majus pondus conciliarent, huic quæstioni titulum læsæ divinæ majestatis adscripsisse, adeoque illi majestatis humanæ privilegia communicasse; quumque in hujus criminis quæstione atrocioris torturæ usus jam inde à Romanis sæculis invaluerit, sortilegio etiam eadem privilegia communicari capitalium Quæstori-  
bus

bus placuit. Sed quum majestatem humanam inter & divinam infinita sit disparitas, momentaque quibus innixi Romani juris interpretes à communi naturalique jure recedere ausi sunt, toto cœlo à divinis juribus aliena sint, superest ut videamus quid sit læsæ majestatis crimen, & an Deum inter & hominem detur aliqua proportio quæ nos adigat ut pari cautelâ supremo increatoque rerum Domino ac humanæ Principum majestati consulamus.

## CAP. IX.

*An privilegia Majestatis humane rite adaptentur divinæ majestati, quidque intersit inter utramq.*

**M**Ajestatis crimen apud Romanos *Cicer. de*  
legis hujus auctores nihil aliud *Orat. 2.*  
à principio fuit, quàm summæ potestatis diminutio, quæ fiebat perduellione, seditione concitatâ, vi hostili intentatâ sive adjutâ, ambitâ vel usurpatâ tyrannide, seu mavis supremo dominio. Sub Cæsaribus potuit & illud adjici quod hodie primum caput nuncupant, id est, in caput Principis conjuratio. Atqui quum humana  
pote-



potestas quæ majestati synonymum est, in homine mortali resideat, aut sanè in præfinito hominum Concilio siue Senatu, quorum potestas & salus interitui subjacent, hinc necesse fuit humanæ curæ horum incolumitati remediis extra communem legem quæsitis prospicere; Scilicet ut in Principem aut Rempublicam conjurantium supplicio, securitati publicæ consulereetur.

Hoc unico momento tot à jure communi novitatibus est recessum, quæ etsi tunc temporis ipsâ novitate atque insolentiâ percellebant animos, longè tamen aberant à discrimine periculisque, quibus innocentium salus in sortilegii quæstionibus objicitur; nullus enim majestatis judiciis nisi per accusationem patebat aditus, adeò ut ratione teneretur quisquis accusato crimen impositum non probavisset; Sed hodie Syllanianâ severitate, explosâ talionis pœnâ, cujus timore testes & accusator plerumque à calumniâ deterrebantur, cuique infami sortilego, facinoris ejusdem socio facultas concessa est, ut secreto testimonio cuivis innocenti negotium impune facefferat, vitam, honorem, bona in

*l. si quis. 3.  
C. ad leg.  
Jul. majest.*

in discrimen vocet, denique, ut verbo dicam, cautelæ omnes quibus innoxiorum saluti consulebatur antea, exulare prorsus hic ab judiciis iustæ sunt, liberque calumniæ patefactus est aditus.

Sic nempe Tyrannis illis Romanæ libertatis everforibus pro libito visum est togata mancipia privilegiis immanibus subicere; sed etsi Principum mortalium salus quibuscumque cautelis indigeat, nullâ tamen hominum curâ divini numinis majestas ab omni vitæ, læsionis aut dispendii periculo secunda omninoque impassibilis, nedum vindicari, sed ne servari quidem indiget. Nulli mortalium injuriæ patet ille summus naturæ moderator & Dominus. Quosvis enim humanæ proterviæ conatus ridet, & despicit, suapte naturâ extra omnem periculi aleam positus; Nec cultu nostro augetur Majestas ejus infinita, nec irreligione despectuque diminuitur; Itaque quibus remediis humanæ potentiæ consulitur, divinæ nec incrementum nec salus conciliatur. Insurgat quantumvis in auctorem mortalis audacia; suis ipsa conatibus perniciem sibi solæ molitur, In hominem temerarius ausus

ausus ex integro recidit; nec quicquam honoris, potestatis aut gloriæ inalterabili majestati deperit aut decrescit. Quid igitur innocentium periculis majestatis inaccessæ tutamen aut vindictam supervacaneè molimur, quùm nulli mortalium patent injuriæ? quod attinet, humanæ majestatis incolumitatem ex legum divinarum præscripto vindicemus & asseramus. Inquiramus quibus licet mediis in divini numinis contemptores, sic affatim divinæ legis justitiæque officio debitum rependemus.

In nonnullis Europæ ditionibus quæ sancto Inquisitionis tribunali non subjacent, capitalium Judices sortilegium à maleficio dividunt, quæ plerumque nomina alibi perperam confunduntur. Hæc distinctio eadem est quàm quæ genus à specie distinguit. Deo quidem judicium relinquunt actuum secretiorum, in quibus à malis geniis sæpissime fatuitati humanæ illuditur; horum, inquam, actuum qui communes hominum notiones exuperant. Cautè incedunt in admittendis sociorum criminis indiciis, nec confessioni quam tormentorum clamnata toties mendacii vox extorsit,



fit, fidem adhibent; sed faciliore veneficii aut homicidii, quæ sensibus humanis percipiuntur probationi incumbunt; Ad hanc normam ferè omnes Galliarum Curiae maleficii quæstionem redigunt. In hoc autem casu quæstio solis illis periculis subjacet quæ privilegiatos processus respiciunt: sed in sortilegii, quatenus sortilegium, quæstionibus, quum undique Cacodæmonum præstigiis pateat locus, in actibus præsertim qui raro sensibus testium fide dignorum subjacent, quum ipsi etiam Rei fallaciarum inanium specie decipiantur, torturæ usus nunquam à Judicum reorumque salutis animæque periculo immunis est.

Sanè humano ingenio inſevit nativa imbecillitas, ut Deum ex fortis suæ mensura metiatur; nec semel hoc exemplo usæ sunt humanæ leges ut ab æquitate desciscerent. Non est nostrum criminum secretiorum vindictam tanto ardore tantoque discrimine prosequi. Quum semel justo judici visum fuerit, ea in lucem proferet, pœnæque, citra noxam innocentium subiciet. In judiciis rerum capitalium illud præcipuè quæritur, ut  
flagi-

flagitiosus quispiam profligatæ nequitiae testibus integris convictus, legum rigori à Deo criminis evidentiâ traditus, tanquam victima cæteris in exemplum exposita, capite luat. Cæterum si de crimine patrato reove peracto non satis constiterit, ne innocens de salute suâ sub tormentorum rabie periclitetur, quidni Romanorum utamur mediâ sententiâ, etiamnum hodie Veneto Senatui consuetâ, *non liquere de re quæsitâ*, reumque intereâ, donec amplius liqueat carceribus committamus.

*Donato Giannotto è  
Gasparo Contarini,  
né Commentarij  
della Repub.  
Veneta.*

*l. quisquis.  
§ filij verò.  
C. ad leg.  
Jul. majest.*

Diximus aliquoties Romanos Cæsares idem sibi juris in homines tribuisse, quòd Deo immortalis competat. Hoc Arcadius & Honorius præsumere non sunt veriti, quùm innocentes liberos parentum flagitiis contra præscriptum divinæ legis implicuere. Enim verò soli Deo competit ex summo jure dominii in omnes animas ipsâ creatione quæsitæ, noxiorum pœnas ad innocentes extendere. Gregorius, Augustinus, Hieronymus, Urbanus secundus, cæterique omnes Doctores & Pontifices religionis nostræ primarii interpretes, parentum vitia in posteris eatenus solum à Deo & ab

& ab Ecclesiâ requiri testantur, qua- *Deuter. 24,*  
 tenus filii parentum imitatores exti- *16.*  
 terint; adeò ut eò res redeat, ut ex *Reg. 14, 6.*  
 proprio crimine quisque, non ex pa- *Paralipom.,*  
 terno aut avito puniatur. Ut enim *25, 4.*  
 cæteri Cæsares æquiori jure sanxe- *Ezech. 18,*  
 runt, nec patrem pro filio, nec filium *20.*  
 pro patre ex contractu posse conveni-  
 ri, ita nec ex delicto sanxere Dei &  
 Principum humaniorum leges nemi-  
 nem patris iniquitatem luiturum.  
 Nihil enim mortali Principi in subdi-  
 torum vitam honoremque juris est,  
 nisi proprio flagitio rei poenæ effecti,  
 capitali sese judicio implicuerint; ut-  
 que Arcadius & Honorius in poenis  
 majestatis extendendis iniquè se Deo  
 æquare præsumpserunt, ita Romani  
 juris novæ leges, non sine divinæ po-  
 tentiæ vilipendio, majestatem divi-  
 nam ad humanæ mortalisque privi-  
 legia detrufere.

Resipuere tamen illi Cæsares, ple- *l. sancimus.*  
 niùs explorato majestatis humanæ *C. de poen.*  
 jure, injustamque legem suppressis  
 quæ barbariem tyrannidemque redo-  
 lebant, ad divinæ legis amussim re-  
 formarunt; quid enim à veritate ab-  
 horrentiùs, quàm ex solâ criminum  
 in posteris possibilitate, seu ex tyran-

E norum



norum metu, de innocentium vitâ futurisque actibus statuere? quid Christianæ mansuetudini repugnantius, quàm solâ suspicione fontes peragere, qui nondum deliquerint, flagitiaque terrenis facultatibus æquiparare, quæ in liberos & hæredes necessariò transmittuntur? Satis constat legem in liberis parentum crimina repetentem sub Attico Cæsarioque Consulibus prodiisse; quæ si ad Christianam Epochem revocemus, annum nobis trecentessimum nonagesimum nonum efficiant, atque adeò lex *Sancimus* quæ liberorum innocentium indemnitati consulit, biennio ferè priori recentior est, utpote quæ sub Eutropii Theodorique consulatu lata sit.

Dixi legem illam, in liberos inquam, barbariem tyrannidemque redolere; quid evidentius? quum à Syllanianâ proscriptione ortum repetat, quâ proscriptorum liberi à Magistratibus petendis exclusi sunt. Hanc barbaricæ immanitatis notam à Persis procul dubio tyrannorum atrocissimus accersierat, quâ conjuratorum proximus quisque ad consanguinei supplicium vocabatur. Curtius &

*Q. Curt.  
hist. lib. 8.  
Justin. lib.  
27. sub fin.*

Justinus de Persis, & Macedonibus  
anti-

antiquis hanc nobis truculentiam as-  
 ferunt; sed ut Ammiano Marcellino,  
 Græco Gentilique homini, Batavo-  
 que Grossio visum est, nihil ab huma-  
 no ingenio inhumanius injustiusque  
 unquam prodiit; quid enim metu  
 illo, cui soli legis immanitas nititur,  
 inverisimilius? quàm ex pessimis pa-  
 rentibus optimi quotidie liberi nepo-  
 tesque prodeant; quapropter Alex-  
 ander ille Macedo, utriusque gentis  
 tandem Dominus, ab utraque barba-  
 ram diabolicæ immanitatis notam  
 pro potestate eluit, nunquam, Curtio  
 teste, exercitâ, nedum abolitâ tan-  
 dem crudeli lege. *Nescio* (inquit Hol-  
 landus ille Grossius) *quis Christiano Im-*  
*peratori Arcadio ausus est hoc dictare: de-*  
*buisse paterno perire supplicio in quibus*  
*paterni criminis exempla metuuntur. Lege*  
*Persarum & Macedonum quâ propinqui reo*  
*crimine læsæ majestatis perire unâ jubeban-*  
*tur, nihil immanius inventum inter homi-*  
*nes, cujus rei diritate exuperari teges omnes*  
*scripsit Ammianus Marcellinus.* Hanc  
 tamen Arcadii & Honorii tam diram  
 legem, quamvis lex posterior iisdem  
 auctoribus lata, si non expressè, po-  
 steriora enim derogant prioribus, sal-  
 tem comprehensivè, utpote quæ sen-

*Gross. de*  
*jur. pac.*  
*& bell.*

## 84 TORTURÆ DISCVSSIO,

fu generali concepta sit, revocaverit, in illâ tamen Codicibus Justiniani sui inferendâ, ut in cæteris sibi Tribonianus non temperavit, quùm enim posterius illud ex illâ membrum rescare, tanquam correctum, debuisset, integram nobis obtrudit, spretis aut non agnitis quibus ex diametro repugnat lege divinâ æquitæque naturali; quid mirum si tali legum Paganorum collectore, tot nobis Gentilium fœdissimi errores irrepsent, atque etiamnum passim cordato cuique fiant obvii; ut jure nobis timere liceat ne Juris-Consultorum plerisque religio sit, soli meridiano de diurnâ luce credere, nisi id ipsum sumptis ex Romano jure præcisus verbis, ex legum doctoribus probatum acceperint.

Sed, amabo, unde aviditas illa suppliciorum in sacerdotibus torturam & cruciatus inculcantibus? quonam abiit mansuetudo illa pietasque incruenta sacerdotii? si tyrannorum Gentiliumque vestigiis inhærendum est, debuitne profanum ac periculosum munus candorem sacri ordinis illibatum deturpare? quò toties à sacris legibus Conciliisque intentatæ  
 irre-



irregularitatis minæ? satisne se illis eximit qui, sacris initiatus, de re capitali inquirens, crimen tormentis investigat, suffragio suo admissum definit, *secularibus* (ut ajunt) Judicibus reum convictum mendaci torturæ examine ad supplicium remittit? Siccine vigilantibus excidit illud tritum juris effatum, *qui per alium facit, per seipsum fecisse reputari*? Nonne tortura judicium fulcit & operatur? nonne torturæ præjudicio, reo tormentis tradito lethale vulnus infligitur, quo plerumque reorum innocentia perimitur? quid interest ad mortem aut ad torturam damnet, quum ex inter loquutoriâ illâ (ut ajunt) sententiâ, torto cuilibet innocenti necessariâ consequentiâ capitale judicium subsequatur? quid quod & formandi processus rerum capitalium modi nobis præscribuntur, damnantis ad cruciatus sententiæ formulæ typis ad exemplum nobis exarantur, Pluries tortos jubemur repetere, donec quæsitî criminis confessionem omnimodam expresserimus? quòd si malè nobis audiat illa vox *tortura repetitio*, suaviore vocabulo rem terribilissimam condiamus, torturamque per plures dies

*Mall. Ma  
lef. part. 2.  
qu. 15.*

*continuare* præcipimur. Quid tetrius?  
quid immanius Nero Claudius, He-  
rodesve Idumæus ad extorquendam  
omnimodam confessionem commenti  
sunt?

*Adam. Tã-  
ner. de just.  
& jur. disp.  
4. qu. 5.  
dub. 4. & 5.  
Cautio cri-  
min. per to-  
tam.  
Delri<sup>o</sup> Dis-  
quis. mag.  
Binsfeld. &  
passim o-  
mnes,*

Nihil hic de tot tantisque torturæ  
abusibus quibus Christianus orbis  
passim vexatur ex me ingero; Pro-  
stant totâ Germaniâ venales libri qui-  
bus à doctissimis ac prudentissimis re-  
ligiosi instituti sectatoribus de tragœ-  
diis illis ad dolorem usque misratio-  
nemque doceamur. Quis tam divus  
Procustes aut Phalaris qui siccis ocu-  
lis legat immanitatem cruciatuum  
quibus, specie quærendi sortilegii to-  
tâ Germaniâ sævitur? Huic carnifici-  
næ prætexitur divinæ legis illud edi-  
ctum, quo sortilegos morti tradere  
iussi sumus. At ecquis is est qui le-  
gitimè convictos vivere patiatur? Sed  
in cuiusque inquisiti perniciem teme-  
rario zelo, mendaci torturæ confes-  
sione, undique irruitur, nec vacat au-  
dire ibidem præcipientem Deum, ut  
*Exod. 22. ne mendacij vocem in testimonium adhibea-*  
*Deuter. 18. mus.* Quid autem aliud *mendacij voce*  
*Levit. 19. nobis innuitur, nisi criminis ejusdem*  
*& 20. complices, sortilegi, infames, inimi-*  
*Exod. 23. ci, intestabiles?* Scilicet promiscuâ  
*1, & 2. dela-*

delatorum sortilegii strage zelum divinæ legis affectant, dum interim innocentium salutis immemores, perniciosum inquirendi modum potiore studio non abolent. Sortilegorum denique impunitate Satanæ regnum stabiliri inquiunt; sed præpostero studio cæcutientes, interim non advertunt, Dæmonum tyrannidem non aliàs potentiùs resurgere, quàm ex innocentum iniquis suppliciis quibus passim tartareis illis geniis litatur.

Sanè quicquid theorici illi Doctores in ocio & secessu comminiscuntur, justitiæ speculativæ respondet ad amussim, sed actu exercitum non idem sortitur judicium; nec vereor dicere malis geniis nullatenus uberio-  
rem artem ad perniciem hominum suppetere, quàm ex torturæ abusu in sortilegii Quæstionibus; sufficit enim ut popellum in anum edentulam ac ævo deformem suspicionibus excitent, ut illicò torturæ misella subji-  
ciatur, & si Binsfeldio, Lancellotto, *Binsfeld.*  
Marfilio, Bartholo, innumerisque *membro. 2.*  
aliis credimus, capitali etiam suppli- *Dub. an di-*  
cio damnetur, ex solo publici rumoris *ctum man-*  
indicio. Idem faciliùs consequentur *datarij so-*  
Dæmones, si ad similitudinem inno- *lum &c.*  
*Valent. tom.*  
*3. disp. 6.*  
*qu. 13.*



centis viri aut mulieris corpus aëreum  
 five phantasma induant in nocturnis  
 illis orgiis, aut somnianti strygi, mo-  
 lis phantasiæ speciebus illudant, ut  
 pronum esse Cacodæmoni mille ex-  
 perimentis constitit. Nec mora,  
 quamprimùm torturæ metus aut ipsa  
 tortura ingruat, stryx illa fatebitur  
 quoscumque volueris, ubivis loco-  
 rum, & si lubet, ipso in antro Tro-  
 phonii, Plutonis Proserpinæque pe-  
 netralibus oculis usurpasse; sed quid  
 ad hæc strygibus indigemus? Idem  
 de se quivis religiosus fatebitur simul  
 illum tormentis admoveris; hacque  
 potissimùm de causâ recentiores o-  
 mnes theologi unanimiter sentiunt,  
 posse innocentem, citra animæ dis-  
 pendium, falsâ confessione mortem  
 sibi in cruciatus solatium asciscere.

*Less. de just.*

*Et jur. c. 11.*

*dub. 7. n. 41*

*Angel.*

*verb. de-*

*tractio. n. 6.*

*Sylv. eod.*

*q. 3. Sor. eod.*

*lib. 5. q. 1.*

*Navarr. de*

*rest. lib. 2.*

*s. 4. n. 134.*

Ulteriùs urgebis, quæstiones has  
 à sanctâ sede religiosis viris commit-  
 ti; fateor, sed ab eadem sede non ma-  
 nant quibus plerumque peccatur ab-  
 usus. Quin imò sæpiùs in Quæsito-  
 res inquiritur, acta rescinduntur, er-  
 rores emendantur. Qui quæstioni-  
 bus fortilegii favent, unum præten-  
 dunt auctoritatis Pontificiæ suffu-  
 gium. Illam equidem non impu-  
 gnamus,

gnamus, dummodò ne statutis excedant limitibus; neve ad solas divinationes aliaque superstitionum genera se porrigant quæ cum hæresi non conveniunt; ab his enim investigandis sedis ejusdem auctoritate prohibentur; Asserunt probos & pios viros huic ministerio intervenire; nec repugnamus, talesque optamus ex animo, solumque id regerimus, præposterum studium in eadem sæpe mala prolabi, quàm quæ irreligio ignorantiaque humanis animis suggerunt. Dicunt, possibile esse quæcumque torti de sortilegio seu fecisse seu vidisse solent fateri, etsi plerumque naturæ vires humanumque captum exuperent; nos verò argumentum ( ut scola loquitur ) *de posse ad esse* in proba Logica nihil probare respondemus. An actu vera sint illa de quibus agitur, quæstio est, non utrùm malis geniis aut naturâ aut supra naturam sint possible. Dico autem confessionem cruciatibus expressam dolorem patientis arguere, veritatem criminis non arguere. Rursus inferunt, has confessiones sæpenumero sponte fieri, quòd ante torturam, aut etiam absque tortura prodierint; sed reticent, illas ad aspectum crude-

*c. accusatus de hæret. in 6. S. sanè.*

90 TORTURÆ DISCVSSIO,  
lis carnificinae apparatus ipso ter-  
rore extortas, nec rarò mulierculas il-  
las prima tormenta delibasse ante-  
quam fateantur, quæ torturæ fauto-  
ribus ideò pro nihilo reputantur,  
quòd ad extrema ventum non est.

*Barth. Spi-  
neus Apo-  
log. 1. in  
Ponzinib.  
c. 3.*

Ajunt sibi solis datum quæ supra na-  
turam sunt securo ac irretorto lumine  
perscrutari. Jurisprudentum autem  
aciem cæterorumque hominum qui  
ex eorum disciplina non prodierint  
ad talium aspectum cœcutire. Nos  
certè, etsi de nobis nil præsumimus,  
remur tamen & asserimus, omnem  
hominem præstanti ingenio probis-  
que corporis organis temperieque  
præditum, cui longo studio multo-  
que rerum usu mundum rimari conti-  
gerit, omnium artium scientiarum-  
que principia posse comprehendere,  
eaque non solum nosse, sed iis ratioci-  
nando uti, etsi assuetis ludo seu scho-  
læ verbis factitiis & neothericis non  
utatur, pluraque insuper nosse, quàm  
quæ theoreticis nosse rimarique aut  
actu probasse contigerit.

*Exod. 22, 18*

*Levit. 20, 6.*

Scimus Deum dixisse *maleficos non  
patieris vivere*, atque alibi, noluisse cum  
Magis & Ariolis iniri commercium,  
sub comminatione mortis contraria  
facientibus; sed scimus etiam Deum  
nulli



nulli hominum præcepisse ut ad probandum fortilegium seu quodvis aliud atrox flagitium ad cruciatus deveniat. Illâ ipsâ lege omnis puella *Deuter. 22, 20.* quæ innupta, pudorem virginalem contaminasset lapidibus ad mortem obruebatur. eâdem pœnâ tenebatur *Levit. 21, 9.* omnis filius patri non obtemperans; Quòd, si legum illarum vigor etiamnum integer in judiciis nostris vigeret, quo loco res humana foret perpendendum cuique relinquimus; Adeò nulla proportio est inter Mosaicæ legis circa judicia severitatem & Christianæ mansuetudinem. Omne illud Hebræorum jus, quod legem vocant, Exodo, Levitico, Numeris & Deuteronomio contentum, capitalibus plerumq; constabat pœnis; unde merito jure cruenta lex, sicut & illæ Draconis Atheniensibus positæ leges potuit appellari. Hinc magnus ille gentium doctor de utraque lege ad Romanos verba faciens; *non enim Paul. ad Rom. 8, 15.* (inquit) accepistis spiritum servitutis iterum in timore; sed accepistis spiritum adoptionis filiorum in quo clamamus Abba pater; expressè innuens expunctam ab Evangelica mansuetudine antiquam Mosaicæ legis severitatem Christianosque

nosque in libertatē assertos, ad discrimen Hebræorum, quibus tanquāmfervis, instar Romanorum, lex illa capitalis & cruenta data fuerat.

*Num. 5, 13.  
Josua. 7.*

*Deuter. 19,  
15.*

*In ore duorum vel trium stabit omne verbum  
ibid. 6.  
non stabit unus testis contra aliquem, quicquid illud peccati & facinoris fuerit.*

Quisquis tamen fuerit legis illius Judaicæ rigor, ne in levissimis quidem maleficiis exorabilis, adeò ut in adulterii quæstione Deus in purgationem Zelotypiæ tentaretur per haustum aquæ maledictæ; & ad detegendum furtum cui probando testes deessent, divisoriae fortis discrimini se committerent, nunquam ad tormenta devenit, quibus ex ore rei criminis confessionem eruerent; Omnis enim probatio per testes duos aut tres fidedignos aut facti notorietate constabat; testis autem unius, quicquid peccati aut facinoris quæreretur, nedum indicium nec probationem, ut ajunt, semiplenam faciebat; quin imò nullius momenti reputabatur; quodque notatu dignum est, prohibitio hæc, ne testimonio quantumvis conspicuo fides adhibeatur, ad omne genus criminum quantumvis atrocium porrigitur, nullamque criminum ab Ethnicis auctoribus exceptorum, seu, ut vocant, privilegiatorum exceptionem admittit, adeò legumlatori illi  
san-

sanctissimo antiquum fuit innocentis iniquæ sorti incerti judicii non obijcere. Hoc apertius patet ex eo, quod *ibid. c. 17. n. 8. & 9.* deficiente probatione Levitas & summum sacerdotem jubet consuli. Idem & in crimine falsi præcipit, nec unquam à Deo criminum probationem à tormentis repeti jussum aut permis- sum invenietur. Quin imo lege illâ Mosaicâ à Deo populo suo promul- *Deuter. 19, 16. & 17.* gatâ, sancitum est, quo denique ge- *Matth. 18, 16.* nere probationis in quælibet flagitia inquireretur; Idemque in lege Evan- *Joan. 8, 17.* gelica Christi servatoris oraculo con- *Paul. 2. ad Corinth. 13, 1.* firmavit, iisdem fermè verbis, quibus vetus illa lex usa fuerat, probatio- nem, inquam, per testes fidedignos faciendam.

Objiciet fortasse quispiam argu- mentum hoc nostrum ex legis divinæ sancitiserutum, esse duntaxat nega- tivum; sed pronum est objectioni sa- tisfacere, si gravitate quâ par est per- pendatur, argumentum hoc negati- vum à divinis effatis ex ipsâ materiâ de quâ agitur petitum quælibet ho- minum inventa juri divino æquitati- que naturali pugnantia facile supera- re; quum enim providus ille rerum conditor & moderator nihil futuro- rum



rum totis sæculis circa criminum probationem difficillimam non præviderit, confidenter inferendum est, quicquid divina providentia in expressis de criminum probatione legibus non dixerit, non ex re humani generis fuisse; non enim omisisset, torturæ subsidium, si quicquam ad eruendam veritatem duxisset conducere; quum autem specificè & expressè in hac ipsa re statuens, convictionem per testes idoneos pro omni probationis modo & specie admiserit, torturamque silentio præterierit, quid clarius ex legum Romanarum principiis usu receptis, *quam inclusionem unius, exclusionem esse alterius?* Ut enim Divo Augustino visum est expressè definire, *quum quid à legislatore sancitum est, in quo non nihil est silentio præteritum, inde probatio certa deducitur, quamvis negativa illud ex mente nomothetæ fuisse de industria præteritum, tanquam rei de qua sancitur non conveniens.* Quid igitur Romanis aut cujusvis gentis legibus officimus, si divinæ legis effata præ illis existimamus? neque adeò quemquam jure mihi succensurum suspicor, quòd Christum legem æternam viventem, Moysenque divinæ veritatis

tatis organum quibuscumque torturæ novorumque jurium invectoribus præhabuerim.

Præcipuum torturæ deploratique Capitalium processuum rigoris fundamentum in eo potissimum nititur, quòd si quis de sortilegii crimine semel delatus, impunis evaserit, genus hominum universum calamitatibus obruet; sed ut timori locus sit, primum omnium requiritur ut sortilegii convincatur; atqui jura omnia naturalisque ratio pro innocentia sunt, quamdiu de crimine non constiterit. Sed nec rumore vulgi, nec præsumptionibus, nec testimonio unius quantumvis integri testis, nec complicitis vi tormentorum ad se aut alios prodendum adacti, de crimine constare divino humanove jure potest; non igitur certo & indubitato periculo exponendi sunt, experimento, inquam, torturæ, mortem enim unicam & promptam procul dubio in remedium advocabunt, ut ope mendacis confessionis mille se cruciatibus eximant quavis morte durioribus; Atqui si auctore Paulo Apostolo, communique Theologorum sententiâ, *non sunt mala facienda,*

*Delri<sup>o</sup> Disquis. lib. 5. appendic. 2. qu. 1. concl. 1. Tann. de just. & jur. disp. 4. q. 5. dub. 2. n. 24. Prosp. Farinac. prax. crim. lib. 1. tit. 5. qu. 43. n. 76 Gloss. in l. fin. C. de accus. verbo conscientia, & l. 1. §. idem Cornelio. ff. de quest. Constit. Caroli V. Cap. 5. Paul. Rom.*

*ut eveniant bona, ut quid liceat innocentum aut saltem rei non rite peracti supplicio securitatem publicam redimere? quis verò à suppliciis immunis, si flagitiorum possibilium metu liceat quemque accusatum necdum convictum tormentis morte dirioribus ad confessionem adigere.*

## CAP. X.

*Iterum expenduntur verba Romanae legis, super fide torture adhibenda quovis tempore.*

EXpendamus iterùm verba primæ illius legis de Quæstionibus, ut de contradictorio ejusdem sensu exploratiùs liqueat. Sanè non solum sibi metipsi in indaganda veritate repugnat, sed rectæ naturalique rationi ex diametro rebellat. *Non esse à tormentis incipiendum Divus Augustus constituit, neq; adeò fidem quæstioni adhibendam.* Jam verò, quæro ab Ulpiano ejusque nostratibus auctoritatibus, quandoquidem Augusti, Ulpiani cæterorumque Romani juris interpretum consensu probatum est, quæstioni fidem non adhibendam, quid amplius fidei adhibeat fallaci testimonio in progressu sive in  
fine



fine processus, quàm in ipso limine ipsi adhibuerint? Aberuntne potius à fine vel à medio capitalis illius quæstionis fatalia momenta quibus reus, sive nocens, sive innocens ad mendacium, seu negatione veri, seu falsi confessione compellatur? Sanè quicumque aut vitæ cupidus, aut cruciatus impatiens in tormentis mentitur, mentitur autem omne genus hominum, nonne toto illo processu iisdem mentiendi causis affectibusque tenebitur? At quum semper eadem mentiendi causæ subsistant, quis neget eosdem semper effectus operaturas?

At (inquiunt Romani juris interpretes) ideò torturæ non fidimus. *l. r. §. quæstioni. ff. de quæst.* Scimus enim plerosque in tormentis ementitos in sese & in alios; quòd si tortoribus illis regeras; quid igitur fallaci experimento tamdiu utimini, quum vos ad opprimendos innocentes adigat? referet Ulpianus ejusque sectatores, non à tormentis quæstionem exordimur, sed præviis indiciis aut teste integro, ita demùm ad cruciatus subsidium descendimus, quum sola rei confessio ad plenam criminis probationem deesse videatur. Hoc unico effugio sese tuentur juxta in-

terpretes & Theologi ferè omnes qui  
torturæ suffragantur; Scrutemur igitur  
quid inde solidæ rationis eluce-

*Less. de iust. scat.* Si de crimine adeò liquet, ut  
*et jur. lib. 2. c. 29.* sola rei confessio deesse videatur, cur  
*Dub. 17. n. 152.* ad damnationem non descenditur,  
*Tanner. eod. tit. disp. 4. qu. 5.* quum rei legitimè convicti confessio  
*Constit. Caroli V. specialiter in hoc crimine sortil.* de jure non modò non requiratur, sed  
*art. 69. n. 8. Navarr. c. 18. Dub. 17. n. 59.* tormentis exprimi expressè legibus  
*Greg. Tholosan. Sin- tagm. lib. 28. c. 48. n. 18. et 19.* prohibeatur? Aut igitur indicia, præ-  
sumptiones, testimonia quibus urge-  
tur reus de crimine Judici plenam fi-  
dem faciunt, aut amplius ambigendi  
locus superest. Si primum, cur ad ju-  
dicium non sufficiunt? Si secundum,  
cur ad imperfectæ probationis sub-  
sidium, mendaci supplemento utimi-  
ni? Cur probationes illas imperfe-  
ctas, cur indicia, cur testis illius singu-  
laris nutantem fidem felici tempera-  
mento seu procuratæ pharmacis reti-  
centiæ refellenda committitis. Reus,  
seu nocens sive innocens, tot inter im-  
manes cruciatus, nonne iisdem sem-  
per verum tacendi aut falsum confi-  
tendi momentis urgebitur, quum  
menti perpetua illa species obverse-  
tur, se ideò tantis doloribus excrucia-  
ri, ut ex ore proprio sive mortis adeun-  
dæ seu finiendi cruciatus sententia  
prodeat?

Ur

Ut ingenuè verum fatear, subiit *c. ex tuo-*  
mirari centies tot Pontifices & Con-*rum. extr.*  
fessus Oecumenicos quorum decretis *de purg.*  
purgationibus vulgaribus, ceu super-*can.*  
stitiosis & periculosis est interdictum,  
curas hætenus ad tragicos torturæ  
effectus non intendisse. Certè aut  
nunquam fefellit nec periculo caruit  
temeraria illa per ignem & aquam  
ferventem purgatio, aut torturæ fal-  
laciâ pleræque omnes facilè superan-  
tur. Nempe in illis Deus super re  
per testes improbabili consulebatur,  
atque adeò quandoque innocenti  
subveniebat, quùm ex Judicis sen-  
tentia aut adversarii urgentis pertina-  
cia, non propria temeritate adigere-  
tur. Sed in torturæ fallaci experi-  
mento Deus temerario ausu ad mira-  
culi necessitatem compellitur; scili-  
cet ut irritò cruciatu vires humanas  
exuperanti silentio sibi consulat, af-  
fectusque timoris aut doloris invinci-  
biles impossibili patientiâ tortus in-  
nocens superet. Scilicet veritas in  
*voce mendacij* quæritur, atque adeò in-  
nocentium salus, honor, facultates  
omnes certo discrimini subjiciuntur,  
non alio momento, quàm spe dubiâ  
reum incompertumprehendendi.



Sanè rerum capitalium jurisconsultis convenit, torturam esse purgationem vulgarem. Nihil inter illos illâ loquendi formulâ frequentius, *Torturâ purgari indicia* ; sed purgatio illa ideò superis hominibusque intolerabilior est, quòd si reus vero flagitio tenetur, purgatione illa innocentior quàm antea fuerit reputatur; Si verò innocens est, illum ad alieni flagitii pœnam adigit, graviore supplicio quàm si utraque manu truncaretur. Nunquid igitur utrimque Deus ad miraculose effectus temerè compellitur, aut impossibili convictione rei tormentis assueti, aut Narcoticis medicaminibus, aut arte diabolica indurati, aut manifesta oppressione innocentis tantis cruciatibus imparis?

Procul dubio si malus ille genius germanâ duntaxat flagitiorum specie humanis mentibus irreperet, rariore successu in perniciem hominum grassaretur. Nempe per speciosas illecebras, fucatâ rerum tetriorû facie mentibus nostris insidiatur; ac primùm quidem sacris Codicibus abutitur, ut religionis fuco, cujusvis de sortilegio suspecti perniciem nobis inspiret. Ab humanis legibus porrectum ad quæque

que devia mutuatur excessum, cæco-  
que Romani juris studio plerosque  
legum interpretes adeò transversos  
agit, ut more Pithagorico, in magi-  
strorum verba adacti, quæ semel ani-  
mis præsumpserint, ut divinæ legis  
effata per extrema quæque præcipiti  
cæcoque ardore prosequantur. Quis  
adeò fatuus rerum capitalium Quæsi-  
tor, ut innocentem pro innocente  
agnitum Diabolo auctore neci addi-  
cat? Sed simul vecordem animum  
præpostero divinæ majestatis studio  
implevit; quâ in re, etsi severâ, tardâ  
tamen vindictâ perennis ille rerum  
arbiter cum hominibus utitur; tum  
demùm specioso Romanorum jurium  
lenocinio incautis ingeniis suggerit,  
cæcâ observantiâ præscripto illarum  
inhærendum, Syllæque, triumviratus  
Augustani, tyrannidisque Cæsarum  
privilegia in saniorum legum vicem  
surrogat, testem omnem quantumvis  
infamem & scelestum; criminis ejus-  
dem complices, confessionem men-  
dacem vi cruciatuum invito & inno-  
centi extortam pro comperta legibus  
veritate rudibus aut religionis & ju-  
stitiæ immodicis Judicibus obtru-  
dit.

Hinc tanta tot Quæſitorum fortilegii immanitas præpoſtero pietatis ſpurioque ſtudio ſeducta anomalas illas legum meliorum exceptiones ad diriores exceſſus orſa eſt extendere, rumores plebejos probationum loco captare; illis tanquam indiciis ad torturam (ut ajunt) urgentibus moveri, humanas leges legumque abuſus divinis legibus anteferre, crudeliorumque opiniones, ſolidiore doctiorum ſententiâ, naturalique æquitate poſthabitis, licentiùs ſectari. Ita auctores *Mallei* quem vocant *Maleficorum*, Bodinus, Binsfeldius & innumeri, *vocem publicam indicium reputant ad torturam ſufficiens, multoq; fortius ad capturam*, id eſt, ut quiſque ſiniſtræ apud multitudinem famæ, ad carceres publicos illicò redigatur, quùm è contra ſaniorum calculo liqueat, *famam ſeu vocem publicam eſſe indicium fallax & remotum*, quùm vice accuſatoris habeatur, atque adedò nihil probet, nec in criminalibus in teſtem admittatur; quòd ſi ad torturam his auctoriſus urget indicium publicæ vocis, ad damnationem mortemque urgeat neceſſe eſt, quùm à torturâ hodiernâ nullus innocens inconfeſſus abeat.

Sed

*Leſſ. de juſt.  
 & jur. lib. 2.  
 c. 29. Dub.  
 17. n. 156.*



Sed quid non comminiscetur hostis ille generis humani sub pietatis aut justitiæ specie, quùm à nonnullis etiam Judicibus in testem ipsemet admitti meruerit, hisque in judiciis, quibus de reorum honore & vita agitur? Hoc nempe operatur atrox illud laxioris jurisprudentiæ dogma, quo à theoricis plerisque practicumque nonnullis sancitur, ejusdem criminis socios hoc in sortilegii judicio fidem in complices mereri, ad torturam, ad-  
 eoq; ad mortem sufficere infames testes, extortasque cruciatibus accusantium, seu (ut vocant) revelantium voces. Quid Theoricorum plerisque speciosius, hoc argumento? *Criminis enormitas humaniq; generis ratio in extirpandis sortilegis Judicem à legis rigore solvunt his in processibus instruendis. eorum probatio tantæ molis est, ut non aliter in lucem prodeant, quàm intestabilis cujusq; testimonio; quod si quem indemnatum de tot delatis elabi patiamur, Deum in genus humanum talium incuriam impunitatemq; vindicaturum?*

*Mall. Ma-  
 lesf. Bodin.  
 lib.3. Bins-  
 feld. ubi  
 supra.*

Sanè ex tot nuperis auctoribus qui *Delvius*  
 de justitia & jure quotidie volumina *lib.5. ap-  
 pend. 2. quo  
 1. concl.1.*  
 voluminibus accumulans, non pauci *Farinac.*  
 solidioris ingenii liberè in hos abusus

*lib. 1. tit. 5. qu. 43. n. 36. gloss. in l. fin. C. de accusat.* investiti sunt, funestamque malorum inde emergentium seriem querelis prosequuntur. Alii, timidioris ingenii viri, sæculo suo servientes, obliquâ censurâ carpere laxiores contenti, in cæteris acquievere; Commune tamen odium quo atrociora flagitia prosequimur, quàm nostrum cuiusque intersit à noxiis nos asserere, ad laxiora dogmata plerisque recentiorum transversos agit. His accedit frequens inter homines familiareque malum ignorantia, nimiaque alienæ auctoritatis æstimatio, ac denique fisci avaritia, quæ mentem nobis infirmam adversus æquitatis securiora præsidia obdurat, reorumque innocentium perniciem pro grato superis sacrificio in hoc crimine nobis approbat.

Hoc unico prætextu in sortilegii quæstionibus ab omnibus antiqui juris formulis recessum est, æquitatque naturali derogatum, quâ jubemur *ne quem de se confessum super conscientia scrutemur alienâ*, quàm (ut perperam ex adverso objicitur) reipublicæ bonum privato bono præferendum sit; sed si in quæstionum usu plus periculi publici, majusque nobis ac proclivius inno-

*l. fin. §. ne-  
mo igitur.  
C. de accu-  
sat.*

innocentium discrimen quàm facinororum convictio comperiatur, quid vetat, quò minùs, exploso vetere abusu, ad saniolem legum divinarum observantiam redeamus, quàm præsertim quotidiano experimento de torturæ fallacia mendaciisque convincamur? enimverò non in hac sententia solus hæreo, timidiusque ac reverentiùs eâ uterer, si non firmissima ratione gravissimaque piorum doctorumque idem sentientium auctoritate niteretur; & ratio quidem est, *Delv. lib. 5. sect. 5. n. 4. Tanner. de just. & jur. Diss. 1. q. 5. Cautio crimin.* quod innocentis unius salus Deo nobisque carior acceptiorque esse debet, quàm decem noxiorum damnatio, atque adeò decem potius illi impunes dimittenti sunt, quàm unius injusto nos supplicio inquinemus. Ratio hæc Evangelicâ veritate fulcitur, quâ *Matth. 13. 19. & 30.* præcipimur, ne præpostero studio zizania eradicandi, in periculum impingamus, triticum, id est bonos simul cùm malis extirpandi, officium illud divinæ justitiæ ad universalis judicii diem remittentes, quam diem providus rerum conditor & moderator, *diem messis* metaphoricè indigitat: Atqui si sociorum ejusdem flagitii reorumque confessionibus cruciatibus



extortis insistamus, in infinitam innocentium lanienam, ex rationibus ac experimento luce meridiana clarioribus necessariò implicamur. Igitur ex evidenti publici boni respectu ab explorato errore desistendum est.

*Ex ordine  
Capucino-  
rum.*

*L'incredulité scavante & la credulité ignorante  
Impress.  
ann. sal.*

*1671.*

*Luc. 19, 22.*

Prodiit tamen in lucem paucis ab hinc annis Reverendi Patris Jacobi Augustodunensis liber, cui titulus est, *docta incredulitas, seu indocta credulitas*, iisdem ni fallor, erroribus obnoxius, quod humanæ legis auctoritate in devia prolapsus auctor, arctis divinæ legis cancellis se satis non continuit. In id enim Evangelii intentus, ubi divinus Legislatoꝝ metaphoricè, ut plerumque solet, loquutus, se ex ore proprio de servo nequam judicare profitetur, publici illius boni specioso ductus prætextu quo torturæ rigor exitialis innititur, testimonia illa jure divino reprobata, extortasque tormentis reorum confessiones, tutam moraliter opinionem præstare arbitratur; sed si seriùs expendamus bonum illud publicum quo torturæ diritas specie tenus innititur, procul dubio depræhendemus, illud in bonorum conservatione potiùs, quàm in fontium damnatione versari, quàm  
ex-

expresso divini oris effato prohibeamur, in fontes non exploratos animadvertere, ne sub nocentium specie communi supplicio & innocentes implicemus.

Ut autem plenius excutiamus divinum illud oraculum quo vir ille religiosus innititur, juvat ipsa Servatoris verba referre. *Serve nequam* (inquit) *ex ore tuo te judico*. Judicat sanè pater ille familias in parabolam à Christo Servatore inductus, servum suum fatentem, sed spontaneâ confessione; multum autem interest quo quis modo confiteatur; an internâ cordis compunctione, quæ germanam veritatem redolet, an immani cruciatuum lanienâ ad voces coactas & omnimodas tyrannicâ crudelitate compellatur. Non igitur penitio-rem divinæ metaphoræ sensum speculatus est vir pius, quâ nobis exemplum privatæ œconomix, non publicum politici aut juridici regiminis exhibetur. Deerat enim confessioni illi Evangelicæ horrendum illud ac immane torturæ adjunctum suapte naturâ nunquam mendacii suspicione carens, quo tota rei species imutatur, nec ullâ ex parte casui nostro respondet.

Nimi-

*Contrarii  
tenuerunt  
Delrius  
Disq. Mag.  
lib. 5. sect. 5.*

*n. 4.*

*Chassan. in  
consuet.*

*Burg. ru-  
bric. 1. §. des  
justices &  
droits d'i-  
celles.*

*Jul. Clar.  
q. 21. n. 9.*

*Prosp. Fa-  
rinac. q. 43.*

*n. 39. & 62.  
& 73. cum*

*aliis, quos  
refert &*

*sequitur*

*Mart. Del-  
rius ubi su-  
pra.*

Nimiùm igitur humano dogmati tribuit religiosus scriptor, quùm parte conciliantis susceptâ, transit in partes severiorum juris antiqui divinæque legis transgressorum, criminum atrociorum adulteram admittit probationem, fortilegium tot ludificantium dæmonum præstigiis obnoxium, torturæ probationibus subjicit. Confessionum cruciatibus extortarum dubiam fidem veretur agnoscere ingenuèque profiteri, severiorumque insistens vestigiis, sub publicæ causæ larvâ, deploratæ suffragatur iniquitati. Quid enim aliud est iniquitatem fovère, quàm sententiæ illi subscribere quæ ex duobus incertis certitudinem elicit? Indicia nempe ex teste unico deducta, quæ vix semiplenam probationem efficiant fallaci torturæ supplemento completa. Aristotelem denique in Apollinis oraculum sibi præfigit, quùm ex ejus dogmate, vulgi rumores, quòd apud credulos speciem veritatis usurpent, pro veritate reputat. Sed veritatem in judiciis quærimus, nec speciem veritatis incertam, quæque plerumque fallat processuum capitalium pharo temerè præfigimus.

Atqui



Atqui in sortilegii quæstionibus nihil vulgari rumore incertius. Quis enim fatuæ plebis sciolorumque nœnias ac deliramenta non novit, in rebus Cacodæmonum præstigiis undique scatentibus? quis denique dolos artesq; versutissimi veteratoris ignorat, quibus plerumque cautionibus imponit? Quid mirum si nobis sub zelo religionis irreperit.

Haftenus naturalis sensus evidentia, legumque divinarum irrefragabili auctoritate falsam illam larvatamque boni publici speciem quâ sortilegii quæstiones cæterique juris abusus fulciuntur plenius expunximus.

Si quis tamen humanæ doctrinæ suffragia in subsidium desiderat, en quod in istis senserit doctissimus ætate nostra theologus.

*In criminibus De iust. & (inquit Adamus Tannerus) exceptis* jur. Disp. 4  
*aut non exceptis; etiam in quæstione sortile-* q. 5. Dub. 1  
n. 3.

*gii, ita procedendum est, ut in illis processibus innocentes plerumq; non periclitentur ex defectu cautionum moralium à Judicibus neglectarum.*

Sententiam suam firmat loco sæpius à nobis hoc in opere ex Matthæo Evangelista desumpto, ut Matth. 13.  
*ne scilicet cum lollio eradicemus & trit-* 29.  
*cum; unde concludit, hoc in oraculo*

gene-

generalem legem præscribi quibus-  
cumque Judicibus & Magistratibus,  
ut si quod crimen puniri & extirpari non  
possit, non solum absq<sub>3</sub> certa perniciæ, sed  
etiam sine morali periculo innocentum

*Idem Tan-* (quod nempe significatur per particulam  
*ner. tom. 2.* forte) abstinendum potius ab illius criminis  
*disput. 5.* punitione, idq<sub>3</sub> divina vindicta ultimq<sub>3</sub> ju-  
*q. 1. Dub. 3.* dicio relinquendum, quàm intempestivo per-

niciosoq<sub>3</sub> studio innocentes simul cùm nocen-  
tibus perimere; hancque communem  
esse Doctorum sententiam testatur &  
suffragio suo confirmat; atque idè  
lectorem ad hunc theologum remitti-  
mus, ut ex ejus lectione certior fiat,  
diserto tanti auctoris experimento,  
quàm grave reipublicæ sæpius crea-  
tum sit possitque imposterum creari  
periculum ex depravata torturæ pro-  
cessuumque privilegiatorum licentia,  
quùm jure naturali nec divino, qui-  
bus Christiana respublica regitur, nul-  
lum discrimen intersit inter excepta  
& non excepta crimina quoad pro-  
cessum & verificationem, unde pru-  
denter pieque concludit idem Theo-

*Idem ibid.* logus, fore ut si denunciationes illegitimè  
*disp. 4. q. 5.* extorqueantur, vel nimium denunciationi-  
*Dub. 1. n. 2.* bus deferatur, non absq<sub>3</sub> periculo morali at-  
*tom. 3.* que præjudicio innocentium fieri possit;  
quin

quin si processus ejusmodi diu continuetur toti communitati periculum immineat, ne simul innocentes cum nocentibus eodem supplicio, quasi generali incendio comprehendantur; quod in hoc sortilegij crimine facilius evenire ipsa acerbitas & frequentia consueta tormentorum persuadet. Inquiret ulterius, vir pietatis eximiæ, in tragicos funestosque processuum irregularium excessus, quibus necessario innocentibus de honore, fortunis & salute ipsâ negotium facescitur; imò ipsi etiam Christianæ reipublicæ; diserteque calculo suo definit, ut si quo *ibid. n. 11.* processu fori criminalis, saltem inter decem aut etiam viginti nocentes, unus simul innocens eidem pœnæ & infamiæ possit involvi, ab ejusmodi processu, punitione ac inquisitione ipsorum etiam nocentium abstinendum.

Ipsi etiam Delrio (quis credat) quamvis severissimo quondam capitalium atque adeò sortilegij Quæstorii, semel excidit ad semetipsum reverso. *Disquis. Mag. lib. 5. sect. 5. n. 4.* Esso (inquit) sit probatio criminis admodum laboriosa. Progrediatur ergo hoc ad torturam; si ad necem inson-  
tis extendis, nonne durus & sævus meritò dicare? Sit crimen atrox natura; quid tum, si reverâ non commisit? Sic aliqui noxij  
ela-



*elabentur? præstat decem elabi, quàm unum innoxium condemnari. Si tortus fuit innocens, potest ei solatij aliquid impendi: si damnatus & necatus, quod tu mortuo præbeas cataplasma? quâ in re quis divini numinis providentiam non admiretur ex eodem ore tot rigorum quot Delirius undique scatet expressam palinodiam! Quid mirum, quàm ipsi etiam Aristoreli visum sit, satius ex re publica nocentes dimittere, quàm innocentes damnare?*

*Problem.  
sect. 29.  
part. 13.*

Nec ad præmissa infirmanda quicquam attinet quorundam Quæsitorum Canonistarumque similitudo à bello petita; quid enim commune torturæ cùm bellicis cladibus? Quas enim calamitates bellum ingerit, ad bona tantùm temporalia vitamque hominum porrigi certum est; sed violento illo processu criminum exceptorum, non vita solùm & facultates, sed honor etiam probaque existimatio plurimorum innocentium indubiæ perniciæ subjacent; unde cæteris dispendiis, quibus Christianæ reipublicæ quies ex torturæ injustis effectibus continuè convellitur, hoc etiam peculiare damnum accrescit, honoris ac famæ tot innocentum jactura,

*Id. Tanner.  
rom. 3. disp.  
4. de just. §  
9. 5. Dub. 2.  
2. 38.*

ctura, quam Deus ipse tanti aestimat. Aliud etiam discrimen intercedit inter exempla superius adducta, à nemine hætenus, quod sciam, torturæ improbatore satis expensum; quod scilicet bellum est malum pœnæ, ut Theologi loquuntur, cujus effectibus homo merè passivè subjacet ad divinæ vindictæ complementum; sed torturæ usus & abusus in quæstionibus obscuriorum criminum ex humana voluntate procedit, estque malum, (ut vocant,) *culpa*, quod neglecto divinitus præscripto ordine probationum, ad Paganorum tyrannorumque novationes præcipitat, bonumque publicum potius destruit quàm ædificet aut stabiliat.

Scio recentiorum plerosque, ipsum- *Apolog. 3.*  
que superius laudatum scriptorem *contra*  
novissimum à Bartholomæo Spineo *Ponzinib.*  
processuum istorum Apologista, ple-  
raque omnia quæ circa præmissa li-  
centiùs à rerum capitalium Quæsitio-  
ribus præferuntur, hausisse; sed non  
ineptè dixerim gravissimum illum  
Doctorem refutandi Ponzinibii cu-  
jusdam, malè de fortilegis sentientis,  
ardore provolutum, ulteriùs quàm  
par sit in omnes Jurisconsultos sæcu-

laresque Curias progressum. Humano ratiocinio media quædam via ineunda est, quæ nos pari spatio ab opinione auctoritati plus justo, rationique minùs tribuente determinet. Nempe umbratiles illi solitariique Doctores, zelo disciplinæ incensi sectæque placidis addicti, leges sibi, ut vocant, theóricas & ideales constituunt, quæ plerumque rei subiectæ, aut, ut vocant, hypothési aptatæ & apud rerum peritos in actu expensæ, à principiis theóricis mirum quantum

*Barth. Spineus fuscè in apolog. 1. cap. 1. ibi de Jurisconsultis loquens. Allegant (inquit) Doctores juris similes nescientiâ laborantes, eò quòd talium notitia ad eorum professionem non spectet.*

disfident. Scilicet in id potissimum incumbunt Theorici, ut probent possibile esse quæcumque de nocturnis illis orgiis vulgari sermone circumferuntur, solumque sui juris esse de iisdem & inquirere & judicare. Ad hæc dicimus; non inter nos de possibilitate agi, sed de actu vero & reali criminum illorum à communi hominum noticia sepositorum.

## CAP. XI.

*Expenduntur Theologorum Criminalium, quos vocant Quæstores, placita super corpore delicti in sortilegiis.*

**E**Nim vero quod ad verificationem  
sortis



legii attinet, libenter & ex animo Quæitori Ecclesiastico relinquimus quod sui muneris est, formalem (inquam) ut vocant, Apostasiam, quippe quæ ex Theologorum calculo hæreticæ pravitatis crimini aggregatur; sed de hoc plerumque aut in his quæstionibus non liquet, aut si quodammodo liquere præsumatur, ex confessionibus vi cruciatuum extortis eruitur, quæ dolorem potius torti, quàm criminis speciem aut veritatem indicant; sed quâ ratione quove titulo beneficii sive maleficii cognitionem & quæstionem nobis denegent, quùm hæ criminum species plerumque à fortilegio & apostasia differant, utpote quæ facilius probentur, subque Judicum oculos cadant; nam & actibus sensibilibus constant, & rei speciem flagitiiquæ vestigia post se relinquunt, quibus, ut vocant, *corpus delicti* probari possit; atque ideò Laicorum subselliis specialiter reservantur, non solùm quoad processum, sed quoad damnationem & judicium.

*Ita Alexander 4. Can. accusatus. s. sanè de hæret. in 6.*

Ad conciliandam fidem delationibus ac confessionibus illis violentis à reis sociisve criminis in fortilegii quæstionibus extortis Aristotelem

adhibent, ex ejusque placitis ingerunt, nil in sensu nostro communi ideas posse formare, nec illas intellectui nostro passivo objicere, quin eas à penu memoriæ mutuetur. Hanc nil aliud esse quàm promptuarium quo servantur phantasmata sive rerum sensibilibum imagines, quas illi vis phantastica, sive imaginativa supeditat ab externis sensibus receptas. Optima sanè, nec quæ captum nostrum admodum exuperent; his præmissis annectunt tanquam necessarium consequens, confessiones delationesque illas vi extortas de visis illis nocturnis probari, quandoquidem ideæ illæ ac imagines rerum in conventibus illis diabolicis perspectarum in phantasia illorum non subsisterent, nisi ex sensu externo quandoque reapse illas percepissent.

Jam verò, ut ratiocinium illud quâ claudicat fulciant, theologico dogmate utuntur, quo sancitur, Diabolum nullam novam speciem in humano intellectu creare posse, atque adeò ad id necessitatis adigi, ut iis solis utatur quæ jam à sensibus externis indutæ sunt, quarum motum duntaxat localem illi tribuunt, ex quibus inferunt,

runt stryges seu sortilegos illos phantasticos, his nocturnorum congressuum speciebus non potuisse deludi in somniis, ni prius illas, modo quo supra dictum est, vigilantes recepissent; nec posset malus genius non prius receptas ex nihilo formare nec inducere. Ad hæc, sepositâ tantisper Aristotelis auctoritate, Peripatheticorumque placitis, respondeo, testari nobis de contrario Spiritum Sanctum expressis Ancyranæ Synodus verbis ita *c. Episcopi. 26. q. 5.*  
*quis enim in somnis & nocturnis visionibus non extra seipsum deducitur, & multa videt dormiendo, quæ nunquam vigilando viderat?*

Scio plerosque Concilii hujus auctoritatem nisos pro virili convellere, Patremque illum Bibractensem *indocile credulitatis* auctorem ab Ancyra Galatiæ seu Gallogræciæ urbe, ad Aquilejam in ipso sinus Adriatici recessu quondam positam perperam amandare; quâ in Synodo par tantum hominum de hæresi damnati sunt; ac in eâ ne verbum quidem de præstigiis Dæmonum; sed Baronio teste comperimus Synodum illam Ancyranam, *Baron. sub ann. Christi 314.*  
 quæ urbs etiamnum hodie *Angori* Turcis indigitatur, verè legitimam ac na-



sub ann.  
Chr. 325.

tionalem fuisse, auctoritate Vitalis Patriarchæ Antiocheni congregatam, constituisseque duodeviginti sanctioris vitæ Episcopis, quorum major pars decennio post Nicænæ Synodo interfuere, in eaque totidem fidei articulos communi calculo definitos. Idemque fatetur ipse Spineus, non solum naturâ, sed & Dæmonum præstigiis quotidianâ experienciâ teste effici; sed si pertinaciùs urgeant illud esse Dæmonibus impossibile; certè ex abundanti concessum illis velim quicquid Aristoteles circa prædicta generaliter sensit; sed quid inde parallogismo suo quæsitum non video, quum ratiocinio suo desit pars potissima syllogismi, cui tanquam basi innititur; Oporteret enim, ad hoc ut Argumentum illud esset demonstrativum, aut saltem dialecticum, secundum Aristotelem, ut constaret ex duabus propositionibus ex quibus minor prioris seu majoris conclusionem categoricam efficeret. Prior autem propositio duo continere necesse habet; verbi gratia, *Nullus in somnis videt quàm quæ sensibus externis antea vigilando perceperit, ne quidem Dæmonum præstigiis; Atqui somniatores illi nunquam sensi-*

*sensibus externis perceperunt ullam speciem nocturnorum Bachanaliū; ergo nec arte Daemonum ullam percipere possunt in somniis.* Hoc casu major illa generalis negativa, quæ duobus scolæ principiis innititur, ex placitis utriusque facultatis quæ formando huic syllogismo conveniunt auctoritatem haberet demonstrativam, quæ particulariter & per hypothesim resumpta, conclusionem omnimodam operaretur; sed auctores illi qui Scholarum principiis innituntur, neque probant illa ipsa in minori ac casui nostro specificâ propositione concurrere, in quo judicia illa ad torturam urgentia consistunt, non satis adverterunt præmissa sua necessariâ illâ minori suppositione non fulciri, atque adeò ratiocinium suum sophisticum ac vitiosum inde argui.

Quod autem somniatores illi quorum confessioni ex somniis emananti fides habetur, quibusque de sociis creditur, possint ex propriis sensibus nocturnorum congressuum assertas imagines, absque reali assistentia contraxisse, luce meridiana clariùs est; quis enim ex utroque hominum sexu adeò hebes aut rusticus est, qui ex au-

ditu quæ de larvatis illis Orgiis circumferuntur, usque ad minutiora quæque non perceperit? Sufficit enim ut semihoræ spatio villicis confabulationibus semel aut iterum assederit, aut in oppidis ad mulierum conventicula convenerit, ut tantundem de prædictis audiat, quantum à Remigio, Bodino, Delrio Malleoque maleficorum typis exaratum est. Quid ergo, post tot edita de sortilegis volumina, nocturnis illis congressibus interfuisse necesse est; quasi verò malus ille genius non possit, his semel auditis speciebus, & phantasie inhærentibus, uti ad illudendum innocentibus, non mutuato aliunde talium subsidio.

Sed, si lubet, de potentia ad actum transeamus, nec solum id posse fieri probasse sufficiat; quin imò factum pluries ostendamus. Hoc autem si duobus integris ac fidedignis testibus probavero, spero fidem eò pleniorē facturos, quòd in eò crimine versemur, in quo probando intestabiles omnes, imò & quandoque Cacodæmon, obsessorum organo usus, in testem, quamvis perperam à nonnullis Quæstoribus admissus est. Adamus  
idem



idem Tannerus Societatis Jesu Theologus, de quo antea meminimus, in hæc ipsa verba sententiæ nostræ suffragatur. *De just. & jur. Diss. 4. q. 3. Dub. 2. n. 41, rō. 3.* Accepisse se à duobus viris gravibus & doctis in hoc versatis, à personis quas ipsi pro innocentibus habebant, sibi planè fuisse persuasum, eos quum in torturis similia inquirenda probè novissent, jam prius quæ verisimilitudinis speciem habere possent, quæq; jam antea hinc inde damna illata audivissent, animo præmeditata sponte sibi ipsis imposuisse, ut torturas eò citius evaderent; quibus subjungit; Certè hoc fieri posse nemo negaverit, & factum esse aliquando, in tanta tormentorum acerbitate est incredibile; Quid mirum igitur hæc hodie fieri, quæ Tullius ipse cujus translatitio dicto torturæ fides innititur, jam inde suis temporibus fieri in crudelissimo ac mendacissimo torturæ usu nobis testatur? sic enim de servis loquens: quod alius, inquit, alio reticentior sit in dolore, quod ingeniosior ad comminiscendum, quod deniq; sciri aut suspicari possit quid Quæstor velit audire, quod quum dixerit, intelligat finem sibi doloris futurum. *Lib. 2. Rhetor. ad C. Herenn.*

Quid hic, amabo, contra auctoritates experienciâ vallatas, à Paganis non minùs quam Christianis doctori-

bus petitas? Anne Aristoteles sensuum nostrorum affector, an Plato reminiscentiæ propugnator in subsidium à contrariis advocabitur? Ubi jam Peripateticæ Thomisticæque scolæ principia? ubi syllogismi claudicantes & paralogici, qui majorem tantum asserunt, & consequens eliciunt, non asserto antecedente? Dicetne iterum stomachabundus Spineus, non esse nostrum de Dæmonum præstigiis, quæ captum nostrum exuperent, judicare? quum in casu nostro Theologi Laicis, (ut ajunt,) doctoribus & Judicibus accedant, Paganique adeò Christianis? sed si his in processibus, ut Spineo magistraliter & ex suggestu intonanti non semel excidit, sola nobis executio, ceu carnifici relinquitur; liceat saltem religione profanos duci, ne religiosi judicis effato ad incerti nocentis exitium provolent, ne mutire quidem ausi, nec attento judicantium incruento ministerio.

Si quis autem alterum testem desiderat falsarum delationum in tormentis fallaci confessione extortarum, legat quæ experimento compertus est alter ejusdem societatis Theologus in eo libro qui inscribitur,

*Cautio*

*Cautio criminalis*, ab undecimo usque ad duodevigessimum Dubium, & passim toto illo opere; quumque vir ille doctus & prudens innumeris innocentibus injusta supplicia in Germania passis, ut ipse fateatur ingenuè, à sacris confessionibus affuerit, ejus suffragium Tanneri superius allegati doctrinæ, pluriumque ejusdem societatis Patrum testimoniis, quos idem, quamvis suppressis nominibus allegat, annectendum est; quos quidem Jesuitas procul dubio credere par est ad idem confessionum ministerium reis per Germaniam vi tormentorum ad falsas confessiones adactis adhibitos.

Ut verum ingenuè fatear, vix ex viginti de sortilegio suspectis, per hos cruciatus cœteramque processuum anomalorum seriem ad supplicium adactis ne duos quidem legitimè convictos arbitror. Quid post homines natos reipublicæ nocentius, quàm rumores in vulgus sparsos, infamium testium dicta, expressa cruciatibus testimonia aut indicia, adactos ad torturæ indubia mendacia, atque adedò ad certissimam perniciem quosvis sortilegii delatos pro veritate reputare?

Quid



Quid rationi pugnantius, quàm sub boni publici specie in genus humanum tormentis vires hominis excendentibus immaniter grassari? Quid mirum si Theologis supra citatis visum satiùs est, triginta fontes dimitti

<sup>13.</sup> impunes, quàm ne vel unum infontem, infami supplicio cruciatuum tyrannide exponere, quùm ex unius damnatione, ut est genus humanum ad extendenda dedecora petulans & proclive, plurium familiarum honor & fama pendere videantur; unde ne minimum quidem ambigit vir ille Theologus in damnando torturæ usu processibusque à jure communi æquitateque naturali recedentibus; *plus enim à Deo timendum est*, inquit religiosus Doctor, *ex continuatis innocentium periculis, quàm ex torturæ processuumq; ex-*

*August.*  
*contra epi-*  
*stol. Par-*  
*men. c. 2. &*  
*contra Cre-*  
*scen. lib. 2.*  
*c. 34. & 37.*  
*D. Thom.*  
*2. 2. qu. 10.*  
*art. 8. ad 1.*

*legum antiquatione.* Hujus sententiæ auctores habet Divos Augustinum Hipponensem Thomamque Aquinatem, nec inveniri virum cordatum arbitror qui tot næniis quibus Maleus maleficorum pluresque alii de fortilegio, Lemuribus & sagis tractantes processus & libri scatent ex animo subscribat.

Scio Ponzinibium quondam Juriscon-

consultum Italum, quòd confessionibus illis per cruciatus expressis non subscriberet, adeò bilem movisse Bartolomeo Spineo Quæsitore fortilegorum emerito, ut ex concepta in Ponzinibium indignatione, in omnes (ut ejusdem dicterio utar) *Juristas* acriter invecus, atrocissimis illos conviciis prosciderit, *Canonistis*, (ita juris Pontificii Doctores ex vulgari vocabulo nuncupat) non pepercerit, quosdam theologos *solo nomine religiosos, solo habitu regulares* appellet. Sed potissimum in juris Cæsarei peritos ex Ponzinibii contagio bilem effudit, adeò ut à nullo convicio in ipsam jurisprudentiam sibi in propria causa judex iracundus temperaverit; *quod enim* (inquit Spineus) *sic invalescat illa sagarum labes, potissima causa est quorundam juris doctorum persecutio, quibus Principes theologiæ expertes facile credunt quasi sapientibus, licet in hujusmodi satis rudes existant.*

Fateor plerumque Cæsarei Pontificiique juris peritos theologiæ placitis non admodum initiatos; sed non inde sequitur quotquot juris se prudentiæ addixere in sacris doctrinis adeò cœcutire, ut in eos Spineo detur  
magi-

magistrali scuticâ sæviendi auctoritas. Sit licet objectum theologiæ Deus, non minùs ad augustum illud objectum jurisprudentia studii sui obtutum refert. Illa pietatem resque divinas contemplatur, & humano ratiocinio usa, per revelata misteria, traditiones seniorum, sacrorum Codicum volumina, Patrumque sanctorum placita divina rimatur & investigat. Jurisprudentia ipso actu veritatem divinæ legis exercet, justitiam realiter colit, de jure privato disferit & decedit. Jus divinum humanumque, ne à quoquam hominum lædatur satagit, moribus prospicit, religionem sartam tectam præstat, in crimina denique jure humano divinoque vetita vendicat & animadvertit. Quid juris Theologo umbratili in facultatem idivino jure gladio armatam supremique in homines Magistratus ministram, ut eam profano fastu Theologiæ ancillam manciper, cæcam ac rerum divinarum expertem asserat, divinæ in Sagas & Lemures vindictæ obicem ac remoram criminetur? Quasi verò Cucullato Quæsitore in genus humanum quæstionibus sæviante, solâ confessione cruciatibus



extortâ quosvis fortilegii conventos ad libitum damnante, ubi nec de corpore delicti, seu maleficium sit sensibile, sive formalis, ut vocant, Apostasia, constare potest, solâque falsâ, mendaci ac divino jure reprobâ confessione inducitur, nobis supremi dominii gladium præferentibus ne hiscere quidem liceat, solisque Cucullatis datum sit in maleficôs inquirere.

Sed, amabo, quid priscis illis Christianis insolentius, quàm viros aris addictos, innocentes aris addicere ut imolentur? Humanis victimis Druidarum instar litare humani generis hostibus, præposteroque extirpandæ apostasiæ studio, innocentium salutem exploratissimo torturæ cruciatu in continuum discrimen adducere? quid religioso homini indecentius, quàm humano sanguinî specie religionis inhiare? quid immodestius, quàm *seculares*, ut illis audimus, *judices*, quibus gladii potestas à Dei Vicariis commissa est, ad solum carnificis ministerium relegare; nempe quod Quæstoribus ecclesiasticis visum sit capitale, supremis Curiarum Senatoribus, ne per speciem examinis licebit attingere. *Ad Juristas* (inquit Spineus)

*non pertinet de eo quicquam cognoscere.* Adeone prætet Inquisitores theologos, genus humanum cœcutit, ut Peripatetico huic Theologo divina providentia vel ipsos sublimioris subseclii Magistratus in servos addixerit. Ancillatur certè divinæ providentiæ jurisprudentia, sed non Theologis, torturâ confessionibusque mendacii suspectissimis in reos incompertos sævientibus. Nec minùs ancillatur divinæ providentiæ Theologia. Omnes virtutes, omnes facultates, omnes homines Deo optimo maximo deserviunt, ad ejus cultum omnes unanimes aspirant; sed gladii usu Theologis sacerdotibus est interdictum, nec minùs alieno ministerio utens Quæsitör, sive in torquendo temerè reo, sive in definiendo incerto maleque comperto crimine in proprium ministerium peccat vir religiosus & sacerdos, quàm si propriis manibus humanum sanguinem effunderet; quid ergo succenser Principibus Spineus, si quandoque immodico Quæsitörum ardori lanienæque restiterint? cur ab eis eorumque Ministris Sagarum Lemurumque frequentiam, Apostasiæ veneficiiue impunitatem  
repe-

repetat, quùm & ipse summus sacerdos supremumque Romanæ Inquisitionis Officium hujus ministerii ab-  
 usibus obviam eant, ingenueque fateantur sæpiùs & in torturæ usu & in  
 cæteris processuum sortilegii circumstantiis à Quæstoribus auctoritate suâ deputatis peccatum?

*vide Diploma in calce hujus operis subjunctum.*

*Implent*, inquit Spineus de Jureconsultis, *allegationibus folia integra*; quasi verò non æquè Theologis hoc infelici sæculo passim scripturientibus id labis in se verit, ut dimidiatis auctorum nominibus, abbreviatisque distinctionum interpunctionumque caracteribus integra pœne volumina miscant. Sed impropere quantumlibet stomachosus Quæstor, extortasque cruciatibus confessiones intonet, tantùm abest ut à proposito fine revocer, quin imò totum hoc opus universalis Ecclesiæ censuræ subjicio, primum Oecumenicum Concilium, si quando à summo sacerdote, annuentibus Regibus, legitimè cogi contingat, humiliter deprecatus, ut expensis studii nostri conatibus, illis aut annuat, aut fidem ex potiore libitu, serioque ac pensiculato judicio detrahat, cui me humiliter ut Christianum decet, sum-



mitto, certus fore ut si non omnibus probari meruerint, saltem pii ac Christiani zeli nomine audituros, dignosque adeò ut in solemni Christianorum Concilio examinentur.

## CAP. XII.

*Expenduntur pugnantes ex diametro contrariorum sententia.*

*Nider. for-  
micarj lib.  
ult.  
contradi-  
cunt Spran-  
gerus &  
Remigius,  
quibus ac-  
cedit Bo-  
guetus ex  
Mall. Ma-  
lesic. fol.  
mihi. 340.  
& 559.*

*Boguet. c.  
40. de ma-  
lesic. ex Bo-  
dino l. 4.  
c. 4. Demo-  
nom.*

**Q**Uis, quæso, ferat pugnantes ex diametro contrariorum sententias? Postquam enim pertinaciter asseruerint malis geniis in sagas carceri semel mancipatas nihil juris relinqui, pactisque finem adesse; ut primum quempiam cruciatuum patientem nacti sint, exclamant pacto illum taciturnitatis, ut ajunt, narcoticove medicamine Dæmonum arte ad cruciatum obstupescere? Lachrymarum etiam defectum in crimen vocant, vitioque dant, cruciatuum pelago penitus involutos, tantumque ad silentium lethale non adaectos, in fletuum rivos non dissolvi, linguæque inutili usu abstinere? Sed si rursus doloribus obruti, & obstupescente ad immanem lanienam animo, muto silentique luctui indulgent; novis illico arman-

armantur judiciis, ut gravioribus tormentis impœnites ac taciturnos ad omnimodam criminis confessionem adigant. O sæculum! ô mores! ô Christianas in atrocioribus & obscuris rei peragendi methodos; quî enim Neotericus ille credulitatis insciæ indagator pugnancia hæc inter se conciliet? Verba, inquam, Spinei ex quæstione de strigibus excerpta; neq<sup>3</sup> enim tempore illo quo actuali judicio subduntur Inquisitoris, alicui nocere prævalent; quum ex Malleo maleficorum non minùs asseratur, maleficas solo aspectu & oculorum intuitu Judices maleficare. Verba sunt Sprangeri Quæstitoris, Institorisque itidem Quæstitoris Collegæ, qui ambo hîc & alibi testantur, quasdam in Castris detentas mulieres, sagas intellige carceribus mancipatas, quæ nihil ferventiùs à Castellanis, id est Castellî seu custodiæ aut Carcerum præsidibus, sed mavis Commentariensi, ut jura Romana loquuntur, quàm ut in adventu Judicis aut alterius Præsidentis eis concederetur, ut primum intuitum visus in ipsum Judicem dirigere possent, antequam ab eo vel aliis aspicerentur, ex quo intuitu etiam sortita sunt ut talis Judex aut aliq<sup>3</sup> sui Assessores ita alieni in

Idem asseritur à Mall. Malef. tom. 2. part. 2. q. 1. fol. miki. 214.

Tom. II. Part. 2. Mall. Malef. q. 1. cap. 12. fol. mibi 340. sub fin. & fol. 559.

eorum cordibus fuerunt, quòd omnem si quam habuerunt indignationem amiserunt, nec ipsas molestare quoquo modo præsuebant; sed liberè abire permiserunt; Unde subjungit idem Sprangerus de se ipso loquens, qui scit & expertus est, verum dat testimonium, & utinam talia procurare non possent! referentibus demùm iisdem Quæstitoribus in territorio Constantiensi ad sylvam nigram maleficam, dum à Carnifice strui lignorum ad supplicium imponeretur, dabo tibi (inquit) mercedem, & in vultum carnificis conversa spiritumq; ex ore emittens, illicò leprâ horribili per totum corpus percussus est, paucisq; post diebus interiit. Equidem si Neotericus scriptor hæc ad prioris dicti palinodiam recantasset, aliquantulum saltem credulitati levitæque suæ consulisset; sed quid hominibus credas Æsopici satyri instar eodem ore calidum & frigidum spiritum emittentibus, contrariaque in eodem subiecto prædicantibus?

*Auctor  
ignare credulitatis.  
part. 2.*

*Demonom.  
lib. 4.*

Bodinus Judaicæ Cabalisticæ sectator primarius, post Malleum illum maleficorum, Domitianum nobis obtrudit, ut tam prægnanti exemplo persuadeat, sagas toto corpore expiandas; quasi Dæmones ex lendium pro-



progenie sint, qui nisi pilis adhæreant, mœrore contabescant. nolunt religiosi homines, torturam repeti, quod legum Canonumque præscripto prohibeantur; sed dummodo fallaci verborum sensu legi illudant, dolosâ & ancipiti methodo, non verentur asserere, non licere torturam repeti, continuari

*licite posse, etsi per dies aliquot suspendatur; hoc inepto prætextu in reos tamdiu cruciatibus sæviunt, quamdiu vocem quam omnimodè quærunt expresserint; sed si patientis vires triplici illâ lanienâ non exhauserint, novum supervenientis indicii commentum nunquam deficit, cujus subsidio immanis illa laniena in infinitum protrahatur. His artibus legi etiam Romanæ expressè illuditur, quæ crimen quodcumque gravissimum, nedum præsumptiones & indicia toleratis semel aut iterùm torturæ doloribus purgari voluit. Denique, ut verbo dicam, majori sollicitudine in obscuris & imperceptibilibus vestigandis utuntur, quàm ipsimet Deo placuerit nec in veteri nec in nova lege, innocentisque nocentibus communi periculo, invito ac reclamante divino Legislatore implicant.*

*Mall. Malles. tom. 3. q. 15. tit. de contin. qn. Binsfeld. in Comment. ad tit. C. de Mathem. concl. 14.*

*L. questionis modum. ff. de qu.*

Certè, si de Republica Christiana minus ageretur, possent discreto silentio tot à recto justitiæ tramite devia tolerari; sed ubi quicquid innocentium ubivis gentium degit continuo vitæ facultatumque discrimini subiacet, deploratæ crudelitatis esset, eorum subsidio quemquam defore, qui norit quò denique transversos agat intempestivæ pietatis aut justitiæ studium. Totus igitur hac in disputatione rationis cardo vertitur, ut quisque nostrum bonum illud publicum, quo nos invicem aut usum aut abusum torturæ fulcire nitimur, in retinenda vel explodenda naturali æquitate legisque divinæ ac juris antiqui sancitis perspicuis explicet argumentis. Hoc sanè ex divinæ legis expressa auctoritate, Doctorumque Theologorum placitis luce meridiana clariùs evicimus; idque ut in compendium redigam sic edissero. Expedit ut flagitia atrociora innotescant, eorumque vindicta à noxiis petatur; at communi bono fortiùs expedit quemque suâ tutum esse innocentiam; sed quùm torturæ fallaci ac tyrannicæ convictioni locus relinquatur adulterandæ veritatis, salusque

que innocentium perpetuo discrimi-  
ni subjiatur ; ex præcepto divino  
præstat inscrutabilia crimina iudicio  
divino relinqui, quàm Paganorum  
modis immanibus ac mendacibus  
anomalisque processibus tamdiu bo-  
norum sortem malorum periculis im-  
plicari.

Denique si quis traditam Judæis  
legem pridem exolevisse nobis ogge-  
rat, fatebor ingenuè à Christi morte  
legem Mosaicam, quoad Hebræo-  
rum Cæremonias, circumcisionem,  
puta, Sabbatorumque solemnia, exo-  
levisse, &, si ulterius urgeant, etiam  
quoad præcepta moralia iudiciaque,  
quatenus Mosis præcepta, defecisse  
concedam ; sed legem illam in casu  
nostro, & in his in quorum confirma-  
tionem & robur inconcussum ejus  
auctoritate usi sumus, etiam nunc vi-  
gere constanter asserimus: Primò, quia  
quicquid ex illâ protulimus, juri na-  
turali perpetuo & inalterabili inniti-  
tur, ac proinde in lege nostra Evange-  
lica confirmatum est, quæ juri naturæ  
legum divinarum basi, pariter inniti-  
tur. Secundò, quia lex antiqua,  
quoad criminum etiam gravissimo-  
rum & atrocium probationem, quâ

*D. Thom.  
q. 98. art. 5.  
Sol. de just.  
& jur. lib.  
2. q. 5. art. 3.  
& passim  
omnes.*



<sup>Matth. 18,</sup> de agitur, à Summo Legislatore Chri-  
<sup>16.</sup> sto verbis expressis confirmata est;  
<sup>Joan. 8, 17.</sup> quod verò ad torturam attinet, fateor  
 divinæ legis auctoritatem solum esse  
 negativam; sed non inde sequitur  
 minùs à judiciis exclusam, quod ex-  
 pressè non reperiatur exclusa; suffi-  
 cit enim ut prævidenti omnia Deo in  
 legitimis probandi cujuscumque fla-  
 gitii modis inclusa non sit ut perpetuò  
 exclusa censeatur; quùm ipso etiam  
 Romano jure *inclusio unius specifica, al-*  
*terius non expressi exclusionem denotet &*  
*importet*; quumque divino utrique  
 legum veteris & novæ promulgatori  
 non aliter ad criminum probationem  
 quàm legitimis testibus procedi pla-  
 cuerit, quis neget hoc divini juris ef-  
 fatum cunctis humanis argutiis esse  
 fortius ac antiquius? Hoc & in præ-  
 missis luce meridianâ clariùs evici-  
 mus, idemque plenius ac uberius ex  
 abundanti in sequentibus evincemus.

PARS II.

*Proœmium.*

**Q**uemadmodum impietatis suspicione non vacaret quisquis severioris sententiæ in præmissis auctores & sectatores expresso nocendi studio ferri arbitraretur, ita nec humanitati ex æquo consuleret, si quis de nobis cæterisque mitioris ingenii viris malè suspicaretur, quod justitiam ad tutiorem methodum in occultis criminibus indagandis redigere satagimus. Malorum geniorum est sagarum impunitati prospicere. Diabolo nequiorum est iis etiam delectari, quæ scelestæ mulierculæ Cacodæmonum operâ solo consensu in genus humanum moliuntur. Quisque nostrum, huic ad maleficæ hominum sectæ justum exterminium studium suum intendit, inde, ut securo adeò tramite in exigenda criminum vindicta incedamus, ut ne periculum innocentibus creetur communi supplicio cùm nocentibus implicitum iri Contumeliis invicem tanquam missilibus uti, non

ratiocinantum est; atque adeò quacumque livor ille contumax steterit, illic perturbationem cæcosque animi motus rationis incapaces licet agnoscere. Aut vanus superbientis ingenii tumor, arrogansque sibi nimium doctrinæ fastus, cui plerumque subiacent viri aut munere fortunæ aut eruditione conspicui, clarioribus judicii facibus offundit caliginem, tantumque sibi prærogat, ut Pythagoricâ tyrannide, magistrali supercilio nobis, ceu asseclis in Magistri verba jurantibus, ex suggestu dogmata præscribat. Nos verò omissis dictariis, divinæ naturalisque legis sequamur oracula, quibus quæ in istis judiciis amplecti debeamus satis superque edocemur. In promptu sunt & divini juris dogmata, & summi Legislatoris exemplum, quo disertè jubemur, in dubio mitioribus uti consiliis. Non extendamus odiosa, quæ jure etiam humano restringere præcipimur. Ac primùm videamus quid in his sentiant, qui complices ejusdem flagitii in testes admittunt, cruciatusque veritatis organum attribuunt; quumque Judicum Quæditorumque prudentiam, ubi ratio deficit, ceu sacram



cram anchoram appellent, ita demùm eâ utamur in istis angustis, ut imminentes utrimque errorum scopulos vitemus incolumes.

CAP. I.

*Premissorum hætenus Anacephaleosis.*

**S**I quis à quolibet contraria sententium rigoris sui momenta repetat, nec modus nec finis labori aderit. Sufficiat cuncta simul ex Jacobo Augustodunensi colligere, quandoquidem quicquid ex legis & anomali processus in criminalium doctorum libris sparsum est, laborioso compendio collegit, judiciiue capitalis normam & formulas nobis obtrusit. In primis fatetur ingenuè complicum delationes manifesto falsi vitio laborare. Judices iniquè agere qui talibus fidem adhibeant. Malum maleficii semel convictum, semper malitiæ mendaciiue reum præsumi. Infamiæ notâ dehonestata mancipia semper à vero aliena testari. His ita præmissis, quicquid ex divinæ legis effatis, æquitæque naturali astruxit, id totum momento convelli patitur solo publici

*Incredulité  
scavante  
& credulité  
ignorante  
Part. 2.  
Discours.  
25. ch. 2.*

blici boni respectu, criminumque atrocitate. Exceptiones illas humanæ majestatis privilegiis fulcire nititur; quamvis de jure divino sola per testes integros probatio in quovis crimine absque distinctione præcipiatur.

His falsis fundamentis veriùs solidiusque bonum publicum opposuimus auctoritate divinâ & humanâ, rationibus efficacissimis ac continuo experimento probatum; conservationem, inquam, & incolumitatem innocentium, tot quotidie vitæ periculis expositorum, infamium testimoniis torturæque mendaci confessione. Ad secundum contrariorum fundamentum perspicuè convicimus, nullam paritatis rationem convenire probationi criminum sensibilibus, & quorum vèstigia remanent, cùm flagitiis sensibus imperviis, ac Dæmonum præstigiis plerumque obnoxiiis, quibus nec ipsa Rei confessio nec consciorum infamium delationes & indicia fidem integram concilient; Denique quid inter humanam divinamque majestatem intersit explicavimus, neque illam cautionibus adèò periculosis, nec ad ejus tutelam aut vindictam neces-

necessariis indigere, quæ mortali & passibili majestati convenient; imò contrariam nobis criminum quantumvis atrocium probationem jussu suo sacris legibus indictam. *Dent. 19, 15.*

His rationum evidentium momentis vehementer adducor ut sentiam, nihil quod solâ hominum auctoritate fulciatur, opponi posse; Expedit humano generi crimina vindicari; quis neget? Sed vehementiùs expedit, ut quisque tutus sit innocentiam suâ. Interest quidem reipublicæ, mala possibilia supplicio flagitiosorum præveniri; sed longè satius interest, ut ne fallaci cautione innoxios dubio crimine oppressos ad mendacem confessionem cruciatuum immanitate redigamus. Majestas certè Deo, ut & mortali Principi competit: quis hoc neget? Imò solius esse Dei sollicitor ut arbitrer; sed non inde sequitur, divinam illam ineffabilem ac impassibilem Majestatem iisdem, quibus mortalis potentia, subjacere periculis. Sanè qui majestati divinæ mortalis potentiæ privilegia communicarunt, utramque sæpius confuderunt, hominibus immortalitatem, Diisque suis humanæ fragilitatis vitia tribuentes.



entes. Quid mirum, si confusis rerum terminis Idololatræ Romani juris interpretes diversis aded potentiis easdem cautiones adhibuere? Certè Tribonianus ille, primarius legum Romanarum digestor, Justiniano suo immortalitatem tribuens, ad eadem jura Jovem suum ascivit, eique singulari beneficio mortalis potentiæ privilegia communicavit. Sed quid impassibili rerum moderatori cautionibus legi suæ repugnantibus opus est, ut potentiam suam à mortalium conatibus vendicet? sanè laudabili studio cultui majestatique divinæ conflimus, si quando mortalis audacia à debitis obsequiis deficit; sed abinutili conatu expressè prohibemur dum salus innocentium curis supervacuis in apertum discrimen adducitur. Munus igitur ac officium nostrum his cancellis coercetur, ut nihil in jus vocemus præterquam quæ sensibus captivique nostro subjiciuntur, illaque solo testium fidedignorum testimonio, convincenti, inquam, probatione datum est indagare. Ab hac probatione divinus ille nomotheta vocem mendacii suspectam, ut sunt cruciatibus extorta testimonia, ipsaque

*Aimar. Rivall. histor. jur. ci-vil. lib. 4. Hesych. illustr. de philosoph. & sophistis. Tribonianus (inquit) Justiniano Imperatori adulans, ei persuasit non morturū ipsum, sed unā cū corpore raptum, calo immigra- turū; erat autem Paganus & impius.*

que tortorum confessiones exclusit, nullamque flagitiorum quantumvis atrocium cognituve difficilium speciem ab hac generali methodo excipit.

Mihi certè cùm contrariis convenit, nulli crimini quàm sortilegio indagando majorem sollicitudinem Quæstoribus adhibendam. Sagasque & sortilegos latronibus & perduellibus æquiparandos, quandoquidem malis geniis in procurandâ hominum perniciæ cooperantur; sed sola denunciatione complicum, aut intestabilium testimonio id effici non assentior, neque ad eò reum quemlibet vulgi susurrus obnoxium, hisque laborantem indicis hanc notam jure merito contrahere, subjicive exlegi processuum methodo.

*Majoris est præ- Credulité  
cujus vita hominis (inquit alicubi Neoteri- ignorante,  
cus scriptor Augustodunensis) ut unius partie 2.  
sinistro testimonio ad libitum periclitetur; Discours  
25, chap. II.  
sed tanti sunt plerumq, tortura cruciatus,  
ut innocentes sapissimè se noxios proferant,  
dolorumq, ipsa morte atrociorum finem ho-  
noris vitæq, sua jacturâ volentes redimant.  
Atqui, si vita hominis extra unius te-  
stis quantumvis integri aleam posita  
est, hoc ipso neoterico probante, (nam  
hic*

hic de teste integro loquitur) quantò  
 justius periculum illud fugiendum  
 est, quàm testis juris & facti infamiâ  
 laborat? in eo enim crimine cujus  
 complex est, aut legitimè convictus  
 est, aut cruciatuum rabie, ad vocem  
 mendacii, ut divinæ leges loquuntur,  
 id est, ad falsam confessionem adactus.  
 In primo casu sacrilegus est, atque ad-  
 eò generis humani lethalis inimicus,  
 eoque nomine nullam fidem meretur,  
 etiam in criminibus exceptis; ex pa-  
 cto enim quo se Cacodæmoni devo-  
 vit, capitali odio in humanam, perni-  
 ciem grassatur. Sed si tormentis ad-  
 actus, quamvis innocens, falsò de se  
 fateri coactus est, eo casu nunquam  
 nocturnis illis congressibus interfuit,  
 neque quemquam in illis aut nosse  
 aut vidisse potuit; sed si regerant ad-  
 versarii, possibile esse hunc de se & de  
 aliis confitentem, quamvis cogente  
 cruciatu, legitimè convictum esse,  
 adeoque jam pœnitentem, à facefscen-  
 do innocentibus periculo sibi tempe-  
 raturum. Respondeo nullam dari  
 securitatem quâ ne moraliter quidem  
 constet de corpore delicti de quo agi-  
 tur, quàm Theologis omnibus conve-  
 niat, malos genios quandoque inno-  
 xio-

*Cuman. in  
 lucern. In-  
 quisit. n. 13.  
 in fin.  
 Petr. le So-  
 hier l. 2. de  
 spectr. c. 5.*



xiorum phantasmata, sive in ipsis orgiis, si quando realiter existant, sive in delusâ sagarum phantasiâ posse finire.

*Tanner.  
Tom. I. disp.  
5. q. 6. dub.  
7. & Tom.  
III. de just.  
& jur. disp.  
4. q. 5. dub.  
2. n. 4.*

Divino igitur judicio relinquenda sunt quæ nequit humana solertia, absque innocentum periculo investigare; quòd si qui nocentes à judiciis humanis impunes elabantur, nihil inde divinæ majestati discriminis aut dispendii creabitur; quùmque omnes exlegum processuum assertores, seu Theologi, seu Juris utriusque interpretes in hoc concordent, sagas & sortilegos nihil absque Dæmonis ministerio posse supra naturam, neque hunc absque divina licentia, hancque nunquam concursu physico adesse maleficiis, nisi melioris eventus intuitu, aut ut justorum virtus clarior per hæc tentamina evadat, sive ut abstrusiora crimina pœnas suas in sortilegis inveniant, necessario sequitur flagitiosum quemque non exploratum, atque hætenus suppliciis exemptum, justâ Dei providentiâ in maleficiis coercitum iri, quùm Deus ipse sit hominum dæmonumque moderator & Dominus, ac proinde momenta illa speciosa à bono publico petita potio-

K

ribus

ribus momentis ac rationibus expungantur.

Illud in primis animadversione dignum est, omnes qui periculosas nobis processuum à communi lege recedentium normas invexerunt, profano plerumque studio in propugnandis abusibus incalescere; quis enim partes unquam conciliantis agens, aut æquitatis affecla ab iracundis Spinei torturæque fautorum disteriis sese subduxit. Horum antesignanus, scriptorumque omnium audacissimus Bodinus, in proscindendis sententiæ suæ adversantibus nullo sibi modamine temperat. Nec à Sacerdotibus, nec Parrochis, neque adeò à summis Pontificibus abstinet; ex quibus innumeros fortilegii arguit, corruptis etiam Platinæ Panninique testimoniis; quodque mireris in homine cæteroquin multâ rerum scientiâ imbuto, fidem suam fabellis quantumvis anilibus accommodat, quicquid impium inhumanumve sævioribus excidit, suffragio suo confirmat, Processus omnes exleges admittit; quin imò per fraudes falsasque subreptiones & gemitus confessiones reorum expiscandas consulit: Reales ex bru-

to in hominem ex homine in bruta animalia transformationes potestati Dæmonum attribuit, Ovidii Virgilii-que fretus auctoritate: sacros Codices in Nabucodonosoris metamorphosi falsò interpretatur; Concilii Ancyrani fidem convellit, negantis Dæmonum esse, formam substantialem in animalibus mutare; Demùm, contra leges ipsas divinas Christianaque dogmata, non erubescit asserere, Mendacium de jure divino non reprobari: sacris Codicibus imponit: Ecclesiæ sancitis abutitur, cæcoque in sagas & sortilegos impetu invehitur, ut Joannem Vierium ad maleficia naturalia sagarum veneficia reducendum contumeliis proscindat, Vierium ipsum in omni hæreticæ pravitatis errore longe prætervectus est; nempe eò tandem adigit ambitiosa contentio, quæ alienæ auctoritatis æmulatrix, ut sententiam suam alterius ruinâ astruat in prærupta quæque plerumque prolabitur. Nec Vierius ipse causæ quam propugnandam suscep- rat, melius patrocinator, quamvis innocentum per Germaniam promiscuè cum sortilegis pereuntium vices miseratus eorum patrocinio se accin-



# 148 TORTURÆ DISCVSSIO,

xerit. Auctoritati enim divinæ legis obliquâ interpretatione refragatur, dum negat esse sagas & fortilegos; nec, si sint, capitali supplicio damnandos, quum solum ex superstitione aut illusionibus peccent; sed neque Bodinus feliciore conatu laxioribus interpretum calculis astipulatur, dum ipsum etiam Dæmonem ex energumenis loquentem in testem admittit, vocemque mendacii adhibet in extorquendis reorum confessionibus; nam etsi hunc errorum mutuatus est à Mallei maleficorum auctoribus, his expressis verbis loquentibus: *Hoc primo procuret (Quasitor) quod humaniter in potu & cibo tractentur, & interim intrent honesti & non suspecti, qui etiam de diversis impertinentibus ei colloquantur, & tandem, ut confidenter consultant, quod fateatur veritatem promittendo quod Judex sibi faciet gratiam, & quod velint esse tanquam mediatores; & in finem hujus rei intrabit Judex & promittet facere gratiam, subintelligendo sibi aut reipublicæ in cujus conservationem totum quod fit est gratiosum; nimium tamen tribuit licentiosæ laxitati Theologorum Inquisitorum, quæ sanè nunquam sanioribus Theologis probabitur.*

Part. seu  
Tom. III.  
qu. 16.

Quic-

Quicquid horroris incutiant humanis animis sortilegium, hæresis, parricidium, cæteraquæ atrociora flagitia non inde sequitur divinis legibus sancitam probandorū criminum methodum ad mendacem torturæ aleam posse reduci, salutemque cuiusvis de crimine inquisiti tanto discrimini subjiciendam; quum enim sit exploratæ veritatis dogma, nutantem ac imperfectam probationem nutante aliâ probatione non expleri, quâ, quæso, rationis specie ad atrox infameque hominis supplicium deveniatur, ex solo testis unius aut alterius infamis seu torti indicio, idque in rebus Dæmonum præstigiis adeò obnoxiiis, nullo corpore delicti existente, nec remanentibus sensibilibus vestigiis, solo accedente confessionis supplemento per tormenta expressæ?

*Mart. Delr.  
Disq. Magic. lib. 5.  
sect. 5. n. 4.  
L. fin. C. de accus. c. veniens extr. de test. l. sicuti. C. de qu. Bald. conf. 259. lib. 1. Fann. qu. 37. n. 58. & qu. 36. n. 68.*

Sit crimen quantumvis atrox, sit probatio quantumlibet ardua & inaccessa, non inde cuiquam oculato cordatoque iudici probaveris si quid divinis legibus æquitateque naturali repugnat; quantò enim gravius flagitium in iudicii aleam deduxeris, tantò clariore probatione indiget,

*è. ubi peri-  
culum. de  
elect. in 6.  
Rimin. jun.  
conf. 361. n.  
32. col. 3.  
Farin. q. 37.  
n. 88.  
Bart. Spin.  
Apolog. 2.  
in Ponzi-  
nib.*

*Apolog.  
passim.*

quàm gravior ex irrogando supplicio confletur infamia, majorique pœnæ subjiçiatur innocens torturæ mendacis testimoniis falsò convictus. Huic inveterato errori sic suffragatur processuum anomalorum apologista. Princeps (inquit) secularis, quoscumq; sibi subditos capitali supplicio addiceret, quos sortilegus quispiam in congressibus illis nocturnis conspirasse in ejus majestatem revelaret. Hanc inductionem Neotericus scriptor adeò probavit, ut illam tribus in locis *insciæ suæ credulitatis* inseruerit. Idem Martino Delrio contigit in disquisitionibus suis magicis, adeò ut Principibus ac Judicibus laicis vice improperii illud oggerat, non sine animi sibi plaudentis elatione.

Sed quicquid illud sit, certè ex falso supposito conclusio astringitur illegitima; nunquam enim cordato Principi, seu Trajanum seu Theodosium mavis, indicium præstigiis Dæmonum obnoxium quicquam terroris injecerit. Sed esto Tiberio, Neroni aut Domitiano cuiquam injecerit; quid inde elicias? Licere Principi seu Christiano seu sensus integri, turpissimo exemplo insistere, judiciumque teme-



temerarium mordicùs arripere, ut inde sævissimo cruciatui suspecti aut invisi cujusque salutem in discrimen rapiat? quod si quid simile quandoque majestas humana sibi vendicer, non ideò ex pari sequitur, divinam majestatem cladibus inviam, humanis ausibus intemerandam, cujusvis periculi expertem, profanis his ac violentis cautionibus indigere.

Nec ipse Bodinus, quicquid de se præsumat, eò projectæ audaciæ pro-  
vectus est, ut asserat confessionem cruciatibus extortam, ne quidem ad aspectum torturæ apparatus, pro legitimâ reputari; solâ enim Tortorum tormentorumque species oculis usurpata non mediocris tortura est, quæ menti humanæ semel impressa, constantiam viri fortioris expugnat, animum ex naturali sede dejicit, statum omnem rationis perturbat, ac quantumvis innoxium adigit, ut se, falsum fatendo, à dirioribus ipsâ morte cruciatibus quantociùs eximat. Ego sanè sortilegos omneque nocentum genus odio, quo Christianum crimen odisse par est, prosequor; sed ingenuè fateor, me nunquam pro legitime confesso habiturum, quem do-

lores humanis viribus impares ad confitendum adegerint. Quumque vix negari possit Cacodæmonem torturæ auctorem ac inductorem esse, quandoquidem nec in veteri, nec in nova lege Deus torturæ meminerit, nec Prophetis, nec amicis suis unquam ejus usum, nec Levitarum organo, nec populi sui Regum Judiciumque ministerio, nec per somnia, nec per revelationes suggesserit; imò quum probationem per solos testes legitimos in quocumque crimine etiam atrocissimo præceperit, necessario sequitur, torturam sub voce mendacii comprehensam à judiciis divino jussu explosam ac rejectam.

Unum est quod præ cæteris in Bordini placitis stupeam, hominem Moisaicæ legis divinorumque codicum rimatorum, ut ajunt, Cabalisticum, divinas sanctiones, quæ nunquam torturam ad probanda crimina admiserint, humanæ auctoritati, profanæque judiciorum methodo non prætulisse; quin imò contraria duo ex Bordini ejusque similium placitis elicio: Unum, quòd cruciatibus immanissimis vocem mendacii semper suspectam, contra divinæ legis præscriptum

ptum exprimunt: Alterum, quod unius testis suffragio ad capitale supplicium reum adigunt, spretâ divini humanique juris auctoritate, quæ duos ad minus omni exceptione carentes exigit; cui enim cordato fidem feceris, si dicas, confessionem tormentis extortam probationem esse legitimam, aut probationis infectæ supplementum; nec plus fidei feceris quàm si dicas, patientis silentium, novum pactæ taciturnitatis indicium Quæritori exhibere. Magni dolores (inquit Seneca) silent, parvi loquuntur. Luctus ingens communes affectus exuperat, vocemque ac fletus animis nostris non indulget. Nullum ex illis tormentis quæ nobis Horatius & Cicero comminiscuntur non eodem quo tortura pede claudicat, nullamque fidem æquo judici unquam fecerit. Nec vinum nec ira veritatem exprimunt, animum enim nostrum tenebræ præpediunt, quibus involutus, nihil aliud satagit, quàm stolidas aut temulentas aut coactas voces in sui solatium effutire; Atqui, ut temulenti aut furiosi testimonium jure repellimus, idem planè censendum est de voce mendacii convictissima

*quod nihil est supplementum*

*non recipitur. l. sed si manente. ff. de prec.*

*epist. 8. lib. 1. ad Lollium*

*Commis-*

*sumq. reges*

*& vino*

*tortus &*

*irâ.*

*Tull. in Top.*

*ad Trebat.*



quam immensi cruciatus à miseris tortis exprimunt.

Humanæ certè controversiæ affectibus potiùs, quàm ratione plerumque constant. Quod viro de se superbè sentienti semel excidit, quantumvis à veritate devium, pertinaci contentione defenditur. Hoc manifestè deprehendimus in torturæ processuumque anomalorum assertoribus; quippe qui, quod semel dixerint, invincibili contumaciâ tueantur. Nec desunt qui æquæ moderationis sectatores, fortilegos & hæreticos vocitent, minacesque tantùm non in jus vocent. Sed Apostolo monente discretio spirituum facienda est; quùmque se Satanas quandoque in lucis Angelum transfiguret, quid ni sub pii studii larvâ incautioribus obrepat, ac ad atrociora quæque pietatis & justitiæ prætextu nos adigat? Sic nempe in moralibus comparatum est, ut extrema mali boni species occupet, amboque invicem confusa, plerumque eosdem sortiantur effectus. Hinc Lucretio Epicureo sine novo crimine potuit excidisse, *religionem immodicam scelerosa atq; impia facta non semel peperisse.* sapientis est de aliena intentione rectè

*Corinth.*

*14, 29.*

*1. Thessal.*

*5, 29.*

*T. Lucret.*

*de rer. nat.*

*Lib. I.*

ac probè sentire, ne scilicet, si quid in alterum temerè statuerit, eodem sese summittat iudicio. Solius Dei est universam hominum speciem delere atroci quopiam flagitio inquinatam, quòd solus absque dubio novit, an omnes eodem crimine teneantur, neque unquam innocens injusti supplicii aleam sub tanto Iudice subeat. Clarum hoc & exploratum sacra nobis pagina indicat. Jurato Sodomorum excidio innocentis Lothi familiæ consuluit; cæterisque pepercisset, si tot inter nocentes decem innocuos reperisset. Genus humanum generali quondam cataclysmo delevit; sed paucos, quos innocentes noverat, servavit incolumes, pollicitus insuper se in posterum nunquam in totam hominum speciem animadversurum.

*Gen. 18, 32.*

*Gen. 9, 11.*

Et cunctos quidem illos idololatrias, quorum terras Judæis destinaverat, excidio delevit, quia turpissima populi flagitia in totam gentem adoleverant. Sub diversis nominibus mali genii divinos honores apud perfidos usurpaverant, teterrimasque impietatis species fuco religionis seductis obtruserant; hinc idololatriæ passim in omnes mortales quondam diffusæ

*Josue. 1.*

diffusæ excidium; sed si totius in gente humana maleficii extirpandi studio ducti Quæsitores sortilegii, in genus humanum sine missione sæviunt, procul dubio Angeli illius auxilio indigent, qui una nocte ingentem Assyriorum exercitum occidione delevit. Hujus subsidio armatis in Danos, Suecos, cæterosque plagæ frigidioris accolæ generali internecone opus est, quum in illis exercitibus vix unus inter decem inveniatur, qui malefico aut superstitioso carmine aut amuleto non utatur. Italis sortilegii Quæsitores eadem necessitas incumbit, ut excisas universæ Italiæ sylvas in pyras congerant, quibus sexum muliebrem, plerumque omnem, in cineres redigant, quod philtis æquè frequenter in amasios utatur, ac lixivio ad capillos suos flavo colore inficiendos.

*Caut. crimin. Dub. 2. in princ. Olaus M. rer. Septentr. Saxo Grammat. & alij passim. Bodin. De monoman. lib. 2. c. 5.*

Quicquid tamen Olaus Magnus Saxoque ille Grammaticus de sortilegis suis nobis prædicent, non in tanta frequentia sortilegium ac formalis apostasia apud Teutones pullulat; & Bodino quidem hæc hæresis in sevit ex malè intellecto sacrae paginae sensu, quâ parte sacri Judæorum Vates omne



me malum à Septentrione minantur; sed de Teutonicis seu borealibus fortilegis Prophetæ, quòd censeam, nunquam calamitates illas augurati sunt, quas genti suæ portendi vaticinati sunt; quin imò de Affyriis, Persis & Medis potius intellexisse arbitror, quas gentes Judæa à Septentrione conterminas, in sui perniciem toties experta est. Credo equidem gentes Teutonicas cæterasque boreali cardini affines vanis plerumque religionibus Dæmonumque præstigiis, supra meridionalis plagæ accolæ, mitioraque mundi climata, pronius subjacere; sed hoc efficit gentis obtusior indoles, & Dæmonum versutiis magis obnoxia; sed quæque sit in Germania sortilegorum frequentia, nunquam in animum inducam, gentes boreales majoribus flagitiis obnoxiores, quàm quæ sublimioris ingenii callidâ temperie, dolis ac vafritie ad majora quæque crimina erudiuntur. Plus sanè negotii arbitror malis geniis apud animos doli mali plerumque incapaces, quàm apud versipelles, solertisque ingenii populos. Vanis quidem ac inanibus rerum signis rudiores populos à veri numinis cultu aver-

avertunt, sed ne millesimum quidem ex tot incantatis invenies, qui verè fortilegus audiat, formalive apostasiâ à Deo ad malos Dæmones desciverit. Hoc tantùm agunt tenebrarum genii qui frigidis gentibus insidiantur, ut eas, atrociorum ut plurimum criminum incapaces, superstiosis credulitatibus irretiant; sagas quidem & fortilegos, ut plerumque alibi, in erroris barathrum præcipitant; sed plures fatua vulgi præsumptio Quæsitores mancipat, Quæsitores tyrannico cruciatuum abusu solo nomine conventos fortilegos ad injusta supplicia adigunt. Sed nostris temporibus quibus primæva illa barbaries Evangelii luce bonarumque artium culturâ plurimum exolevit, credibile est potiore[m] majoremque borealium gentium numerum qui à fortilegio abhorrent divinæ vindictæ supplicia à probis arcere & in improbos convertere.

Per me sanè lubentissimè liceat & in Germania & ubicumque gentium legitimè convictos fortilegii sancitis à divina lege suppliciis subijci, nec quemquam Christianum aliter in fortilegos animatum suspicor. Sed ut  
divi-

divinæ legis judiciorumque integritati satisfiat, soli testium fide dignorum testimonio inhærendum est, & à communi Germaniæ errore recedendum, quo nihil testibus quamvis integerrimis tribuitur, nisi reus proprio ore crimen fateatur. Hinc frequens illa cruciatuum laniena, donec reum quemlibet quovis modo ad fatendum adigant.

Sanè in vestigandis facinoribus, sicubi unquam, moderatione opus est, ne supervacuo ardore iram incautè prolabamur. Nil justitiæ animi commotione pugnantiùs; adeò ut quitali affectu nimium incalescunt, ex judicibus in tyrannos facillimè evadant. Sola delatio fortilegii, parricidii, hæresis, graviorumque flagitiorum, delatum reum non peragit. Non alio vultu quàm cæteri mortaliurn nobis intuendi sunt, quamdiu de crimine ambigitur; nec in vestiganda rei veritate à divina lege recedendum est, quâ cuncta crimina nullo excepto, solâ per testes convictione probari & veteri & novo Christianorum jure sancitur. Hac auctoritate tyrannorum, Paganorum ac Jurisperitorum privilegiis assentationibusque de-



derogatum est; sed neque quùm tandem de crimine constitit, Judex intentiore irâ aut studio indiget ut legi satisfiat, quin imò, ex legum ipsarum præscripto, pœna pro modo delicti fancienda est.

Omnes quidem idololatrias Arabiæ, Idumææ & Palestinæ accolæ Deus populo sibi selecto delendos tradidit; sed à cruciatibus abstinuit, nec immanibus eorum pœnis delectatus est. Ex hâc potissimum sævitie nostrâ barbaries in quaque gente dignoscitur. In divinis legibus una pœnæ capitalis expressio est, *morte moriatur; illum non patieris vivere*; semel tantùm sacro Nomotheræ excidit; *lapidibus obruent eum*; quæ supplicii species apud Hebræos minimis etiam delictis infligebatur. Sic nempe citiùs divinæ legi satisfieri arbitrabantur, fontem pœnæ exemploque ad cæterorum emendationem dedit, his verbis: *ut auferatur malum de medio tui*, non autem, ut exquisitâ immanique barbarie patratum crimen, quod infectum, quavis crudeliore sævitiâ reddi nequeat, in fontes vendicarent. Quicquid truculentioribus populis Dæmones justitiæ prætextu suggesserint, ut

ut flagitiorum finem malorumque emendationem suppliciorum atrocitate procurent, quotidiano rerum experimento compertum est, crudeles illas fontium lanienas vano ac inutili spectaculo flagitiosis objici; nempe quibus ex depravata indulgentis sibi naturæ indole spes impunitatis & nihilominus effugii blandiatur; ac tandem in pœnam induratae nequitiae, ultimum sceleratis perfugium est, paucis lethalis pœnae periodis diuturnam criminum seriem ad ultimum se luituros. Ita Divinus criminum vindex, neci traditis omnibus Magiæ idolorumque cultoribus si quid luedum superfuit, in peremptorum animas sibi seposuit exequendum.

Solent ut plurimum sortilegii & majestatis Quæsitores delatorum custodiam à suppliciis auspicari. Jure quidem crimen odisse par est; reum non utique; quippe qui, quamvis aut inquisitus aut suspectus, nondum de flagitio convictus est; sed & postquam de crimine admissio plenè constitit, lege non odio in illum agendum est. Citiùs ac faciliùs humanum genus, quàm sortilegium cæteraque delicta ab hominibus abegeris;

L

nec

nec ipse naturæ conditor, quamvis uno ictu nocentes omnes delere potens, omnes supplicio subjicit, quin imò testimonio suo asserit, *necesse esse ut*

*Math. 18, 7.*

*Luc. 17, 1.*

*eveniant scandala in justitiæ justorum-que exercitium.*

*Lib. 4. c. 1.*

*Demonom.*

Non ineptè Bodinus in Dæmonomania sua negat mitiùs agi cum fortilegis, si unicâ morte redimere cogantur mille suppliciorum species, quas sub crudelissima Dæmonum tyrannide quotidie patiuntur; non ideò tamen hæc à Bodino referimus, ut impune vivere fortilegii convictos censeamus; sed quùm maleficia omnia ex indurata Dæmonum nequitia ac humana peccandi proclivitate oriantur, nec utrorumque arbitrio Deus ullam vim afferat; quùm tamen possit ad libitum perversis eorum ausibus obversari, aut patrata pœnis debitis vindicare; ideò mihi planè persuasum est, fore ut si qui ex defectu legitimæ probationis supplicio eripiantur, divinam vindictam non effugiant, sive pœna eorum ex arcanis divinæ providentiæ differri visa sit, fortilegosque interim atrocissimæ Dæmonum tyrannidi in hoc sæculo relinqui, quàm aliunde humanæ forti-

Cave-



cavere non desinat, ne quid detrimenti exinde patiatur, quòd nihil Lemures absque Dæmonum ministerio exequi, neque Dæmones absque Dei consensu possint, neque Deus injustum quicquam Diabolicæ nequitiae indulgeat; si quid tamen ex arcanis providentiæ justorum discrimini aut tentationi permiserit, id totum secundum cujusque vires, sanctorum gloriæ concessum juvat arbitrari, ut bonis ex probata virtute majus gloriæ pondus accrescat: malis, ut geminatis flagitiis majus supplicium jure paretur; quæ tamen omnia Deus quotidie multifariam justitiæ suæ tribuit, & tribueret, etiamsi nulli innaturâ rerum Dæmones, nulli inter mortales sortilegi reperirentur.

CAP. II.

*Quàm latè porrigant sortilegii  
Quæitores Demonum in magicis operibus potentiam.*

SAnè de superiùs deductis, Theologis & Quæsitõibus, torturæ fautoribus nobiscum tamdiu convenit, quamdiu de sola Dæmonum sagarumque potentia inter nos ambigitur;

fed simul ac de torquendis damnandisque reis agitur, potestatem Dæmonum in infinitum porrigunt, cancelloꝝ quibus illam naturæ moderator circumsepsit immemores. His vanis terroribus à mente alieni, bonorum salutem in apertum torturæ discrimen præcipitant. Usque adeo ne humanum genus armamur in mutuam perniciem, ut spretis quæ natura dederat securitati nostræ præsidii, promiscuâ clade fontes innocentibus involuamus! Illane, quæ de occultis judicare se negat Ecclesia, sacerdotes ab altaribus avulsos, cruentis ministeriis adhibet, repetitisque à Paganorum tyrannide cruciatibus, dum imperceptibilia rimatur, coactas voces, tot experimentis mendacii convictissimas, pro veritate reputat? Satin igitur incruento sacerdotii ministerio consulitur, dum vana misericordis animi specie mendacii torturæ testimonio ad sortilegii falsam plerumque professionem adactos, Laicis, ut ajunt, Judicibus capitalis flagitii convictos propinant? sed Judæorum instar; *non licet nobis*, inquiunt, *interficere quemquam*; damnare tamen non prohibemur; vos suffragiis vestris, quod superest,

perest, rogos accendite, tortores & carnifices adhibete, mortis, ignominiae, confiscationis sententias agglomerate; ni potius (quod enixè rogamus, ex benignitate sacerdotali) hostes generis humani à nobis torturae ministerio convictos mitiori supplicio dignos arbitremini.

Humana certè peroratio; sed si talem in modum convictis ex antiquo Christianorum more mitior poena imponatur, in *Juristas* Binsfeldius cum Delrio maledictis accincti, humano generi perniciem certam à malis geniiis sagarum ministerio apertè minitantur. Spineus in subsidium advocatur, qui in *Leguleios* & *fori rabulas*, ut Delrii contumeliis utar, ex arce Romani Palatii intonat, per Judices & Laicos Principes specie doctrinae à nobis seductos hactenus stetisse, quominus hanc pestem sortilegii, ut ab Italia hæreses omnes, ita à toto orbe Christiano exegerit. Exigat sanè per nos licuit, & etiamnum licet, dummodò, præstigiis nimium tribuens, Quæditorum impetus, plerumque inconsultus, torturae mendaci tyrannicoque testimonio innocentes ad falsas confessiones non adigat.



At urgent sortilegii Quæsitores, malos genios, ni sortilegi sagæque planè omnes pereant, susque deque terram versuros. Hinc Delrius Thesfalix portenta usque à fabulosis heroicisque temporibus repetit. Inde Binsfeldius ex Virgilio & Theocrito Alphisibeum quendam nobis inducit, qui à Mæri venena Pontica, se accepisse gloriatur, quibus armatus, ope Demonum Mærim illum, utpote sortilegum

*P. Virgil.  
Pharmaceutria.  
eclog. 8.*

- - - - *sæpe lupum fieri & se condere sylvis*

*Mærim, sæpe animas imis excire sepulcris*

*Atq; satas, aliò vidit traducere messes.*

*In Demonum. passim.*

His continuò Bodinus astipulatur; quippe qui non de creatione solùm Dæmonum non erubescat ambigere, sed & creationes ex nihilo, formarumque mutationes illis tribuat. Nonne hæc apprimè Christianæ pietati conveniunt, ut crudelissimos cruciatus in eorum probationem advoce-  
mus, taliumque complices in testes ad capturam, ad quæstionem & ad supplicium admittamus? Sanè quo tempore Virgilius, seu verè, seu poëticè, ex vulgi rusticorumque placitis  
sic

sic loquutus est; quâ, inquam, tempestate duodecim tabularum cæterorumque idololatrarum leges omne jus in naturam malis genis tribuere, nullum præter Dæmones in orbe Deum noverant; At nostris temporibus postquam à Christo Salvatore Dæmonum tyrannis toto orbe depulsa est, quis absque idololatriæ aut impietatis crimine tantum licere Dæmonibus asserat?

Quis ferat hæc à Bodino circa torturam prolata, communiter à torturæ sectatoribus usurpari? *Sprangerus*, inquit, *sortilegos ex levi torturæ subjiciendos haud arbitratur; Mihi quidem contrarium videtur, præsertim si de puella aut puero aut reo imbecilli agatur; & præsumptiones violenter urgeant, alteros solâ tormentorum præsentia terri, alteros tormentis quidem subjici, non tamen anus pertinacis & indurata nequitia.* En eximium prudentiæ judicialis modum; Enimverò quæ veritatis species ab imbecillis speranda sit ad aspectum horrendæ tortorum supellestilis, potius quàm contumax ab induratis silentium, quùm ambobus idem ex æquo discrimen impendeat, in illis, ut ne se innocentes pertinaciter asserant,

*Demonom.*  
l. 4.

spreto tormentorum cruciatu, aut sensu per naturalia aut præstigiosa pharmaca sive carmina obdurato, in istis, ne mortis timore perculsi, de se falsum fateri compellantur; quodque magis in hoc scriptore doleas, dum cæto in fortilegii nomen ardore rapitur, non advertit excidisse sibi quod aliàs ex legibus Romanis asseruerat, *torturæ præsentis metum oculis aut solâ mentè perceptum ipsi torturæ equiparari*; Atqui si propter infirmio-rem temperaturam, quibusdam vice tor-menti, solus torturæ apparatus ob- jicitur, quid ni cùm robustis ex æquò torqueri dicendi sint, cùm in illis idem metus operetur, quàm in illis sævissima tormentorum carnificina.

Altero quoque stratagemate Bodi- nus ad omnimodas confessiones gra-ssatur; ex quo cuivis pateat qua fide, quo humanitatis sensu in his quæstio- nibus versatus sit; *sed si fateri nolit* (inquit immanis tortor) *falsa à com- plicibus flagitia in illum congesta supponen- da sunt*; forsitan & ille vendicandi animo eadem crimina in illos regeret, iisdemq; in- diciis in eos invicem grassabitur; hac omnia (addit autor ille temerarius) jure hu- mano divinoq; licent. Hoc scilicet pie- tatis

*Lib. 4. De-  
mon. c. 4.  
L. metum  
autem. ff.  
de eo qu.  
met. caus.*

*Lib. eod.  
circa fin.*



tatis eximiae moderamine in his exceptis processibus divinae majestatis honori consulitur, spretis legum divinarum decretis; quis enim non stupeat, Bodinum cæteroquin Judaicae cabalæ additissimum, totque sacerdotes & theologos pudoris professores, & à sanguine cædibusque temperantes, ab omni humanitatis sensu sese ad solum sortilegii nomen eximere, adeo ut in sexu pudori obnoxio, violatis pudoris legibus, arcanas quasque corporis partes rimari non erubescant, exploratrices bolides novaculaeque pudendis impudenter adhibeant, quod genus tormenti puellarum adularumque mulierum animis plus doloris admover, quàm quivis torturae cruciatus, sæpiusque ad fugiendas Judicum obscænas vestigationes, infamesque Tortorum contrectationes ad confessiones mendaces adigant; quæ tamen tormenta à Quæstoribus inter tormenta non numerantur.

Quotusquisque illorum carceres, *L. aut d. custodiae duntaxat à jure destinatos, mnum. S. in pœnam non adhibet, contra legum solent. ff. Canonumque decreta, novisque cruciatibus, quantumvis pœnitentes in de pœn.*

salutis discrimen desperatione non adigit? Lex tamen divina maleficos morti damnatos communiduntaxat pœnæ addixit; Lapidibus enim apud Hebræos obruebantur; quod supplicii genus, etsi atrox Rabinis suis visum est, omnibus tamen de levi quoque crimine convictis commune fuit; eadem enim morte filium patri non obtemperantem, puellamque violatæ pudicitiae ream de medio tollebant. Ad quid enim barbari & inhumani supplicii protracti cruciatus, quum in reo legitimè convicto aut confesso ac pœnitente misericordiae lenitæque locus sit, aut in indurato nec pœnitente æterni cruciatus supersint, quibus quod humano rigori deest abundè suppleatur?

## CAP. III.

*Sagis & sortilegis complices indicantibus non credendum.*

CÆterum, præ cæteris processuum Cexlegum abusibus, probis omnibus detestanda est opinio quorundam Quæsitorem, extorta cruciatibus reorum indicia in legitimum testimonium rapientium. Convenit enim  
omni-

omnibus fortilegii Quæſitoribus, omnibus Theologis, quantumvis theoricis, proceſſuumque exlegum vindicibus, non ſemper ſagas & Lemures ad nocturnos conventus in corpore transferri. Ita Bartholomeus Spineus quæſtione ſua de ſtrygibus, & in Apologiis ſuis paſſim. Ita Binsfeldius, in fine primi membri, concluſione decima tertia, in principio. Ita Tannerus tomo primo, diſputatione quinta, quæſtione ſexta, Dubio ſeptimo. Idem tomo tertio, diſputatione quarta, quæſtione quinta, Dubio ſecundo, numero quadrageſimo tertio. Ita demùm ipſe Bodinus Demonomania libro ſecundo, capitulo quinto, ubi de Lycanthropis. Fatentur etiam poſſe Dæmones non ſagarum modò, ſed innocentum quandoque imagines faſcinatorum oculis exhibere; quin imò, poſſe in ipſâ dormientium phantafia ſpecies rerum coacervatas ac in uſum memoriæ reſiſtas ad libitum motu locali ciere & coacervare, concinnatâ interiùs & communi ſenſui objectâ abſentium figurâ. Ita Spineus in Apologiis, ita poſt illum Remigius, Delrius & alii communiter, ita demùm ante hos omnes Malleus maleſi-



leficorum & sagarum; sed si hoc pos-  
 sunt Dæmones, ut posse communiter  
 asseritur, cur innocui cujusque spe-  
 ciem sagis & sortilegis dormientibus  
 in phantastica fictorum Conventuum  
 imagine non exhibeant, ut eos de-  
 nunciationibus sagarum reddant ob-  
 noxios? nunquamne factum asse-  
 rant? imò quî plura etiam præter  
 communem hominum captum quan-  
 doque Dæmonibus ex divina conces-  
 sione licere ausint inficias ire? quæ  
 igitur sagarum Lemurumque denun-  
 ciationibus, testimoniis, indiciis fides  
 adhibenda, quum de seipsis plerum-  
 que nesciant an oculis reale quid, aut  
 solâ phantasiâ inanes species objectas  
 usurpaverint? *Scilicet* (inquit Tanne-  
 rus supra citatus) *Deus tot alia eaq, im-*  
*manissima scelera justissimis causis permit-*  
*tat; in hoc solo processu adversus sagas,*  
*signato quasi codicillo sponsonem fecerit,*  
*non se permissurum ut innocentibus fiat in-*  
*juria? Ridiculum igitur est hoc* (ait cautio  
 criminalis contra Binsfeldii alluci-  
 nantis laxiorem opinionem) & mi-  
 rum, hoc à viris cordatis dici, quibus ab-  
 surdis Bodinus ut pro virili occurre-  
 ret, eximio sanè commento, *Saga*, in-  
 quit, *quum hac videre sibi videntur, ani-*  
ma

*mā tantum congressibus illis præstigiis assistunt, idq̃ datum Dæmonibus asserit, ut animas à corporibus humanis absq̃ compositi solutione abducant; sed hæc temerè licentiosus auctor, ut pleraque alia comminiscitur; in specie, quum censeret homines in lupos transformari, contra communem saniorum Doctorum sententiam, malis illis geniis ex Christiana disciplina id tantum concedentium, ut sensibus externis humanæque phantasie illudant, objectis inanibus larvis, aut motis interioris memoriæ speciebus inhærentibus.*

Alio nec saniore commento Spiritus sagarum indicia fulcire nititur.

*qu. de stry-  
gib. c. 31.*

*Forſitan ( inquit ille ) quòd Diabolus in forma mulieris jacet veluti dormientis, ut homines circa realem translationem ad orgia in errorem inducat, spectrumque fuisse quod Joannes Baptista à Porta Neapoli, aliique alibi palpassè manibus, lancinasseque sine jacentis sensu asserunt, postquam mulier venefica præstigioso ceromate inuncta, palam jacuit, seque corporaliter ad talia delatam ex pertinaci somno experrecta sibi metipsi imposuit, cæterisque vigilantibus & astantibus imponere nisa est; sed quicquid illud sit, argumen-*

*Idem Porta  
Magia natural. lib. 3.*

tum

tum illud *de posse ad esse* inter Logicos non recipitur; in re præsertim omnium gravissimâ, in quâ de honore saluteque hominum agitur; neque adeò satis mihi probatur, etiam si hæc quæ possibilia supponuntur, realiter evenisse constaret, quid inde comodi Dæmoni lucrive accresceret, quum nō ideò veri fortilegii in illa muliercula nec in cæteris similibus opinionem destruat, etiamsi ad nocturnos illos conventus corporaliter non prodirent; non enim minùs fortilegii crimine tenerentur ex pacto quo se Dæmoni devoverunt, quoque ad tales illusiones excipiendas efficiebantur habiles, quàm si realiter in corpore ad Diabolicos congressus transuectæ essent; sed perinde falsitatis ac mendacii notâ testimonium sagæ tamdiu jacentis laborat; hincque adeò convincitur, ipsomet annuente Spineo, Dæmones & sensibus & phantasiæ, seu vigilantum, seu dormientum majoris, illudere posse; sit igitur cordati cujusque judicium quas Quæstoribus larvas, quem fucum plerumque versutus hostis in bonorum perniciem obtrudat.



## CAP. IV.

*Sagas ut plurimum ad orgia corporaliter non devehi.*

**E**Adem ratione testimonium mulierculæ seu cujusvis alterius sortilegi refelli potest; etsi, juxta placitum illud quod Divo Augustino non probatur, quodque Divus Aquinas eo sensu quo supra interpretatur, posset Cacodæmon phantasticam potentiam incorporare; quum nihilo secius obnoxia præstigiis mansura sit organo suo naturali destituta, aëreoque corpori condensatæ unita, si modò tantum Dæmonibus à Deo conceditur. Quod si ex adverso regeritur transvectiones illas quandoque sagas in corpore & in anima experiri, in promptu respondeo, Dæmonem in sagarum oculos non minus posse quam in phantasiam possit, quandoquidem Spineus idem Dæmoni in bonos licere annuit, quamvis multo minus in non sibi subditos liceat, quam in sibi devota mancipia; unde manifestè sequitur, quicquid ex sagarum testimonio indiciique prodierit, id totum Dæmonum illusionibus

*Barth.  
Spin. qu. de  
stryg. c. II.*

ac

*Transve-  
stiones il-  
las atq; or-  
gia opus es-  
se delusa à  
Damonibus  
phantasia.*

ac larvis involutum, quacumque ex parte perpendatur; sed et si ex supposito convenerit, transvestitiones illas quandoque in corpore contingere, eadem semper ambigendi causa remaneret in hypothesi; an scilicet in casu de quo controversia esset realiter contigissent, quum fateantur adversarii quandoque in solis præstigiis consistere; Illud verò nec ab ipsismet delusis, quamvis falsò & coactè fatentibus an realiter aut illusoriè contingant pronum est depræhendi; Spineo ipso verbis sequentibus nobis astipulante, *non est etiam negandum somnia quadam sic esse limpida, ut ipsi somnianti verè vigilare videatur.*

Scio ipsum eundem Spineum in Apologiis exlegum processuum asseverasse, sortilegii Quæsitores ex tota Germania sagas omnes & sortilegos jam pridem eliminaturos, nisi Principes, ut ajunt, *Laici* tam piis conatibus obstitissent; sed firmitus scio & sanâ fide profiteor, nisi sæculares (ut vulgus indigitat) Principes, sanctumque Romanæ Inquisitionis officium sortilegii quæstionibus modum adhibuissent, Quæsitores Malleo maleficorum instructos, processibusque anomalis

malis inhærentes, ex complicum indiciis, torturæ mendaciis, cæteroque in infinitum progressu, bonorum speciem omnem quacunque patet inquisitio, fuisse exhausturos. Enimverò, sistatur indicio complicum torturæque mendaciis, ausim dicere, nunquam tot martyres à tyrannis extrema passos, quot innocentes ex processibus illis exlegibus & cruciatuum cruento ministerio suppliciis injustis in posterum adigendi sint. Sub hoc specioso prætextu malis geniis via latior patefacta est, quàm olim sub quocunque Nerone aut Diocletiano patuerit, quum pietatis & justitiæ specie calumniis ac præstigiis impune in bonos moliri possit, quæcumque prius tyrannorum ministerio falsæ religionis prætextu moliebatur. Quicquid ex adverso strepant sortilegii Judices anomali, non in malignum sensum torquenda sunt, quæ contra torturam processusque à jure communi naturalique recedentes proferimus; non enim sortilegorum scelestorumque patrocinium suscepimus, ut adversarii lividè criminantur, quum aliunde ratione destituuntur; quin imò, ut cum Tannero loquar, famæ bonorum

*De justit.  
et jur. diff.  
4. q. 5.*

M salu-



salutique consulimus adversus Dæmonum insidias, falsaſque ſagarum ac Lemurum delationes & indicia. Hoc Chriſtiano officio juris abuſibus maturè occurritur, eò nocentioribus, quò honeſtiore titulo prætexuntur, quoque uſus ejus laudabilior eſt; dum ſe legum humanarum divinarumque cancellis æquitæque naturali metitur & coërcet.

## CAP. V.

*An ſortilegium ex orbe deleri poſſibile ſit.*

**E**Tſi quæſtionum ſortilegii moderatores generali diluvio genus humanum, ut quondam, deleri à Deo expeterent, poſſetque, ſalvis Noë promiſſis, petitioni rerum arbiter annuere; in hoc ſecundo Cataclyſmo neque arcam neque ullum ſoſpitem deberent admittere; alter enim procul dubio Camus ex paucis illis reſurgeret, qui, prioris ad inſtar, ſub Zoroaſtri nomine ſortilegium idololatriamque poſt diluvium repararet. Sanè nec ſortilegii nec cujuſvis alterius criminis origo exareſcere poteſt, quamdiu Dæmonibus per Deum licue-

cuerit hominibus insidiari, horumque arbitrio dabitur in malum aut in bonum consentiendi libertas. Regnum seu veriùs tyrannis Satanæ in peccato sita est; hoc autem hominis naturæ post primum ejus lapsum tam tenaciter adhæsit, ut vix ac ne vix quidem integra ac generalis tam depravata indolis justificatio speranda sit. A peccato Dei flagella in nos prodeunt; Horum executores plerùmque sunt mali genii; igitur etsi maleficii quæstitoribus malorum omnium exterminium concedatur, nisi simul peccatum ab orbe prorsus excinderent, Dæmones illicò quas norunt illecebris anceps hominis arbitrium ad quæque flagitia pellicèrent; quod si sortilegio reparando minùs valèrent, homicidia, præposterarum libidines, Atheismum, Symoniam, cæteraque vitia propagarent, quæ nec sortilegii nec maleficii Quæstitores hætenus à Provinciis illis eliminarunt à quibus Spineus hæresim trans Alpes exegisse gloriatur. Quis negat in crimina publica vindicandum, quorum impunitas, dum legitima probatione de illis constitit, iram Dei provocat? sed non ex torturæ fallaci examine ob-

scuriorum criminum probatio expendenda est; illius enim responsis confessionibusque delusi, plures martyrio subijciemus innocentes, quàm nocentes poenis debitis afficiamus, nec solum illius usu Satanae tyrannis stabilietur, sed triumphus etiam hostis humani generis promovebitur, plus unius innocentis supplicio gaudentis, quàm mille nocentium iacturam sentientis.

*Ab omni  
aero fuisse  
sortilegos,  
semperque  
futuros in-  
posterum.*

Argumentum est supinae inscitiae sortilegos esse negare; Mihi sanè parvo negotio primum est ab ipsis ævina nascentis primordiis eorum originem repetere, perpetuâque serie ad nostra usque tempora deducere. Idololatria quæ diluvium generale præcessit, & illius potissima causa fuit, quid fuit aliud quàm merum sortilegium? Quid, amabo, humanæ victimæ malis quondam geniis mactatæ sub nominibus Baal, Moloch, Saturni, bonæ Deæ seu Divûm matris, Jovis Latialis, Dianæ Tauricæ, innumerisque aliis Divorum inanum nomenclaturis ab hodiernis maleficiis discrepabant, quæ Deo justis de causis annuente Cacodæmones operantur, sortilegisque miserè deceptis in eorum gra-



gratiam fieri per signa derisibilia comminiscuntur? Quid abominanda ipsis idololatriæ sacra illa Bacchi, Cereris, Isidis, Osiridis, Anubis, Serapis, Abraxæ & Mythræ; nonne nostratibus orgiis & nocturnis sortilegorum Bacchanalibus æquiparantur? sed posito & confesso esse sortilegos, & Bacchanalia etiamnum fieri, quid inde elicitur? Anne ideò, ut probes mulierculam illis inter fuisse, torturæ cruciatibus rem sensibus imperceptibilem scruteris? An hoc in casu non perceptam, dubiamque præstigia inter & realem visionem, inevitabili torturæ mendacio expones, quùm reis etiamnum dubiis manifestum torturâ paretur exitium, veris autem sortilegis aut maleficis effugium pateat ex toroso athleticoque patiendi habitu, aut narcoticis medicaminibus, aut (ut loquuntur Inquisitores) ex pacto taciturnitatis & indolentiæ? Nonne ex præmissis luce meridianâ clariùs exploratis constat, solos innocentes ad falsas torturæ confessiones adigi? Certè hoc solo argumento persuademur, plus Dæmonibus ex torturæ usu, processibusque ab antiquo jure dissonis accrevisse, quàm Quæstorum

capitalium diligentiam decem sæculis  
ex humanis victimis decreverit.

*An à sagis  
& fortile-  
gis tot ma-  
la, quot ge-  
nus huma-  
num in dies  
patitur, o-  
riantur?*

Furor est indubiæque species infa-  
niæ tot malorum quibus in dies hu-  
mana fors premitur causam à fortile-  
gis repetere. Non minore vesaniâ  
creditur, his sublati Dei vindictam  
in genus humanum sopitum iri. Deus  
tot malorum pœnæ quot in dies pec-  
cata nostra in nos provocant, auctor  
est indubius. Mali genii quorum  
operâ Deus in exequendis pœnis uti-  
tur, ex concessâ sibi licentiâ futura-  
rum calamitatum conscii, hominibus  
sibi addictis, quâ versutiâ sunt, suade-  
re nunquam omittent, quæcumque  
ex Dei justitiâ procedunt, hæc ipsa in  
fortilegornm vindictam aut ad libi-  
tum fieri. Demus nunquam fuisse  
hactenus nec futuros in posterum sa-  
gas aut fortilegos; non ideo casus  
defuere aut in posterum deerunt qui-  
bus Dæmones ex divinæ justitiæ de-  
cretis calamitates in genus humanum  
effundant; nec cessabit naturæ peren-  
nis ordo contrariâ virtute corporum  
cœlestium in meteoris, segetum, bru-  
torum hominumque strages & exci-  
dia versare; nec sibi deerunt Caco-  
dæmones quin pro indole suâ, ex di-  
vinâ

vinâ licentiâ his se immisceant, quoties hoc humana flagitia exigant, absque sortilegorum operâ. Pœnæ quidem exigendæ sunt à sceleratorum illorum colluvie, quæ sibi malignè tribuit, quæ divinæ justitiæ vindices aut ipsa naturæ serviens varietas in nos & nostra exequuntur; etsi enim gens maleferiata quæ perpetrasse sibi met imponit, in actu non operetur, ad eadem tamen perverso desiderio fertur quæ mali genii, saltem intensivè, ab eorum voluntate exigunt, ipsique à Dæmonibus in actu votis scelestis sollicitant, sed in inquirenda talium veritate, non ideò exploratis & indubiis innocentium periculis, incerta & dubia mala redimenda sunt.

## CAP. VI.

*Quid arbitrio Quæstorum relinquendum circa torturam.*

**A**D prudens demùm Judicium arbitrium, velut ad sacram anchoram aut ad arcis cujusdam penetralia theorici Quæsttores & interpretes se recipiunt, quùm rationibus, velut evacuatâ continuâ jaculatione pharetrâ, deficiuntur; sed prudens illud Judi-



cis aut Quæstoris arbitrium non minori desperatione quæritur, quàm ipsa criminum occultorum veritas, Cæcus ille religionis impetus quo tot Christiani Judices Neronēs & Diocletianos, falsi aut veri numinis cultu delusi, paribus excessibus æmulati sunt, eodem passu semper ambulat. Quæcumque tormentis in reos agitur, criminis confessio, non veritas ut plurimum quæritur. Ad indagandum crimen, incerto etiamnùm auctore, crudeliori lanienâ in reum incompertum sævimus, quàm exploratum facinus in legitimè convictum sponteq; fatentem exigeret. Ptoh Christianam omni Paganâ truculentio rem barbariem! ut unico gladii ictu comper tum nocentem ulciscamur, tormentis in reum ancipitem à Diabolo in sanctorum martyrum carnificinam inventis quæstione grassamur! quid crudelius! quid immanius stygiæ potestates ipsaque idololatria comminiscantur? Quotusquisque Judicum qui cruciatibus mendaces à miseris voces exprimunt, innocentem reum deprehendisse non sibi probro pudorque reputet? Nocentem non solum omnimodè quærunt, sed volunt

lunt & efficiunt. Ad hæc ingesta sunt tormenta à generis humani prædatore Dæmone, ut quemque Quæstitoribus mala cujusque sors obtulerit, idem violentâ torturæ confessione convictus, ad supplicium adigatur. Sic Damasci periére tot Christiani sub Thalassiarcho Agareno, de urbis illius incendio falsis indiciis insimulati. Sic Pisis in Etruria Gambacurtæ sub Carolo quarto Cæsare; Neque aliter Templarii fratres excidium passi sunt. Sic Italia, torturæ tyrannorumque mater, in invisum quemque perniciem certam semper effudit, objecto majestatis crimine. Nempe quicquid virium innocentia miserè laceratis suggerit, id omne exhaurit crudele *indiciorum de novo*, ut ajunt, *reptorum* inventum, quæque vox flagitium admissum non fateatur, ad ima torti viscera tortorum immani sævitiâ retruditur; *Aut fatearis*, inquiunt, *aut pereas necesse est*; quicquid innocentiae suffragatur, importunum est; Mors & supplicium quæritur, innocentia non quæritur.

Tibi, Christianissime Rex, cæterisque Christianis Principibus incumbit æquâ prudentis judicii trutinâ per-

pendere quid discretioni Judicum relinquendum sit, in re, quæ nec usum recipit, nec abusum nisi abolitione temperet? Sanè si ex saniore torturæ usu certa patet innocentibus perniciēs, ut ex præmissis apertè convicimus, absque certâ temeritate continuari non posse colligitur; frustra enim moderatio quæritur, ubi sanior usus ab ipsis inventoribus mille experimentis fallaciæ, mendacii, immanitatis arguitur. Satis constat sub illa in Christianos inquisitione Neroniana, tyranno non defuisse torturæ subsidium. Urbem quæsito ad voluptatem incendio deleverat. In tyrannum ab irata plebe incendii crimen rejectum est. Ille, ut falsos auctores declinandæ invidiæ subderet, in subsidium torturam advocat; Christiani, qui his temporibus passim sortilegi audiebant, tormentis admoventur; nec mora torturæ indubius prodit effectus; falsum crimen fatentur; de se falsi, de complicibus per tormenta interrogantur; quid de sociis falsi sint; Cornelius Tacitus temporum illorum scriptor, ut in Christianos minimè gratosus, ita nec tyranno extincto favens, apertè profite-

tur;

*Tacit. Annal. lib. 15.*



tur; eorum indicio multitudinem ingentem ejusdem criminis infimulatam. Rursus ingens illa tortorum multitudo aliam ingentem multitudinem ad torquentium libitum indicavit, atque adeò uniformis & nunquam successu carens effectus torturæ subsequutus est, progressus, inquam, in infinitum indiciorum, indicantium & indicatorum. Inde seges illa optima Quæstoribus quæsitæ, amplaque sæviendi in genus humanum materies, quâ nec innocentia nec justificationi locus est, solumque flagitii nomen per diriora quæque tormenta nocuos, innocuos, nullo discrimine ad famæ, bonorum & salutis inevitabilem jacturam adigit. Hoc in infinitum progressu tot rei Neroni confecti sunt, ut amphitheatri lanienis & totis compitis in usum nocturni luminis sacri martyres abundè suffecerint. Quis hæc audeat in dubium revocare, quum præter Taciti contemporanei testimonium, Sulpicii Severi & martyrologii Romani fides accedat? Ab his temporibus omnibus sortilegii Quæstoribus, Magistratibus, quotquot fisco utuntur, rebusque publicatis participant, ad torturam provolandi

*Sacr. hist.  
lib. 2. n. 8.  
Kalend.  
Jul.*

landi fortior objecta illecebra, cujus  
 escâ deliniti plerique, seu vindictæ  
 immodici, seu præposterî zeli studio,  
 sive publicationum avidi propriis af-  
 fectibus indulserunt.

Sed, amabo, si primævis illis Chri-  
 stianis constantia viresque defuerunt  
 quibus torturæ cruciatibus falsum  
 crimen negando resisterent, morsque  
 illis diuturno supplicio pacatior visa  
 est; ut quid sperare de mulierculis  
 liceat, reorumque quolibet ope Dæ-  
 monum, narcoticis, aut athelitico ha-  
 bitu destituto? quid si tormenta no-  
 stratia antiquis mitiora asserant, sanè  
 usum & acerbitem illorum igno-  
 rantium est, quùm & equulei nostri  
 & vigilæ & pensiles trochleæ eadem  
 prorsus sint cum antiquorum lanie-  
 nis; quin & immaniora quotidie pro-  
 deunt, ut ex Farinacio docuimus;  
 Adde quod in tormentis nullus di-  
 stinctioni locus est; quùm enim se-  
 mel eorum usum admiseris, nullum  
 in illis modum inveniet humana cru-  
 delitas. Si levia, pro non tormentis  
 æstimabit, quippe quæ à patiendi as-  
 fuetis despiciantur; si atrocia, & ro-  
 bustus & imbecillis sub illis oppri-  
 muntur. Ubi Quæsitores crimina-  
 lium

lium reos peragendi studio semel incaluerint, cruciatus undique conquisitos ingeminant, augment, protrahunt & ex Romana tyrannide repetunt, mox etiam, ex neotericorum immanitate continuant, donec tortum quantumvis innocentem ad quæ voluerint adigant. In hac perturbatione, receptis semel abusibus mordicus inhærentes, torturæ finem primum seu mavis ideam ex mente sibi patiuntur elabi; jamque veritatis, quam prius quæsierant, malè memores, quicquid ex ore reorum præter criminis confessionem erumpit, id totum ceu mendacium respuunt, solum crimen quod animo perceperunt pro veritate reputant.

## CAP. VII.

*His in processibus quam fædi abusus irrepserint, præter antiqui juris formulas.*

**H**Æc si quis penitiùs inspiciat, ita se, ut prædiximus, habere compariet; nempe omnes à jure positos limites his in processibus, & contra reum præcipuū, & contra complices transgressi sumus. Quâ tempestate siue Augusto



*L. 4. C. de* guſto ſive Ulpiano viſum eſt, ſervorū  
*quaſt. l. ſin.* quaëſtionibus ad probanda crimina  
*C. de accuſ.* ineſſe efficaciam, ſub geminâ condi-  
*l. repeti. ff.* tione hoc expreſſum eſt; primâ, quum  
*de qu. l. e.* crimina forent adeò rimatu difficilia,  
*dictum. ff.* ut ſolis tormentis inveſtigari poſſent;  
*de qu.* alterâ, quum in ſolos ſervos tormen-  
 tis ageretur; Recentiores tamen ſer-  
 vorum cruciatus ad quosvis ingenuos  
 porrexerunt, Neronis & Tiberii mo-  
 res & ingenium ſequuti, ſub quibus  
 ex toto orbe Romano civilia jura exu-  
 labant, civibus ad vilia mancipia re-  
 daëtis. Hunc titulum majeſtatis re-  
 rum capitalium, & ſortilegii potiffi-  
 mum Quæſitores, eò uſque porrexe-  
 runt, quò quaëſtionibus uti in animo  
 habuerunt; quumque & leges ab  
 Italii & cruciatus prodierint, atque  
 illi ſervilem animum à Cæſarianis uſ-  
 que ſæculis induerint, genus huma-  
 num quâ Romanis legibus patet adi-  
 tus, quaëſtionibus ſubjecerunt. Jure  
 denique Romanorum ad graviora  
 quæque crimina, imò ad ipſum maje-  
 ſtatis judicium ſolâ accuſatione age-  
 batur, nec impune fuit accuſatori, ſi  
 ſemel in probando crimine deficeret,  
 quin imò talioni locus dabatur. Ho-  
 diernâ praxi ſortilegium majeſtatis  
 huma-

humanæ crimini, addito ex industriâ  
 majestatis divinæ titulo, aggregatum  
 est, ut quibus sub Syllâ privilegiis  
 censebatur, iisdem & sub Christiano-  
 rum legibus censeretur; sed dispari  
 admodum conditione; in hoc enim  
 nostrate judicio nec in testes quan-  
 tumvis falsos mendaciive suspectissi-  
 mos, nec in delatores, plerumque vi-  
 les ex vulgi colluvie homunciones &  
 mulierculas talio est; quin imò silen-  
 tium & impunitas & delatori & testi-  
 bus ex normâ promittitur, latissimus-  
 que calumniæ campus sternitur, bo-  
 nis ac innocentibus certa perniciēs  
 struitur. Nec quicquam obfuit Syl-  
 læ crudelissimi tyranni invisum no-  
 men, quominus profectis ab infecto  
 fonte privilegiis daretur locus; ca-  
 lumniatoribus enim nullam pœnam  
 infligi hoc in crimine Syllam sanxisse  
 auctor nobis est post Tullium Carolus  
 Sigonius, utque mulierum testimonio  
 fides adhiberetur. Nempe teterri-  
 mus tyrannus, ut dominationis arre-  
 ptæ securitatem bonorum sibi strage  
 firmaret, majestatis legem à se sanc-  
 tam his in suspectum quemque privi-  
 legiis armavit, & quamvis Flavius  
 Constantinus majestatis quæstionem  
 ad

*Carol. Si-  
 gon. de an-  
 tiq. jur.  
 Rom. l. 2.  
 c. 29.*

*L. si quis. 3.  
 C. ad leg.  
 Jul. Maj.*

ad antiqui juris formulas reduxerit, poenâ in calumniatores revocatâ, foloque inscriptionis processu admissio, recentiores tamen interpretes, hâc repudiatâ methodo, non solum falsis testibus, sed & calumniosis delatoribus impunitatem asseruere.

## CAP. IIX.

*Exploduntur tortorum indicia vanaq; Quasitorum indagines.*

Part. 3.  
q. 13.

Quid ergo tortura his in quæstionibus operetur præter certam proborum perniciem non video; quum ex Quasitorum confessione liquet, solos innocentes ad criminis confessionem adigi. Ipse Tortorum immaniſſimus Bodinus, ad Sprangeri testimonium confugere cogitur, ut probet, veros fortilegos, latrones & maleficos narcoticis incantamentis silentio præpediri, frustra que cruciatibus subjici; quum vel indolentiæ pharmacis, vel pactis Dæmoniacis instruantur. Scio Mallei maleficorum sarcinatores ab ipsis Tranquillo & Philostrato repetisse Domitianum illum Cæsarem Apollonio Tyaneo pilos omnes abrasisse, sed quum ipsi  
met



met fateantur ex formula exorcismo-  
rum quibus uti Iudices præcipiunt,  
ad depugnandum reorum silentium;  
hoc etiamnum licere Dæmonibus in  
reorum jam carceratorum corpori-  
bus; in humano sanè corpore hosti  
vaferrimo partes aut laciniae nun-  
quam deerunt, quibus, irrita Quæsi-  
torum indagine, pacti signum illud,  
si quod sit, imperceptibili modo affi-  
gat, antequàm reus tormentis adhi-  
beatur. Quid si hic torpor à natura  
proficiscitur, ut plerisque Medicorum  
convenit; ut quî vim ore suscepti  
pharmaci Quæsitore depilatione Rei  
abigat? Pater igitur torturam in solos  
innocentes agere, quùm & sortilegi  
& malefici plerique omnes in eam  
præsidium aut à Dæmone aut à natu-  
ra fortiantur.

Quod ad complicum indicia atti-  
net, nulla huic argumento responsio  
est, aut qui torquetur sortilegus est,  
aut innocens. Si sortilegus, quam fi-  
dem jurato humani generis hosti bo-  
norumque osori capitali Iudex corda-  
tus adhibeat? quùm capitales inimi-  
cos in hoc, ut in cæteris, flagitio lex  
etiam humana à testimonio repellat?  
sed si reus innocens est, vique crucia-

N tuum

*Binsfeld. in  
Comm. ad  
tit. C. de  
Malef. &  
Mathem.  
concl. 15.  
post Parid.  
de puteo. c.  
2. de tortu-  
ra & Gril-  
land. q. 4.  
n. 13. citâtes  
Alb. Magn.  
lib. de secr.  
natur. &  
Dioscor. l. 5.  
pharmac.  
simpl. c. 149.  
vim illam  
lapidi Mem-  
phili tri-  
buentes.*

tuum ad falsam confessionem adactus, quid in nocturnis illis congressibus agatur prorsus ignorat, quum nunquam illis interfuerit. Quid si nihilominus complices ab illo exigas, an (contra Pauli Jureconsulti sententiam) expectas, ut *alienam salutem in discrimen non adducat qui de propria desperaverit?* Apage conscientiae stimulos! abhinc enim exulare sanioribus etiam Theologis placuit. Si enim Quæsitore libuerit ab eo sciscitari, beatos omnes spiritus, omnes cœli incolæ sortilegii insimulabit, ut ab Quæsitore carnificinæ pausam quamlibet obtineat. Forsitan & postea palinodiam meditabitur, si licuerit; Verum aut retractationis hujusce non meminerit in illis angustiis, aut si meminerit, ab ea justo timore deterrebitur, ne toties ad cruciatus intolerandos retrahatur; nec deerit qui hæsitanti ex immani disciplina prædicet, frustra retractari semel prolata indicia, atque adeò irritas retractationes omittere compelletur. Jam verò prudentioris cujusque esse judicium, quid torturæ in flagitiis disquirendis tribuendum sit?

Sanè si cuiquam nostratium juris  
inter-

interpretum in legum Romanarum  
 immensa congerie semel occurrisset,  
 naturalem non pati æquitatem, lin-  
 guam, minimam humani corporis  
 partem, legeque naturæ compagi cui  
 inhæret obnoxiam, in corpus suum  
 torqueri, vel in honorem vitamque  
 heri sui proferre testimonium cogi  
 non posse, facile adducor ut credam  
 id nobis æquè persuasum iri, ac Ro-  
 mano jure persuademur, nec servum  
 posse in Dominum torqueri, nec reum  
 teneri actori contra se instrumenta  
 edere quantumvis culpæ suæ con-  
 scium, quàm ut Diocletiano Maxi-  
 mianoque Cæsaribus vîsum est, nimis  
 grave sit urgeri partem adversam ad exhi-  
 bitionem eorum per quos sibi negotium fiat ;  
 Cur igitur in summo vitæ, bonorum  
 famæque discrimine solo mendaci te-  
 stimonio innitimur, reumque ore  
 proprio ad sui ipsius necem adigimus?

L. I. S. Di-  
 vus Anto-  
 ninus. & S.  
 si servi. ff.  
 de qu. l. qui  
 accusare.  
 C. de edend.

CAP. IX.

*Iterum ad lancem revocatur orgio-  
 rum vanitas & illusio.*

Quoties ex libri cujusdam titulo Remig. De-  
 comperior, auctorem intra quin- monol.  
 decim annis in nongentos quâ sagas  
 N 2 quâ



Borth. Spin.  
q. de stryg.  
6.13.

quâ fortilegos publicio iudicio flammis addictos ex publici cognitoris officio animadvertisse; Spineumque fortilegii processibus suffragantem audio afferentem, quotannis in Diocœsi Novocomensi, quam ille perperam *Cumanam* vocat, centum plerumque & amplius, & nonnunquam mille sagas regis addici, toties expensis ferio rerum momentis, non possum quin ambigam, harumne innocentes pleræque miserè perierint? Utinam absque contrariorum convitio tot præstigias quibus gens Quæstorum minimè mala, sed prona decipi quotidie ludificatur sedulò liceret expendere; certè rudioribus animis patefieret ex centum larvatis illis Bacchanalibus, vix unum aut alterum congressum realiter fieri. Quicumque, ut suis processibus fidem astruant, orgia illa nocturna pro veris nobis obtrudunt, hæreseosque insimulant ad talia assensum suspendentes, quò clarioribus illa probare nituntur argumentis, eò majores nobis dubitandi causas porrigunt; postquam enim tot apparatus instruendo nocturno convivio præstruxerunt, post tot congesta fercula, lances, vasa aurea & argentea, mur-

rhina

rhina, christallina, tot instratos equos, tot hircos, tot canes volatiles fessoribus onustos, post appulsam tot convivantium multitudinem, si minimo cuique aut Dei aut Deiparæ Sacrosanctum nomen excidit, totus illicet apparatus cùm convivis in hortos Tantalii aut Lamiæ ab Apollonio Tyaneo *Philostat. l. 4. c. 8.* abactæ resolvitur, solusque qui Sacrosanctum nomen protulit à tot præstigiis immunis remanet. Sanè tantarum congeries magnam veritatis speciem exhibet ex quâ corpus delicti testium oculis sincerè subjiciatur, ut inde ad criminis probationem cruciatibus exigendam à Quæsitore procedatur.

Non desunt qui asserant versutum illum joculatorem, relicto ex industria quodam poculo, fucum quandoque Quæsitoribus facere, ut fidem suis illusionibus astruat. Hoc urgente indicio, ad torturam poculi Dominus advocabitur, non attento, poculum illud aut quidlibet aliud relicto, à malis geniis inscio Domino potuisse deferri, certissimo tamen successu in fortilegum evadet, quamprimùm equuleo imponatur. Quid mirum si Tannærus nobis his verbis astipula-

De iust. & tur: *Sagas in somniis non raro à Damone  
jur. q. 5. deludi, dum se putant ad hunc vel illum lo-  
Dub. 2. n. cum deferri, & cum his vel illis personis  
43. Disp. 4. versari; imo valde credibile est ejusmodi  
tom. 1. & translationes sæpius tantum esse phantasti-  
qu. 6. Dub. cas, non veras & reales.*  
7.

Remig. De- Quò magis subit mirari Quæsito-  
monol. lib. rum quorundam credulam simplici-  
1. c. 18. tatem, pertinaciter astruentium, ma-  
lis geniis inprimis id curæ esse, ut ne  
sectatores suos conventusque oculis  
hominum exhibeant. Sanè nisi ex fal-  
sis illis vanisque suppositis tot malo-  
rum series oriretur, possem cujusdam  
ex adversariis irridere fatuitatem,  
Dæmonem in testem allegantis, quòd  
(inquit) *saga quas flammis addixit uno  
ore profiteantur unanimes, Magistellos suos  
sibi dixisse, se id inprimis satagere, ut im-  
punes evadant Judicibusq; ignota.* Crescit  
talium scriptorum incongrua ac pue-  
rilis credulitas ex repugnantibus quæ  
præmissis subnectunt; Diabolum,  
inquam, ad orgia illa nocturna quan-  
doque innocentes pacti expertes gra-  
tis bajulare; atque adeò testes ido-  
neos Quæsitores exhibere, qui de  
similibus interrogati, assecclas Dæmo-  
num, sagas scilicet & sortilegos pro-  
dant, & testimonio suo ad pœnam ca-  
pita-



pitalem adigant. Ita Remigius Dæ-  
 monolatriæ suæ libro primo, capi-  
 te decimo octavo, & passim alii. Non-  
 ne eximiè cohærent hæc commenta?  
 nonne sibi constant optimè fortilegii  
 Quæsitores, ut fidem nobis in dubiam  
 auctoritate suâ faciant? Subdunt,  
 hæc nefanda conventicula non semel  
 clarâ luce coacta, in triviis militari  
 viæ contiguis, nec malum Dæmo-  
 nem usquam suis consuluisse quomi-  
 nus à prætereuntibus cernerentur;  
 neque adeò, si quando fugâ sub ducti  
 sunt, quicquam pensi habuisse, ut im-  
 pressa solo chori fugientis vestigia,  
 caprinis hircinisque ungulis similia  
 delerent. Ita paulo ante laudatus  
 Remigius, ita Sprangerus & Binsfel-  
 dius, ita omniū credulissimus Delrius,  
 prædictorum testimonio solitâ facili-  
 tate innitens, Disquisitionum suarum  
 libro quinto, sectione decima sexta.  
 quid, amabo, cordatis clariùs probat,  
 non aliud intensiùs Cacodæmones  
 expetere, quàm oculis testium spectra  
 illa virorum & mulierum in orgiis  
 repræsentata sub proborum falsâ spe-  
 cie ad fucum Quæsitores facien-  
 dum exhibere, ut inde certa perniciēs  
 apud credulos Judices innocentibus

*Spranger.  
 & Binsfeld.  
 quos refert  
 & sequitur  
 Mart. Delr.  
 Disquis.  
 suar. lib. 5.  
 sect. 16. §.  
 secunda  
 circum-  
 stantia.*

*Ubi supra.* concilietur. Nobis (inquit Tannerus  
*n. 45. &* theologus super his aliquando con-  
*Dub. 1. n. 13.* sultus) non desunt exempla virorum &  
*& tem. 1.* mulierum à malis geniis sub spectri consi-  
*disp. 5. qu.* milis specie præstigiôsè exhibitarum, qua  
*6. Dub. 7.* sanè procul hinc aberant; neq̃, certò sciri  
 potest an num quandoq̃, ex peculiari DEI  
 permissu innocentes sub his spectris exhi-  
 beantur, quùm id sapius factum historia-  
 rum fide constet. Possunt enim ex se Dæ-  
 mones, ni specificè à Deo prohibeantur.  
 Ipse Chrysostomus auctor est, opusculo suo de  
 Dei providentia, Damonem id aliquando  
 fecisse de Beata Virgine & de ipsomet Chri-  
 sto Domino.

*Lib. 1. c. 16.* Pleriq̃, eorum (inquit Remigius) qui  
 modo sunt memorati, istis non expleri fa-  
 mem aut sitim sedari, sed cibi potusq̃, avidi-  
 tatem atq̃, appetentiam tantam superesse,  
 quanta antea fuerit maxima; qua sanè res  
 multos impulit ut crederent, mera hac esse  
 visa somniorum & præstigias, qualia forte  
 de hortis Tantalii aut pomis Hesperidum  
 fabulati sunt Poëta, cui convenit & hoc  
 Joanne Michaelis referentis, neutiquam  
 illis qui ejusmodi conventibus intersunt, in-  
 tegros certosq̃, esse oculorum sensus, sed o-  
 mnia perturbata, confusa atque incerta illis  
 apparere, uti quibus ex ebrietate, somno,  
 metu alioque vitio natura natant ac cali-  
 gant

*gant oculi, aut etiam arte aliqua præstrin-*  
*guntur;* Quodque in credulis & levi-  
bus istis Theologis, Quæstoribus,  
Judicibus & Interpretibus lugeas, so-  
lam possibilitatem ex his arguunt,  
quùmque ex præstigiis tot fateantur  
esse delusos, id solum ex unico actu  
præsumpto eliciunt, quòd quando-  
que realiter evenerint quæ de præsti-  
giosis epulis, choræis & conventibus  
vulgari rumore circumferuntur, ex  
quibus conclusionem astringunt, quod  
semel contigit pro vero & indubitato  
præsumi, id est, ut scola loquitur à  
posse ad esse dari consequentiam.

Quis ex Erasmo Suidaque non no-  
vit quæ præstigiator Pafetes convivis  
suis imposuerit? quis ignorat quid  
Numa Pompilius, quid Apollonius  
Tyaneus, priscis sæculis arte magicâ  
commenti sint? quæ vana & fictitia,  
quid verat à Dæmonibus quotidie  
repeti, oculisque aut incantatæ dor-  
mientium phantasie repræsentari?  
nisi ergo Judici Quæstorique aliundè  
quàm ex sagarum testimonio aut ex-  
tortis indiciis constiterit, hæc quæ de  
fortilegio suspectis imputantur in  
actu vera esse, nego corpus delicti ex  
præstigiiosis rebus elici posse; quid



enim à tortis aut non tortis in hoc crimine pro veritate reputes, quùm etsi quandoque realiter contingant, nunquam tamen certò constare possit an in hoc casu realiter & verè contigerint.

Sed (inquiunt) de crimine divinæ majestatis læsæ agitur; unde concludunt, complices his in processibus fidem mereri; nempe flagitium est atrox & probatu difficillimum; ideò (inquiunt) minori probatione indiget, & facilius suspectorum & infamium testimonio in lucem prodit. Reipublicæ, inquiunt, interest carnicinæ huic nullas fieri inducias, omnesque fortilegii infimulatos solo maleficii nomine ad pœnas & cruciatus adigi. Sanè quandoque comperient Judices an his rigoribus Dæmones ingemiscant, & an diverso titulo id tandem consequuti sint, quod ex idololatriæ explosæ jacturâ illis periiisse videri poterat.

Horret animus tantam innocentium seriem repetenti qui diris torturæ cruciatibus ad falsas confessiones & mortem infamem compulsi sunt. Plures Valerius ille Maximus temporibus suis memorat. Aliorum alii

auctores meminere, quos hic referre mihi primum sit, si plus exemplis quàm ratione promoveretur. Quis nescit quæ Judici illi Mediolanensi contigerint, qui postea in Cardinalium Collegium ascitus est. Mulam suam de industria manu propriâ interfece- rat, ut quid fidei torturæ deberetur proprio periculo experiretur. Fa- mulus ejus stabularius, tanquam cæ- dis suspectus, tormentis ipsius jussu examinatur, cædis se auctorem cru- ciatu adactus profitetur, metu novi tormenti extra equuleum confessioni inhæret. Herus, hoc experimento torturæ fallaciæ convictus, judicis of- ficio se abdicat, & torturæ mendacia æternum execratus, sacerdotio se ad- dicit. Sed & Neotericus *incredulitatis* auctor qui hujus vitii Curias omnes Senatusque Galliæ insinuat, hisce processibus non subscribentes, memi- nisse debuerat miselli illius in Bur- gundiae Comitatu sortilegii damnati, cujus tragicum supplicium à sacerdo- te qui ei in extremis affuerat fidâ nar- ratione perceperat, & cujus ipse invi- cem meminit in suo *credulitatis insciæ* tractatu. Misellus ille complicum sortilegii damnatorum indicio dela- tus,

Pere Jaques  
d'Autun,  
auteur de  
l'*increduli-  
té* sçavan-  
te.

tus, & à Quæsitore ad torturam ad-  
 actus, certo & inevitabili torturæ  
 eventū falsum de se fassus fuerat. Sor-  
 tilegum sese ideò fatebatur, quod in-  
 dicibus ita visum fuerat. Mortem,  
 cruciatus, ignominiam grato luben-  
 tique animo, quandoquidem sic vi-  
 sum erat Judicibus, suscipiebat; sed  
 enixè sacerdotem efflagitabat, ut illi  
 sincerè patefaceret, an quis sortilegus  
 seipso inscio fieri posset; sacerdote ad  
 hæc fatuæ simplicitatis argumenta  
 judicium execrante lachrymisque  
 uberrimis miselli sortem prosequen-  
 ze. Quid si religioso scriptori, cui  
 torturæ processuumque juri antiquo  
 contrariorum nota sunt horrenda di-  
 scrimina, secùm sentire libuisset, tan-  
 tùm abest ut Judices talia patrantes  
 crimine soluisset, quin imò eadem  
 pœna teneri pronunciaffet, quam in  
 reos temerè adeò, non damnatos mo-  
 dò, sed etiam torturæ carcerique ad-  
 dictos statuissent justius addixisset.

*Dub. 29.*

Quisquis sit auctor Libri qui sub ti-  
 tulo *Cautela criminalis* à Germania nu-  
 per prodiit, manibusque omnium teri-  
 tur, nunquam satis muneri officioque  
 suo fecisse videbitur, quòd tot tantos-  
 que hujus carnificinæ processuumque abu-



abŭsus ſolis Principum auribus ſer-  
vaverit, toties præfatus, ſe per ocium  
Magiſtratibus olim, ſi licuerit, indica-  
turum; & quamvis multa in illo vo-  
lumine proferat, quæ certè ad exci-  
tandos ad hæc monita exlegum pro-  
ceſſuum fautores ſufficerent, non ta-  
men uſque adeò pollet auctoritate  
anonymus ille libellus, ut ignoto au-  
ctore, ſolis rationum momentis Judi-  
ces inveterato errori inſiſtentes à rece-  
ptis hodie formulis deterreat. Li-  
brum illum ſancti Romani officii pri-  
mariis Quæſitoribus dicatum opor-  
tuit; quin auctor ipſemet ſummi  
Pontificis pedibus accidere debuit,  
oreque proprio arcana illa reſerare,  
quæ nunquam ab illo forſitan, certè  
nunquam ſatis tempeſtivè prodibunt.  
Quid Reipublicæ Chriſtianæ conſul-  
tum hætenus, quod auctor ille, ſin-  
cerè profiteatur, innumeros innocen-  
tes tanquam ſortilegii reos torturæ  
cruciatibus ad injuſtas pœnas adigi?  
quid confert ſubſidio innocentium,  
quod *argumentum quoddam penes te repo-*  
*ſitum habeat, ſuo (ut ait) tempore revelan-*  
*dum, quo id ſibi penitus perſuadeat (ver-*  
*ba ſunt ipſiſſima piſſimi illius Theo-*  
*logi) ut nullatenus dubitet inter quaſlibet*  
*quin-*

Dub. II.

*quingenta ad rogam damnatas, vix quinque aut duas verè nocentes reperiri?* Ad hæc arcana revelanda Magistratus omnes advocat, qui id *manibus*, ut ait, *palpare velint*, id est ex plano comperiri. Nempe dabit operam suo tempore & loco ut de his explorato convincantur, ut Dubio suo undecimo palam receperat, sed frustra. Heu iterum frustra promisit, præcoce fato è vivis ereptus, antequam quisquam è Magistratibus arcanis illis imbui voluerit! Non in crastinum differenda sunt quæ tot innocentium in dies per-euntium incolumitati conducunt. Insidietur sanè Dæmon quantum poterit huic nostræ lucubrationi apud præpostero zelo seductos aut famæ suæ velificantes Theologos; quicquid ex adverso malè fermentati homines moliantur, ipso Angelorum ministerio dignum est, eritque semper, innocentiae patrocinari; adeò ut decus illud Africæ Augustinus, cui quamvis indignus, cognominis audio, tanto operi curas suas impendisse non renueret; nec dubito sacrum illum Doctorem, si his temporibus in humanis ageret, stylum libentissimè stricturum in tot exlegum, processuum abusus, non

non minori studio, quàm quo torturæ immanitatem tragicosque successus prosequutus est.

Quid superest ut Romanæ tyrannidis affeclas in torturæ usu processibusque anomalis compescamus; nisi tot fortilegii formalisque apostasiæ probationes ad solam possibilitatem redigamus? equidem posse fieri non ambigimus; facta etiam quandoque confitemur; sed quum ad facti quæstionem recidunt, dicimus, omnem Theologiam, quanta quanta est, facti quæstionem probare non posse, quicquid sibi de horum criminum possibilitate statuatur. Dicimus Pontificia illa Diplomata quibus Apologiæ Quæstorum fortilegii, formulæque processuum judicialium in ipsâ fronte muniuntur, non esse Conciliorum generalium decreta, nec sanctæ sedis super fidei dogmatibus articulos, sed rescripta precibus Provincialium innitentia, clausulasque proœmiales, quibus ex supposito quibusdam religiosis facultas conceditur sub Episcoporum conscientia & consensu in enarrata flagitia inquirendi. Quæstori nihilominus incumbit ex conscientia debito facultatem hanc ex æquo & bono,



no, habitâ probabilium probatorum-  
que ratione metiri, nec quicquid ar-  
dente zelo conceperit, exequi, aut  
quod libet, idem licere præsumere.  
Judicium igitur est, quibus sagaciori  
mentis acie Deus indulgit, crassioris  
Minervæ ingeniis in obscurioribus  
præluere, nec pati ut tenebrarum  
mundique vafre potestates speciosis  
pietatis justitiæque titulis incautori-  
bus fucum faciant.

Transvectiones sanè reales admit-  
timus, orgia, larvas, lemures, fagas  
& sortilegos esse fatemur; sed horum  
criminum probatio tot tantisque præ-  
stigiarum involucris tegitur, ut neque  
scholæ neque Theologorum, quate-  
nùs Theologi, sit de iis apertè statue-  
re. Sensibus quidem externis plura  
perciipiuntur, quæ tamen Theologo-  
rum vaferrimus seu mavis doctissi-  
mus, an præstigosè aut realiter con-  
tingant nolit aut nequeat asserere.  
Quid ni enim liceat ambigere; an Dæ-  
mon ideò solùm lemures illos quan-  
doque in corpore transvehat ad de-  
signata orgiis loca, ut sub inanibus il-  
lis unctionibus & congressibus fidem  
de cætero astruat præstigiosis confessi-  
bus, quibus bonorum famæ salutique  
infi-

insidietur. Sic miserè delusis impostor ab initio sibi curæ impunitatem eorum futuram magnificè prædicat; nec illis modò, sed & Quæstoribus ac Judicibus quandoque persuadet. Ad arcana hæc detegenda, ex majestatis privilegiis, torturæ infamiumque ac intestabilium fides imploratur; utque semel hoc versipellis tentator consequutus est, religionem simulat, captatoque ab ænei cimbali ad nocturnas aut matutinas preces accersentis tinnitu, mancipium aliquod ex suis præcipitat, totamque larvatæ rei seriem Quæstoribus aperit. Hinc torturæ cruciatus, hinc complicum indicia, hinc violentæ falsæque confessiones, hinc denique tot innocentium injusta supplicia. Ille ipse Dæmon, sacrorum in speciem formidolosus observator, qui millies in Dei nomine compulsus ut ab obsessio corpore discedat, ab homine vexando non abstinet. Ille, inquam, qui neque altarium præsentiam, nec divinitatis pignus augustum sub humana substantia speciebusque sensibilibus mortalibus relictum veretur, nec Christi ipsius tactum reformidavit, dum illum tentabundus, aggredi cir-

cum ferreque non veritus est, quid ni simplicioribus imponat misellos illos Judicibus proditos ex concepto à tinnientis cimbali terrore, aut sacri nominis à quopiam de industria transueto prolari reverentiâ, ut ejus testimonio his torturis & indiciis locus pateat.

Ad excusandam denique torturæ processuumque irregularium violentiam ultimo loco dicitur, non esse leges aut receptas formulas ideò rescindendas, quòd quandoque ex iis mala quædam possint oriri, realiterque oriantur; quùm in moralibus omnimodæ securitati non sit locus; & huic quidem rationi non ægrè assentirer, si casus tot innocentium torturæ falsisque in sortilegio indiciis & delationibus oppressorum fortuito contigissent, aut rarò, aut non semper, nec plerùmque eodem modo evenirent; Sed certum & indubium semper periculum imminet, non fortuito, sed constanti solitoque torturæ usu; adeò ut nunquam Judicibus explorato constare possit an confessiones & indicia cruciatibus extorta vera sint, necne. Abolenda est igitur quæstio per tormenta quippe quæ à periculo innocentium



nocentum divelli nequeat, & in qua plus aleæ, quàm securitatis, plus mendacii, quàm veritatis comperiamur.

Quod ad exempla attinet, quorum numerus à contrariis exiguus supponitur; si quæ omnibus nota sunt, infinita sunt, quorum copiam nulla non suggerit historia; quid de innumeris censendum est, quæ supremo Dei iudicio quandoque innotescunt, quæque naturali cujusque sensu percipiuntur? Quid si phisicam, ut ajunt, & omnimodam certitudinem in his probandi criminis modis inveniri non posse asseras, non idè sequitur, de absoluta necessitate reum certo famæ vitæque discrimini objiciendum sub prætextu quod crimina probari aliter quàm fallaci probatione nequeant; quin potius ex Christianâ necessitate absolutè sequitur, & ex omnimodâ divini juris veritate convincitur, non committenda torturæ compertis toties mendaciis majora hominum momenta, bona scilicet, honorem & vitam, quàm ex comperto nulla certitudo nec moralis nec phisica nobis appareat, quid de his confessionibus & indiciis pro veritate sit reputandum.

Scimus equidem & fatemur, non esse Judicum neque Magistratum de hac controversia decidere, quum ne ad eos quidem reorum innocentium querela dirigatur, nec nostri sit instituti, si quid in his delinquitur, ab illis hoc in opere repetere; sed quum legum interpretatio, poenarum irrogatio, judiciorumque instructio ab illorum officio pendeant, non possumus Judicum, Quæstorum & juris interpretum non meminisse quoties torturæ processuumque à communi jure recidentium mentio inciderit, non ut quicquam cujusquam famæ, honori dignitæque detrahamus, sed ut in medium nos quoque quæ nobis humano generi conducere visa sunt sub doctiorum censura proferamus. Ut-

*In prax. §. 1.  
vers. sunt  
etiam, in  
fin.*

*Marfil. l. 1.  
in princ. n.  
47. ff. de  
quæst.  
Menoch. de  
arbitr. lib. 1.  
q. 84, n. 9.*

que Julio Claro licuit opinari typisque mandatum posteris exhibere, quandoque solam criminis atrocitatem ex solo rumore publico sufficere ut reus ad torturam admoveatur, sicque in praxi receptum apud Insulares; utque Marsilio, Menochio, imò & Binsfeldio in tam duram sententiam pedibus itum est, huicque postremo, quamvis sacerdoti, visum est durioribus sententiis & opinionibus in rebus

rebus capitalibus suffragari, dum as-  
 ferit, in atrocioribus criminibus super  
 indiciis & suspicionibus levioribus  
 ad torturam licere provolare; ut de-  
 nique Mascardo visum est, in capita-  
 lium quæstionibus licere à receptis  
 juris formulis & cautionibus recede-  
 re, nec alio ordine procedere, quàm  
 cujuscumque ordinis inversione, cur  
 mihi potiori jure non liceat in negotio  
 aleæ periculique plenissimo cautiùs  
 incedere, gressusque meos ex præscri-  
 pto divini juris æquitatisque natura-  
 lis trutina moderari? Cur timeam  
 sententiæ nimium torturæ processi-  
 busque ex legibus tribuenti non sub-  
 scribere, cum ille ipse Julius Clarus  
 fateatur, plures innocentes torturæ  
 violentiâ falsò confessos & conde-  
 mnatos, subdatque exemplum cujus-  
 dam viri nobilis à Dynasta Sulalpino  
 tetro carceri mancipati, quem tamen  
 duo homines cædis ejus insimulati,  
 torturæ immanitate falsi fuerant occi-  
 disse, ideò injusto supplicio morti ad-  
 dicti, quùm qui cæsus afferebatur,  
 postmodum semivivus è carcere quo  
 diutius detentus fuerat emerferit.  
 Unde colligere est, quot insontes ine-  
 vitabili torturæ fallaciâ quotidie pe-  
 reant.

*vers. vel  
 tertio. Bins-  
 feld. de con-  
 fess. Malef.  
 memb. 2.  
 concl. 5. §.  
 An dictum  
 mādatarij.  
 Mascard.  
 de probat.  
 lib. 3. concl.  
 1385. n. 13.  
 & seq.*

*Lib. 5. §. 5.  
 964.*



## CAP. X.

*Insigni ævi nostri exemplo probatur  
tortura fallacia.*

**L**ocus admonet ut quæ olim in Batavis comperi huc interferam. Videbam Amstelredami anno sexagesimo supra millesimum sexcentissimum Christianæ epochæ destinatum grandi apparatu publicis suppliciis suggestum; quùm Batavo qui mihi aderat; cur, inquam, tamdiu lege agi in damnatos differtur? Carnificem (inquit) Harlemiensem præstolantur sumendis suppliciis idoneum. Iterùm instanti mihi, cur tortore carerent Amstelredamenses, causam Batavus his verbis refert. Adolescens non ita pridem vini aut cervisiæ crapulâ onustus, dum intempestâ nocte domum se recipit, somno oppressus, in alienæ domus limine obdormivit. Vix ei sopito nocturnus latro supervenit, dormienti peras excutit & scrutatur, quicquid offendit furatur; Inter alia siccam, seu pugionem majoris, in usum suum sibi retinet, pergitque grassari ulteriùs. Vix à vico emerferat, alteri fit obvius, infestusque

que irruit. Ille in sui tutelam repugnat; repugnanti grassator pugione furtim ablato vitam adimit. Post hæc vigilum veritus excubias per vi-  
cos & compita totâ nocte excurrentium, vestigia sua relegit, nactusque sopitum adhuc adolescentem, pugione peræ dormientis restituto, hospitium repetit. Vigiles illicò in jacentis cadaver impacti, dum urbem lustrant, recentis cædis vestigia compერიunt, unâque adolescentem tum demum experrectum surgentemque ut domum repeteret, tanquam cædis auctorem sistunt, peras rimantur, inventoque cruento pugione, carceribus vix sui compotem mancipant. Postestera luce lustrato cadavere, deprehensoque vulnere, ac siccâ indita, compertoque eadem ipsâ inflictum, Quæsitoreum præsumptum de noxâ sciscitatur. Negat innocens. Urget cruenti pugionis indicium. Ad torturæ oraculum provocatur, nec deest comperta cruciatibus exprimendi mendacii necessitas. Fatetur misellus adolescens quod ne somniando quidem admiserat; Ex equuleo depositus, metu novi ex Romanâ lege cruciatus, mendacium confirmat, fal-

sumque homicidium vero tragicoque supplicio capite luit. Paucis ab hinc diebus verus homicida, ob nova flagitia carceri mancipatus, ingenuè fatetur, se hominem peremisse cujus cædis juvenis innocens, reus torturæ mendacio peractus, injustæ pœnæ succubuerat. Innotuit fœderatarum Belgii Provinciarum Concilio tragicum adolescentis supplicium causaque cognitâ, mulctæ nomine, Magistratui Amstelredamensi tortor ademptus, quod injusto supplicio tortoris operâ malè usus convinceretur.

Hoc exemplo, cui innumera alia possumus annectere, indubiam torturæ fallaciam docemur, cujus circumstantias, si penitiùs inspicias, manifesto comperies, neque indicia quantumvis urgentia, & (ut nostri loquuntur) violenta, neque actus delicto proximos & imminentes, neque rei dispositionem & habitum in speciem facinori consonantia, certitudinem ad torturam, nec torturâ expressas voces ad veritatem quicquam facere, neque adeò tutè nec ex conscientia Quæsitorem agere qui fallacibus signis innixus reorum vitam mendacissimo torturæ examini subiciat; neque



que enim illa est convictionis claritas, quam humanæ divinæque leges exigunt ut ad ultimum supplicium deveniatur.

Jam verò, si mihi de Batavorum judicio proloqui licet, dicam ingenuè, satiùs ex re videri Magistratui Amstelredamensi torturæ usu interdici, quàm carnificis, quùm hæc interdictio nullum consummato perperam judicio remedium, nullam in posterum cautionem porrigeret. Quùm enim semel innocenti vitam eripueris, frustra reparare nitaris quod humanâ potentiâ reparabile non est; ideò tenentur Judices à præcipitii margine cui tortura impendit abscedere; nec minùs incumbit Principibus, tot tragicis experimentis edoctis, opportuno abolendæ torturæ subsidio in posterum tot innocentium saluti consu- lere, hocque sibi fixum in animo statuere, eo ipso momento quo reus ad torturam damnatur, eodem ad mortem condemnari; sola enim vel pacti vel sumpti medicaminis vi, vel temperaturæ felicitate, non innocentia rei communem hominis habitum expugnantia tormenta superantur.

Judex igitur qui reum cruciatibus addicit, ad supplicium simul adigit, testi unico aut præsumptionibus & indiciis integram fidem adhibens; utque plerumque fallunt indicia, fallit infamis coactique testimonium, tortura, seu neget reus, sive fateatur in tormentis, nunquam mendacii præsumptione vacat, atque adeò legitimam probationem non efficit; cui enim ad tolerandum vires suppetunt, is proprio periculo adactus falsum negare compellitur, cui autem non suppetunt, cruciatus intolerandos falsâ confessione necessario sibi redimit. Neque enim Bodinum in tot absurda & legi Christianæ pugnancia incidisse credere par est, nisi quia sortilegii judiciis semel aut iterum interfuerat; suffragioque tenebatur. Sed si sagarum Lemurumque existentiam, ut & nos, asserit, non tamen idè flagitii hujusce probationem per cruciatus approbat; neque enim mulierculam illam de quâ sæpe sermo illi est, sortilegii pœnæ suffragio suo addixit, nisi quia sponte crimen falsa est; atque adeò crediderim eadem nobiscum de torturæ mendaciis sensurum, si quando super his consultus foret.

## CAP. XI.

*Enucleantur absurda quibus doctrina Quæditorum sortilegij undequaque scatur.*

**S**Anè si Capitalium Quæditorum atrocem animum intensius rimeris, ingeniosamque in exquirendis undequaque cruciatibus diritatem, suberit suspicari, spiritum illum mendacii, homicidamque ab initio præposteris illorum studiis immisceri; quicquid enim vel oscitanti tyranno, vel Romano leguleio semel asperum aut inhumanum excidit, pro oraculo reputant, sibi que in fidei normam præfigunt. Nec advertunt plerique nostratium Romanis legibus, quatenus Augusti, Diocletianive, nos ultra non teneri, quum dudum eorum ditioni non subjaceamus, nosque, rerumque hujus sæculi potentes, ceu Christianos homines, divinis legibus naturalique æquitati indissolubili jure subjici. Quid autem divino juri repugnantius, quàm infames mulierculas, ejusdemque criminis complices ad testimonium admittere, quos meliorum temporum leges & jura intestabiles

*l. ob carmen. ff. de testib.*



biles à judiciis repulerant? quasi verò quæ majoribus tenebris involuta sunt, minoris lucis auxilio egeant. Quid, non dicam puerorum cachinnis ac sibilis, sed cordatorum lachrymis dignius, quàm cruciatuum acerbitate quæ mendacii compertum est organum, profligatæ probitatis testibus infamiam aboleri? probitatem fidemque restitui? Quis hæc absurda in puero lasciviente aut in febricitantis deliriis ferat? Cui enim rei adhæret infamia? reone fortilegii, latrocinii, parricidii aliùsve flagitii convicto, an ejus indolentiæ, ut infamiam illam dolore excutias? An capillis, ut pactum tacendi, ut eam unâ cum capillis abrasione abigas? an in vestibus, ut eam nuditate deleas? Si ergo infamis & intestabilis est reus quatenus reus convictus, ut infamiam abigas, crimen unâ abigendum est; si autem crimen abegeris, purgatum & innocentem solvas necesse est; quum enim crimen causa infamiæ sit, infamia intestabilitatis; nisi crimen deleas, causamque sustuleris, effectus remanere indubium est. Quis autem fando unquam à sanis audivit tormentis crimen dilui ut indicia? Si ergo crimen

in torto convictum, in retorto remanet, ut remanere par est, quum solo supplicio purgetur, ut quid existente causâ effectum evanuisse asseveres? quo, inquam, modo ex mendacii organo testem habilem & veridicum efficias?

Hæc tamen deliria Binsfeldius ex Malleo Maleficorum & veterum aliquot juris interpretum hallucinationibus ad nauseam usque nobis oggerit, rem sanè Principum animadversione, quàm rationis compotum Judicium attentione digniorem. Quantum enim allucinetur Modestinus, qui hæc in criminalibus judiciis nobis obtrudit, ostendit Didacus Covarruvias, eaque ad civiles tantum controversias, ex opinione Bartholi redigi; quamvis & ipsi Covarruviæ ægrè admodum acquiescam, ad civilia judicia hanc imaginariam infamiæ purgationem reducendi, quum vix, ac ne vix quidem in civilibus, ubi de solis bonis agitur, quæstioni per tormenta locus sit, nisi in servos, quæ fors, ut legi naturæ contraria, in Christianis exolevit. Unde Simanchæ Theologo sapienter & argutè dictum est,

*hujus sententiæ auctores sine lege & ratio-*

*Caut. crimin. Dub. 44. rat. 5. s. Dices ex ne Binsfeldio,*

*ne loquutos*; Rectiùs enim & consultiùs rejiciuntur intestabiles, quàm admittuntur, ut dicto suo fides aut denegetur, aut ridiculâ purgatione per torturam, mendacii organum, legitimetur. Hæret tamen usque adeò huic fascino agglutinatum nostratium juris interpretum arbitrium, ut ab his deliriis ne per transversum unguem recedere religioni sibi ducant; quodque justo animi dolore prosequaris, passim in libris illorum ac sermonibus audies, *hoc quidem de jure verum esse, sed in praxi non observari*, quod Ovidiano illi consonat

- - - - - *video meliora proboq̃,*

*Deteriora sequor.* - - - -

Nempe apud plerosque majus auctoritatis pondus obtinet unius auctoris exotici placitum audax, à Syllanianis usque temporibus petatum, quàm divinæ legis naturali æquitati suffulta oracula quamvis contrarium nobis Canonum legumque præscribat auctoritas, testante in hæc verba D. Isidoro apud Gratianum, dist. 11. *usum auctoritati cedere debere, legiq̃ & rationi subjici*; cui astipulatur Thomas Aquinas p.<sup>a</sup>. 2.<sup>a</sup>. q. 97. art. 1. *frustra enim*, ut Aurelio Augustino visum est, *qui ra-*

*tione*



zione convincuntur, consuetudinem nobis obijciunt, quasi consuetudo major sit veritate; imo veritas & ratio consuetudini proponenda est.

Reipublicæ tamen humanæ interest ab omnibus sciri Principes nostros non usque adeo Tiberii, Augusti cæterorumque Cæsarum placitis Judicium suorum suffragia mancipasse, quin infusus à Deo cuique mortaliū rationis igniculus in iudicium adhibeatur, quo administro liceat inquirere an Paganorum leges æquitati naturali iurique divino adversentur an convenient.

Hinc nobis duplici jure una lex imponitur, ut quæ semel & Deus & natura præscripserint, absque perfidiæ perduellionisque notâ transgredi non liceat. Quodque majore luctu prosequaris, majestatis divinæ vindictam ipsâ invitâ ac inconsultâ suscipimus, expressè admissio majestatis ejusdem crimine, dum leges suas Paganorum placitis in remendacii convictissima posthabemus.

Equidem Sev ero illi Alexandro Cæsari maximæ modestiæ laus quæsita est ex aurea lege illa quâ Paulino rescriptis, *Judicem non idèò teneri erga se*

*crimine majestatis, quòd contra leges suas* L. I. C. ad  
leg. Jul.  
majest.  
pro-

224 TORTURÆ DISCVSSIO,

*pronunciasset.* Idem sanè cunctis mortalibus quavis potestate polleant ex lege modestæ ingenuitatis convenit, se scilicet, ut hominem, errori obnoxium profiteri. Ipse etiam Lyricus hoc de idololatriis Principibus cùm honore præfatur, quùm ait ad Augustum

*Horat. lib.  
3. carm.  
Od. 6.*

*Dīs te minorem quod geris imperas.*

*Hinc omne principium, huc refer exitum.*

Sed Deo falli nescio cunctaque providenti legum suarum spretus & ad mortalium, idololatrarumque inventa conversio impunis esse nequit.

*Annal.  
lib. 3.*

Ut qui, amabo, Jureconsultis nostris rite officio religionique satisfactum videatur si vitam suam exegerint in evolvendis Romanarum legum Codicibus, totque interpretum supervacaneis opinionibus, quæ continuo in infinitum progressu, nobis tot legum luem reduxerunt, de quâ Tacitus jam inde à suo ævo misere conquestus est? Quis Theologiæ initiatus doctrinam suam nobis approbet, si post repletas tot repetitis ethices Christianæque religionis præceptis, non ausus est palam quæ de torturæ iniquitate sentiat ingenuè proferre, eo solo nomine territus, quòd illam  
ad

ad Christianorum Principum tribunalia admissam repererit? Tot ingentium voluminum editores, qui ad operum suorum mensuram magni audiunt, conceptæve de se opinioni respondent, dum cunctis Romani juris abusibus circa torturæ compertas tyrannides & mendacia subscribunt? Verbulum, si quod in Romanorum placitis invenerint, à tyrannis usurpatum, mordicè arripiunt, illudque pro sacrosancto religionis suæ dogmate reputant absque piaculo non violandum, quum tamen mille alia prætereant, quæ torturæ mendacia in utramque partem ingenuè prædicant. Unica Accursii aut alterius-semibarbari Scholiastis glossula ad inhumanos divinoque juri contrarios usus transversos agit, quos ex adverso mille Pontifices, mille Doctores omnifariam Ulpianis & Accursiis cordatiores ad saniozem sensum non revocent.

CAP. XII.

*Antiquorum de tortura controversia & judicia.*

**N**ON defuere ex antiquis qui con- *M. Tullius*  
troversias, exercendi ingenii gra- *F. Quintil.*  
tia, *M. Ann.*  
*Seneca*



tiâ, super torturæ bonâ aut malâ introductione meditati sint, sed expensis utrimque disparibus rationum momentis, pronum est cuique discernere, quicquid pro tortura dicitur nullâ soliditate niti, quùm ex adverso quicquid in illam dicitur, ipsi evidentiæ innitatur; nam quid post homines natos injustius inventum receptâ illâ methodo seu praxi criminali, quæ nobis indicia obtrudit ad torturam urgentia ex infamibus & criminosis in jure sortilegii & maleficiorum convictis? Quid inhumanius Christianisque moribus abhorrentius, quàm reum incertum bis crudelissimo supplicio addicere; semel quidem quùm in illum de crimine incerto tormentis atrocissimis inquiritur, iterùm quùm dubio ac mendaci experimento convictum, ignominiosæ ac durissimæ morti addicitur? quid Deo displicentius, quàm tot innocentes ad falsæ confessionis aleam compellere, quâ vitam, honorem ac facultates omnes ore proprio à se abdicant, ut se à crudelissima viribusque humanis impari laniena mendaci confessione promptius expediant, invitis & repugnantibus humanis divinisque juribus,

quæ

quæ nobis irrefragabilem talium confessionum falsitatem arguunt.

Nec Christiano nomini parùm decrefcit, quòd tot juris utriusque interpretes, tot Theologi, qui tot ab hinc sæculis tragicos torturæ effectus compertos habent, mendaci potius leguleji testimonio innitantur, in re non dico dubiâ, sed centies ab ipfis met torturæ fautoribus mendacii errorisque convictâ, ac pessimè apud cordatiores Principes & Jurisconsultos audiente, quàm præscriptæ nobis à divina lege probationis omnimodæ methodo, scilicet commentariolum marginèum incerti auctoris anonymi, nullâ ratione suffultum : Scriptoris Pagani inventum ab ipsa Syllæ Tarquinii que tyrannide pettum, ab ipso met productore centies mendacii convictum, plus propagando errori apud Christianos auctoritatis obtinet, quàm Augustini, Pontificum, Theologorum, Doctorumque saniorum iuge testimonium, quo torturæ fides omnis abrogatur & convellitur? At certè

Patribus & Conciliis Oecumenicis sanctæque Romanæ sedi visum est ex re Christianâ, divinatorias sortes, vulgares purgationes, cæterosque con-

*c. ex tuod  
rum. extr.  
de purg. ca-  
non. & c.  
sententiam  
na cler. vel  
Alon.*

*c. Men-  
nam.c.con-  
sulvisti. c.  
omnibus.2.  
9, 5.*

sultandi modos quibus criminum oc-  
cultorum veritas indagabatur, res  
perditæ inquirebantur, futurique re-  
rum eventus exquirebantur abolere;  
Quòd sortes illæ quamvis plerumque  
pacti expertes, plus incerti quàm cer-  
ti sortirentur, cur in mendacibus in-  
quirendi modis mendaciorem non  
aboleamus, torturam scilicet, inno-  
centium securitati ac vitæ omnium  
infestissimam?

Sanè quùm hoc in opere solùm  
mihi proposuerim Christianæ Reipu-  
blicæ opitulari, Principum omnium  
Christianorum pedibus accidere non  
vereor, humillimisque quâ possum  
precibus efflagitare, ut hæc rationum  
momenta sibi perlegi non dedignentur,  
quâque par est animi moderatio-  
ne perpendere; proprium enim ac  
peculiare sui muneris est, quùm hæ  
leges & privilegia solâ eorum auctori-  
tate fulciantur, quâ quæque ratione  
nitantur investigare. Atquî quùm  
vix à quoquam torturæ processuum-  
que ex legum fautore sperare liceat ea  
se reprobaturum, quæ semel ipso sive  
usu sive abusu probaverit, non vereor  
victima publicæ utilitatis fieri, solus-  
que telis omnium adversantium me  
obji-



obicere; frustra enim à Regibus & Principibus expectatur, quamdiu sapientes & rerum periti commodo suo quàm veritati impensius studeant, ut quid æquum, quid iniquum in jure publico inveniatur, aut errore primum & abusu mox inveterato vitio inoleverit comperiantur & abrogent, nisi hæc ab illis edoceantur quibus legum curæ demandata est; Idem Magistratum Judiciumque officio satisfactum minimè arbitror, si hanc abolitionem à Principibus taciti expectent, nisi de compertis abusibus fidem faciant & attestentur, nunquam sanè potiori nomine gratiam Regum demerituri, quàm hâc ingenuâ torturæ iniquitatis professione, quâ divinæ justitiæ vindicta tot piaculis provocata, veterum abusuum abolitione sedetur & exarmetur.

Haftenus, ut arbitror, contrariorum fundamenta destruximus; ex ipsis enim divinæ legis oraculis aperte convicimus, confessiones cruciatibus extortas processusque juri antiquo repugnantes, nec divinæ majestatis securitati conducere, neque expressæ illius menti respondere; quin etiam quæsitum ab humanæ societa-

tis commodo speciosum errorem detersimus; Superest ut doceamus, nec Ecclesiæ Doctores, nec sacros Canones, quibus adversarii enormes illos abusus fulcire nisi sunt, aut de illis omninò non meminisse, aut si alicubi meminerint, alieno à jactato à contrariis sensu loquutos esse.

## CAP. XIII.

*Expenduntur Juris Pontificii  
decreta circa torturam.*

POSTquàm superiùs docui, nec legem à Deo Moſis ministerio Hebræis traditam, nec novam Christi legem de quæſtione per tormenta ullibi meminisse, quatuor omnino Canones in toto Decreti volumine reperio, in quibus tormentorum apud Christianos fiat mentio. Primus est in prima ejus parte, distinct. 86. can. *non liceat*, ubi nihil aliud præſcribitur sub Agathensis Synodus auctoritate quàm, *non licere Episcopo manibus suis quemquam cadere*, nec aliud in margine additur, nisi, *posse quidem per alium facere*, imò etiam propriis manibus, si aliunde executor non suppetat. Nihil his verbis arbitror contineri qui torturæ fulciat aucto-

auctoritatem, quàm de sola correctione disciplinali agatur, quam nemo Prælati in subditos unquàm negavit.

Secundus est quintus Canon, causa quinta, quæstione sexta, quo Gratianus Eusebii Pontificis auctoritate probare nititur, *veritatem tormentis indagandam*; sed glossa in verbo *religiosus* terror ad solam correctionem totum redigit, solutionemque correctionis hujusmodi remittit ad Canonem secundum vigesimæ tertiæ causæ, quæstione quinta; isque tertius est locus in quo de pœnis statuitur. Ibi Divus Augustinus torturæ immanes cruciatus abominatus, Marcellinum Comitem laudibus prosequitur quod *non extento equuleo, non sulcantibus ungulis, non urentibus flammis, sed virgarum verberibus tantorum scelerum confessionem eruerit*, adeoque orare insistit, *ut ne atrocius vindicet quod lenius inquirendi, quàm puniendi major necessitas est*; Quantum abest ut Romanæ nostratiseque torturæ crudelem usum approbet.

Quartus denique locus est, canone undecimo, causâ duodecimâ, quæstione secundâ, ubi Gregorius Ponti-



fex Augustino Anglorum Apostolo rescribit, pœnas reorum sacrilegii ex qualitate delicti moderetur, *quùm quidam damnis, alijs verberibus exercendi sint*; neque hic nisi de disciplina correctiva agitur, non autem de criminis incomperiti quæstione; quin imò in reprobando vulgaribus criminum occultorum probationibus in quibus Deus ad miraculum necessario arcessitur, Stephanus hujus nominis quintus Pontifex traditam nobis à divinis humanisque meliorum temporum legibus methodum suffragio suo confirmat: *Spontanea enim (inquit) confessione vel testium approbatione publica delicta commissa sunt nostro regimini judicare; occulta verò & incognita sunt illi relinquenda, qui solus novit corda filiorum hominum.*

En, ut opinor, quicquid Decretum & Decretales Pontificum Doctorumque Christianorum epistolæ & rescripta nobis de torturâ memorant, quibus sanè nec de quæstione cruciabili quicquam statuunt, nec immanes quotidianosque ejus excessus quibus judicia nostra fœdè vituperantur, ne minimū quidem approbant, sed quia torturæ sectatores nihil intentatum relin-

relinquunt ut suæ carnificinæ suffra-  
gentur, sanctorum quibus juventur  
inopiâ, Cypriani martyris verbis ad *Dely. dis-*  
usum suum obliquè & ambiguè tra- *quis. l. 5.*  
ductis pertinaciæ suæ effugium quæ- *sect. 9. §. ab-*  
ritant. Detestatur pius Antistes ty- *stinendum.*  
rannicas torturæ immanitates; & *e. de tor-*  
quia *veritatis* illi verbum semel exci- *tura.*  
dit, illud ad sensum suum mordicùs  
arripiunt, Divoque martyri extor-  
quere nituntur, quòd torturæ crucia-  
tibus subscripserit. Verba religiosi  
martyris juvat hic ipsissima referre, ne  
lectoris mutilis allegationibus impo-  
natur. *Admoves* (inquit Cyprianus  
ad tyrannum Demetrianum) *Admoves Epist. ad*  
*laniandis corporibus longa tormenta. Mul. Demetria-*  
*riplicas lacerandis visceribus numerosa sup-*  
*plicia, nec feritas atq; immanitas tua usita-*  
*ris potest contenta esse tormentis.* Quis  
non arbitretur me hæc Marsilio aut  
cuiquam alii nostratium tortori im-  
properare, qui trochleæ pensilis cru-  
ciatu, Florentinâ vigiliâ, aut Bodini  
Turcarumque tormentis quæstionem  
in reos exerceat? Ipse tamen Cypria-  
nus sic tyrannum Demetrianum allo-  
quitur, spiritu prophetico temporum  
nostrorum immanitatem increpans.  
*Excogitat novas pœnas ingeniosa crudelitas;*

*quæ est hæc insatiabilis carnificina rabies? quæ inexplebilis libido seviriæ?* En Farnacii vigiliam atrocesque Tuscorum cruciatus, quos quotidie Quæsitores agglomerant, prætextu criminum atrocitatis. *Si pœnam tuam metuens* (prosequitur martyr inclytus) *id quod prius fueram, & quod Deos tuos non colueram mendacio celarem, tunc torquendus fuissẽm, tunc ad confessionem criminis vi doloris adigendus, ut facinoris veritas quæ indice voce non promitur, dolore corporis exprimeretur.* Quis adeò cœcutit ut non videat, virum aventem martyrii diabolicos torturæ cruciatus tyranno exprobrare, Paganorumque loquendi modis Paganum Demetrianum alloqui? Sic Divus Augustinus, quum torturæ iniquam tyrannidem Idololatriæ objiceret, iisdem penè verborum formulis usus est. Sanè delirantis est non eo sensu prædicta intelligere, ut vir sanctus non plus veritatem violenter extortis confessionibus tribuat, quàm Christianæ religioni criminis nomen. At apertè id profitetur, non quodd ex acerba tortura veritas germana prodeat (ut ex adverso prætenditur) sed quodd tyrannus ex idololatriæ moribus tormentis experiri non desti-



destitisset, ut doloris immanitate veritatem objecti sibi criminis erueret; crimen autem illud quod aliud est quàm idola non coluisse? unde vel Bardo cuilibet aperte liquet sanctum martyrem ad Paganos Paganorum vocabula, solitumque rimandæ criminum veritatis modum regerere. Nonne ex comperto fatendum est crudeli huic carnificinæ mordicùs inhærentes Paganorum genio possideri, quandoquidem ut sibi dicta interpretantur & arripiunt, quæ sanctissimus Christi martyr Tyranno idololatræ exprobravit?

## CAP. XIV.

*Nullam dari paritatem inter confessionem sacramentalem, & voces tormentis expressas.*

**E**Neximias auctoritates quibus, in meliorum defectum, torturæ assertores abutuntur. Scio, his non obstantibus plerosque Canonistas & Theologos torturam potius, ut inveteratum errorem de cuius abolitione desperent, quàm ex quæsito boni publici prætextu hastenùs approbasse. Sed ut perspicuè convincamus contrari-

*Lib. 3. sect.* Delrio cui rationi paritatis insistant ar-  
*10.* gumentum quod à simili utriusque  
 confessionis commentus est? violentæ, inquam, & spontaneæ? criminalis & sacramentalis? quâ, inquam, verisimili paritate innuat, standum confessioni sortilegii aut criminis alterius atrocis & obscuri vi cruciatuum expressæ, eò quòd in foro pœnitentiæ stetur confessioni pœnitentis, atque adeò utrique fidem deberi; unde exposito semel absurdo, ad absurdius progreditur, nempe quùm in foro contentioso confessio hæretici pro verâ habeatur, idem ex ratione analogicâ de confessionibus latroni, sacrilego, adultero & homicidæ extortis credi debere.

Ut ad præmissa ordine respondeam, primùm prætereo nullam dari paritatem inter crimina sensibilia, ut sunt hæc novissimè posita, & crimina quæ Dæmonum præstigiis subjacent, ut est illud sortilegii, quatenus sortilegium, neque inter contritionis effectum in anima verè pœnitente, & dolorum corporeorum quæsitam mendacio cessationem; jam enim su-  
 pra

pra de istis differuimus. Id solum  
 juvat addere, adversarios forsitan ar-  
 bitrari solam illusionis suspicionem  
 sortilegii reorum confessionibus obef-  
 se quò minus fidem Quæsitore faciant;  
 Sed ex alio etiam defectu præsumpta  
 ab eis analogia claudicat, nempe  
 quod nulla detur paritas inter confe-  
 sionem Spontaneam, & vocem coa-  
 ctam quam torturæ immanitas quan-  
 tumvis insontibus excutit, de quâ  
 nobis sermo est. Imò ex Diametro  
 pugnat utraque confessio, seu ipsam-  
 met, sive ejus effectus consideres;  
 Spontanea enim veniam sperat, imò  
 & necessariò ex Dei promittentis ver-  
 bo consequitur; reticentia suppli-  
 cium & damnationem importat; ex  
 adverso, coacta & tormentis expres-  
 sa, quamvis de veritate quærat, sup-  
 plicium & damnationem efficit,  
 reticentia impunitatem, famæque &  
 bonorum incolumitatem. Mitto alias  
 non leves circumstantias & peristases  
 quæ confessioni sacramentali con-  
 veniunt, judiciali verò nedum coactæ  
 & mendacii suspectæ, sed nec sponta-  
 neæ quidem commodè adaptantur;  
 videlicet, quòd illa pœnæ ac præjudi-  
 cio non reparabilibus haud subiaceat,  
 ut



ut judicialis, quæ reo bonorum famæ & salutis irreparabilem jacturam operatur, & quæ toti in posterum familiæ ignominiae notam ex vulgi placitis videtur inurere, quum fori interioris durior animadversio nec pœnitentis sponte confessi, nec præsentium aut posterorum famæ quicquam inurat. Mortis enim Rei pœnam Confessoris facultas & character non admittunt. Ad bonorum autem omnium jacturam solâ restitutionis immensæ necessitate devenitur, quod ferè nunquam aut rarò admodum accidit, & si quando id necessitas exigat, hæc injuncta secretò restitutio velo sacramentalis silentii pœnitentium famæ consulit, neque unquam ad agnatos, affines necessariosque porrigitur; Ex adverso torturæ immodici cruciatus reum, quamvis innocentem adigunt, ut prædictorum immemor, quæ ab eo Quæsitore cruciatibus intolerandis exigit, mendaci ore repugnantique animo in spem solatii proferat.

Sed eò potissimum omnis analogiæ ratio ab hac confessionum collatione exulat, quòd violenter extorta confessio nunquam probationis integræ,

ne quidem apud rigidissimos Capitalium Quæsitores vicem explevit; Jam verò, quùm jura negent *sponte de text. in §. si se fasso, nisi aliunde concurrant indicia, si quis ultro dem non adhibendam;* quid ni dubitare *l. 1. ff. de qu.* liceat in famæ, bonorum vitæque discrimine, quantavis indicia præcesserint, præsertim quùm Divo Augusti- *l. 19. de C. no auctore doceamur, nullam; un- vit. Dei. 6. 6.* quam de harum confessionum veritate certitudinem posse nobis illucescere, nec aliam à summis Pontificibus *d. r. consue- sacrisque Ecclesiæ legibus confessio- luiti. 2.* nem ad secretorum criminum probationem præter spontaneam de Christianorum more recipi. *q. 4.*

Non hic de sola illusione agitur quæ confessiones in fortilegii quæstione à criminum sensibilibus confessionibus disternat, ut malè supponit Delrius, ex capitalium Cognitore Theologus. De torturæ compertis mendaciis agitur, cujus intolerandis cruciatibus insontes potissimum solis indiciis ad id tyrannidis adacti, quicquid à Quæsitore inquireri competerint, illud ad redimandas quas ipse Diabolus invexit pœnas proprio ore mortem in solatium aucupantur. Quid Paganorum idololatriæ congruen-

gruentius, quàm ab *ipsa voce mendacij* (ut sacra pagina loquitur) veritatem inquiri, compertumque toties falsitatis organum, ut quondam Pagani Sybillæ oracula, in perniciem innocentium adhibere? Quùmque legum ipsarum concinnatores, Theologi & Canonistæ uno ore torturæ falsitatem asserant, ut quid inter spontaneas & coactas confessiones analogiæ paritatisque ratio coalescat? Sed si solâ confessione spontaneâ veritas eruitur, ut Stephano Pontifici legibusque sanioribus visum est, cur non ex contrariorum disciplina inferant torturæ propugnatores, coactas & violentas confessiones non illam nobis exhibere probationis certitudinem aut claritatem, quam Romanæ leges in criminalibus exigunt? Hoc ingenuè nobis testantur qui miserè tortura pereuntium confessiones exceperunt. Hoc Lessius, hoc Tannerus, hoc criminalis cautionis auctor Speneus, omnes Jesuitæ, omnes miserorum tortorum Confessores, innumerique alii uno ore fatentur, semoto omni affectu sordidoque marsupii fisciue compendio, aut præsumptæ jurisdictionis præjudicio; Cur non ex pijs ac sinceris  
horum



horum suffragiis rem potiùs non dirimimus, quàm ex eorum pertinaci tenacitate, qui pro more gentis, judiciorum munerisque lucrosa compendia ex damnatorum capitibus fiscique proventu licitantur.

*Hoc in Germania fieri  
asserit pen.  
auct. caut.  
crimin. cap.  
L. 4. c. 4.  
qu. 5. sect. 2.*

Quàm æquiorè sententiâ Delrio resipienti quandoque visum est, nobis ex necessitate non incumbere, vias periculi plenas ingredi ad criminum occultorum incertam indaginem Præstare centum sagas absolvi nocentes, quàm ut per talem probationem innocens una mulier condemnatur vel saltem periclitetur; At illa (inquit) deterior fiet dimissa. Tibi certè minimè; sed sibi potiùs nocebit. Consequitur illam Nemesis sua. Dicerem lubens super his scrupulis: Trepidaverunt ubi non erat timor; sed & Canonum auctoritate docemur, ideo purgationes vulgares exolevisse, quòd sæpiùs innocens in illis famæ salutisque aleam subibat; cur non eadem ratione concludere liceat, idem de tortura statuendum, quùm ex ipsis torturæ assertoribus doceamur innocentibus manifestum in torturæ mendaci examine creari periculum?

*argum. d.  
c. 1. de pur-  
gat. vulg.*

## CAP. XV.

*Ultimum torturæ assertorum argumentum ab eo quod sæpius usu venit in eos retorquetur.*

**S**Upereſt ultimum torturæ ſectatorum propugnaculum, ad quod, à cæteris pulſi, tanquam ad ſacram anchoram confugiunt. Hæ, inquiunt, confeſſiones rarò admodum fallunt; Atqui in condendis exequendisque legibus id ſolum attenditur, quod ſæpiùs uſuvenire ſolet. Hanc ſententiam lubentes amplectimur, ſed huic in caſu noſtro locum non eſſe conſtanter aſſerimus. Antecedens enim hujus enthymematis, aut ſi ſyllogiſmum mavis, ex quo torturæ uſum retinendum concludunt, talis, inquam, ſyllogiſmi major & primaria propoſitio falſiſſima eſt, violentæ enim confeſſiones plerùmque mendacii ſunt ſuſpectiſſimæ, neque unquam certum veritatis indicium exhibent. Sed ſi (ut poſt Divum Auguſtinum, legesque ipſas Romanas inquit Ludovicus Vivez) fruſtra ex tyrannorum ſævitiæ tormentis veritas inquiritur, quam nec qui pati poterunt proferent, nec qui pati non poterunt, quid ni ex ipſo-

*Comment.*

*ad c. 6. lib.*

*19. Div.*

*Auguſtin.*

*de Civit.*

*Dei.*

*d. 8. qua-*

*ſtioni, & 8.*

*ſi quis ul-*

*trò. l. 1. ff.*

*de quaſt.*

ipforummet Quæſitorum confeſſione concludamus, pro lege reputandum quod ſæpius his in caſibus uſuvenit, atque adeò à republica uſuque noſtro eliminandam probationem, ſemper quidem falſi ſuſpectiſſimam, nunquam autem veri aut certi ne minimum indicium præbituram?

Hujus concluſionis robur nulla ratione elidi poteſt, quùm ex ipſiſmet torturæ aſſertoribus nobiſcùm de hoc ipſo conveniat; quid ſi eò moliantur effugium, quòd quandoque convictioni accidat ut ex falſis teſtibus non reprobatſis conficiatur; reſpondeo falſarum convictionum frequentiam falſis torturæ confeſſionibus nullatenus æquari poſſe, quùm quotidiano experimento compertum ſit, pro uno falſis teſtibus convicto, mille torturæ mendaciis quotidie obrui. Huic pereuntium inæquali numero Judicum cautiones adjungendæ ſunt, in hac probandi differentia. Et in primo quidem probationum genere, convictione, inquam, per teſtes, omnibus juris cautionibus ad indagandam veritatem utimur, atque adeò in ipſis probationis auſpiciis divini juris præſcripto defendimur, quo cujuſcum-



que generis flagitia solâ convictione rimari præcipimur. Quod ad nos at-  
tinet, pro virili satagimus, ut ne quid  
innocentiæ subsidii denegetur. Reos  
ad testium reprobationem refellen-  
damque testatorum fidem admitti-  
mus, fatales ad defensionum mo-  
menta terminos eatenus prorogamus,  
quatenus eluendo crimini proban-  
dæquæ innocentiae spes illucescit.  
Procuratorum demùm & Advocato-  
rum patrocinium ex officio indulge-  
mus, ne quis indefensus pereat. Ex  
adverso, in occultis exceptisque (ut  
ajunt) criminum processibus ad tortu-  
ram levissimis ex indiciis provolatur.  
Rumori villico aut plebejis susurris  
fides accommodatur, infamium juris  
& facti delationibus statuitur, non ipsis  
modò meliorum temporum Romanis  
legibus sed divini juris expresso jussu  
reprobatorum, ipsis etiam criminis  
complicibus, juratis ex comperto hu-  
mani generis hostibus, quatenus for-  
tilegis, calumniandi via impunis ster-  
nitur; quùmque in his criminum oc-  
cultorum processibus Judicum arbi-  
trio tot permittantur, totque insuper  
præter communia jura sibi arrogent,  
laxiorum juris interpretum placitis in-

*Deut. 19, 15.*

*Ex 17, 6.*

*Matth. 18,*  
*16.*

inhærentes, praxim suam juri antiquo præferentium, non immeritò arbitrare in confessionibus extortis omninò à falsitate detegenda aborreri; quin imò, quod etiam ipsi Delrio ni-  
miùm sanè licenter probari video, simulationibus in speciem veri adumbratis grassari permittitur. Ipsius Delrii verba sunt ipsissima: *Poterit Judex uti*  
*equivocatione & verbis subdolis & ambig-  
uâ promissione liberationis, ut reum inducat ad fatendum; & paulò inferiùs: imputet sibi reus quòd non subtiliùs sensum verborum ambiguum discusserit.* Hæc sanè, nedum Theologum, nec Christianum redolent, sed nec Paganum quidem benè moratum; quùm, referente Gratiano in Decretis, ab Augustino doceamur, *nec artificioso mendacio nec simplici verbo oporteat quemquam decipere.* Adeò tortoribus illis processuumque exlegum assertoribus omnimoda scabies penetralibus inhæsit, ut titulo exosi flagitii ad quæque devia præcipites, sola supplicia respirarent, avidèque sectentur & aucupentur.

*Lib. 5. sect.  
10. §. sed  
nota.*

Quin potiùs legum Romanarum auctoritati rationique inhæremus, quæ huic torturæ falsitati astipulan-

tur? Nempe glossam seu Commentariolum anonymum sectamur, nulli auctoritati rationive subnixum, nullique hætenus legum Romanarum interpreti satis expensum; quodque caput est, de solâ servorum confessione loquutum; quùm tamen vel rudioribus ingeniis liqueat, servos qui soli apud Romanos tormentis subdebantur, Dominorum aut cujusvis alterius accusati perniciæ salutem & incolumitatem propriam redimere potuisse, quùm super factò alieno interrogati, Quæstitoris (ut ait Tullius) propositum semel cogitatione adepti, confessione ad torquentis mentem accommodatâ, ut plerùmque fit quùm innocens ad falsam confessionem adigitur, solatium sibi requiemque pararent à tormentis. At in nostris quæstionibus nullus absque propria perniciæ fateri potest; omnes enim de factò proprio interrogantur, nec falsi quicquam vitæ suæ consulunt; sed solâ morte bonorumque ac famæ jacturâ immanis carnificinæ rabiem sibi redimunt. Denique nulla retractatio quantumvis falsæ accusationis, confessionis aut indicii admittitur; quin imò ipsa veritas in os reorum  
novis



novis aut repetitis aut specioso com-  
mento continuatis cruciatibus retru-  
ditur; nec pœnitentiæ nec correctio-  
ni semel extorti mendacii locus est,  
dummodò quæsito crimini confessio  
astipuletur, quæstorisque aviditatem  
impleat, donec miserè ac immaniter  
laniatum post cruciatus acerbissimos,  
quos ne crimen quidem pro quo tor-  
quetur liquidâ convictione comper-  
tum pro medietate mereretur, ad in-  
fame supplicium bonorumque ac ho-  
noris jacturam reum incompertum  
adigat.

Neque ipse Delrius tormentorum  
immanem illam seu continuatam seu  
repetitam seriem negaverit, postquam  
falsus est in Germania hominem vi-  
cies tormentis repetitum. *Carolus*  
(inquit) *Bitbæus vir clarissimus mihi nar-*  
*ravit hominem vices seve quæstioni subdi-*  
*tum; quumque ad hæc exclamet:*

*L. 5. sect. 9.  
S. quo ad  
tertium  
dubium.*

*En Judicum clemens arbitrium quò se por-*  
*rigat in illis partibus Aquilonaribus; ipse*  
*tamen, dum Mascardos & Farinacios*  
*sequitur, non veretur ad tertiam uf-*  
*que repetitionem tormenta proroga-*  
*re, quoties aut tortus Quæstoris*  
*quæsitis non firmiter adhæreat, aut*  
*nova indicia emorienti lanienæ super-*

*id. ibid. S.  
quoad ite-  
rationem.*

venerint. Idem video cunctis capitalium cognitoribus usuvenire, invitis scilicet antiquo jure, legumque sanctionibus, praxim immanem neotericorumque placita pertinaciter sectari. *In atrocibus* (inquit Bodinus) *omnia hæc ludibrio sunt & pro nihilo reputantur*; quod si hæc abusive fieri interjicias; respondeo, torturæ sanum usum non reperiri, quum ipsa merus sit ac germanus abusus, tyrannorumque inventum immanissimum; quæ sanè Diabolica sævities omnem humanæ communisque temperaturæ vim exuperet; Idque potissimum si pro nostrorum recepto more pluries repetatur, præclaro novorum indiciorum invento suffragante. Quid si Marsilius cum Binsfeldio, Claro ac Delrio in subsidium advolent, vigiliamque suam Florentinam ingerant? quid si Delrius appensis ad torti pedes ponderum saxorumque molibus, ingestâque in pendentis scapulas frigidâ, cæterisque carnificinæ appendicibus sæviat, nonne tibi sanctorum martyrum immanem lanienam dirosque martyrii apparatus repræsentari fatearis? hoc sane discrimine, quod à Paganis hæc tormenta in supplicium præ-

præsumptæ impietatis in Deos suos martyribus adhibebantur, hîc verò à Sacerdotibus & Judicibus Christianis incerto etiamnum quærendoque crimini immaniter exercentur.

Frustra denique torturæ avidi sectatores dispari exemplo torturæ mendacia convictionis incertitudini conferre moliantur, quùm absque impietatis crimine humani abusus, seu majoris inventa tyrannica legis divinæ sanctionibus æquiparari nequeant; expressis autem divinæ paginæ legibus sola per testes convictio ad quorumcumque atrocium, quantumvis occultorum criminum probationem præscribitur; quodque adversariis obstruat, in convictione per testes, si quid mendacii irrepat, id omne testibus imputandum est, salvo Judicis officio; at in confessionibus extortis, omne opprimendæ innocentiae periculum Judicibus acceptum refertur, solamque Quæstitoris ac juris interpretum violentæ laniationis mendacii-que extorti conscientiam prægravat.

Scio torturæ affectas ad silentium compulsos, quod jure rationeque nequeunt, factis, receptoque pridem ab-



usu propugnatuos. In his nempe processibus iniquitati *quæsitum privilegium, juris antiqui formulas exulare, criminis atrocitatem probationumq; difficultatem testibus aliunde rejectis & reprobatis fidē conciliare.* Hæc & similia rudioribus ingeniis, soliusque semel investæ praxis capacibus ingerunt; Sed quibus purius rationis lumen affulsit abundè compertum est, nihil apud Dialecticos paralogismo futilius. Latini *petitionem principij* modum hunc ratio- cinandi definiunt, quando scilicet ex ipsa re controversa consequens elici- mus, quæstionemque ex abusu solvi- mus; ex ipsis enim Romanorum legi- bus constat, criminis atrocitatem non priùs inspicì, quàm de crimine ad- missoreus legitima convictione tenea- tur, ut pœna demum delicto respon- deat; Tantum abest ut tyrannico odio in reum ambiguum armari de- beamus, eique debita defensionis sub- sidia denegare.

L. 7. ff. ad  
leg. Jul.  
majest.

*Crimen majestatis* (inquit Modesti- nus) *non ob principalis majestatis venera- tionem in occasionem seviendi rapiendum est, sed ex sola rei veritate exercendum; en quoad criminum atrocitatem, quid Romanæ leges statuunt; sed si ex ad-*

versò

versò regerant, expedire ut innotescant & puniantur, ex animo quidem annuimus, sed invicem regerere liceat, non minùs expedire bonorum incolumitati consuli adversus comperta torturæ mentientis pericula quæ sanè cuivis innocenti à iudiciis exlegibus impendent. Fateor expedire nosci crimina criminumque auctores ut puniantur; sed constanter inficior criminum indaginem modis fallacibus & mendacii convictissimis extorquendam, quibus scilicet nulla repertæ veritatis certitudo nobis remanet. Quid si absoluta & clara convictio per testes desperetur idoneos, Gregorius Magnus & Stephanus Tertius summi Pontifices nos in in Decretis monent, ut quùm criminis auctor ægrè investigari possit, etiamsi de crimine liqueat, Deo relinquendum iudicium, quin ipse Deus in nova lege nobis præcipit, ut ne innocentum vitam, studio nocentes puniendi, periculis objiciamus.

*d. c. cùm in  
lege. S. his  
itaque. 23.  
q. 4.*

*Matth. 13,  
29.*

Post tot tantaque divina humanaque jura nobis ex comperto suffragantia, non video quicquam adversariis effugii relictum quo se à Romanis legibus

gibus sanioris ævi, à sacris Patrum sancitis, ab Evangelica lege, à jure naturali divinoque antiquo, ab ipso met humanato Deo in nova lege proprio ore confirmato pertinaciter tueantur. Dixi superius omnia divina humanaque jura violari in abusibus passim committi solitis in processibus anomalis; quid enim juri divino pugnantius, quàm vocem mendacii, quo nomine tortura ab ipsismet torturæ assertoribus nuncupatur, in testem adhiberi? quid voci mendacii convenientius, quàm sortilegos convictos, humani generis hostes insensissimos testes admittere, eorumque indiciis negotium cuivis probo & innocenti facefcere? nam quid contraria sentientibus superest objiciendum? Clarumne aut Binsfeldium præferent Augustino, Gregorio, Pontificibus & Ecclesiæ Doctoribus? Marsilioſne & Farinacios, Quæsitoresque criminalium Theologos, id est, torturæ processuumque exlegum assertores, in nuent in jure divino defectus invenisse, qui scilicet ex Binsfeldio, Claro & Farinacio suppleantur, aut, quod atrocius & insanius est, à Syllæ, Tarquinii



nii Superbi, Octaviani Triumviri cæterorumque infidelium & idololatrarum tyrannicis edictis supplementum aut correctionem emendicentur?

CAP. XVI.

*Spinei Quæstorumq; sortilegii levitas arguitur, Dæmonem ipsum in testem admittentium.*

**D**IXI vocem mendacii, contra præceptum divinæ legis, in his processibus admitti. Dictum sic probo. Quid Cacodæmone à veritate abhorrentius, quàm pater mendacii communiter audiat? Hunc tamen quandoque sortilegii Quæstiores in testem admiserunt. Ut verum fatear, centies mirari subiit graves Theologos qui Jurisperitis insultant, leguleios, fori rabulas, & quicquid sibi licere magistræ supercilium præsumit aspernabundi vocitant, tam fœdis allucinationibus irretiri, ut malum Dæmonem in hominum perniciem testimonio adhibeant; nec his contenti, bilem sibi moveri patiantur, si quis interdum solidis rationibus auctoritateque divini juris his erroribus occurrat. Equidem non mirarer quon-

*Exod. 23.1.*

*Barth.*

*Spin. Apol.*

*1. & 2. in*

*Ponzinib.*

*Mart. Delr.*

*passim.*

Barth. Spin.  
Apolog. in  
Ponxin. 1.  
c. 9.  
Delr. l. 5.  
sect. 16.  
Jean Bo-  
guet en son  
Discours  
contre les  
sorciens  
ch. 1.

quendam de grege novitiorum, rerumque imperitum scriptorem, aut literarum rudem his erroribus implicari, moreque Pythagorico in verba Magistrorum jurare; quum Bartholomæus Spineus ipsi Delrio, Delrius Bogheto nostro persuaferit, Diaboli testimonium in caput hominum admittendum. At Bodinum, tantæ eruditionis virum, in eisdem erroris laqueos impegisse, amboque illos tanti nominis Theologos eadem libris suis inseruisse quis non stupeat? Hæc seriò repensanti subit præjudicii tyrannidem mirari, quòque semel concepta opinio, doctiores non secus ac ignarum vulgus quandoque transverfos agat. Primus Bartholomeus Spineus in hæc sensa prorupit. *Adæoque nunc (inquit) pestis ista invaluit (de sortilegis loquitur) ut dixerit in quadam concione Diabolus, qui in forma Principis apparebat (ut retulerunt qui affuerant nonnulli ab Inquisitore deprehensi) sitis omnes bono animo, neq; enim elabentur anni multi quòd numero superabitur Christi fideles.* En eximium testem cui de sortilegorum numero fides adhibeatur?

Nec parùm huic errori suffragatus & Bodinus, dum assertis à nebulone  
Ceno-

Cenomano Magiæ & fortilegii convicto supplicioque capitali à Carolo Nono Galliarum Rege exempto, Triscalini nomine, sub conditione ejusdem criminis complices indicandi, fidem queritur negatam. Erepto enim compertæ nequitiae homine, Dæmon voti compos, tantam hominum multitudinem mancipio suo perdendam suggessit, & inter alios, regni primates, ut spe non inani duceretur numerum & sortem tot principum virorum hujusmodi quæstionibus remoram allatura; quin, si tali testimonio & indiciis fides adhiberetur, fore ut quotquot innocentes ad certam perniciem destinasset, hos facili negotio perderet. Obstitit conceptæ spei summi Magistratus vigilantia, quæ fidem Dæmoni ex mancipio suo loquenti abrogavit. Sed feliciore successu votis non omninò cecidit calumniator, plerisque enim omnibus legum peritis capitaliumque cognitoribus qui post Bodinum de fortilegio meminerunt exinde persuasum video, Satanæ per Triscalinum suum loquenti fidem super his indiciis injustè fuisse denegatam. Hinc Delrio Bodinoque graves querelæ. *lib. 5. sect. 2.*

Quis



Quis adhuc negare audeat zelum præposterum diris nos erroribus irritare, quùm Patri mendacii Satanae genus humanum calumniandi mendacique aut certè mendacii suspectissimâ jactantiâ de affeclis suis glorianti fidem apud Theologos & juris peritos conciliet, nempe ut sortilegii nos omnes suspectos efficiat, præsumptamque hujus sectæ multitudinem apud credulos foveat, ut inde credatur indiciis, deturque perpetuâ serie progressus ille in infinitum, torturâque in subsidium tam bellæ probationis advocatâ, suppliciis injustis, quos sibi libuerit innocentes adigat, resurgat Diocletiana ac Heroniana tyrannis & laniena.

## CAP. XVII.

*Horrenda non minus quam absurda Delrii placita circa torturam.*

*Apel. 3. in  
Penz.*

**U**Tinam Delrius judiciorum capitalium priorisque officii immemor soli Theologiæ studuisset; nunquam sanè suffragio suo tot absurda in judiciis criminalibus approbasset. Sed postquàm, auctore Spino, Jurisperitos in sortilegii quæ-

stio-

stionibus cœcutire stomachabundus edixit, perperam sanè præposteroque iudicio Claros sibi Farinaciosque sequendos proposuit, eorumque ad verbum excerptis inhærens placitis, cæcos sibi in tantis tenebris viæ duces præfecit. Quid si tanto rerum capitalium studio captus erat, ut inde nomen eximium quæreretur, mihi quidem congruentius fecisse videretur, si capitalium iudiciorum abusus suffragio suo refellisset, quàm nobis auctor fieri, spernendas retractationes in articulo mortis ab inquisitis sortilegii factas, nempe quòd falsò quempiam huius criminis vi cruciatuum insinulassent, eo solum ductus momento, quòd nonnulli rerum capitalium interpretes non recipiendas arbitrati sint. Nec meliori jure opinatus est cum iisdem, omnes sortilegii inquisitos, etiam antequam de patrato crimine constiterit, tanquam sortilegos & hæreticos habendos; quum in hoc casu *lib. 5. sect. 5. n. 5. Iudici parum curandum est se huiusmodi palinodiam.* *ibid. sect. 7. §. quoad personas nobiles.* omne privilegium cesset; non enim animadvertit, solam convictionem reum constituere, atque adedò, quousque de crimine patrato non constiterit, inquisitum sortis suæ prærogativâ uti debere, ex vulgato illo juris axiomate,

R te,

## 258 TORTURÆ DISCVSSIO,

te, semper pro innocentia præsumi,  
donec de flagitio peracto constiterit.

*ead. sect. 9.* Nec sanius suffragio suo sancivit: in

*de tortura.* *tortura cavere* Quasitorem debere ab offiis  
*S. tortura* *fractura, sed à compagis solutione luxatio-*  
*modus.* *neque abstinere non posse; Nonne opti-*

*Auth. ut*  
*nulli judic.*  
*S. quia ve-*  
*ro.*

mè & ex Christiana sacerdotalique  
mansuetudine torturam mendacii  
compertum organum moderatur  
optimus Theologus, dum Justiniani  
Paganorumque juris Romani condi-  
torum, quibus tales excessus impro-  
bantur, leges & præcepta transilit,  
tyrannorumque accedit immanitati?

*d. l. s. sect. 9.*

*S. tortura*  
*modus.*

*verba ipsa*

*Delrij cu-*

*ius libri*

*mihi hacte-*

*nus non*

*supperunt,*

*excidisse*

*mihi potue-*

*runt sensus*

*sanè non*

*excidit, etsi*

*verbis meis*

*expressus,*

*contulat*

*Lector ipsū*

*Delrij suis*

*terminis*

Quarto (horret animus hæc à sa-  
cerdote & Theologo referre) Judex,  
inquit, novis tormentis in quemquam reum  
uti non debet; sed in quaestione sortilegij as-  
suetis debet acquiescere, nempe trochleæ  
pensilis cruciatu tenui fune suspensa, insun-  
dendo aquam frigidam reo inter scapulas  
dum brachius ex trochleâ pender. Pote-  
runt etiam suspendi ex ejus pedibus quadam  
pondera ad augendam corporis molem, di-  
varicatis etiam paxilli operâ pendentis cru-  
ribus, ut acerbius doleat. Denique vigiliâ  
uti Quasitor poterit, quod tormenti genus  
omnium optimum est. Dicas Busridem  
aut Phalaridem hæc immanitatis ty-  
rannicæ monumenta posteris reli-  
quisse;



quisse; utor autem in his observatio-  
 nibus præstito mihi cæterisque Laïcis <sup>loquentem 3</sup>  
 hominibus jure, quo Delrius ipse ar- <sup>comperiet</sup>  
 gui à quolibet nostrum sponte voluit, <sup>me à sensu</sup>  
 si quid acrius & inhumanius placitis <sup>suo non ab-</sup>  
 suis inseruisse deprehendatur; quum <sup>errare in</sup>  
 que ille toties acerbè in Jurisperitos <sup>suis refe-</sup>  
 invectus sit, eò facilius adducor ut <sup>rendis.</sup>  
 credam idem in eum mihi licere, ser-  
 vato tamen, ut par est, æquo modera-  
 mine erga multimodæ eruditionis vi-  
 rum. Melioribus ergo ductus avi-  
 bus, solâque ratione mihi præviâ, ex-  
 plosâ Tortorum immani feritate pro-  
 ferre non vereor, torturam, quum sit  
 examen fallax, mendacique suspe-  
 ctissimum, ex quo nulla veritas elu-  
 cescat, quò plus augebitur, eò pericu-  
 losiorem innocentibus evasuram.

Describant sanè pro libitu suo Fla-  
 minius Cartarius Prosperque Farina-  
 cius, quorum vestigiis conniventibus  
 oculis insistit Delrius, inventa illa ty-  
 rannorum suorum, nunquam tamen  
 id à me consequentur, ut diris illo-  
 rum opinionibus subscribam, neque  
 unquam à tortura auferent, quin ty-  
 rannorum inventum jure audiat, via-  
 que erroris & mendacii, ac probatio  
 fallax & erronea à sanis omnibus ubi-

que reputetur. Hanc Christianæ Rei-  
publicæ labem inuexere libri legum  
Romanarum Pisis ante aliquot secula  
repti, quum antea medijs illis tem-  
poribus & Gothi Orientales & Occi-  
dentales & Longobardi & Franci &  
Burgundiones & Ripuarii, omnes-  
que Teutonicæ gentes, imò & ipsi  
Itali modis alijs in capitalium quæ-  
stionibus uterentur. Hæc nempe à  
cunctis horum temporum scriptori-  
bus edocemur; primis enim septem  
post Christum narum seculis, quot-  
quot Europam gentes incolunt, post  
excisam Romanorum tyrannidem,  
purgationibus vulgaribus fervidâ aut  
frigidâ aquâ aut ferventis ferri laminâ  
aut ignito vomere, aut denique sin-  
gulari certamine, potius quàm tortu-  
râ res dubias investigabant; Quin  
imò gentes illæ Christi sacris initiatæ  
probationem æmulabantur quam  
Moses ex aquâ maledictâ quondam  
Judæis instituerat; & quamvis in his  
probationibus nullum cum Dæmone  
pactum intercederet, cunctaque à Ju-  
dicis decreto auspicarentur, & ab Ec-  
clesia, ipsi etiam sacerdotibus admi-  
nistris, præcedentibus exorcismis ex-  
pedirentur; summi tamen Pontifices,

*Numer. 5,*  
17.

re seriò perpensâ, attentoque vulgares illas purgationes antiquæ legis præscriptis securitate non respondere, quùm pactum expressum à Deo, solo miraculorum patratore, cùm populo suo initum, quo aquæ sic adjuratæ efficacia tribuebatur nullibi dubiis illis ac periculosis probationibus attributum reperiretur; quin imò sæpè innocens ut verè nocens supplicio addicebatur, Deo tentationi, quâ potestas ejus in judicium vocabatur, non annuente, omnia illa probationum genera quibus iñocens periculo exposebatur abrogaverunt; Cur nos pariter torturam quæ ex diametro abolitis illis probandi modis respondet, non abrogemus, quùm iisdem imò majoribus periculis abundet, feritatemque Dæmonum tyrannorumque immanem sævitiam redoleat?

Dignentur igitur auctores contrarii nos ab illorum classe eximere, quos pro sui libito indiciis suis ad quæstionem, ad torturam, & penè ad damnationem de sortilegio urgentibus subjacere arbitrati sunt; nobisque benignè parcant si cunctis Mascardi, Clari, Farinacii, Grillandi, aliorumque placitis quæ ipsi pro oraculis reputant,



262 TORTURÆ DISCVSSIO,  
in sortilegii criminumque privilegia-  
torum processibus usuque torturæ  
subscribere in animum nostrum non  
inducimus, quum ex adverso argu-  
mentis luce meridiana clarioribus  
convicerimus, solos innocentes in il-  
lis abusibus de salute periclitari,  
quumque fateri cogantur ipsimet ad-  
versarii, flagitiosos & sortilegos pa-  
cto indolentiæ, somni aut silentii, du-  
rioris temperaturæ reos, dolendi con-  
suetudine, robore athletico, aut quæ-  
sitis malis artibus aut naturali phar-  
maco patiendi subsidiis tutos à dolo-  
ribus & confessione, manifestò sequi-  
tur, solos innocentes ad mentiendi  
necessitatem tormentis adigi.

C A P. XIIIX.

*Torturæ auctoritas ab ipso fonte re-  
petita iterum & novissimo ictu radi-  
citus extirpatur.*

**D**Enique, ut uno ictu præcidamus  
conceptam de torturæ oraculis  
credulitatem, plagam novissimam  
imis radicibus impingamus. Satis  
constat Tullium quo orandi studio  
ferebatur, hanc hæresim ab Aristote-  
lis Rethorica hausisse. Nempe Arpi-  
nas

nas ille sophista naturâ facundus & eloquens, quique famæ & fortunæ eloquentiâ suâ ambitiosè velificaretur, à Græcis dicendi peritis omnes persuadendi artes quibus in judiciis triumpharet mutuatus est. Hanc igitur à Stagyrice petitam partitionibus suis oratoriis inseruit. Inde Romanarum legum compilatores idololatræ, servili ingenio viri, servientium sæculorum abusus & vitia pro legibus nobis obtruderunt. Ex illis Florentinus Accursius mediocris litteraturæ vir, commentariis suis marginalibus verbum illad *efficacissimas* ad Ciceronis effatum retulit, atque inde, ut à sacro Codice, Romani juris interpretes humanæ fidei dogma sibi nobisque concinnarunt. Pergamus igitur vanitatem tanti erroris convincere ab ipso fonte repetitam.

Quæstiones (inquit Aristoteles) *testimonium quædam sunt, quæ videntur idè ad Alex. Rethor. l. i. fidem facere, quod quædam necessitas eis inest.* En igitur necessitatem illam, cui secundum Aristotelem ejusque assecclas, veritatis præsumptio in quæstionibus innititur; sed pace utriusque scriptoris dixerim, non aliàs gravius allucinati sunt Aristoteles, Tul-

lius cæterique eorum sectatores, quàm quùm necessitatem veritatis exprimendæ tormentis tribuere. Ipse Aristoteles, qui hoc solùm effutit, ut patronis captiosas argutiolas quibus ad omnimodam causæ injustæ victoriam grassentur suggerat, ab hac necessitate præstò recedit, dum subjicit

*Arist. ibid.*

immediatè; quibus enim necessitas adhibetur, ij non minùs falsa quàm vera dicere solent; nam vel dolorem tolerantes, verum occultant, vel facile mentiuntur, ut citius à cruciatu liberentur. Idem antea non

*Orat. pro L. Sylla, & in partit.*

*Orat. & lib. 2. Rhetor. ad Herennii.*

semel à Cicerone retulimus, quoties absque argutiolis hominem loqui contigit. Ubi igitur illa veritatis expromendæ necessitas, quam Princeps hujus hæresis Aristoteles torturæ tribuisse creditus est? quùm qui illam invexit Stagyrites, illam ipsemet specificâ retractatione immediatè revocet, & in ancipitem sensum reducat; Quùmque hujus erroris exscriptores & sectarii fœdè à semetipsis dissentiant, Æsopici Satyri similes, qui uno ore frigidum & calidum emittebat spiritum, ut ex eorum verbis aperte convicimus, quid superest nisi hanc hæresim penitus explodamus, quâ veritatem in mendacio compertissimo supponimus.

Sapè



Sanè cùm Aristotele mihi convenit, immensos cruciatus, quales tortura ingerit, deficienti in tormentis reo loquendi necessitatem imprimere, quâ Quæstoris truculentiam quomodolibet compescat, sibi que solatium loquendo nanciscatur; sed palpabili rationis evidentia constanter assevero, necessitatem hanc, loquendi duntaxat, non item dicendæ veritatis ex comperto intelligi, & inviti quidem loquuntur, sed Quæstoris propositi conscii, ad illius nutum confessionem in truculenti cruciatus solatium concinnant. Sed nec Aristoteles, nec Tullius, nec humana philosophia, quanta quanta est, nulli unquam cordato elicient hanc esse necessitatem fatendæ veritatis. Ipsemet Stagyrita non audet expressis & certis verbis hoc asserere, eodem enim vocabulo usus est quo excerptores hujus sophismatis Cicerò, Augustus, Ulpianus & Accursius, alter ab altero per manus accepto postea usi sunt. *Videtur* (inquiunt omnes) quâ voce nihil concluditur, quùm perinde falsum sub veri specie adumbratum, ac verum & germanum designet. *Quæstiones* (inquit Aristoteles) *testimonia qua-*

*dam sunt quæ VIDENTVR ideò fidem facere, quòd quædam necessitas eis inest.* Tullius, qui hæc ab Aristotele iisdem terminis mutuatus est, iisdem prorsus terminis ad Trebatium loquutus est:

*En topic.* *necessitas (inquit) fidem facere VIDEVR; nam & verberibus, tormentis, igne fatigati quæ dicunt, ea VIDEVR veritas ipsa dicere.* Sed auctores illi necessitatem hanc non definierunt; si enim definissent, ut superius demonstravimus, procul dubio declarassent, illam de necessitate loquendi, non item de veritate eloquendi debere intelligi; imò ex ipsorum dictis apertè liquet, hanc necessitatem, æquâ lance in mendacium & veritatem pendere, sed proniùs & sæpiùs in mendacium. Quin & ipse Philosophus hanc suppositam necessitatem quo sensu acceperit prorsus explicat, quum immediatè subiungit; aliquos dolorem tolerantes verum occultare. Torturæ igitur nequidem loquendi necessitas est, quum non æquè in omnibus operetur, contrariaque aut producat aut producere desinat pro patientum temperaturâ habituque corporis.

*Tortius operis corollarium.*

Necessitatem igitur Aristotelis & Tullii à fundamentis eruimus, solamque

que mentiendi efficaciam innocentibus, intolerando cruciatu oppressis, ex illâ hæresi impositam perspicuè demonstravimus. Aristoteles, Cice- *Aug. l. 19.*  
 ro, Augustus, Ulpianus, Romanæ le- *de Civ.*  
 ges, Divus Augustinus, ejus Scholia- *Ulpian. l. 1.*  
 stes, quotquot inter homines solidâ *S. questio-*  
 ratione, rejectâ opinionum tyrannide *ni. & S. s.*  
 ducuntur, in hoc conveniunt ut fate- *quis ultro.*  
 antur, nec qui torturæ cruciatus pati *ff. de quest.*  
 possint, nec qui pati nequeant verita-  
 tem fateri, alteros mortis & infamiæ  
 metu, alteros doloris impatientiâ vi-  
 ctos, quos jure merito morte ipsa acer-  
 biores reputant. Delrius, Binsfeldius,  
 Farinacius, Clarus, omnes rerum ca-  
 pitalium scriptores, omnes Canonis-  
 tæ, omnes Theologi sanioris doctri-  
 næ fateri pro veritate compelluntur,  
 innocentes sæpissimè in hâc mendaci  
 probandi specie succumbere, sceler-  
 atosque, robustos & sortilegos mille  
 sibi modis à tormentorum sensu aut  
 coactione consulere; quid superest,  
 nisi fateri ingenuè, torturam, si Dei  
 omnipotentiam pacto expresso non  
 scrutetur, de tacito saltem aut impli-  
 cito imputari posse, à tyrannis nempe  
 idololatriis & à Dæmone eorum au-  
 ctore semel profecto; Deus enim pro-  
 cul



cul dubio tentatur, quum homo tormentis humanæ temperaturæ vires communes excedentibus exponitur, ut suâ innocentia ex Dei subvenientis miraculosâ virtute quod per se non potest consequatur. Sed si Dei potentia temerariæ necessitati non exponitur, saltem ejus patientia ad tantam ulciscendam crudelitatem exasperatur; quid enim, spreto divinæ legis præscripto, tyrannorum placitis inhærentes, compertum periculum tamdiu laceessimus, atque invincibili pertinaciâ innocentum salutem manifestæ perniciiei objicimus? Cur tamdiu legis antiquæ præcepta contemnimus, præscriptamque à Deo cujusque probandi flagitii methodum aspernati, Paganorum inventa à sæculi nostri legibus Christianaque pietate abhorrentia legi divinæ ac naturali æquitati præhabemus? Quid attinet omnia flagitia scrutari, omnemque flagitiosum ad mortem expetere, quum quæ nostram indaginem fugiunt, ex sanctorum Patrum monitis Ecclesiæque disciplinâ, hujus indagini judicioque relinquere præcipiamur, cui nihil ignotum nihil inultum relinquitur?

Quin

Quin imò ex ipso Delrio comperi-  
 mus, Deum sibi plurimos in novissi-  
 mo judicio puniendos seponere, quo-  
 rum flagitia hominibus nolit inno-  
 tescere, nec incerto ac periculoso exa-  
 mini subijci patiatur. Sed quod de-  
 mùm Spineo, Sprangero, Delrio, Bins-  
 feldio & Remigio pateat effugium,  
 pertinaciter asserentibus, nullum in-  
 fontem torturæ cruciatibus ad falsam  
 confessionem adaçtum, quùm præter  
 innumera exempla quibus invincibi-  
 lis eorum pertinacia in dies convinci-  
 tur, sanctum Romanæ Inquisitionis  
 officium expressè fateatur, *torturam*  
*fallax esse probandi remedium*, innume-  
 rasque mulierculas innocentes Quæ-  
 sitorum cavillis, processuum exlegum  
 abusibus, tormentorumque dirâ cru-  
 delitate ad perniciem adaçtas. Po-  
 stremò nihil evidentius torturam dia-  
 bolicum esse inventum convincit,  
 quàm tot à Deo vires ejus eludendi  
 relicta suffugia, seu Dæmonum soler-  
 tiâ, seu malorum hominum sagacitate  
 ex vi naturæ petitis subsidiis, quæ nec  
 ab ipsis Quæsitorebus, nec à rerum ca-  
 pitalium trucioribus interpretibus re-  
 felli possint.

*Lib. 4. sect.  
 5. 5. quan-  
 tumvis.*

His rationum momentis luce me- *Conclusio.*  
 ridia-

dianâ clarioribus, humani divinique juris auctoritate freti constanter asserimus, torturam speciem probationis esse erroris, mendacii, projectæque temeritatis convictissimam, à jure divino, cum novo tum vetere exclusivè repudiam, ex eaque quotidie mille prodire crudelitatis immania specimina, non Christiano nomini solum, sed & humanitati ex diametro pugnantia, Vix illam absque certâ innocentum perniciæ exerceri, nec ad quemvis usum reduci posse, quin Judicum inscitiae, malignitati, intemptivo plerumque zelo ac pervicaciae pronum sit in mille discrimina prolabi, à quibus aliter quàm abrogatâ erroris ac mendacii, injustitiae iniquitatisque compertâ officinâ caveri nequeat.

*Ad Lectores.*

POST hoc opus absolutum incidimus in Diploma quoddam à sancto Romanæ Inquisitionis Concilio Provincialibus fortilegii Quæstoribus directum, ex quo manifestè convincitur Binsfeldium, Delrium, Bodinum, Sprangerum, Spineum & Remigium inaniter & falsò asseruisse,  
con-



confessionibus torturâ expressis, nec  
fortilegorum sagarumque indiciis  
spontaneis aut violentis, unquam  
innocentibus impositum, processus-  
que sortilegii ad eò ab omni errore va-  
cuos, ut nunquam aut rarò innocens  
vicem nocentis subeat. Hâc instru-  
ctione clarè patebit quid vulgaris fa-  
mæ indicio, morosis capitalium co-  
gnitorum formulis, torturæque im-  
mani experimento his in judiciis tri-  
buendum sit.

## *Sumptum ex Diplomate*

*seu programme Romæ typis  
excuso.*

## Instructio pro formandis processibus in causis strygm, fortilegorum & malefi- corum.

**E**Xperientia rerum magistra apertè [a] *Expres-*  
docet gravissimos quotidie com- *sè contra*  
mitti errores in formandis [a] processi- *Barthol.*  
bus contra stryges sive Lamias & ma- *Spineū quā*  
leficis, in notabile præjudicium tam *contendit*  
justitiæ, quàm hujusmodi mulierum *irreprensibi-*  
inquisitarum, ita ut in sanctæ Roma- *les proces-*  
sus & Ju-  
dices sorti-  
næ legi.

næ & universalis Inquisitionis adversus hæreticam pravitatem generali Congregatione longo tempore observatum fuerit, vix unquam repertum fuisse aliquem processum similem re-

[b] *Item contra Martinum Delirium idem obstinatissimè asserentem*

[c] *Contra eund. Delirium circa excessus tortura. Item contra Binnsfeld. Remig. & Boguet. qui omnes ex Bart. Spinoe hauserunt infallibilitatem hujusmodi processuum.*

[d] *Contra Delirium, Bodin. Boguet. & ceteros omnia fama vulgari in hoc processu tribuentes.*

etè & juridicè [b] formatum; Imo plerumque necesse fuit quàmplures Judices reprehendere ob indebitas vexationes, inquisitiones, carcerationes, necnon diversos malos & impertinentes modos habitos in formandis processibus, reis interrogandis, excessivis torturis inferendis, ita ut quandoque contigerit injustas & iniquas proferri sententias etiam ultimi supplicii, sive traditionis brachio [c] sæculari & re ipsa compertum est multos Judices ita faciles & proclives fuisse ob leve aut minimum indicium credere aliquam mulierem [d] esse strygem, & ideò nihil omninò prætermisere ut ab hujusmodi muliere, etiam modis illicitis talem confessionem extorquerent, quum tot tamen tantisque inverisimilitudinibus, varietatibus & contrarietatibus, ut super tali confessione nulla aut modica vis fieri posset. Quapropter, ut Judices de cætero magis cauti esse possint in conficiendis hujusmodi processibus, infra-

infra scripta diligenter & accurate præ oculis habeant & considerent.

2. Error principalis & particularis omnium ferè Judicum in hac materia est devenire, nedum ad inquisitionem & carcerationem, sed sæpe etiam ad torturam contra aliquam mulierem de maleficio imputatam, quamvis non constet de corpore delicti sive maleficii; & tamen in jure indubitatum est ad tales actus minimè deveniri posse nisi prius de hujusmodi corpore constet; cum agatur de delicto cujus vestigia remanent. Corpus autem delicti non dicitur probatum prout multi Judices videntur præsupponere, ex eo quod prætenſus maleficiatus sit vel fuerit infirmus sive decesserit; Clarum est enim quod infirmitas & mors regulariter ex maleficio non provenit. Ideo oportet exquisitas diligentias judiciales adhibere, examinare medicos qui infirmos curarunt, illos diligenter interrogare de qualitate infirmitatis, & an exactè medicinæ dignoscere possint infirmitatem esse vel esse posse naturalem, illos etiam interrogando circa totam seriem & accidentia ipsius infirmitatis, à principio omnia fusiùs in processum



cessum redigere, ad hoc ut si forte aliquis Medicus per imperitiam, prout multoties evenit, nescivisset qualitatem morbi judicare, & propterea judicasset, non esse naturalem, sed ex maleficio provenire, alius Medicus magis peritus, habita notitia omnium accidentium ejusdem infirmitatis licet infirmum non viderit, possit dignoscere an talis infirmitas ex morbo naturali necne provenire potuerit; Et ulterius maximè congruum esset ad eundem effectum judicialiter examinare familiares infirmi pro habenda notitia principii infirmitatis & ejus progressus, ex hoc enim apparebit an convenient depositiones Medicorum & familiarium circa accidentia infirmitatis, & sic poterit tutius fieri judicium à Judice an constet de corpore maleficii; quod si ex ejusmodi diligentis apparebit infirmitatem esse vel esse posse naturalem, procul dubio procedere non debet contra accusatam de tali maleficio; si verò Medici periti clarè judicaverint esse vel esse posse probabiliter maleficio, tunc Judex securius cogitare poterit de inquisitione formanda contra accusatam,

3. Insuper, antequam Judex perveniat ad incarcerationem prætensæ maleficæ, debet diligenter rimari cuncta indicia quæ sunt contra illam, neque ex sola denunciatione prætensi maleficiati & ejus attinentium esse facilis ad carcerationem, nisi simul allegetur aliqua probabilis causa ob quam animus Judicis rationabiliter moveri possit ad credendum quod mulier accusata tale maleficium committere voluerit, & ejusdem causæ aliquam probationem, vel saltem non leve indicium habeat, antequam ad carcerationem deveniat.

4. Advertat præcipuè Judex in ipso actu carcerationis diligentem facere perquisitionem in domo mulieris inquisitæ, & talem inquisitionem per seipsum aut Vicarium idoneum faciat, adhibito notario & testibus, nec hujusmodi perquisitioni interveniant personæ attinentes aut familiares prætensi maleficiati, ne contingat, prout aliquando suspicatum est, dolosè aliqua supponi maleficium denotantia, in grave præjudicium reæ inquisitæ; & in dicta perquisitione annotentur diligenter omnia reperta in domo & capsis; & non solum quæ

S 2

pos-

possunt juvare ream inquisitam, pro-  
ut imagines sanctorum, divina officia,  
coronæ, libri devotionis, schedulæ  
communione, aquæ & palma bene-  
dicta & alia, sigillatim illa describen-  
do in inventario perquisitionis confi-  
ciendo; nec sint faciles Judices ad fir-  
miter credendum aliqua reperta, pro-  
ut oleum in vasculis, pinguedinem,  
pulveres & similia esse aptata ad ma-  
leficium, sed faciant illa considerare  
à peritis ad effectum ut dignoscatur  
an deservire possint ad alium finem  
quàm maleficii.

5. Multoties evenit quod fami-  
liares prætensū maleficiati, credentes  
maleficium, perquirunt intus anaclin-  
terium cervical & pulvillos lecti  
ipsius infirmi, & quum inveniant in-  
volucra quæ videntur ad maleficium  
aptata, illa deferunt ad Judicem, qui  
super hoc maximum facit fundamen-  
tum ad effectum probandi maleficium  
& in hoc multum debet esse vigilans  
& circumspectus Judex, facile enim  
evenire potest ut talia à familiaribus  
infirmi supposita fuerint ut facilius  
Judex inducatur ad credendum ma-  
leficium & ad procedendum contra  
aliquam personam.



6. Præterea Judex benè advertere debet qualitatem repertorum in hujusmodi lectis, quùm enim anacinteria & alia præfata conficiantur ex pluma aut lana, & quotidie intermisceantur & iuvolvantur dum lectus prosternitur, facile evenire potest ut spatio alicujus temporis fiant quædam involucra quæ videantur præ se ferre suspicionem maleficii, & tamen naturaliter contingere possunt; ultra quod in actu hujusmodi confectiois anacinteriorum & aliorum prædictorum, ex incuria Magistri illa fabricantis aliqua intermisceri potuerunt ex quibus hujusmodi involucra ex se confecta fuerunt.

7. Et ideo si perquirerentur singulorum lecti, præcipuè ex pluma confecti de facili in aliquibus similia involucra reperirentur, nec etiam est mirum quod in hujusmodi lectis quandoque reperiantur acus; nam ubi sunt mulieres, acus ubique abundant, & facile est quod per accidens, spatio alicujus temporis multæ acus in prædictis mobilibus introducantur.

8. Neque forsan abs re est considerare Dæmonem aliquando talia

S ; sup-

ponere potuisse, absque participatione & assensu alicujus, ut inde credatur maleficium commissum, & sic aliqua persona indebitè damnum patiatur; quemadmodum videmus in actu exorcismi nonnullorum obsessorum, qui videntur evomere acus, clavos & diversa involucra, quæ tamen impossibile est obsessos in corpore habere, prout non habent, sed Dæmon in illo actu talia supponit in os obsessi, ut credatur forte obsessum esse maleficiatum, & aliquis inde molestetur, ex quibus patet quam circumspectus esse debeat Judex circa hujusmodi reperta, quum de facili vel potuerint supponi, vel esse naturalia, vel factâ operâ Dæmonis sive alicujus ministerio.

9. Consueverunt, parum quidem prudenter, multi exorcistæ, juxta non bonam, quoad hoc, theoricam flagelli Dæmonum, interrogare Dæmonem in exorcismis, quomodo ingressus fuerit corpus obsessi; an ex maleficio? & quis hujusmodi maleficium commiserit; unde Dæmon pater mendacii & inimicus quietis humanæ sæpe respondet se ingressum esse corpus obsessi ex maleficio facto à tali persona, in tali cibo, sive potu, & ut

& ut Dæmon magis certum reddat exorcismum & alios de hac re, supponit evomenda ab obseſſo quædam ſimilia & rei in qua dixit maleficium factum fuiſſe, & alia pleraque, ut ſupra dictum eſt.

10. Hinc diverſis vicibus obſervatum fuit aliquos Judices formare proceſſus contra præfatos maleficos nominatos à Dæmone, ut ſupra, tanquam ſi ex dicto Dæmonis probentur præmiſſa; unde ſuper hujusmodi proceſſus nulla vis facta fuit à ſacra congregatione; imò ſemper repræhenſi fuere Exorciſtæ Dæmonem ut ſupra interrogantes & Judices qui ſuper Dæmonis reſponſione proceſſum formarunt.

11. Aliqui Judices opinantur, & perperam quidem, quod eo ipſo quod aliquis reperitur obſeſſus, id ex maleficio provenerit, & ex hoc ſolo injuſtè formant proceſſus contra perſonas aliquo modo obſeſſis inſenſas, vel aliunde indicatas. Hoc eſt maxime abſurdum; cui enim dubium eſt quod ſine maleficio ex permiſſione poteſt Dæmon vexare corpus alicujus? Caveant itaque omnino Judices ne ex ſola obſeſſione Dæmonis conficiant



processus super maleficio; imò etiam sint cauti ne decipiantur ab aliquibus qui in præmissis imposturam committunt, & diversimodè se obsessos esse simulant, sæpe etiam hujusmodi impostores reperiuntur.

12. Non sint faciles Judices ad faciendam magnam vim contra aliquem personam ut strygem & maleficam ex indicio famæ; quamvis enim alias famæ indicium sit magni momenti; attamen in ista materia ob odium commune quod habetur in stryges, contra quas omnes unanimiter clamant, facillime insurgit hujusmodi fama contra aliquam mulierem; præcipue quando est vetula & turpis formæ; unde vel modicum fundamentum super tali fama fiat, vel saltem diligens Judex interroget testes, à quanto tempore ortum habuerit & à quibus & à qua occasione? Hinc enim forsan sæpe ex processu apparebit famam esse indicium modici momenti.

13. Ulteriùs advertendum est, quemadmodum mulierum genus est maximè superstitiosum, & fortilegiis, præcipuè amatoriiis deditum; non tamen sequi, quod si aliqua mulier

lier sortilegia & incantationes vel ad sananda maleficia, vel ad cogendam voluntatem hominum, vel ad alium quemcunque finem fecerit, ergo est stryx formalis; potest enim esse sortilegium sine apostasia formali ad Dæmonem, licet non careat suspitione apostasiæ vel levi vel vehementi, juxta qualitatem sortilegiorum annotatam in c. accusatus. §. sanè. de hæretic. in 6. & ideò bonus Judex, dum format processum contra aliquam mulierem confessam vel convictam de hujusmodi sortilegiis, non sit facilis ad concipiendum in animo suo, quod sit apostata formalis ad Dæmonem, licet hoc esse possit, sed quando deveniet ad torturam contra hanc mulierem, illam in genere interroget, an habuerit aliquod pactum cum Dæmone, juxta ea quæ inferius dicentur circa modum torquendi; & ad hoc maximè advertere debent Judices, quia multi in hoc decipiuntur, falsò putantes quod hujusmodi sortilegia fieri non possint sine apostasia formali ad Dæmonem; & hinc oriuntur maxima præjudicia mulieribus inquisitis de hujusmodi sortilegiis; Judices enim minùs periti, vel alias nimis fa-

ciles, ob lectionem aliquorum librorum de sortilegiis & stry gibus tractantium, falso præsupposito decepti, nullam vim relinquunt etiam indebitam pro extorquenda confessione mulierum, quæ sæpissimè, ob diversos malos & illicitos modos habitos, tandem inducuntur ad fatendum ea quæ nunquam cogitarunt.

14. Ut autem hujusmodi mali evitentur, ad infra scripta attendant diligenter justi Judices.

15. In primis, quatenus fieri poterit, non permittant mulierem carceratam ob maleficium aut sortilegium, quempiam alloqui; & si plus repellantur mulieres carceratæ in materia præmissa, non permittant simul alloqui, sed retineantur in carceribus separatis, quia sæpe multæ consueverunt falsum fateri contra seipsas in materia apostasiæ, putantes hac via citius à carceribus eximi.

16. Nullo modo curent neque permittant Judices, quod custos carceris aut quisquis alius ille sit, mulieribus sic carceratis suadeat quid fateri debeant cum examinatæ fuerint; multoties enim compertum est, quod mulieres hujusmodi suavoribus impulsæ,



pulsæ, aut etiam spe impunitatis promissæ, quæ tamen eis nunquam promitti debet, falsæ fuerint id quod nec etiam somniarunt.

17. Judices nunquam alloquantur hujusmodi mulieres carceratas circa merita causæ, nisi judicialiter eas examinando.

18. Nullas suggestiones in illis interrogandis omninò faciant; sed ab initio interrogentur, an sciant vel præsumant causam examinis seu carcerationis; deinde de inimicis & de causis inimicitiarum, postea possunt interrogari de cursu vitæ suæ, de frequentatione sacramentorum, quis fuerit earum Confessarius, & de aliis similibus, ex quibus detegi possit bona vel mala earum vita & conditio. Deinde in genere possunt interrogari an sciant aliquod sortilegium & ad quem effectum, & an unquam hujusmodi aut aliud sortilegium executioni demandaverint; & si negaverint, possunt fieri alia interrogatoria in genere, paulatim objiciendo quod deponitur in processu, eas scire vel commississe tale & tale sortilegium; & tandem, si omnia negent, possunt eis in diversis interrogatoriis paulatim

tim objici quæ in processu contra illas habentur, circumscriptis tamen nominibus & cognominibus testium & circumstantiis ex quibus ad notitiam devenire possit qui sint testes; & tandem completo processu informativo, si adhuc persistant in negativa, erunt repetendi testes processus offensivi; quæ repetitio, ut validè & legaliter fiat, formandi priùs sunt articuli pro parte fisci super capitibus quæ pro fisco prætenduntur, & copia dictorum articulorum danda iplis inquisitis, assignando eis Advocatum & Procuratorem idoneum, etiam ex officio, quatenus inquisitæ, vel ob paupertatem aut alia de causa illos non habeant, eisdemque tempus congruum detur ad dandum interrogatoria, quo elapso, fiat repetitio. Facta repetitione, detur eisdem terminus ad faciendas defensiones, deturque copia processus; & factis defensionibus seu lapso termino ad illas faciendas, Judices convocent Congregationem Consultorum peritorum, in qua per extensum processus legatur, suppressis nominibus & cognominibus testium, & circumstantiis; & si de modo expeditionis causæ non sint concordēs,

cordes, aut causa sit gravis, vel ratione delicti, vel ratione personæ, non deveniatur ad torturam, nisi consulta sacra Congregatione, ad quam mitti debeat copia integri processus tam offensivi quàm defensivi; & quando videretur Judicibus, cum voto suæ Congregationis, sine difficultate ad torturam deveniri posse, quia indicia essent urgentia, advertatur ne in ipsa tortura interrogentur inquisitæ de delicto in specie quod prætenditur, sed tantum antequam deveniatur ad decretum torturæ, objiciantur eis iterum indicia quæ in processu habentur, & postea in actu torturæ, interrogentur tantum ut dicant veritatem de iis super quibus fuerint interrogatæ, & si fateri cœperint, non suggeratur eis aliquid sed tantum recipiantur & scribantur verba præcisa earum confessionis, interrogando postea in genere super ulteriori veritate.

19. Advertatur ne tortura detur cum squassis aut cum aliquo pondere sive baculo ad pedes, sed sit simplex tortura alterius generis tormentorum, quatenus tormento funis torqueri non possint.

20. Non sint faciles Judices ad  
repe-



repetitionem torturæ, nisi causa sit gravissima, quo casu, jam erit consulenda sacra Congregatio ut dictum est.

21. Nullo modo abradantur aliqui pili aut capilli ipsarum mulierum, nec vim faciant Judices contra inquisitas in quodam judicio ab aliquibus Doctoribus considerato, videlicet, quando fortasse hujusmodi mulieres, maximè in tortura, non emittunt lacrymas.

22. Tortura nunquam excedat tempus unius horæ, nec de facili per horam tortura inferatur, nisi stante gravitate causæ & urgentibus indiciis simul, & in fine examinis annotetur tempus quo in tormento manserant.

23. Maximè est advertendum, quod in eventum in quem hujusmodi mulieres apostatæ ad Dæmonem & accessum ad ludos diabolicos faterentur, quo casu corpus delicti aliunde probari non potest quàm per propriam confessionem, curandum est, sine nimia suggestionem, ut hujusmodi mulieres totam seriem facti à semetipsis recenseant, & quomodo ab initio ad id inductæ fuerint, de tem-

tempore & aliis circumstantiis; nam hoc modo videri poterit an confessio hujusmodi apostasiæ & accessus ad ludos verisimilis sit, necne; & casu quo fateantur aliqua particularia sive circumstantias quæ sint verificabilia, omnino Judices diligentias faciant pro iis verificandis, quia sic magis verisimiles reddentur confessiones circa Apostasiam & accessus ad ludos; aliàs si tales circumstantiæ adductæ falsæ comperirentur, dubitari posset de veritate hujusmodi confessionis, forsan sequutæ vel torturâ *qua est remedium fallax*, vel suggestionem alicujus, vel tædio carceris, vel quia sic crederent facilius ipsis indulgendum esse, prout aliquando compertum est diversis istis respectibus mulieres falsò fassas esse apostasiam & accessus ad ludos præfatos; & ut faciliùs Judices possint se abstinere à quacunque suggestionem, quando mulieres incipiunt fateri talem apostasiam forsan melius esset ut tunc obliviscerentur eorum quæ dicunt Doctores in ista materia; quia sæpe visum est quod Judices in ordine ad ea quæ perlegerunt penes Doctores, multa præjudicia faciunt his mulieribus.

24. Et quatenus tales mulieres faterentur apostasiam & accessus ad ludos, & nominent complices in huiusmodi ludis, *nullo modo procedatur contra huiusmodi complices, quia cum talis accessus plerumq; per illusionem contingere possit, iustitia non postulat, quod contra complices cognitae & visas per illusionem procedatur.*

25. Omnino Iudices scribere faciant in processu interrogatorio omnia per extensum ab ipsis Iudicibus facta, ut ex lectura processus appareat qualia illa fuerint, & an adsint suggestiones; cum maximo enim abusu & præiudicio consueverunt aliqui Iudices facere, ad opportunam interrogationem, respondit seu alias respondit.

26. Multi Iudices deveniunt ad formandum processum, nec colligitur ex processu quale fuerit primum indicium & unde provenerit, sed processus sic incipiunt. Cum ad aures pervenerit, seu alias præcedente fama publica &c. Caveant igitur Iudices ab isto errore, & semper examinent in principio processus personam seu personas, quæ ad aures primò aliquid dixerunt, vel quomodo talis fama

ma



ma ad ejus notitiam pervenerit, & cuncta seriatim in processum redigant; ita ut nihil omninò omittatur.

27. Plerumque contingere potest quod infantes decedant ex suffocatione in lectis pauperum matrum & nutricum, & ob id prohibetur matribus & nutricibus, ne in earum lectis, sed in cunabulis separatis infantes retineant. Ideo prudentes Judices benè advertant, quia sequuta aliqua simili suffocatione, ne illa detegatur, matres sive nutrices propalant infantes occisos à strygibus.

28. In hujusmodi causis & processibus formandis omnino serventur taxæ aliàs transmissæ, de mandato sacre congregationis, & quando mulieres sunt pauperes caveant Judices ab earum bonorum expilatione.

Romæ ex Typographia Rever.

Camerae Apostolicæ

Ann. MDC LVII.

Transumptum fideliter & ad verbum, ex Diplomate Romæ typis exarato & transmissio Vesontium ad R. P. Inquisit. Bisantinum, quarta Septembris 1660.

F I N I S.

T PARA-



PARADOXON  
DE  
TORTVRA IN  
CHRISTIANA REPV-  
BLICA NON EXER-  
CENDA,

exercitii Academici gratia,  
antehac propositum

à

JACOBO SCHALLERO;

SS. Th. D. & Phil. Pract. Prof. P.

Argent.





PARADOXON

DE

QVAESTIONE PER  
TORMENTA IN CHRIS-  
TIANA REPUBLICA  
NON EXERCENDA.

**A** Liter ſcti jus tractant, aliter Phi-  
loſophi, inquit Cicero 3. Offic.  
illi, quatenus tenere manu res poſ-  
ſunt: Philoſophi, quatenus ratione & in-  
telligentiâ. Philoſophus ergo, ubi ra-  
tiones non invenit, ſuspendit judi-  
cium, aut diſputando in utramque  
partem veritatem, quæ omnium di-  
ſputationum finis eſſe debet, investi-  
gat. Occurrunt autem NEGATI-  
VAM in partem rationes non con-  
temnendæ.

ſ. I.

**A** SILENTIO SS. LITERARVM.  
Reſpublica Hebræorum ſatis fe-  
liciter adminiſtrata fuit à Moſe, Joſua,  
Samuële aliifque piis judicibus: ſic  
& à Davide, Salomone, Joſaphato,  
Hiſkia, &c. & tamen ne veſtigium  
quidem invenimus, fontes per Tortu-  
ram quæſitos. Fuerat quoque Popu-  
lus

*lus dura cervicis. Deut. 31, 27. & vix hodie tanta perpetrantur scelera, quanta apud Prophetas leguntur. Ad ista tamen eruenda nulla fuit adhibita tortura: neque ullum deliquium passa est justitia. Deus ipse, à quo omne judicium & justitia in terris, Politiam Judaicam propria sapientia constituit, fuit Legislator, scelerum vindex acerrimus & indagator prudentissimus, nihil de tortura sancivit. Nisi ergò crassæ alicujus ignorantiae aut oblivionis Deum insimulare velimus, ad minimum statuemus, torturam non esse necessariam. In N. T. & primitivâ Ecclesiâ itidem altum silentium. Imò Scriptura videtur improbare Joh. 19, 4. Pilatus Christum flagellandum curavit; deinde foras adducens dicit; *Vide, adduco eum vobis foras, quod nullam in eo causam invenio.* Quæ verba non incommodè sic intelligi possunt. Adduco eum foras, & ne quidem per flagellationem, acre illud per torturam (species enim fuit Veteribus, ut mox patebit ex Act. 22, 24.) examen ullius criminis capitalis confessionem ab eo extorquere potui. At quis Christianus Pilati processum libenter imitaretur? Peccavit Pilatus extra contro-*

ver-



versiam Christum flagellando; vix autem peccasset, si quæstio per tormenta licita fuisset. Dices: Non debuisset ad torturam procedere Pilatus. Resp. At totius populi vox & fama communis est secundum quosdam sufficiens indicium ad torturam: *est testimonium* apud Cic. Topp. cap. 5. Clarius exemplum occurrit in Paulo. Act. 22, 24. *Jussit Tribunus Paulum duci in castra, edicto, ut in eum flagris inquireretur*: ἵνα ἴσθῃς, δι' ὧν αἰτίαν ἕτως ἐπεφώνον αὐτῷ, *ut resciret, propter quod crimen sic clamarent adversus eum.* At Paulus v. 25. protestatur, partim quod sit Romanus, partim quod non liceat μαρτυρεῖν ἀκατάχετον, *indemnatum flagellare.* Frustra autem protestaretur, si jure licuisset ante dictam sententiam suspectos per torturam quærere. patet quoque fuisse quidem apud Gentiles Romanos torquendi consuetudinem; sed hanc, ut juri meliori obviantem, ab Apostolo Paulo correctam & si ante sententiam exerceatur, repudiata. Quid, quod & alterum, se scilicet civem Romanum esse, nobis præbeat argumentum. Si enim Respub. Romana stare potuit, & supplicium capitis sumere de civibus suis, torturâ

non adhibitâ; cur non & in aliis casibus? Zepperus de LL. Mosaicis. l. 5. c. 10. in hæc verba erumpit. *Omnes in Imperio Romano Germanico Cives nunc Romani sumus; adeoq; eodem adhuc gaudent privilegio & jure incarcerati, & de crimine aliquo suspecti redditi.* Frustra autem hæc intelliges sine profanarum literarum adjumentis. Livius l. 10. meminit legis Porciæ: *Porcia Lex sola pro tergo civium lata videtur, quod gravi pœna, si quis verberasset necassetve civem Romanum, sanxit. Valeria Lex, cum eum, qui provocasset, virgis cadi securiq; necari vetuisset.* Cæsar in Consultatione de Conjuratis apud Salust. Catilin. *Quamobrem in sententiam non addidisti, uti prius verberibus in eos animadverteretur? An quia Lex Porcia vetat?* Ipse Salust. Orat. in Ciceronem Ciceroni graviter objicit, quod cives Romanos Catilinæ socios indicta causa contra legem Porciam necasset. *Cum omnia judicia, inquit, omnes Leges in tua libidine erant: cum tu sublata lege Porcia, erepta libertate omnium nostrum, vitæ necisque potestatem ad te unum revocaveras.* Ipse Cicero pro Rabirio perduellionis reo, *Porcia Lex virgas ab omnium civium Romanorum corpore amovit.* Plinius l. 7. c. 43. de L. Corn.

Corn. Balbo accusato refert, quod falsò civitatem Romanam usurparet, cum peregrinus esset : ideóque *de jure virgarum*, quod in peregrinum, non civem erat, *in consilium missum*. Festus refert, illam legem Catonem *pro scapulis appellasse*. Pro *scapulis*, inquit, *cum dicit Cato, significat pro injuria verberum*. Nam complures leges erant in Cives rogatæ, quibus sanciebatur pœna verberum. Quæ ineptissimus in his literis Paulus Diaconus addit, non est, quod attendamus. Cicero Orat. IV. Catilinaria, etiam *Legis Semproniæ* mentionem facit de Civibus Romanis constitutæ, scil. ne quis Civis Romanus, injussu Populi, multaretur. Optimè tamen & clarissimè illa intelligi possunt ex Cicero-  
nis Accusat. V. in Verrem. Inter alia capita accusationis erat, quod multos Cives Romanos virgis cæciderit, in eosque talia supplicia expromserit, quæ in convictos maleficii servos constituta sunt. *Non potes hoc negare, inquit, in foro Lilybæi, maximo conventu, C. Servilium Civem Romanum &c. ante tribunal, ante pedes tuos ad terram virgis & verberibus abjectum*. Retinenda enim putarunt Romani jura libertatis, non tantum Romæ, ubi Tribuni plebis, ubi cæteri Magistratus, ubi forum



plenum judiciorum, ubi Senatus  
 Autoritas, ubi existimatio Populi  
 Romani: sed &, ubicunque terra-  
 rum & gentium violatum jus Civium  
 Romanorum, statuerunt, id pertine-  
 re ad communem causam libertatis  
 & dignitatis. In seqq. refert Gavii  
 supplicium. *Repente Verres Gavium, in-*  
*quit, proripi, atq; in foro medio nudari, ac*  
*deligari & virgas expediri jubet. Clama-*  
*bat ille miser, se Civem esse Romanum, &c.*  
*deinde jubet undiq; hominem proripi, vehe-*  
*mentissimèq; verberari. Cadebatur virgis*  
*in medio foro Messana Civis Romanus, cum*  
*interea nullus gemitus, nulla vox alia istius*  
*miseri, inter dolorem crepitumq; plagarum*  
*audiebatur, nisi hac: CIVIS ROMANVS*  
*SVM &c. O nomen dulce libertatis! O jus*  
*eximium nostræ civitatis! O Lex Porcia,*  
*legesque Sempronia &c. apud Ciceron.*  
*l. 10. Ep. 32. Asinius Pollio describit*  
*Fadii supplicium, qui frustra clama-*  
*bat: CIVIS ROMANVS SVM. At-*  
*que hoc civibus Romanis datum erat*  
*privilegium; qui cives non erant, im-*  
*munes non erant. Sicuti Marcellus*  
*Consul colonis, quos Cæsar Novum Comum*  
*in Galliam deduxerat, civitatem ademit, &*  
*unum illius Coloniae Decurionem, qui Ro-*  
*manam venerat, virgis cecidit: addens, hanc*  
*se ei inurere notam, quod Civis Romanus*  
 non

*non esset. Plutarch. in Caesar. Interim tamen, si capitaliter à Populo, Senatu aut Principe damnati erant, virgis antè cædebantur, vel flagellationem subibant, tanquam civitatem hoc modo amittentes, qui illam habebant, & ingenuitatem ac libertatem. Ita Nero cum hostis à Senatu judicatus erat, & ut puniatur more majorum, interrogavit, quale id genus esset pœnæ, responsum est: nudi hominis cervicem furca inferi, corpus virgis ad necem cadi. Sueton. in Neron. c. 49. Galba quoque Tutorem, quod pupillum, cui substitutus hæres erat, veneno necasset, cruce affecit: implorantiq; leges & Civem Romanum testificanti, &c. multò præter cæteras altiore statui crucem jussit. Id. in Galba. c. 9. Extra hunc casum, Civis Romanus verberibus cadi vel strangulari non poterat; neq; fas erat in eum animadverti, injussu Populi, ut pluribus probat Brissou. l. 1. select. ex jure Civil. antiq. c. 13. Atque hoc est, quod Paulus dicit, se civem Romanum & indemnatum flagellari.*

Dices: Indemnatus ideò tantùm dicitur, non quod torturæ non sint licitæ; sed tantùm, quia Tribunus egit contra jus commune & ordinem judicio-

ciorum. *Judicia enim criminalia non debent incipere à quæstionibus & Tormentis, ut docent Juri, sed tum demum, si de facto constet & maleficium sit certum.* Tribunus autem propter inconditum clamorem & tumultum factum nondum cognovit. Resp. 1. At dantur casus, ubi ad torturam procedunt, licet de facto certò non constet. E.g. in Latronibus, si cadavera peremtorum abscondunt aut in flumen projiciunt. sic crimen furti, crimen adulterii est aliquando difficillimæ probationis, ideoque sæpè, si de facto constet saltem per conjecturas & præsumptiones, puta per famam, ad torturam procedit judex. Idque etiam cautum videtur in ordinatione Criminali Caroli V. Imp. art. 6. Erat autem h.l. fama & vox publica cum tumultu; ubi non videtur hic Tribunus planè contra ordinem juris egisse. 2. Vox ἀκατάκριτος non tantum significat nullam facti certitudinem, sed plus, & præsupponit, judicalem sententiam nullam præcessisse. Ut enim vox κατὰ κρίνω, *condemno*, præcipuè in negotio forensi, ut h.l. includit aliquam per sententiam condemnationem: ita & ἀκατάκριτος est, in quem nulla lata est sententia.

Mu-



Mulier Joh. 8, 11. in adulterio deprehensa factum negare non poterat, neque tamen condemnatur à Christo. Christus noluit sententiam mortis in illam pronunciare, ut lapidaretur. Paulus ergò ἀκατάχετος iniquum iudicavit virgis cædi & torqueri ante sententiam.

Objiciunt quidam Num. 5, 13. de potione amara exploratoria adulterij. Resp. Forsitan sibi imaginantur, *achemenidem aliquam radicem, quæ in vino pota, per cruciatu noxiis confessionem expressit*, ap. Plin. lib. 24. c. 17. 58. noctu per varias Numinum imaginationes. Ista potio nullam habebat convenientiam cum tortura civili. Nam 1. foemina suspecta non ducebatur ad iudicem secularem vel ad forum civile, sed in templum ad forum Ecclesiasticum & ad Sacerdotem. 2. nec *modus* probationis erat civilis. Aqua enim physica sua virtute uterum non scindebat. sed *miraculosus*, quem hodie imitari sine tentatione Dei non possemus. sicuti etiam ista probatio *castratis per ferrum candens aut duellum* rectè ab Ecclesiâ sublata est. 3. Erat tantum in uno genere delicti sc. adulterii non in omnibus. 4. Nec erat per modum quæstionis, sed pœnæ,

næ, qua statim ejusmodi mulier moriebatur. Sicut ergo Deus propter *σκληροκαρδιαν* Judæis concessit libellum repudii: ita & Zelotypia laborantibus subvenire voluit, non ex tribunali, sed miraculo extraordinario.

Ulterius objiciunt: Quamvis in V.T. non usitatae fuerint torturæ, alia tamen ferè consimilia media usurpabantur, & *sortes* in dubiis & occultis maleficiis, quorum autores ignorabantur, adhiberi solitas scimus. *Josua* 7, 14. *1. Samuel* 14, 3. *Jona* 1, 7. Resp. 1. Posito, sed non concessio; Interim illæ sortes non tantos in se continebant cruciatus corporis, ipsa pœna graviores, i. e. certas pœnas pro incerto adhuc scelere. 2. Pertinent hæc ad sortes *divinatorias*, quas in usu fuisse non statim ex h. l. probatur. Etiam si quoque probaretur, licitas tamen fuisse, nusquam apparet, nisi accesserit *Dei speciale mandatum* & certa sic promissio, Deum sortem directurum. Huc referimus 1. exemplum Achan *Josua* 7, 14. ubi Deus mandavit sortem, & hoc ipso promissit, se ita directurum, ut in eum verè cadat, qui quæritur. Neque tamen Josua sorte ista divinitus delinquentem monstrante conten-

tentus erat, sed insuper x. 16. propriam à reo postulavit confessionem. 2. In Saulis facto circa eruendam transgressionem Jonathæ. 1. Sam. 14, 38. Chrysost. sanè hom. 14. ad populum, pucat, sortes divinatorias illicitas fuisse, Dæmonemque instigasse Saulem, ut peccato peccatum adderet, ac juramentum malè conceptum pejus impleret parricidio Jonathæ. Neque multum ab hac sententia recedunt Veteres Theologi, *Osiander* in Paraph. *Josue exemplum*, qui sorte peccatum Achæan inquisivit, imitatur externè, sed non eadem pietate. Sunt enim hypocritæ sanctorum hominum simiæ. Non igitur vult hoc exemplum cum facto Josuæ comparari. Ad preces ad Deum præmissas & eventum respondet *Brentius* hom. 47. p. 533. in h. l. *Oratio sonus est sine mente, & oris est locutio, non fidei precatio. Quid enim mirum, si hypocritæ in piorum schola diu versatus, piorum etiam verba & orationes addiscat. Sed inquis, si hæc oratio sine fide est, qui fit, quod Dominus eam audiat? &c. Fecit Dominus, quod rectum erat, & effecit, ut Jonathas deprehenderetur, non quia Saul precatus est, sed quia alioqui, etiamsi nemo precetur, judicium sortis à Deo proficiscitur, Id quod perspicuè indi-*



cat fors illa à nautis apud Prophetam Jonam missa, illic enim clamant quidem nautæ, sed ad Deos suos factitios, & nemo inter eos erat, præter Jonam, qui verum Deum coleret, &c. nihilominus tamen fors missa cecidit super Jonam. Nautarum fors erat divinatoria, secundum plurimos Interpp. illicita: quod si Saulis Sors cum hac conveniat, nihil impediet, quò minus hanc quoque divinatoriam & illicitam dicamus; non obstante, quod Deus hanc quoque sortem direxerit ad bonum. Nam & Nebucadnezaris Dæmoniacam sortem *Ezech.* 21, 21. direxit ita, ut Jerusalem puniretur. Etiam si quoque omnia concederentur, tamen nil facerent ad rem. 1. Quia istæ sortes jactæ vel tractæ fuerunt peculiari vel mandato vel instinctu divino. At in Judiciis ordinariis Hebræorum tale mandatum non habuerunt, ut extraordinarias inquirendi vias tentarent. 2. Quia nullus erat reus etiam præsumtus; effectus offensionis divinæ sc. & silentii apparebat, delinquens planè ignorabatur, neque humana industria investigari poterat: at in torquendo jam præsupponitur reus ad minimum. 3. Immediatè Deus offende-

deba-

debatur, non proximus. 4. In periculo bonum publicum concernente, non privatum unius vel alterius. 5. Extrajudicialiter in bello, non in ordinario fori processu. Nam humana & ordinaria Hebræorum judicia, uti non erant ordinata ad occulta judicanda, quæ Deus suo judicio reservavit; ita etiam non habebant vel mandatum tentandi miraculosas inquirendi vias, neque promissum alicujus miraculosæ manifestationis aut effectus. Hæc enim sortium communem rationem excedunt. Unde nulli legimus, judicibus Hebræis fortes vel mandatas vel promissas, nisi fortè *divisorias*. 3. Nautarum fors apud Jonam c. 1, 7. erat *divinatoria*, superstitiosa, illicita. Deus tamen illam, licet malam, ita direxit, ut Jonas reus deprehenderetur, culpam agnosceret, & ad Deum rediret. Simili modo direxit omen superstitiosum Philistæorum 1. Samuel. 6, 9. Si, inquiunt, vacca arcam Domini vehentes ascendunt contra Bethsames; Deus Hebræorum hanc morborum plagam nobis inflixit. Hieron. in h. l. Jonæ. Fugitivus sorte deprehenditur non viribus sortium, & maxime sortibus Ethnæcorum, sed voluntate ejus, qui sortes regebat

*incertas.* Non igitur credibile est, Judices Hebræos in suis judiciis sortibus usos ad scelera occulta eruenda. Quam ob causam etiam *sortilegia* pro furtis inveniendis, in Jure Canonico severè prohibentur, & clerico transgredienti pœnitentia imponitur. *c. in talibus. X. de Sortilegiis.* Ratio peti posset *ex c. fontes. 7. caus. 26. q. 5.* Sortes, quibus cuncta vos in vestris discriminatis judiciis (quod Patres damnaverunt) nihil aliud, quàm divinationes & maleficia esse decernimus. Quamobrem volumus illas omnino damnari, & inter Christianos ultra nolumus nominari, & ne exerceantur, sub anathematis interdicto prohibemus. Deut. 18, 10. omnes hæ arjolandi & augurandi artes, in quibus etiam Sortilegia continentur, cum *res furto ablata vel similia*, verba sunt Osiandri super hunc locum, indicantur, prohibentur & omnibus interdicuntur. Abominationes gentium vocat Deus; apud quas sc. legimus *Sortes Lycias, Delias, Prænestinas, Antiatinas, &c.* Parùm etiam ab ejusmodi differunt sortibus, *ferrum candens vel aqua fervens*, quæ in judiciis abesse debere, eleganti ratione ostendit Stephanus Papa 2. quæst. 4. c. consulisti. 20. in medio, *Ferri candentis vel aqua ferven-*



is examinatione confessionem extorqueri à quolibet sacri non censent canones: & quod Sanctorum Patrum documento sancitum non est, superstitiosâ ad inventionem non est præsumendum. Spontaneâ enim confessione vel testium approbatione publicata delicta, habito præ oculis Dei timore commissa sunt regimini nostro judicare. Occulta verò & incognita illi sunt relinquenda, qui solus norit corda filiorum hominum. Atque hæ rationes sine dubio etiam apud Hebræos validæ fuerunt: neque præsumendum, Judices ad occulta eruenda sortibus usos, quibus temeritas & casus, non ratio aut consilium, ut loquitur Cic. 2. de divinatione, inest.

Aliter excipit Keckermannus, *disp. 32. curs. Phil. q. 4.* In vetusta illa Judaica Repub. simplicitas & ingenuitas major erat, utpote in qua homines unius naturæ ac gentis, uniusque religionis conformiter vivebant, atque adeò in ea minor rerum confusio erat. Indeque instituta populi illius non adeò accommodata sunt ad Respubl. temporum horum, quibus & malitia & in omne scelus decuplo major libido, & ubi in una, non dico Regione, sed oppido, vico & pago cohabitant homines gentium diversissimarum, at-

que aded etiam ingeniorum & morum: Ita ut omnino justitiæ administrandæ in tanta confusione longè difficilior ratio sit. Resp. I. An major hodiè malitia sit, quàm Judæorum tempore, meritò dubitare possumus, si conciones & querelas Prophetarum expendamus. Sedebat Populus Judaicus inter varias gentes, habebat ex illis servos & ancillas, mercimonia cum illis exercebat; hinc factum, ut vitia omnium vicinarum gentium paulatim attraxerit. Quoties enim legitur ambulasse secundum *viam gentium*, juxta *abominationes gentium*. hinc *Sodomitis tolerabiliore* assignat pœnas Salvator *Matth. 11, 24. & Jerem. 23, 14.* omnes comparat *Sodome incolis*; imò peccata Judæorum *majora* dicit, quàm *Sodomorum* *Thren. 4, 6.* Clarissimus quoque locus extat *Ezech. 16, 48. seqq.* ubi Deus *Sodome & Samaria* peccata *leviora* pronunciat, quàm Judæorum. 2. Judæi fuerunt unius naturæ & gentis homines vix aliter, quàm ut Tacitus Germanos, *in Germ. c. 2. n. 1.* credit indigenas, minimæque aliarum gentium adventibus & hospitibus mixtos. Ut autem diversæ in Regno sunt provinciæ genio distinctæ: ita apud eos

eos erant Tribus, quæ dialecto, ut Ephraimitæ *Jud.* 12, 6. differebant, ceu hodie superioris & inferioris Germaniæ incolæ. quin etiam genio & naturâ, quantum ex benedictione Jacobi *Gen.* 49. aliisque Populi Israëliti descriptionibus colligere est. Religione quoque, post Salomonis tempora, discrepabant, & quamvis Hierosolymæ externus cultus fuerit retentus: tamen populus ad Idololatriam pronus peculiaria sibi faciebat sacra. *secundum numerum civitatum Dñi tui &c.* *Jerem.* 11, 13.

§. 2. AB EXEMPLIS ALIARVM RERVMP. In regno Arragoniæ torturam ignotam esse, Gomeſius testatur *tom.* 3. *resolut.* c. 13. à princ. ut & in Regno Angliæ. *Thom. Schmich.* l. 2. de *Rep. Angl.* c. 27. Equaleo aliquem torquendum subicere, ut inter confessionem crimen elicias, præter morem gentis Anglicana est, & servile aliquid sapit. Nam qua in re Reipub. unquam inserviverit, qui membra sic protensa atq; ultra justam mensuræ longitudinem producta habuerit? nam si insontem esse contingat, quæ par esse potest compensatio, ut illi de injuria satisfiat? si mori oporteat, quod genus feritatis est, ipsum prius excar-



nificare. Etenim expressa per tormenta confessio nihili aestimatur. Cum autem Angli hi descendant à Germanis, verisimile est, Torturam non per multa secula apud Germanos quoque esse in usu. Lud. Vives comm. in l. 19. Augustini de C. D. c. 6. *Quomodo vivunt tam multæ gentes & quidem barbaræ, ut Græci Latiniq; putant, quæ ferum & immane arbitrantur, torqueri hominem, de cujus facinore dubitatur.*

§. 3. A PRIMA ORIGINE. Quæstionem per tormenta plerumque Tyranni introduxerunt ad stabi-  
liendam dominationem, & eruendos puniendosque, quos suæ Tyrannidi imminere suspicabantur. Polyd. Virg. *Nimrothum* primum inventorem facit l. 2. de rer. invent. cap. 3. Apud *Joseph. de imperio rationis* Antiochus Epiphanes torturæ Judæos subjecit. In Romanam Civitatem ad Sextum Tarquinium Superbum, dignum scilicet Autorem, quem imitemur, respicere videtur Lud. Viv. in *August.* l. 19. de C. D. c. 6. & consentit Gotfridus Viterbiensis Chron. part. 10. *Iste sc. Tarquinius prius excogitavit carceres, & omnia genera tormentorum.* At in nece Tarquinii Prisci, ante Tarquinium  
Su-

Superbum Parricidas tormentis ad-  
motos, & insidiarum Autores prodere  
coactos fuisse, constat ex Dion. Hali-  
carnass. l. 3. in fine. Cicero in Partit.  
Orat. c. 16. *Atheniensium & Rhodiorum*  
*instituti accenser*, apud quos etiam libe-  
ri homines (id quod acerbissimum)  
civesque torquentur. At Athenien-  
sium & Rhodiorum Respubl. erant  
imperfectissimæ, pluribusque vitiis  
laborabant.

§. 4. A PROPORTIONE  
QVÆSTIONIS ET POENÆ.

Ipsa ratio dicitur, quæstionis dolo-  
rem non debere majorem esse, quàm  
dolorem poenæ ordinariæ. At longè  
gravior est tormentorum dolor, quàm  
si quis supplicio afficiatur, quod ple-  
rumque citò perficitur & stuporem  
sensuum secum trahit. Cassiodor. l. 3.  
Ep. 46. *gratius est, spem citæ mortis expete-*  
*re, quàm tormentorum crudelia sustinere:*  
*inter supremas enim anhelantis angustias,*  
*votum est potius perire, quàm vivere.* Lu-  
dov. Viv. in Augustini l. 19. de C. D.  
c. 6. *No sic torquemus homines, ne inson-*  
*tes moriantur, ut magis eorum nos misereat,*  
*quam si morerentur: usq; adeo graviora*  
*sunt sæpè tormenta, quàm mors.* Etiam si  
quoque exantlatis constanter torturæ

doloribus innocentes deprehendantur, non potest illis æquivalens fieri retributio; quippe membra omnia, artus, muscoli, nervi luxati, fracti, ut per totam reliquam vitam miserrimè vivant, ad omne genus vitæ & opificium inepti, & vita ipsa ipsis potius sit supplicium, cum mors fuisset solatium. Synesius sanè Ep. 58. *feliciores predicat, qui mortui fuerunt, quàm qui tormentis malè fuerunt liberati.* Ut ergò rectè iudex in suppliciis se non præcipitat, quia pœna dilata exigi, exacta revocari non potest Senec. 2. de Ira c. 23. Ita rectius tormenta intermittit, quia si quis innocens deprehensus sit, non patet ei ad pœnitentiam regressus. Addimus illud Quintiliani Declam. 18. *Unicum filium pater ignibus verberibusque interrogas, rogo, quid factururus, si pernegaverit? Videlicet ut laudes, deinde dimittas, ut amplectaris perusta vitalia, & laceri pectoris vulnera pietati rursus admoveas. Solus superest pudor homini, qui torfit unicum, ut torquere debuerit. Faciat necesse est, res ista te pessimum Patrem, & oderis oportet filium, CUI SATISFACERE NON POSSIS.* Dicunt quidem Patroni torturæ, reos ita torquendos, ut vel innocentia, vel supplicio salvi



*salvi sint* : sed modi isti homines torquendi vix tale quid admittunt: præcipuè si tortura aliquoties repetatur. Claudimus hoc argumentum verbis Senecæ l. 2. de benef. c. 5. *acerbissima crudelitas est, qua trahit pœnam, & misericordia genus est, citò occidere, quia tormentum ultimum finem sui secum trahit; quod antecedit tempus, maxima venturi supplicii pars est. Im-misericordiæ ergo genus est, minutis ictibus & longis torturæ cruciatibus homines dilacerare, sensum mortis præbere, non ipsam. Inter Caligulæ sævitiam refertur apud Suetonium, quod non temerè in quenquam animadver-ti passus sit, nisi crebris & minutis ictibus, perpetuo notq, præcepto: Ita feri, ut sen-riat se mori. Hieronymus tom. i. in vita Pauli Eremitæ ab init. Hostis cal-lidus tarda ad mortem supplicia conquiritens, animas cupiebat jugulare, non corpora. Et ut ipse, quia ab eo (Decio Imp.) passus est, Cyprianus ait, volentibus mori, non permit-tebatur occidi. Lucanus quoque in consuetudinem illam sævam invehitur:*

*moremq, nefandæ*

*Dirum sævitie, pereuntis parcere morti.*

## Prudentius in Laurentio Martyre :

*Perire raptim non dabo,  
 Vitam tenebo & differam,  
 Pœnis morarum jugibus,  
 Et mors inextricabilis  
 Longos dolores protrahet.*

Illi apud Petronium. *Si quid tristius par-  
 ras, celerius confice. neq̃ enim tam magnum  
 facinus admisimus, ut debeamus torti peri-  
 re.* Sensere, sc. hi, Cruciatu, quibus  
 fontes exercentur, ipsa morte acer-  
 biores esse, & speciem crudelitatis  
 ostendere. Inter *alia Crimina Verri*  
*objecta Cicero Verr. 5. & hoc habet,*  
*quod liciti fuerint Parentes cum li-*  
*ctore, ut uno ictu securis afferret mortem*  
*filiis suis. Quid dabis, inquit lictor, ne*  
*diu crucietur? ne sapius feriat? ne cum*  
*sensu doloris aliquo, aut cruciatu spiritus*  
*auferatur. Etiam ob hanc causam, pecu-*  
*nia lictori dabatur. O magnum & intole-*  
*randum dolorem! O gravem acerbamque*  
*fortunam! non vitam liberorum, sed mor-*  
*tis celeritatem pretio redimere cogeantur*  
*Parentes. Atq̃ ipsi etiam adolescentes cum*  
*Sestio de eadem plaga & de uno illo ictu lo-*  
*quebantur, idq̃ postremo Parentes suos libe-*  
*ri orabant, ut, levandi cruciatu sui gra-*  
*tiâ, lictori pecunia daretur. Ex quibus*  
 ulte-

ulterius illud quoque deducimus, si species crudelitatis est, etiam meritos mortem, de quorum facinore jam constat, tam longis cruciatibus affligere; quid statuendum de torturis, ubi delictum nondum confessatum, sed per quæstionem demum inquirendum est. Neque abnuunt *Baldus & Paris de Puteo* apud *Wesenbecium* l. c. n.5. quæstionem corpus lacerare & ipsa ferè morte duriores esse, & post n.12. circ. finem torturam sæpius repetitam non minorem pœnam esse re ipsa, quàm cujuslibet pœna capitalis. Si *Tertullianum* evolva-  
mus ad Martyres, deprehendemus, Christianos Martyres non tam mortem exhorruisse, quàm tormenta. Sed mortis metus, inquit, non tantus est, quantum tormentorum. Senserunt scil. mortem tolerabiliorem esse ipsis tormentis, maluisseque mori, quàm torqueri. Idem *Cyprian.* asserit Ep.53. ad Fortunatum de iis, qui per tormenta superantur, sc. in prælio congressos & vulneratos, per imbecillitatem carnis, confessionis suæ coronam non potuisse perferre: maxime cum cupientibus mori non permitteretur occidi, sed tamdiu fessos tormenta laniarent, quamdiu non fidem, quæ invicta est, vincerent, sed carnem, quæ infirma est, fari-  
riga-



*rigarent. Simonides apud Ammian. Marcellin. l. 29. c. 9. cum causam non ex veritate, sed quasitoris nutu pensari sensisset, ultrò fassus est crimen, moriq, maluit, quàm torqueri: ita & Maximus ibidem c. 10. rem audivisse & reticuisse confessus est, ideoque capite truncatus, sensit docente periculo extremo. Quasitoris iniquitatem omnibus esse criminibus gravio-rem. Addamus Synesium Ep. 58. Horrenda ad carnificinam instrumentorum genera, quorum qui experimentum ac spectaculum morte prævenerunt, quiq, ante bello sublati sunt, ab iis, qui male liberati fuerunt, felices sunt pradicati.*

**§. 5. A DEFECTU LIBERTATIS.** Veritas siue consideretur ut *Actus Justitia*, qualis illa, quæ judicialiter deponitur, siue ut *actus veracitatis* extrajudicialiter, debet profluere ex certa scientia & libera voluntate; aliàs actus virtutis non erit. At ejusmodi veritas, quam dolor tormentorum extorquet, neque ex judicio intellectus, utpote dolore turbato, neque ex voluntate libera proficiscitur. nisi forsan gratia Dei extraordinaria accedat: sicuti Augustinus l. 13. de C. D. c. 7. constantiam Martyrum *ad abundantiam gratia divina, ad opitulationem divi-*  
*NAM,*

*nam, non ad vim propriam refert. Ut ergo iudex si non ex certa scientia iuris, sed vel ex amore aut odio procedit, etiamsi iustam pronunciet sententiam, non tamen iustè facit: ita & Veritas non pro veritate censenda, quæ dolore elicitur. Philotas apud Curtium doloribus impar Craterum compellat: DIC, QUID ME VELIS DICERE.* Ita torti tormentorum tandem finem petentes, dicunt, quæ Quæsitores dici volunt. Pertinet huc locus Ciceronis Orat. pro Sylla; *tormenta gubernat dolor, moderatur natura cuiusq, tum animi, tum corporis, regit' quæsit'or, flectit libido, corrumpit spes, infirmat metus, ut in tantis rerum angustiis nihil Veritati loci relinquatur.* Rectè prudens Mimus ait: *Etiam innocentes cogit mentiri dolor.* Repugnat etiam principiis philosophicis in doctrina de actionibus ex metu, Philosophus 3. Eth. 1. actus ex metu mixtos facit, qui non ex toto sunt spontanei, multo minus liberi & electitii: sed ex parte inviti. Hinc & actus ejusmodi ex metu gesti pro nullis habendi & rescindendi sunt. Vix autem gravior est metus aut cruciatus, quàm qui per tormenta & quæstiones corpori infertur. Notabilia

tabilis locus est caus. 15. quæst. 6. c. 1.  
*Si quandoq<sub>3</sub> à Sacerdotibus & auctoribus Ec-  
 clesie quadam scriptura quoquo modo per  
 metum aut fraudem, aut per vim extorta  
 fuerint, vel ut se liberare possint, quocunq<sub>3</sub>  
 ab eis conscripta, aut roborata sint ingenio,  
 ad nullum ejus præjudicium, aut nocumen-  
 tum valere censemus: neq<sub>3</sub> ullam eos infamiam vel calumniam aut à suis sequestra-  
 tionem bonis unquam, Deo Auctore, & san-  
 ctis Apostolis eorumq<sub>3</sub> successoribus, sustinere  
 permittimus. Confessio verò in talibus non  
 compulsa, sed spontanea fieri debet. Omnis  
 enim confessio, quæ sit ex necessitate, fides  
 non est: Confessio vero in talibus non extor-  
 queri debet, sed potius sponte profiteri. Pes-  
 simum enim est, de suspitione aut extorta  
 confessione quenquam judicare, cum magis  
 sit inspector cordis Dominus, quàm operis.  
 Non potest autem humano condemnari exa-  
 mine, quem Dominus suo reservavit judi-  
 cio, &c.*

Quamvis autem non omnis metus  
 hic intelligatur, sed talis, qui cadit in  
 constantem virum: tamen omnium  
 Canonistarum consensu metus mortis,  
 & qui continet cruciatus corporis, sunt tales,  
 qui virum constantem de statu suo di-  
 movere possunt. conf. Gloss. ibid. Mi-  
 nurius Felix circa finem, cum pueros &  
 mu-



mulierculas Christianorum cum Mutio, Aquilio, Regulo comparasset, tandem ait, folio m. 26. *Nec intelligitis ô miseri! neminem esse, qui aut sine ratione velit pœnam subire, aut tormenta sine Deo POSSIT sustinere.* Sensit tormenta ita esse comparata, ut constantiam humanam superent & non nisi divinitus inspirato robore sustineantur. Wesemb. c. l. n. ii. est ab eo inchoandum, qui timidissimus. Hunc enim facile Verum metu tormentorum dicturum. At quid si dicerem, timidissimum facile falsum metu tormentorum dicturum? Ad minimum hanc veritatem non esse actum justitiæ.

Quis enim non moveretur ad atrocem istam tragœdiam, cum intenduntur eculei, expediuntur pondera plumbea, cum fidiculis & verberibus, resultant omnia truculenta vocis horroribus, inter catenarum sonitus, tene, claude, comprime, abde, ministris officiorum tristium clamantibus, ut cum Ammian. Marcellin. l. 29. c. 6. loquar. Hæc tanta sunt, ut vel sola cogitatione animo repræsentata hominem interficere possent, ut Saliam ibid. qui cum de vinculis educitur audiendus, & calceo inserit pedem, quasi ruina incedentis immensi terroris repente percussus animam,  
inter

*inter retinentium manus, efflavit. Rectè itaque Seneca. Ep. 14. Plus agit tortor, quo plura instrumenta doloris exposuit. SPECIE enim vincuntur, qui patientia resistissent. Nec minus Quintilian. declam. 18. Omnium incertorum suspiciones pessimè semper à corporibus incipiunt, nec benè de cujusquam moribus illam partem hominis interrogas, quæ non animo sed dolore respondet, & declam. 272. ubi tantum robur animi, ubi tam firmam solidamq; mentem, quæ non dolore vincatur, non ignibus cedat, non verberibus ingemiscat.*

§. 6. A DEFECTU CERTITVDINIS. Per ejusmodi tormenta tam verum, quàm falsum elici potest. Accidit enim ut quis victus doloribus crimen fateatur, quod non commisit. Hieronym. tom. 1. Ep. ad Innocent. memorat de muliere adulterii accusata cum juvene commissi à Marito. Juvenis tormentorum impatiens crimen, quod non patrarat, fassus est, ideoque occisus: mulier miraculo servata. Valerius Max. l. 8. c. 4. simile exemplum narrat de M. Agrii servo. Huc referimus Philotam apud Curtium VI. 21. de quo dubitatum, verone an mendacio liberare se à cruciatu voluerit, quoniam & vera professis & falsa dicen-

*dicentibus idem doloris finis ostenditur. & lib. 7. 2. 34. Philotas ultimis cruciatibus victus, verane dixerit, quæ facta probari non poterant, an falsis tormentorum perierit finem, re quoque recenti, cum magis possit liquere, dubitatum est. Rectè Auctor 2. ad Herenn. c. 1. putat, dolori credi non debere, quod alius alio reticentior sit in dolore, quod ingeniosior ad comminiscendum; Quod denique sæpè scire aut suspicari possit, quid quæstor velit audire: quod cum dixerit, intelligit sibi finem futurum doloris. Econtra evenit, ut quis crimen, de quo quærebatur, non fateatur, ut apud eundem Val. Max. c. Fannii servus sexies tortus pernegavit. Ita Fulvii Flacci servus octies tortus nullum omnino verbum, quo Dominus perstringeretur, emisit. Est sc. hoc, quod & Tacitus habet. H. l. 3. 2. contumax etiam adversus tormenta servorum fides. ap. Ammian. Marcell. l. 29. c. 9. Paliphilus crudeliter tortus de statu robustæ mentis non potuit deturbari, ut Eutropium Asiæ Proconsularem injusto mendacio perverteret. Clarissimus pro utraque parte extat locus apud Tacit. A. XIV. 60. 3. Actæ de ancillis, sc. Octaviæ, quæstiones, & vi tormentorum victis quibusdam, ut falsa annuerent, plures persistere sanctitatem*



*Domina tueri.* En quædam ad placitum locutæ vi tormentorû, sed mentitæ sunt: à reliquis nullis tormentis extorquere potuit, quod volebat iudex. Rectè iterum Cicero in Partition. c. 9. quæstiones removet, quod & dolorem fugientes multi in tormentis ementiti persæpè sunt, morique maluerunt falsum fatendo, quàm verè inficiando dolere: multi etiam suam vitam neglexerunt, ut eos, qui his chariores, quàm ipsi sibi essent, liberarent. Alii autem aut natura corporis, aut consuetudine dolendi, aut metu supplicii, aut mortis, vim tormentorum pertulerunt. Alii ementiti sunt in eos, quos oderant. Huc trahi potest quæstio, quæ de conjuratione in caput Hieronymi Syracusanorum Principis habita est. Theodorus comprehensus, quamvis de se haud cunctanter omnia fassus, ad indicandos consilii socios Andronodoro datur torquendus: tandem omnibus intolerandis patientiæ humanæ cruciatibus laceratur: victum malis se simulans, avertit à consciis in insontes indicium: Thrasonem esse autorem consilii, mentitur. Liv. l. 24. Valerius Max. l. 3. cap. 3. explicat.

Quin

Quin etiam satellitem, in quo totius dominationis summa, quasi quodam cardine versabatur, falsa criminatione inquinando, fidum lateri ejus custodem eripuit: beneficioque patientiæ, non solum, quæ occulta fuerunt texit, sed etiam tormenta sua ultus est. Quibus Hieronymus, dum inimicum cupidè lacerat, amicum temerè perdidit. Eodem modo Zeno Eleates à Phalarì tortus, ut consilii participes ederet, nec nominavit quempiam, sed proximum quempiam ac fidissimum tyranno suspectum reddidit. *ibid.* conf. & Suidam, Laërt. Ciceronem 2. Tusc.

Nec tantum innocentium hæc laus, sed & conscii sceleris & fontes adversus tormenta contumaces sunt. Confer. in Tac. A. XV. 57. 2. exemplum Epicharis, *quem non verbera, non ignes, non ira eo acrius torquentium, ne à fœmina spernerentur, pervicere, quin obiecta denegaret; torqueri & mori maluit, quàm Quasitori conscios prodere.* Jungere huic Græcum possemus *Sambicum*, qui annum perpetuum exquisitis cruciatibus est dilaceratus, inter quos & animam efflavit; nec tamen conscios judici nominavit. Vid. Erasmi Adag.

Graviora Sambico. Applicemushuc, quibus fœminam illam tortam Seneca depingit. l. 2. contr. V. ut mariti secreta proderet. *Explicantur tyrannica crudelitatis adversus infelicem fœminam apparatus, & alia instrumenta, virorum quoque animos ipsos visu frangentia, ad excutiendam muliebri pectori constantiam proponuntur: instat tam denunciationibus, quàm tormentis tyrannus & minando torquet. Tacet. Videt intentum Tyranni vultum, videt oculos minaces, & tacet, &c. Caduntur flagellis artus, verberibus corpus abrumpitur. Tacet &c. Vice rat sevitiam patientia, deerat jam sanguis, superabat fides. Illustratur quoque exemplo Cappadocum, qui à pueris se mutuo torquere equuleo solent, ut ad falsa se testimonia venundare possint: quemadmodum scribit vetus Persii Interpres in Sat. VI, item Zenonis Eleatæ, qui nullis potuit tormentis adigi, ut conscios delendæ tyrannidis indicaret ap. Laërtium in vit. Seneca Epist. 78. cum multa contra dolorem differuisset, tandem hoc quoque argumentum profert. Plus est flamma sc. quàm dolor, & equuleus, & lamina, & vulneribus ipsis intumescens, quod ille renovaret & altius urgeret im-*  

pres-



*pressum. Inter hæc tamen alius non gemit: parum est, non rogavit: parum est, non respondit: parum est, risit, & quidem ex animo. Cum Sylvanus Majestatis in Constantium Cæsarem commissæ accusaretur, Proculus inter ipsius familiares homo gracilis & morbosus, eculeo cum admoveretur: metuentibus cunctis, ne vi magna tormentorum, levi corpore fatigato, reos criminum promiscuè citari faceret multos: contra quam speratum est contigit. Is enim, inquit Ammian. Marcell. l. 15. c. 16. quamvis ad confinia ipsa mortis vexatus, nec nominavit, nec prodidit aliquem. Tertull. ad Martyr. cap. 4. & Apolog. circa finem meminit meretricis Atheniensis, quæ conscia conjurationis, cum propterea torqueretur à tyranno, & non prodidit conjuratos, & novissime linguam suam comestam in faciem tyranni expuit, ut nihil agere se scirent, tormenta etsi ultra perseverarent. Nomen meretrici fuit Leæna de qua Plin. l. 7. cap. 23. Pausanias in Atticis. Plura exempla vide apud Valer. Max. l. 3. c. 3. de servo barbaro, qui Asdrubalem interemit; de Anaxarcho, ut & de homine agresti, qui L. Pisonem adortus est. ap. Tacit. IV. A. c. 45.*

Atque ex hoc fundamento respondemus instantiæ Michaëlis Montani l. 2. des Essais c. 5. qui putat conscientiam scelere gravatam vix parē esse doloribus ferendis, innocentiam contra ultrò deponere tormenta. *ie pense, ait, que le fondement de ceste invention vient de la consideration de l'effort de la conscience.* &c. Resp. non negamus magnam vim inesse conscientiae: at præsentior est metus mortis, si fateatur. Externa enim quæ sensibus viciniora sunt, fortius animum percellunt quam quæ in mente hærent, Est autem *mors terribilium terribilissimum* 3. Eth. c. 6. & sæpius conscientiam superat, ut homines id agant, quæ contra conscientiam sunt. Ratiocinatur enim cum isto nebulone, cujus mentionem facit Marsil. c. 1. repetit. 25. *melius esse milles torqueri, quam semel gulam frangi, illud damnum per Chirurgum curari posse, hoc nunquam.* πάντων τῶν δεινῶν ὁ φόβος μάλιστα καταπλήττει τὰς ψυχὰς. Metus inter omnes res terribiles maximo impetu animos percellit. Xenoph. l. 3. Cyropæd. p. 67. Accedit dolor qui non in animo, ut conscientia, sentitur, sed corpore. *Anglis, inquit Schmith, de Rep. Angl. l. 2. c. 27.*  
in-

innatum est , ut mortem spernant, cruciatum non ferant , idcirco potius quidvis à se gestum profitebuntur, etiam Patris sui internecionem, quàm ut cruciatui huic obnoxii amplius esse velint. Referre huc possemus *Epistolam Hieronymi tom. 1. ad Innocentium de muliere septies icta.* Accusata mulier à Marito adulterii cum juvene. Hic volens compendio mortis longos cruciatus vitare in semetipsum mentitus est. Mulier perstitit negare. Utra pars bonam habebat conscientiam, sed altera impar doloribus, altera par fuit. Epistola prolixior est, quàm ut describenda sit. Huc possemus adferre lapsos in primitiva Ecclesia, quibus ne optima conscientia constantiam inspirare potuit.

Ad Ecclesiasticam historiam si nos conferre vellemus , plurima ex Eusebio aliisque adduceremus exempla SS. Martyrum , qui nullis tormentis, quamvis crudelissimè lacerati, compelli potuerunt ad id quod iudices desiderabant. Ipse Plinius ethnicus Epist. 97. testatur , *nihil cogi posse, qui sunt revera Christiani.* Cyprianus Sermon. 5. de lapsis. Non præscripta exilia , non destinata tormenta,



non rei familiaris damna & corporis supplicia terruere. Id. Ep. ad Martyres. Tolerastis usque ad consummationem gloriæ durissimam Questionem, nec cessistis suppliciis, sed vobis potius supplicia cesserunt. Finem dolorum, quem tormenta non dabant, coronæ dederunt. Laniena gravior ad hoc diu perseveravit non ut stantem fidem dejiceret, sed ut homines Dei ad Dominum velocius mitteret, &c. Vidit admirans præsentium multitudo cœlestæ certamen Dei, spirituale certamen, prælium Christi; sterisse servos ejus voce libera, mente incorrupta, virtute divinâ, telis quidem secularibus nudos, sed armis fidei credentes armatos. Stererunt torti torquentibus fortiores, & pulsantes & laniantes ungulas, pulsata & laniata membra vicerunt. Inexpugnabilem fidem superare non potuit saviens diu plaga repetita, quamvis ruptâ compage viscerum, torquerentur in servis Dei non jam membra, sed vulnera. Id. de laude Martyrii. Quanta sit gloria ponderate, hujus vitæ cupiditatibus, atque ab omni animi natura mundique commercio segregatum, contra adversantis discrimen opponere, nec savi- tiam torquentis horrere: animari hominem dolore, quo credatur extinguï, & id sibi in augmentum virtutis assumere, quod cruciatui putat prodesse, qui punit. Nam præ-  
du-

*durantibus licet costis resultans ungula recurrat in vulnus & euntibus flagris cum avulsa corporis parte rediens habena ducatur; stat immobilis tamen pœnis suis fortior.* Similia habet Theodoretus *Ἐκπευτ.* l. 8. de Martyribus. Nazianzenus Orat. in Julian. cum Marci *Arthusii* Martyrium describit. maximè Eusebius in Histor. Eccles. passim. Taceo jam Martyres audaculos: Circumcelliones profero, qui se temerè & spontè ad Martyria & tormenta offerebant, & spernendo tormentorum dolores, docebant tormenta non esse idoneum veritatis inquirendæ medium. Montanistæ, apud Eusebium. l. 5. H. E. c. 15. jactitabant, *se non paucos habere martyres, &c.* sic & aliarum hæresium propugnatores per multos venditant *se habere martyres*: non tamen veritatem penes *se tenere* fatebimur, primi ex Marcionis hæresi Marcionistæ vocati sunt, permultis *se Christi martyribus abundare prædicant, &c.* Alii contra victi tormentis ore negarunt non animo, Tertull. Apolog. Edit. Rhenan. p. 808. Unde ista perversitas? ut etiam illud non recogiteris, sponte confesso magis credendum esse, quam per vim neganti, vel ne compulsus negare, non ex fide negaverit, & absolutus

ibidem post Tribunal de vestra rideat emulatione iterum Christianus. Non sane putavit tormenta viam esse, qua iudex possit ad veritatem & certitudinem penetrare. Pertinet huc Epistola Cypriani 53. ad Fortunatum & alios collegas, de iis qui per tormenta superantur. Puto his indulgentiam Domini non defuturam, quos constat steterisse in acie, nomen confessos esse: violentiam magistratum & populi furentis incursum immobilis fidei obstinationem vicisse, passos esse carcerem, diu inter minas Proconsulis & fremitum populi circumstantis, tormentis laniantibus ac longa iteratione cruciantibus repugnasse. &c. in novissimo tamen infirmitate carnis subactos. Idem de Lapsis. Lapsus potest rogare & dicere. Certare quidem fortiter volui, & sacramenti mei memor devotionis ac fidei arma suscepi: sed me in congressione pugnantem cruciamenta varia & supplicia longa vicerunt. Stetit mens stabilis & fides fortis, & cum torquentibus pœnis diu anima immobilis luctata est: sed cum durissimi iudicis recrudescente savitia jam fatigatum, jam lassum corpus, nunc flagella scinderent, nunc contunderent fustes, nunc equuleus extenderet, nunc ungula effoderet, nunc flamma torreret: Caro me in collu-  
statione



*elatione deseruit, infirmitas viscerum cessit,  
 nec animus sed corpus in dolore defecit.  
 Quoties horum lapsorum recordor,  
 incidit illud Apostoli. 1. Cor. 10. 13. de  
 tentatione non nisi humana. Nondum  
 initium sumserant illæ persecutiones  
 Christianorum, nondum tortores ex-  
 perti erant, nondum μέγχις αἵματι  
 Heb. 12. 4. usque ad sanguinem resiste-  
 bant. At cum jam in Christianos ex-  
 pediebantur omnia tormentorum ge-  
 nera, cum ad sanguinem usque resisten-  
 dum erat, illud erat ἕως ἀνθρώπου non  
 humanum vel supra hominem, nec pote-  
 rant humanis viribus ea sustinere  
 Christiani, sed cogebantur ad nutum  
 tortoris non veritatem quam tamen  
 quærit tortor, dicere, sed mentiri.  
 Qui tormenta superarunt, illis assi-  
 gnat Augustin. l. 13. de C. D. c. 7. non  
 vim propriam, sed opitulationem divi-  
 nam. & Cyprian. Ep. 9. ad Martyres,  
 virtutem divinam, id est, gratiam ex-  
 traordinariam. Extant quoque Pe-  
 tri Alexandrini Episcopi Canones ap.  
 Balsam. in Nom. in fin. qui accuratè di-  
 stinguunt inter lapsos post tormenta,  
 & spontè ruentes. Illos sic describit.  
 Delati sunt, in custodiamque conjecti, tor-  
 menta non sufferenda & intolerabilia fla-  
 gella,*

gella, & multas alias graves necessitates sustinuerunt: postea autem sunt à carnis imbecillitate prodiiti &c. multum decertarunt & diu restiterunt. &c. Illustrare hæc possemus exemplo Origenis, apud Eusebium l. 6. c. 2. & 3. cujus animum tanta cupiditas occupavit Martyrii, ut propè se ultro offerret periculis. &c. perfecisset etiam, nisi Mater omni ejus vestitu clam ablato, domi eum manere necessario coëgisset. At hic fervor postea deferbuit: sensit tormenta, non pertulit. Euseb. l. 6. c. 32. Qualia & quam acerba pro Christi verbo perpeffus est vincula, quæ corporis tormenta, quæ supplicia, ex catena ferrea in interioris carceris recessu collo impacta, & quomodo permultis diebus pedes ad compedes ligneas intrusi, quatuor foraminum interstitiis interpositis, distractione distenti fuerint: quæ ignis & incendii minæ &c. At quid postea? Si vera sunt, quæ Epiphan. hæc. 64. habet. non permanferunt illi, quæ ad præmium consequendum pertinent, in finem. &c. idolis tandem sacrificavit, & à confessoribus ac Martyribus re cognitâ rejectus est. Inde Alexandria non potens ferre exprobrantium sannas discessit & Palæstinam

stinā inhabitare elegit. Quin adsit ipse Ulpianus qui 7. libros de torquendis Christianis non ad historiæ fidem sed ad suppliciorum acerbiteriam scripsit, l. i. §. quæstioni 23. ff. de quæstionibus. *Quæstio res est fragilis, inquit, & periculosa & quæ veritatem fallat. nam plerique patientia sive duritia tormentorum ita tormenta contemnunt, ut exprimi illis veritas nullo modo possit: alii tanta sunt impatientia, ut quodvis mentiri quam pati tormenta velint.* Cur autem ad tam durum modum homines interrogandi veniret iudex, si est fragilis & fallax. Et quid aliud agunt hodierni Jcti, qui tam operosè, sollicitè, curiose & trepidanter hanc materiam tractant, quam quod Judici hoc Quæstionis genus suspectum reddant, ut deinde in conscientia foro sibi ipsi satisfacere nequeat, sed dubitare cogatur. Eodem modo loquitur tit. 50. §. 23. lib. 60. Βασιλικῶν. Propter audaciam vel formidinem. τῶν βασανιζομένων ἔ πάντοτε δεῖ πιστεύειν, ἢ ἀπιστεῖν τοῖς καταθέσεσιν αὐτῶν, eorum, qui Quæstioni subjiciuntur, non semper est confessionibus habenda aut non habenda fides. Scholiastes Græcus addit. ἀσθενὴς καὶ ἐπικίνδυνός ἐστι καὶ τὴν ἀλήθειαν ἔσθ' οὗτε ἀπατεῖ καὶ πλανῇ.

*fragilis*



*fragilis & periculosa est quaestio & veritatem plerunque fallit.*

§. 7. AB OFFICIO JUDICIS. Judicem non debere ex suspicionibus judicare extra controversiam esse puto. Patet illud 1. ex Deut. 17, 4. *Si scelus aliquod renunciatum tibi fuerit atque audieris, inquirendo diligenter : ac si vera & certa fuerit res illa, &c.* 2. ex ratione, quia omne judicium, si est actus justitiæ, fluere debet ex recta ratione. At suspicio non est recta ratio. 3. exemplis. Sit unum de Pausania apud Nepotem in Pausan. Spartani non putabant de Pausania claro viro suspicionibus oportere judicari. Consentunt leges quas ut alienas omittimus. At quæso, quæ tormenta Judicem certum reddere possunt, reum dolore & equuleo coactum vera dixisse & non mentitum fuisse? *Mentiuntur plerumque torti* Quintil. declam. 379. Adsit tamen magnus ille Episcopus Hipponensis Aurelius AUGUSTINUS l. 19. de Civ. Dei c. 6. cui uni malim credere, quàm centum ejusmodi, qui de torquendis Christianis scripserunt, Ethnicis. Notamus hic Augustinum Papiniano, Ulpiano, Paulo, Modestino fuisse posteriorem per integrum seculum

seculum cum dimidio : adeoque horum doctrinam de præsumptionibus violentis, semiplena probatione &c. vel ex sola praxi ipsi non fuisse incognitam. Quid autem dicit? Hi judicant, qui conscientias eorum, de quibus judicant, cernere nequeunt &c. Quid cum in sua causa quisque torquetur : & cum quaritur, utrum sit nocens, cruciatur, & innocens luit pro incerto scelere certissimas penas : non quia illud commisisse detegitur, sed quia non commisisse nescitur. Ac per hoc ignorantia judicis plerumque est calamitas innocentis. Et quod est intolerabilius, magisque plangendum, rigandumque si fieri posset fontibus lachrymarum, cum propterea judex torqueat accusatum, ne occidat nesciens innocentem, sit per ignorantiam miseriam, ut & tortum innocentem occidat, quem ne innocentem occideret, torserat : Si enim secundum istorum sapientiam (veramne & non simulatam) delegerit ex hac vita fugere, quam diutius illa sustinere tormenta : quod non commisit commisisse se dicit. Quo damnato & occiso, utrum nocentem an innocentem judex occideret, adhuc nescit : quem ne innocentem nesciens occideret, torisit : ac per hoc innocentem, ut sciret, torisit, & dum nesciret, occidit &c. Jungimus Ethnicum  
Quin-

Quintil. declamat. 18. *Excedit omnem immanitatem, filium ideo torquere, ut scias, an innocens torqueatur.* Huc pertinent omnes disputationes Rhetorum pro tormentis & contra tormenta. Si enim causam juvant, tunc tormenta extollenda docent, ὅτι ἀληθεῖς μόναι τῶν μαρτυριῶν αὐταί. *quia verae solae ex testimoniis sint.* Si non? evertenda. quod ἀναγκαζόμενοι, qui cogantur, tam falsa dicant quam vera, & ῥαδίως καταφευδόμενοι, ὡς παυσόμενοι θάπτον, *mentientes facile, ut requiescant citius.* Arist. lib. 1. Rhetoricorum c. 15. eadem habet Rhetor. ad Alexand. c. 17. ubi tandem concludit, τὰς μὲν ἐν βασάνῃς ἐκ τῶν τοιούτων πιθανὰς καὶ ἀπιθανὰς κατα-  
 εῖσομεν. *Quaestiones (live tormenta) ex iis probabiles & improbables constituemus.* At quod probabile tantum est, illud non est certum, multo minus excludit formidinem oppositi. In hoc enim differt probabile à certo, quod hoc excludat, illud includat formidinem oppositi. Similia habent latini Rhetores. Autor l. 2. ad Herenn. c. 1. cum pro tormentis etiam loquitur, illa confirmari vult iisdem viis, quibus omnis conjectura tractatur, sc. ut trahatur ad verisimilem suspicionem, Ciceroni ergo  
 con-



confessio in tormentis edita ultra conjecturæ & verisimilis suspicionis modum non ascendit: quæ sufficientem causam non præberet iudici tantis cruciatibus ipsa morte acerbioribus hominem subjiciendi. In partitionibus c. 9. *non esse obscurum, in utraque parte esse exempla & ad Conjecturam faciendam locos.* lib. 2. Rhet. c. 2. Nunc exponemus in conjecturalem constitutionem, qui loci communes incidere soleant, & c. questionibus credi oportere & non oportere. Quintil. 5. Instit. c. 4. plenas esse ait de hac re orationes Veterum ac novorum, & infinitam circumstantiarum varietatem. Huc referri posset, quod Quæstio ad statum Orationis conjecturalem referatur. At hoc argumentum apud Artis peritos forsan non magnopere pugnaret.

Dices. Quæstioni non aliter fides habenda est, quam si finita quæstione, post aliquod temporis intervallum repetita confessio apud acta fuerit. Resp. habet & hoc Plautus in Truculent. Act. IV. scen. 3.

*Rogavi ego vos verberantes & pendentes simul:*

*Commemini, quo quicque pacto sitis confessa: scio*

**Y**

**Hic**

*Hic nunc volo scire eodem pacto, si sine malo fateamini.*

Id est sine verberibus & dolore. 'At difficultatem non tollis. Sciunt enim nisi ad placitum loquantur Quæstoris, se revocatum iri ad tormenta, ubi spontanea non censeretur ejusmodi confessio, quæ ex metu periculi fit. Nec refert quicquam aliquis compulsus fecerit, vel metuens, ne compelleretur: Idemque de timore mali, cum præsens adest, quod de malo ipso judicari solet. Id quod non obscure ap. Plautum significat in *Perfa* Virgo cum ait act. III. sc. I.

*Cogita hoc Verbum Pater, Herus sininatus est*

*Malum servo, tametsi id futurum non est, ubi captum est flagrum*

*Dum tunicas ponit, quanta afficitur miseria. ego nunc quod*

*Non futurum est, formido tamen.*

Qua ratione etiam timor armorum idem operatur, quod vis ipsa armis illata. Cicero explicat. pro A. Cæcin. Tu vim negabis esse factam, si cades & occisio facta non erit? Ego exercitus maximos sæpè pulsos & fugatos esse dico terrore ipso, impetuque hostium sine cujusquam non modo morte, verum etiam vulnere,

*nere.* Et enim non ea sola vis est, quæ ad corpus nostrum vitamque pervenit, sed etiam multo major ea, quæ periculo mortis injecto, formidine animum perterritum loca sæpè & certo de statu dimovet. & post, dubium non est, quin major adhibita vis ei sit, cujus animus sit perterritus, quam illis cujus corpus vulneratum sit. Exemplo esse potest ipse Philotas apud Curtium l. c. quem licet in eculeo confessum, non ante damnari Alexander sustinuit, quam denuo ex intervallo rogatum, quæque falsus in tormentis fuerat agnoscentem. Agnovit quidem Philotas sed metu, *ne rursus excruciretur.* l. 6. cap. 2. n. 36. Accedit & illud, quod plerumque judex vel Quæstor interminetur, quæstionem se denuo de eo, ni fateatur, habiturum. Quo in casu omnino probabiliter existimandum est, rectè timuisse, cui per Judicis pœnale præceptum interminatum est, præcipuè cum minacem adhibuit vultum Quæstor, ut apud Senec. l. 3. controvers. 14. *instat tam denunciationibus quam tormentis tyrannus & minando torquet, tacet: videt intentum tyranni vultum, videt oculos minaces.* Quis enim non metu extortam confessionem interpretabitur, si



ab aspero sævoque quæsitore, qui quod pollicebatur, præstare minasque statim exequi poterat, interminatum compererit; maximè si is qui tortus est, sit vel fœmina veleffœminatus & meticulosus, qui omnia etiam elusoria exhorrescunt. Talem autem confessionem etiam apud acta deinde factam spontaneam esse & sufficientem inducere probationem, nemo mihi persuadebit. Scit enim nisi ad placitum respondeat quæsitoris, se iterum raptum iri ad eculeum. Ita & Callicles apud Plautum l. c. *edico prius*

*Nec duplices habeatis linguas,*

*Nisi ad tintinnaculos vultis vos educi viros.*

Quis has ancillas non perterrefactas diceret his feralibus minis, quæ jam tormenta expertæ erant. Extra dubium esse puto, si qui in conspectum tormentorum deducantur, animos non mulierum tantum sed & virorum lugubri isto apparatu frangi. Sic Xychus ille apud Livium l. 40. qui conspectum tormentorum verberumque non sustinuit: ordinemque omnem facinoris legatorum ministeriiue suis exposuit. Et Natalis apud Tacit. A. XV. 56. 7. qui tormentorum conspectum & minas non tulit.

*lit. quem pari imbecillitate secutus est Scevinus ibid. n. 3. Ita apud Livium l. 26. Numidarum transfuga aliquis cum literis ad Hannibalem captus cum tormenta posci & parari videret, fassus est. Et l. 27. equites 4. Gallos & duo Numidas ab Asdrubale ad Hannibalem missos cum literis, metus tormentorum admotus fateri vera coëgit.*

§. 8. AB HORRORE NATURÆ. Nam vivunt tam multe gentes & barbare, quæ ferum & inhumanum arbitrantur torqueri hominem, de cujus facinore dubitatur. & post. profecto carnifices animos habemus, qui sustinere possumus gemitus & lacrymas tanto cum dolore expressas, hominis, quem nescimus sitne nocens. Lud. Viv. ad l. 19. August. c. 6. Si mori oporteat, quod genus feritatis est ipsum prius excarnificare &c. Populus tam horrendam feritatem videre non assuefactus ex hac miseria dolorem hauriret: Principem quoque & iudices abominaretur, qui tale genus crudelitatis inveherent. Schmith. de Repub. Angl. l. 2. c. 24. Etiam fontibus & reis suo modo debetur commiseratio; nedum illis, quos fontes esse nondum exploratum habemus. Bias damnaturus aliquem ad mortem, lacrymatus est,

τῇ φύσει τὸ συμπάδεις *natura affectum, legi suffragium reddidit.* Stob. 44. Sidon. Apoll. l. 1. Ep. 7. laudat Imperat. quibus amare palam liceat & capite damnatos. Lactant. l. 6. Inst. *maximum scelus putat odisse hominem vel nocentem.* Tacit. A. VI. 19. inter alias Tiberii crudelitates & hæc recenset. *quod amicis damnatis & occisis adfistere, ad lacrymare; ne visere quidem datum.* & post. *Interciderat sortis humana commercium vi metus: quantumque sevitia glisceret, miseratio arcebatur.* Si autem miseratio etiam damnatis debetur; multo magis illis, de quorum scelere adhuc dubitatur.

§. 9. A VETERUM INIQUITATE. Nam & servi in causa Dominorum rapiebantur ad tormenta, qui tamen nihil commiserant. Quamvis Cicero pro Dejotaro significet hoc interdum *de more majorum fuisse vetitum*: attamen apud Tacitum. A. II. 30. 4. & 5. in causa Libonis *servos per tormenta interrogari placuit.* Et quia vetere SCto *quaestio in Caput Domini prohibebatur*, callidus & novi juris reparator Tiberius *mancipari singulos auctori publico jubet*: sc. ut in Libonem ex servis salvo SCto *quaereretur.* Arcadius sancivit, si ea rei conditio sit, ubi



ubi Arenarium testem vel similes personas admittere cogimur, sine tormentis, testimonio eorum credendum non esse: sicut nec servis olim sine quaestione credebatur.

Dices. *Personis vilissimis ut arenariis, servis, &c. sine tormentis non creditur, quod contumaciter & obstinatâ suâ malitiâ reticere veritatem intelligentur.* Resp. 1. in tenui fortunâ major sæpe hominum integritas, ut qui nullam jacturam bonorum exhorrescunt; quam in aliis, quos varia pericula fortunarum, honoris, famæ &c. turbare possunt. 2. Ad minimum sunt homines, qui, secundum contrariæ opinionis assertores, æquè naturâ nati sunt liberi & æquales. Etiam in mancipio cogitandum, inquit Seneca. l. 1. de Clementia. c. 18. *non quantum illud impune pati possit, sed quantum tibi permittat æqui bonique natura.* Sicut autem per servitutem aut vilitatem non desinit esse homo ad imaginem DEI creatus: ita etiam longè præstantior est, quàm ut propter civilia delicta torquendus sit. Id. Ep. 31. in fin. *Animum rectum, bonum, magnum, quid aliud voces, quàm Deum in humano corpore hospitantem? Hic animus tam in equitem Romanum, quàm*

*in libertinum, quam in servum potest cadere. Quid est Eques Romanus, aut libertinus, aut servus? Nomina ex ambitione aut injuriâ nata. Fluit hæc opinio ex veterum duris de servorum conditione placitis, servum totum esse Domini, nec juris aut injuriæ capacem, habendum pro mortuo & nullo, Dominum habere jus vitæ & necis, &c. quæ Christiana Religio dudum mitigavit. Juvenalis sat. VI. dum loquitur de Dominis præcipitanter nimis servos ad crucem rapientibus Nulla unquam de morte hominis (etiam vilissimi) cunctatio longa est, exclamat: ita & nos, quando ob pecuniariam causam vel in casu testimonii deponendi ita abripiuntur. Vis tu cogitare istum, quem servum tuum vocas, ex iisdem seminibus ortum, eodem frui cælo, æquè spirare, æquè vivere, æquè mori. Tam tu illum ingenuum videre potes, quam ille te servum. Senec. Ep. 47. Augēt rem, quod in causis olim pecuniariis tantum, servi tamen ad torturam rapti fuerint. Nam Divus Pius rescripsit, posse de servis haberi questionem in pecuniaria causa, si aliter veritas inveniri non possit. Et Diocletianus, interrogari servos de facto suo, non solum in criminali causa, sed etiam in pecuniaria posse non ambigitur.*

At

At nulla est proportio inter tam acerbissimos cruciatus corporis, & pecuniam. Etiam si concederemus in delictis atrocibus, quæ poenam capitalem post se trahant, non plane absurdam esse quæstionem: in causis tamen pecuniariis, & ubi tantum pecuniæ periculum est, nullam proportionem invenire possumus. Absurdum enim est, ejusmodi probationes criminis petere, quæ ipsa poenâ crimini debitâ sunt acerbiores. Si in causis liberalibus, cum de statu quæritur, cessant tormenta, cur non etiam in pecuniariis. Longè autem illa gravior est, ideoque etiam iudicibus pedaneis adempta. Atque ex his fundamentis miramur, cur Pontifex Alexander III. c. i. X. Depositi. Clericum depositarium propter rei depositæ furtum torturæ subjiciat, cum aliàs furtum tantum sit delictum privatum, nec capitis poenam de jure antiquo post se traxerit.

§. 10. EX COMPARATIONE CUM CENSURA ECCLESIASTICA, quæ sine torturâ peccata corripit. Habet illa suas poenas, interdictum & excommunicationem sive majorem sive minorem; atque



sic sine violentis mediis tendit ad suum finem. quæ indagare nequit, Domino commendat usque ad messem & plenam eradicationem zizaniorum. August. lib. 3. contr. Epist. Parmeniani c. 2. *Misericorditer corripiat homo, quod potest. Quod autem non potest, patienter ferat, & cum dilectione gemit ac lugeat, donec aut Deus desuper emendet & corrigat, aut usque ad messem differat eradicare zizania & plenam ventilationem.* Cur igitur Respub. non posset tendere ad suum finem sine tormentis.

**S. II. A MULTIS DIFFICULTATIBUS,** quibus se contrarie sententia Patroni intricant. 1. *An tortura sit veri vel mixti imperii? quod sit crimen grave aut leve? An incestus jure civili fustigationis tantum pœna coercendus? An in criminibus extraordinariis, quæ definitam pœnam non habent, sed quam judex extraordinem pro arbitrio imponit, tortura locum habeat? An furtum, an fœnus improbum torturam admittat? An si ex maleficio civiliter agatur in causa pecuniaria? si sit magna pecunia summa? si annexum habeat delictum? ut Mercatores falliti? An feudi Dominus, si Vasallus grave crimen commisit, ob quod feudum amittitur, postulare queat, ut Vasallus tormentis subiciatur?*

ciatur? An accusatori probationibus se destitutum asserenti iuramentum deferendum? At si iudex sine indicibus aliquem ad torturam rapiat, ille etiam crimen fateatur, ac post torturam demum superveniant indicia legitima, Reus ex confessione sua damnari possit? Quomodo differat indicium, conjectura, praesumptio, suspicio? An unius testimonium de crimine admissio praebet indicium ad torturam? An confessio propria, fama, fuga, trepidatio, loci accessio, inimicitia capitalis, vultus mutatio, silentium, assertio de sociis, de mandatore delicti, de pacifcente; sic frequentatio loci, vicinus mala conditionis, postulatio rei ultroanea, ut in se inquisitio fiat, denunciatio ejus, qui se vidisse flagitium ait, conversatio cum malis, receptatio, associatio, secreta allocutio, Physiognomia, &c. sint indicia sufficientia ad torturam? Præterea nunc indicia specialia furti, rapinae, adulterii, veneficii, infanticidii, &c. quæ & dubia & intricata, & infinita ferè, vix omnia comprehendendi possunt. An per unum testem fide dignum probetur indicium? plures testes singulares quando faciant indicium? an admittendi ad testimonium minores, mulieres, infames, inimici, inhabiles? an detur appellatio in his rebus? Quæ sint illæ personæ, quæ tormentis interrogari non possunt?

Quan-

*Quantum adhuc Chaos restat de generibus tortura, de modo torquendi, sic an tortura repeti possit? quando rei confessio tormentis expressa sit rata? quid agendum, si revocetur? quid cum iudice faciendum, si reum illegitimè torserit? &c. Vix sanè iudex è tantis tricis se extricabit, aut in suæ conscientiae scrutinio securus erit, se modum non excessisse. Est sanè res ardua & gravissima, ubi de capite hominis agitur: non hîc ludendum aut dubitanter aut trepidanter agendum: sed omnes consultationes, definitiones certo fundamento niti debent; quale vix ullum sperari potest in tanta dissensione Dd. & opinionum.*

**§. 12. A PAUCITATE PERSONARUM,** quæ torturæ subjici possunt. Excusantur enim à tormentis impuberes, furiosi, mutus & surdus, senex, gravi affectus valetudine, foemina prægnans, puerpera, omnes, quibus nomen Clarissimi competit, ut personæ Illustres, Nobiles, Senatores, Equites, Doctores; sic & clerici, milites, Decuriones, &c. Manet ergo tortura Plebejorum propria. si autem Respub. potest consistere sine tortura eorum, qui potentia, autori-



autoritate, scientia armati plus nocumenti dare & magis delicta sua celare possunt, cur ergo viles tantum animæ & plebejæ torturæ subjiciuntur, à quibus scelera nec tanta, nec in tanto secreto metuenda.

J. 13. Claudimus nostras rationes testimonio B. Lutheri, qui tom. 7. Jenensi. fol. 359. & seqq. quamvis non ex toto damnet, neganti tamen propior videtur in scripto contra Episcopum Magdeburgensem. Weil die Marter im Kercker ein sährliche Rechtfertigung ist/ und ohne Noth nicht zugebrauchen ist/ dann offte Unrechte da begangen wird: und der Cardinal eine seine Bruck/ ja eine öffentliche freye Strasse für sich hatte zum Recht/ 2c. so hätte er sollen Gottes Gebott nach/ dieselbe freye Strasse gehen/ und Gott nicht versuchen mit der sährlichen Rechtfertigung / damit alle Menschen / es seyen Richter oder Part sein schuldig / daß sie Gott nicht versuchen. Darum ob der Cardinal für der Welt solche Rechtfertigung schmücket: so ist er doch damit vor Gott verdammt / als der sie mit Gottes Versuchung gewonnen/ 2c. & post. p. 360. Wie offte ist es auch mehr geschehen/ daß er wann zeuch sein

sein hingericht auff ihr Befandnuß / da man hernach über etliche Jahr erst bekommen hat die recht schuldigen; und ist jenem gleichwohl unrecht geschehen. Daß rede ich darum / wie oben gesagt / wo man das liechte tägliche Recht haben kan / soll man solch finster Nothrecht melden / oder heist Gott versucht / das ist verboten bey Gottes Zorn und Ungnaden / 2c. Adjungimus Ludovicum Vivem in Augustinum. l. 19. de C. D. c. 6. Zepperum de LL. Mosaicis. l. 5. c. 10. Grevium, quem tamen videre non contigit in *Tribunali reformato*, qui expressè nostram defendunt sententiam.

**CONTRARIAM SENTENTIAM** si expendamus, multa occurrunt notatu digna. Sequamur vestigia Wessenbecii Paratit. l. 48. ff. tit. 18. Ita ille numero 1. Quia vero crimina plerumque clam arbitris & occultè committuntur, ut sæpè copia testium haberi non possit, ideo more majorum introductum esse inquit Cicero part. Orat. ut per tormenta veritas exquiratur &c. Ex quo discursu aliquot formari possent objectiones.

Obi. Praxin introductam aliud velle. Resp. Quid Praxin memoras? Sic etiam Parrhasius Pictor Atheniensis excusatur, qui cum Philippus captivos Olynthios venderet, emit unum ex his senem, perduxit Athenas, torsit usque ad mortem & ad exemplar deficientis pinxit Promethea, deinde tabulam in templo Minervæ posuit. Ita enim excusatur apud Senec. l. 10. controvers. 5. multum semper licuisse artibus. Medicos ut vim ignoratam morbi cognoscerent, viscera rescidisse: hodie cadaverum artus. Sed sit Praxis. Quoties theoria recedit à Praxi? quoties etiam apud illos ipsos? Labeo aliquis fiducia ingenii quædam innovat à communi consensu Doctorum recedentia? Philosophia libereres tractat, nec curat quis dixerit, sed quam verè dicatur: Amicum judicat Socratem, Platonem, Ulpianum, Paulum, Modestinum &c. sed magis veritatem.

Dices. At etiam Honorius & Arcadius, Valens, Valentinianus, Justinianus, & Impp. Christiani hæc retinuerunt. Respondet Lud. Vives ad L. 19. C. D. c. 6. *Miror Christianos homines tam multa Gentilia, & ea non modo charitati & mansuetudini Christiana*  
con-



*contraria, sed omni etiam humanitati, mor-  
dicus tanquam religiosissima retinere.*

At, inquit Wefenbecius, pleraque  
*crimina clam arbitris, & occulte commis-  
suntur, ut semper copia testium haberi ne-  
queat: ita multa scelera manerent impu-  
nita.* Resp. Quod mandatum divi-  
num, quæ necessitas Reip. exigit, ut  
omnia scelera occulta à judice tem-  
porali eruantur, & puniantur? Ex-  
cusatur judex, si debitam adhibuit  
diligentiam: quæ vestigare nequit,  
supremo judici relinquat: ut ad dira  
ista tormenta decurrat opus non est.  
Imò ausim dicere, Deum certo respe-  
ctu non velle, ut omnia occulta à ju-  
dice temporali eruantur & punian-  
tur, quia *statuit Diem, in quo judicaturus  
est orbem terrarum, Act. 17. 31.* Hic, hîc  
erit illud tribunal, coram quo occulta  
producentur & examinabuntur. Ni-  
hil erit opertum, quod non revelatur Matth.  
10, 26. Conf. Marc. 4, 22. Luc. 8, 17.  
c. 12, 2. Hinc dicitur *Dies ἀποκαλύ-  
ψεως Revelationis*, quia tunc revelabit  
Deus occulta cordium. 1. Cor. 4, 5.  
ac libri aperientur, in quibus omnia  
cogitata, dicta, facta etiam occultissi-  
ma scripta sunt. Apoc. 20, 12. Hic est  
ille Dies, quo *judicabit Deus occulta ho-  
minum,*

minum. Rom. 2, 16. *cum Dominus venerit, iste illuminabit abscondita tenebrarum.*  
 1. Cor. 4, 4. Cur judex secularis occuparet alienum negotium, & tam diris modis inquireret occulta, quæ DEUS sibi reservavit. Eleganter Chrysostom. hom. 46. ad Popul. Antioch. *Nec ab omnibus, inquit, hic exigit Deus, ne resurrectionem desperes, & judicium desinas expectare, quasi omnes hic reddant rationem. Nec rursus omnes abire permittit impunitos, ne rursus omnia providentiâ carere putes. Verum & punit & non punit. Et in quantum punit ostendit, quod hic punitos, & illic rationem exposcet. In quantum autem non punit, facit ut credas, quod est aliquando post præsentem peregrinationem tremendum tribunal. Ut ergo Magistratus in consultando consilia, quibus impar est, fato i. e. Deo permittit. Tacit. A. VI. 46, 4. ita & in vindicando, postquam debitam adhibuit diligentiam, iniquos Deo in diem judicii reservat cruciandos. 2. Pet. 2, 9. Non absurdè Alexander Papa q. 6. 15. c. 1. *Si omnia in hoc seculo vindicata essent, locum divina judicia non haberent. Insuper ex criminibus clam arbitris commissis citius Judex remota tantum indicia ad torturam non sufficientia &**

*suspiciones hauriet, quam semiplenas probationes.*

Dice scum *Paris de Puteo* tract. de syndicat. & tortura v. de repetition. n. 6. *Sine timore tortura non posset mundus in pace stare. & cum aliis, aperiretur occasio delinquendi, quia vix per aliam inquisitionem delicta protrahi in lucem & veritas cognosci posset.* Resp. 1. per instantiam. Respub. Davidica & Salomæa in pace stetit sine tortura: sic & alia regna quorum supra mentionem fecimus. 2. Melius est, ut dimittantur centum nocentes quam condemnatur unus innocens; interim rarissimè contingit, ut iudex nulla inquisitione penetrare queat. 3. Dantur adhuc alii inquirendi modi. Laudat Augustinus Ep. 159. & seqq. Marcel- lum Tribunum, *quod horrenda facinora Donatistarum eruerit, non extendente equuleo, non sulcantibus angulis, non urentibus flammis, sed verberibus virgarum:* Contrariæ sententiæ Patroni negant aliàs de se confessum, ne aliena salus in dubium vocetur, in caput aliorum quærendum. At si hæc ratio apodicticè concluderet; cur non liceret etiam ex sponte confessis alios quoque fontes eruere, & fontes exterminare.

Pro-



Provocat Wefenbecius ex Cicerone ad Atheniensem & Rhodiorum Rempubl. At has benè constitutas fuisse Respublicas unde probabit? Exempla imitanda non ex deterrima Democratia, ad quam Atheniensium prolapsam fuisse Philosophus 2. pol. 10. non diffitetur, desumenda sunt, sed ex bene formatis Rebuspublicis, qualis fuit Davidica & Salomæa.

Pergit Wefenbecius n. 3. *Causa efficiens questionem est, Mos antiquissimus omnium ferè bene institutorum Populorum communis, ut non immeritò pro jure gentium habeatur.* Parcius ista viris. Apud Ethnicos semper occurrunt Ethnicæ tenebræ. Non omnis mos antiquissimus statim probatus est, & jus gentium facit; quin *longa consuetudo sine veritate vetustas erroris est.* c. consuetudo. dist. 8.

Dices cum eodem n. 6. & 7. *non statim hominem ad equuleum rapiendum sed 1. tum cum veritas aliter haberi non potest. 2. cum reus multis indiciis oneratus & pene convictus est, ita ut indicia illa faciant semiplenam probationem.* Resp. 1. Si veritas aliter haberi non potest, satius est impunitum relinqui facinus nocentis, quam nondum convictum

ipsâ ordinariâ pœnâ acerbioribus cruciatibus subicere, aut pro incerto scēlere ut loquitur Augustinus. l. c. *certissimas pœnas exigere*. Quæ enim necessitas juris divini aut naturalis cogit judicem, ut tam diris & duris mediis verum inquirat. Satis functus est suo officio judex, si omnibus aliis mediis tentatis verum elicere non potuit, reliqua divino judicio commendet. Melius enim est ut dimittantur centum nocentes, quàm damnetur unus innocens. Quin quod rarissimè contingat talis aliquis actus atrocissimus, quem nulla inquisitione penetrare queat judex. Quis autem culpabit, si in ejusmodi rarioribus contingentibus rem Deo committat. At Pontificia Glossa per canonem illum 59. *Questionem. q. 12. t. 2. qui & habetur l. 1. C. de Questionibus*, intelligit questionem in crimine Majestatis, adulterii, fraudati census & homicidii nullis *precedentibus indiciis*. format sibi objectionem. Dicunt quidam, quod nec in exceptis criminibus servus contra Dominum admittitur, nisi aliqua *presumptio precedat*. Respondet deinde. *Sed litera hoc non patitur*. Dico ergo hoc speciale, ut initium sumatur à tormentis. 2. Insuper in-

intricata adhuc res est, inter indicia remota & propinqua; dubitata, indubitata; juris & facti; levia, gravia, gravissima. Quis hic nobis suggeret filum Ariadnæum, quo nos ex hoc labyrintho extricemus? Quid si indicia concurrant inter se pugnancia? E. g. si testes dicant. Vidimus Sempronium noctu occidi; & tamen fuerit nox illunis.

3. Distinguendum etiam est inter indicia, quæ corporis cruciatum non important, aut causam criminalem: sed tantum ad alia Civilia respiciunt. In his facilius judicem indicia sequi & tutius posse concedimus, quia fieri potest restitutio, quando indicia fallunt. Ita Salomon 1. Reg. v. 26. ex *sey* naturali indicium sumit, quæ sit vera mater infantis. An verò tale sufficiens fuisset ad hominem torquendum, adhuc dubitari potest. Ita indicium est apud illos etiam, Ordin. Crimin. Art. 29. si homo cum gladio cruento prodeat è loco, aut conspiciatur in loco, ubi homo trucidatus est. At & hoc fallere potest. Autor. l. 1. ad Heren. c. 5. n. 30. ponit casum. *Ajax in sylva, postquam rescivit, quæ fecisset per insaniam, gladio incubuit.*



Ulysses intervenit : occisum conspiciatur :  
 è corpore telum cruentum educit. Teucer  
 intervenit , cum fratrem occisum , & inimi-  
 cum fratris cū gladio cruento videt , capi-  
 tis accersit. Incidit h. l. illud indici-  
 um , cum cadaver hominis interfecti in prae-  
 sentia ejus , qui de homicidio illo suspectus  
 est, sanguinem effundit. Multum à mul-  
 tis huic indicio deferri scio. At quo-  
 modo illud , quod supra naturam est,  
 & cujus causa nobis occulta , nobis  
 naturaliter probabit ; imò quod pu-  
 gnat cum natura , sc. cadaver ex angue  
 habere sanguinem , & corpus frigidum ege-  
 rere sanguinem. Judicis est arbitrari,  
 si ne indicium sufficiens ; at quomo-  
 do ratioecinabitur , si tota res intelle-  
 ctum judicis superat. Tortura sanè  
 res est præjudicii gravissimi , ad quam  
 Judex procedere non debet , nisi ex  
 causis humano intellectui convenienti-  
 bus. 4. At nos Philosophicè progre-  
 diemur in hac re. Quintilianus l. 5. In-  
 stit. c. 9. distinguit Signa ( J Ctis indi-  
 cia ) in τεκμήρια sive necessaria , & ση-  
 μεία sive non necessaria , e. g. ille , sine  
 cicatrice est. E. ferro non est vulne-  
 ratus : hic , vestem cruentam habet,  
 E. homicidium fecit. At hoc nil ope-  
 ratur ; potuit enim sanguis vel ex na-  
 ribus

ribus profluxisse. Aristoteles Rhet. ad Alexandr. cap. 13. distinguit inter *signa*, quæ *opinionem* faciunt, & quæ *scientiam*. Areopagitæ olim damna-  
bant puerum coturnicum oculos eru-  
entem propter signum perniciosissi-  
mæ mentis, multisque malo futuræ,  
si adolevisset. Spurio Melio &  
M. Manlio popularitas signum  
affectati regni fuit. Ergone suffi-  
ciens? *Nulla res est*, inquit Cicero. c. 1.  
l. 2. ad Herennium de signis, *quam*  
*non suspicionibus quivis possit criminari.*  
Idem Cicero in Partit. Orat. c. 16. in-  
ter signa propriè attingentia eos ipsos, qui  
arguuntur, refert *telum, vestigium, cruo-*  
*rem, deprehensum aliquid, quod ablatum*  
*ereptumque; responsum inconstans, hesi-*  
*tatum, titubatum, &c.* At Quintilia-  
nus casus ejusmodi ponit in suis De-  
clamationibus, quibus etiam pars in-  
nocens onerari potuisset. Illud ex-  
emplum facillè concesserim, quod  
Cicero l. 2. de inventione habet. *Si*  
*peperit. E. cum viro concubuit.* At tales  
indubitatae notæ, occurrunt rarissimè.

Dices cum Quintiliano l. 5. c. 12.  
*Hæc imbecillia naturâ mutuo auxilio susti-*  
*nentur. Itaque si non possunt valere, quia*  
*magna non sunt, valebunt, quia multa*  
*sunt*

*sunt &c. Singula levia sunt: universa verò nocent, etiamsi non ut fulmine, tamen ut grandine. Resp. At & hæc refelluntur contrariis artibus. Dicemus hoc modo, inquit Cicero ad Herenn. l. 2. nullam rem esse, quam non suspicionibus quivis possit criminari: deinde unamquamque suspicionem extenuabimus, &c. Noluimus huc trahere colores in Senecæ controversiis passim.*

Videmus illic plures colores, non tamen perfectam probationem facere. Eodem modo plures verisimiles conjecturæ non tamen perfectum aut indubitatum faciunt indicium. neque enim si plura imperfecta, ut oculum, manum, pedes jungas, statim hominem facies. Dices. Sufficiunt ad quæstionem, non ad condemnationem. Resp. At Quæstio morte durior est, ut suprà ostensum. Imò quod in se semiplenum, id neque aliis conjunctum fiet plenum. neque enim si plures claudicantes jungas, statim incessum rectum & plenum efficies. In causis civilibus aliquid concesserim: at in criminalibus, ubi de vita hominis disceptatur, res certa esse debet.

5. Magna adhuc & intricata quæ-



quæstio est: *Quæ sint illa indicia, quæ faciunt semiplenam probationem?* Duo testes faciunt plenam probationem, non tamen sequitur, E. UNUS TESTIS facit semiplenam probationem. Non. Nam & duo faciunt numerum, non tamen statim unitas facit seminumerum. *Unius autem testis non sufficit assertio, etiamsi præjudiciali resulgeat dignitate,* ait Pontifex Innocent. III. c. licet. X. de Testibus. Quod Ordinatio Criminalis Caroli V. art. 30. habet, scimus, sed nos Philosophicè, i. e. theoricè, non practicè disputamus. Sic etiam CONFESSIO PROPRIA EXTRA JUDICIALIS. Nam & hic est testis unus, qui nunquam seriò in caput suum periculum inducet, & quod privatim dixit, facile contraria confessione perimere potest & revocare. Non FAMA. Nam hæc tam ficti pravi que tenax, quàm nuncia veri; hæc veris addere falsa gaudet, & è minimo sua per mendacia crescit. Quis enim ab istis in secreto stridentibus viperis immunis est, quæ venenatis suis censuris & furris sæpe optimos viros subvertunt? *Fama malum? an quia plurimum mendax? quæ ne tunc quidem, cum aliquid veri*

*veri affert, sine mendacii vitio est, detrahens, abjiciens, demutans de veritate?* Tertull. Apol. c. 6. Est & hoc contra Sac. literas, Exod. 23, 1. *non sequeris vocem mendacii*, i. e. sinistram de aliquo famam. Levium ergò hominum, non sapientum est vanum aucupari rumorem. Non FUGA. quia etiam innocens & minimè reus fugere potest, ne de facto apprehendatur, & in carcerem indignè conjiciatur. Sic nec discipulo aut servo vitio vertitur, si ad tempus se subtrahat, ut iracundiam Domini aut Magistri evitet. Alcibiades citatus ab Atheniensibus ad causam capitis dicendam noluit venire, & Aristoteles quoque noluit committere, ut Athenienses bis peccent in Philosophiam. Reliqua indicia, ut *inimicitiae capitales*, sunt remota indicia; sic & *minae*, cum rarò homines minas, quas in calore præcipitant, exequantur: *inconstantia* & variatio sermonis vel etiam *trepidatio rei*, quæ non tam ex mala conscientia, quàm ex metu impendentis torturæ oriri potest: sicut illa ex lapsu memoriæ turbatæ per imminencia pericula. Sunt etiam quidam naturâ timidi, quando in publico ipsis loquendum est, quod  
vel

vel exemplo ipsius Ciceronis & Demosthenis summorum Oratorum probari posset. Cætera indicia transimus ceu remotiora: ut *frequentationem loci*, ubi aliquid patratum, *insolitum accessum*; quæ alio fine fieri possunt, quàm ut maleficium patretur, ubi unusquisque magis bonum, quàm malum præsumere debet in iis, quæ in mitiorem partem interpretari possumus; *vicinum mala fama, conversationem cum improbis*. Nam & Noah, Loth, ipseque Salvator cum improbis vixit. *Receptationem*, quæ ex ignorantia vel consanguinitate aliquando accidere potest. *auxilium ad fugam vel asylum*, quod vel miseratio vel amicitia suadet. *non impediens*, quia aliquando cum propriæ salutis periculo conjuncta est ista obviatio maleficii. *Natione infamatum*. Nam aliàs omnes Cretenses delinquentes rapiendi essent ad torturam, quia Paulus Tit. 1, 12. dixit, Cretenses semper mendaces, malas bestias, ventres pigros, & hoc testimonium verum esse. *Non eum, apud quem res furtiva inventa est*. Nam & sic Benjamin Gen. 44, 12. apud quem Scyphus Josephi inventus fuit, torqueri potuisset. Sufficiant hæc, quis



quis enim omnia omnium malefactorum indicia comprehendet? 6. Insuper non leve dubium superest. An judici sufficiant ista indicia, quæ ex rumore tantum vulgi ad aures ipsius pervenerunt: an verè etiam ista *indicia* prius judici probanda sint? Si hoc, quot testibus? Unus testis *jure divino* rejicitur, sine exceptione: an sit ocularis vel auritus. Plures testes sufficientes rarò in ejusmodi criminibus occultis adfunt. Testes singulares, pueri, minores, infames, mulieres, inimici, domestici vix fidem facient. Per tot ergo ambages Judici eundum est, usque dum ad *indicia* perveniat: deinde demum ad Quæstionem ipsam rem valdè ancipitem & periculofam, i. e. per dubium ad dubium. *Innocentius III, c. cum oporteat. 19. X. de accusationibus*, inimicos aliosque inhabiles ne quidem ad inquirendum admittit. *Augustin. l. qq. V. T. quæst. 54. mulier nullam auctoritatem habet: nec docere enim potest, nec testis esse, neque fidem dare, &c.* Quis enim in causa criminali admittere mulierem, quæ ne quidem in testamento testis est idonea. 7. Quid quod indicia ab aliquibus adferantur ridicula, ut turpe aut *málum nomen*

nomen esse indicium ad torturam; quod adeo placet Ludovic. Cares in *pract. Criminal. tract. de indiciis & tortur. indic. 29.* ut alleget exemplum Abigaelis de Marito suo Nabal loquentis 1. Sam. 25, 25. *quoniam secundum nomen suum stultus est.* At quamvis convenient rebus nomina saepe suis, id fit per accidens, quod & Quintil. l. 5. c. 10. ostendit, nomen in argumentum raro cadere, nisi cum aut ex causa datum sit, aut & ipsum alicujus cogitationis attulit causam. Nec tantum nomen esse indicium sunt, qui censent, sed & illum primum è complicibus torturæ subjiciendum esse, ut magis suspectum. Hippolyt. de Marsil. in *pract. Criminal. §. expedita. num. 52. & ad l. 1. §. 1. n. 71. ff. de Quest. Francisc. Cason. tract. de torment. c. 13. n. ult.*

Dices tandem n. 12. *Finis torturæ est ut veritas tantum exprimatur, non ut quis puniatur.* Resp Solus finis non facit rem justam, si ipsa media quavis ferè poenâ capitali acerbiora sunt. Lusus est in vocabulis, aliquem non punire, & tamen doloribus aut cruciatibus ferè enecare. *Crudeles illos vocabo, qui puniendi causam habent, modum non habent.* Sicut in Phalari, quem ajunt

*non quidem in homines innocentes, sed super humanum aut probabilem modum saviſſe.* Senec. l. 2. de Clem. 4. At dolores morte ipſa & pœna capitali non minores inferre, quid aliud eſt, quam punire. Alii adducunt Iſidorum Pe-luſiotam l. 1. Ep. 116. *Cum ſapiens veritatis inventum habeas, multiplicem tormentorum machinam, timore ad judicium utere: quandoquidem divina lex improbis te conſtituit terrorem.* Reſp. Iſidorus Monachus de eo loquitur, quod fiebat ſuo tempore, non quod fieri debuiſſet. Ivit ergo, non qua eundum erat, ſed qua ibatur. Quid ſi dicere-mus, Iſidorum erraſſe? vixit jam Theodoſii junioris tempore & pra-cticè locutus eſt, non theoricè. Vige-bat tum temporis quæſtio & tantum in diebus Quadrageſimæ, ut ex Co-dice Theodoſiano l. 9. tit. 25. patet, ſuſpendebatur. Prolixus titulus ex-tat tom. 7. Oper. Baſilici, qui eſt tit. 50. lib. 60. quemadmodum quæſtio apud Græcos fuerit exercita. Quid igitur mirum, ſi erret communem errorem. Keckermannus l. c. diſp. 32. q. 4. aliter excipit. *Si nullo planè, inquit, dolore veritas extorquenda eſſet &c. neceſſario ſequeretur, aut ſceleratos ad*  
*ſup-*



*supplicium esse trahendos, etiamsi nulla eorum propria confessio accedat, aut excentum flagitiosis vix unum esse puniendum.* sc. propter defectum in talibus criminibus testium. Resp. Quæ necessitas juris naturalis requirit confessionem. Apud Anglos quæritur Reus, quomodo decerni rem velit, monetque, respondendum esse, *Dei populi que judicio*; id postquam responderit, nempe *Dei populi que judicio decerni volo.* Schmith. l. 2. Reip. Angl. c. 26. tum *sive fateatur, sive diffiteatur, absque mora, si Duodecimi-virorum calculo condemnetur, diem ultimum obire necesse est.* id. l. c. 17. Confessionem quidem Jonæ & Achan legimus; at illa fuit spontanea, non per torturam extorta, in casibus divinitus manifestatis, ubi nulla prius aderant indicia. Si delinquens Reus *evidentibus probationibus convictus*, tamen persistat in negatione sua, condemnari potest, omissa torturâ. *Meinliche Halsgericht Ord. Art. 69.* Si desint evidentes probationes, in tantum puniendus, in quantum inquisitione est penetrabilis. Reliqua Deo committenda sunt. Actus enim ex se non cognoscibilis, non est judicabilis. At occulta post diligentem inquisitionem

Aa 2                      nem

nem non sunt cognoscibilia. Ergo. Pergit Keckernaun. Quomodo satisfaceret severissimis mandatis divinis. Exod. 22. *Maleficos ne sinas vivere.* & Deut. 19. *Non misereberis ejus, & auferos noxium sanguinem de Israël, ut bene sit tibi.* Resp. Hæc intelligenda sunt de Maleficis, quorum scelera *diligenti inquisitione* eruta sunt, aut erui potuerunt, ne sc. illa judex negligentia suâ evanescere, aut inulta transire sinat. Deut. 13, 14. *injungitur judici, ut inquirat diligenter: nec tamen ut per torturam.* Ita & Jobus 29, 16. *causas, quas non norat, investigabat.* Et Daniel in historia Susannæ v. 48. *Adeone stulti estis Israelitæ, ut filiam Israël, non disquisita causa, nec apertè cognitâ, condemnetis?* Diligenti igitur inquisitione, sed sine tortura Deus contentus erat. Si quæ verò scelera ita in secreto patrata sint, ut omnem diligentiam judicis effugerint, illa judex non tenetur punire, & Deus voluntate contentus est. Deut. 21, 7. 8.

Tandem aliud subtilius torturæ genus suadet, sc. VIGILIAS, prout fit in Hollandia, ubi *adhibito ad reum custode, qui dormire volentem semper excitet, maximorum scelerum confessiones feliciter*

*extorquentur.* Placet hæc opinio etiam Binsfeldio in *comm. in tit. C. de Malef. & Mathem.* Hippolyto de Marfil. ad l. 1. in princ. n. 55. vers. *aliud est tormentum. ff. de Quæstionib.* At hæc opinio vix *Juridicè* subsistit, multo minus *Philosophicè.* Non *Juridicè* quia illi ad essentialia Quæstionis requirunt vim & tormenta corporis. Hinc in Jure usitatissimæ phrasæ, *tormenta, torquere, interrogare per tormenta &c.* & clarissimus locus. l. item apud. 15. §. quæstionem. 41. ff. de injur. *Quæstionem intelligere debemus tormenta & CORPORA DOLOREM* ad eruendam veritatem. & post: cum igitur per vim & tormenta habita est quæstio: tunc quæstio intelligitur. At vigiliæ non in se continent dolorem corporis. Non *Philosophicè*, quia vigiliæ nimix homini mentem adimunt, turbant rationem. Tactu enim, pulsione, clamore &c. excitatur sensorium, ut sensus externi quiescere nequeant, atque ita etiam internos moveant. His autem nimium affectis spiritus animales excitantur, accenduntur, & consumuntur. Unde tandem sensuum internorum, memoriæ, imò & rationis defectus sequitur. Quis autem deliri



confessione in judicando nitetur? *No-  
 viquendam*, inquit Galenus l. 3. de *Lo-  
 eis Affectis* c. 5. *qui ob laborem in studiis  
 atque vigilas memoriam penè amiserat,  
 laesa etiam ratione.* Taceo alios mor-  
 bos, qui ex nimis vigiliis oriri pos-  
 sunt. Hippoc. l. 2. Aph. 3. *Somnus &  
 Vigilia, si modum excefferint, malum.* &  
 l. 7. Aph. 18. *Propter Vigiliam* *σπασ-  
 μὸς ἢ ὠδὲ φθορὴν*, convulsio aut desipien-  
 tia. Galenus ibid. *Maximam vacuan-  
 di & exsiccandi vim habent Vigilia,* atque  
*propterea à siccitate convulsionem adfert &  
 desipientiam.* Altera ratio esse potest  
 quia jurisdictio Civilis per se non ver-  
 satur circa *actus internos.* Ratio est,  
 quia *potestas coactiva* se eò usque ad in-  
 terna non extendit. *Cogitationis pœ-  
 nam*, inquit Imperator & Pontifex  
 c. 14. dist. 1. de Pœnit. *nemo patitur.*  
 Cur? quia *vis coactiva*, quam Philoso-  
 phus. 10. Eth. c. ult. in omnibus man-  
 datis & legibus requirit, eò usque se  
 non extendit, neque ad id ut *sensum  
 communem* & *πρῶτον αἰσθητικόν* homo  
 semper in actu conservet, per quem  
 deinde spiritus animales deriventur  
 in sensus externos. Hæc enim sunt  
 supra forum civile; & homo homini  
 non subicitur secundum animam, sed  
 secun-

secundum corpus. *Corpora obnoxia sunt & adscripta dominis, mens sui juris est,* inquit Seneca. 3. de benef. c. 20. Potest quidem aliquando, quatenus conexi sunt externus & internus, unumque actum completum humanum constituunt, indirectè & per quandam consecutionem, actum internum præcipere, sed si iste non sit ultra naturam. Nam sic ἀδυνατήσῃ, inquit Philosophus. c. 1. de som. & Vigil. *fatiscet.* Insuper nullam habet hæc coacta vigilia proportionem ad torturam, sicut dolores corporis habere videntur; est & contra naturam, vim interioribus animæ potentiis inferre.

Dices. At sæpe militi vigilias injungit Imperator, punitque si in excubiis dormientem inveniat. Resp. injungit, sed non supra naturæ vires, ita ut Vis facienda sit sensibus, sicuti in ejusmodi torturis. Potest enim homo per multas horas vigilare sine naturæ gravamine; præcipuè metu perculsus, & ubi periculum imminet. Rariores enim tum vapores ascendant, sensum communem occludentes. At ut per aliquos dies insomnis perduret, fieri vix potest. Omnia

ἐργα κατὰ φύσιν, inquit Philosophus I. de somno & vigilia, simul ac temporis modum exceſſerint, laſceſcant ſuccumbant-que oportet.

Atque hæc ſunt, quæ de materia præſenti meditari voluimus; non eo fine, ut conſuetudinem inveteratam abrogaremus: neque enim tam obtuſi geſtamus pectora Pœni: ſcimus ſemper Practicos Jctos juſ tractaturos, quatenus manu & conſtitutionibus tenetur. ſed quia nobis, qui Philoſophiam juſ theoricè ſcrutamur, & quatenus ratione tenetur, altera ſententia videtur tutior. Exemplo nobis eſſe poſſunt ipſi Jcti, qui ſæpè in Praxi aliud obſervant: ſi verò deinde theoricè rem examinent, diverſam ſectantur opinionem. Ingenia Studioſorum hoc paradoxo tantum exercere voluimus exemplo Ciceronis, qui itidem paradoxa ludens ſcripſit; nec ſemper ſeriò diſputavit, imo & Catonis, qui ſæpe, cum in SENATU ſententiam diceret, locos graves tractavit, abhorrentes ab hoc uſu forenſi & publico. Cur non & nobis in Scholis liceret Studioſos paradoxo aliquo propoſito ad veritatem indagandam excitare?



\*\*\*\*\*  
\*\*\*\*\*

# I N D E X

Capitum Libri de Tortura.

Parte Prima.

*Praefatio authoris.* Pag. 1.

*Quid sit Quaestio in Criminalibus,  
quando & unde orta.* Cap I.

Pag. 3.

*Ex ipsismet Roman. Legum condito-  
ribus & interpretibus torturae  
falsitas asseritur.* II. 12.

*Ordinem antiquum judiciorum &  
Divinae legis sancita perpe-  
ram in judiciis Criminalibus  
antiquari.* III. 15.

*Ex atrocitate torturae Confessionum  
vi extortarum incerta fides  
arguitur.* IV. 20.

*Tullii super torturae veritate testi-  
monium ex ipso Tullio refelli-  
tur.* V. 40.

*Expenditur abusiva tortura repe-  
titio.* VI. 44.

*Expenditur legum Romanarum Col-*

A a 5

lecto-

## INDEX.

*lectorum probitas, Caesarum-  
que etiam Christianorum in  
sanciendo jure diligentia.*

Cap. VII. p. 63.

*An tutè credatur consciis ejusdem  
Criminis de quo queritur,  
quicquid strepant humana  
leges.*

II. 72.

*An privilegia Majestatis humana  
ritè adaptentur Divina Maje-  
stati, quidque intersit inter  
utramque.*

IX. 75.

*Iterum expenduntur verba Romana  
legis, super fide tortura adhi-  
benda quovis tempore.*

X. 96.

*Expenduntur Theologorum Crimi-  
nalia, quos vocant Quasito-  
res, placita super corpore de-  
lictì in sortilegiis.*

XI. 114.

*Expenduntur pugnantes ex dia-  
metro contrariorum senten-  
tia.*

XII. 130.

## Parte Secunda.

*Proœmium.*

pag. 137.

*Pra-*

# INDEX.

*Premissorum hætenus Anacepha-*  
*leosis. Cap. I. p. 139.*

*Quàm latè porrigant sortilegii*  
*Quæitores Demonum in ma-*  
*gicis operibus potentiam. II. 163.*

*Sagis & Sortilegis complices indi-*  
*dicantibus non credendum.*  
III. 170.

*Sagas ut plurimum ad Orgia cor-*  
*poraliter non de vehi. IV. 175.*

*An sortilegium ex Orbe deleri possi-*  
*bile sit. V. 178.*

*Quid arbitrio Quæitorum relin-*  
*quendum circa torturam.*  
VI. 183.

*His in processibus quàm fædi abusus*  
*irrepserint, præter antiqui*  
*juris formulas. VII. 189.*

*Exploduntur tortorum indicia va-*  
*naque Quæitorum indagines.*  
VIII. 192.

*Iterum ad lancem revocatur Orgio-*  
*rum vanitas & illusio. IX. 195.*

*Insigni ævi nostri exemplo probatur*  
*tortura fallacia. X. 214.*

*Enu-*



# INDEX.

- Enucleantur absurda quibus doctrina Quæditorum sortilegii unde quaque scatet.* XI. 219.
- Antiquorum de tortura Controversiæ & judicia.* XII. 225.
- Expenduntur Juris Pontificii decreta circa torturam.* XIII. 230.
- Nullam dari paritatem inter Confessionem Sacramentalem, & voces tormentis expressas.* XIV. 235.
- Ultimum torture assertorum argumentum ab eo quod sæpius usu venit, in eos retorquetur.* XV. 242.
- Spinei Quæditorumque sortilegii levitas arguitur, Daemonem ipsum in testem admittentium.* XVI. 253.
- Horrenda non minus quàm absurda Delirii placita circa torturam.* XVII. 256.
- Torturæ auctoritas ab ipso fonte repetita iterum & novissimo ictu radicalitus extirpatur.* XIX. 262.
- Instructio pro formandis processibus in causis strygun, sortilegorum &*

# INDEX.

*& maleficorum, ex Diplomate  
ſeu Programmate Romæ typis  
excuso.* . p. 271.

## I N D E X

Argumentorum pro negativa,  
ad Paradoxon de Tortura in Chri-  
ſtiana Rep. non exercenda, Ja-  
cobi Schalleri.

*A Silentio SS. Literarum.* §. 1. pag. 1.

*Ab Exemplis aliarum Rerump.* §. 2.  
p. 17.

*A prima Origine.* §. 3. p. 18.

*A Proportionē quæſtionis & pænæ.*  
§. 4. p. 19.

*A Defectu libertatis.* §. 5. p. 26.

*A Defectu certitudinis.* §. 6. p. 28.

*Ab Officio Judicis.* §. 7. p. 42.

*Ab Horrore Naturæ.* §. 8. p. 49.

*A Veterum iniquitate.* §. 9. p. 50.

*Ex Comparatione cum Censura Ec-  
cleſiaſtica.* §. 10. p. 53.

*A multis difficultatibus.* §. 11. p. 54.

*A paucitate personarum.* §. 12. p. 56.

*Reſpondetur ad contrariam Senten-  
tiam.* p. 58. &c.

## F I N I S.